


Jus Canium Reiffenstaela



1777

1777

ol

T

PI

Q

A.

P.

S

SUPPLEMENTUM
AD
THEOLOGIAM
MORALEM,

REV. PAT.
ANACLETI REIFFENSTUEL,

CONTINENS
SUCCINCTAM DECLARATIONEM
PROPOSITIONUM DAMNATARUM, JUXTA
QUADRUPLICEM THEOLOGIAM, MYSTICAM
POLEMICAM, SPECULATIVAM,
ET MORALEM.

Bibliotheca Monasterii Placentini
Ord. S. Patris AUTHORE R. P. *Benedicti*

MASSÆO KESSLINGER, *ad S. M.*

ORD. MIN. S. FRANCISCI STRICT. OBSERV.
PROVINC. BAVARIE TERTIO EX-PROVINCIALI,
SS. THEOL. ET SS. CAN. LECTOR JUBIL. *Ord. M.*

UNA

CUM INDICE TOTIUS OPERIS.

CUM PERMISSU SUPERIORUM.

Sumptibus JOAN. URBANI GASTL,
Bibliopolæ Monacens. & Pedepohtani,
MDCCLXI.

SUPPLEMENTUM
THEOLOGICUM
MORALE

REV. T. C. ...
ANAGNETI R. B. ...

...
...
...
...
...

...
...
...
...
...

...
...
...
...
...

...
...
...
...
...

...
...
...
...
...

...
...
...
...
...

...
...
...
...
...

...
...
...
...
...

by Biem. J. I. 5. (6)



PRÆFATIO

AD RR. DD. ET PP.

NEO-CONFESSARIOS.

VESTRO, ac communi
ut ferviam commodo,
atque utilitati publicæ;

A 2

ex

ex ordinatione & annutu Colendissimorum Superiorum meorum paucis abhinc annis ad Theologiam Moralem nostri Reverend. P. Anacleti Reiffenstuel, composui Additiones. Labor iste meus, utut exiguus, ultra omne Auctoris meritum, adeo benigne receptus erat, ut plura millia earumdem Additionum Exemplaria in Germania aliisque locis iterato edita, distracta jam fuerint. Hæc eximia Lectorum benevolentia animum addidit, pro majori Neo-

Neo - Confessariorum utilitate
Succinctam hanc Damnatarum
Propositionum Declarationem,
tamquam ipsius Theologiæ
Complementum, publicis, ex
multorum consilio, vulgandi
typis, ut absolutis feliciter ve-
stris studiis, antequam actua-
lem animarum curam exercea-
tis, opusculum istud pro tem-
pore bene viso, attenta revol-
vatis mente, vobis exinde in
tanta sententiarum varietate
solicite præcavendo, ne in sa-
cro Tribunali vel in nimiam

laxitatem, vel etiam in nimium rigorem (utrumque enim Summus Pontifex in Propositionibus damnatis reprobatur,) declinetis. Unum adhuc scire vos cupio RR. DD. ac PP. Neo-Confessarii, nimirum, me Declarationi Propositionum Damnarum, *Theologiam Moralem* respicientium, ideo adjunxisse compendiosam Explicationem Propositionum ad *Theologiam Mysticam*, vel *Polemicam*, & ex parte ad *Speculativam* spectantium; partim ut, si forsan non-

nul-

nulli, apud mundum famam
sanctitatis occulte anhelantes,
vestrum frequentent Confes-
sionale (prout similes ordina-
rie solent, ad fraudes magis
tegendas, accedere minus ad-
huc in praxi expertos,) Regu-
las habeatis saltem potiores,
veras à falsis ac simulatis di-
scernendi gratiis atque donis;
partim etiam, ut inter medios
in Romano Imperio Hetero-
doxos existentes, compendio-
sam fidei vestræ rationem red-
dere, vacillantes solidare atque

instruere, & errantes in viam
veritatis reducere valeatis.
Hæc fuit unica Scribentis in-
tentio, cui si effectus non re-
spondeat, communis illius Pro-
verbii pro vestra benignitate
recordemini: *ut desint vires, ta-
men est laudanda volun-
tas. Valete.*



TEX-



TEXTUS
SACRÆ SCRIPTURÆ
QUI IN HOC OPERE
CONTINENTUR.

*Pro quorum faciliiori inventione
ad finem Textus semper adnectitur Caput,
& numerus, ubinam in-
quiri debeat.*

GENESIS.

Cap. I. v. 28. Crescite & multiplica-
mini, vid. cap. 2. hujus operis, num.
104. Item num. 139.

Cap. II. v. 18. Non est bonum hominem
esse solum, faciamus ei adiutorium si-
mile sibi. c. 2. num. 139.

Cap. XIV. v. 18. Melchisedech. . . profe-
rens panem & vinum; erat enim Sacer-
dos DEI altissimi, c. 2. n. 109. & n. III.

Cap. XXVIII. v. 20. Vovit etiam votum. . .
Lapis iste, quem erexi in titulum, vo-
cabitur Domus DEI. c. 2. n. 136.

LEVITICI.

Cap. XIX. v. 18. Non quæras ultionem,
c. 4. n. 29.

NUMERI.

Cap. XI. v. 15. Obsecro ut interficias me.
c. 4. n. 49.

DEUTERONOMII.

Cap. IX. v. 21. Peccatum autem vestrum,
quod feceratis, id est vitulum. c. 2. n. 16.

Cap.

Cap. XXIII. v. 21. Cum Votum voveris Domino DEO tuo, non tardabis reddere; quia requireret illud Dominus DEus tuus, & si moratus fueris, reputabitur tibi in peccatum. c. 2. n. 137.

Cap. XXX. v. 19. Testes invoco hodie cœlum & terram, quod proposuerim vobis vitam & Mortem, Benedictionem & maledictionem. c. 2. n. 174.

REGUM I.

Cap. XV. v. 22. Melior est obedientia quam victimæ. c. 2. n. 135.

II.

Cap. XII. v. 13. 14. Peccavi. . . Dominus transtulit peccatum tuum. c. 2. n. 48.

Cap. XVI. v. 10. Dominus præcepit ei, ut malediceret David. c. 2. n. 168.

III.

Cap. XIX. v. 4. Petivit animæ suæ, ut moreretur. c. 4. n. 79.

Cap.

Cap. XXII. v. 20. Quis decipiet Achab. &c.
c. 2. n. 167.

T O B I Æ.

Cap. XII. v. 9. Eleemosyna à morte liberat,
& ipsa est, quæ purgat peccata. c. 3. n. 45.

J O B.

Cap. V. v. 6. Ad aliquem Sanctorum con-
vertere. c. 2. n. 86.

EX PSALMIS.

Psal. II. v. 13. Beati omnes, qui confidunt
in eo. c. 1. n. 19.

Psal. V. v. 5. Non DEUS volens iniquitatem
tuam. c. 2. n. 166.

Psal. XXXI. v. 1. Beati quorum remissæ
sunt iniquitates, & quorum tecta sunt
peccata. c. 2. n. 55.

Psal. XXXIII. v. 8. Beatus vir qui sperat in
eo. c. 1. n. 19.

Psal.

Pfal. CXVIII. v. 112. Inclinaui cor meum
ad faciendas justificationes tuas. . . pro-
pter retributionem. c. 3. n. 45.

Pfal. CXXVII. v. 1. Beati omnes, qui timent
Dominum. c. 1. n. 19.

PROVERBIORUM.

Cap. I. v. 24. Vocavi & renuistis. c. 2. n. 179.
& c. 3. n. 33.

ECCLESIASTIS.

Cap. IX. v. 5. Viventes sciunt se esse mori-
turos, mortui vero nihil noverunt am-
plius. c. 2. n. 89.

Cap. XI. v. 3. Si ceciderit lignum ad Au-
strum; aut ad Aquilonem. c. 2. n. 153.

SAPIENTIÆ.

Cap. I. v. 13. DEus mortem non fecit, nec
lætatur in perditione vivorum. c. 2. n. 165.

Cap.

Cap. XIV. v. 9. Odio sunt DEO impius, & impietas ejus. c. 2. n. 166.

ECCLESIASTICI.

Cap. III. v. 17. Melior est mors quam vita amara. c. 4. n. 77.

Eod. v. 33. Eleemosyna resistit peccatis, c. 3. num. 45.

Cap. V. v. 8. Non tardes converti ad Dominum, & ne differas de die in diem; subito enim veniet ira illius, & in tempore vindictæ disperdet te. c. 3. n. 57.

Cap. XVI. v. 15. Unicuique secundum meritum operum suorum. c. 2. n. 144.

I S A I Æ.

Cap. XLIII. v. 25. Ego sum ipse, qui deleo iniquitates tuas. c. 2. n. 55.

Cap. LXIII. v. 16. Abraham nescivit nos, & Israel ignoravit nos. c. 2. n. 89.

JEREMIÆ.

Cap. XVIII. v. 8. Si pœnitentiam egerit gens illa à malo suo, agam & ego pœnitentiam super malo, quod cogitavi ut facerem ei. *cap. 2. num. 48.*

EZECHIELIS.

Cap. XIV. v. 9. Ego Dominus decepi Prophetam illum. *c. 2. n. 167.*

Eod. v. 4. Anima quæ peccaverit, ipsa morietur. *c. 2. n. 162.*

Cap. XVIII. v. 23. & 32. Numquid voluntatis meæ est mors impii, dicit Dominus. *c. 2. n. 165.*

Eod. v. 24. & 26. Si averterit se justus à justitia sua, & fecerit iniquitatem... Morietur. *c. 2. n. 161.*

Cap. XXXIII. v. 11. Convertimini à viis vestris pessimis. *c. 3. n. 26.*

OSEÆ.

Cap. XII. v. 4. Jacob invaluit ad Angelum, ... flevit, & rogavit eum. *c. 2. n. 86.*
Cap.

Cap. XIII. v. 9. Perditio tua ex te Israel.
c. 2. n. 165.

MALACHIÆ.

Cap. I. v. 3. Dilexi Jacob, Esau autem odio habui. c. 2. n. 169.

MACHABÆORUM II.

Cap. XII. v. 43. Duodecim millia Drachmas argenti misit Jerosolymam offerri pro peccatis mortuorum sacrificium. c. 2. n. 114.

Eod. v. 46. Sancta & salubris est cogitatio pro defunctis exorare, ut à peccatis solvantur. c. 2. n. 153.

EX EVANGELIIS MATTHÆI.

Cap. V. v. 22. Qui dixerit fratri suo *Raca*, reus erit Concilio, qui autem dixerit, *Fatue*, reus erit gehennæ ignis. c. 2. n. 153.

Cap. XIV. v. 31. Modicæ fidei quare dubitasti. c. 3. n. 83.

Cap.

Cap. XV. v. 11. Non quod intrat in Os coinquinat hominem, sed quod procedit ex ore, hoc coinquinat hominem. *c. 2. n. 127.*

Cap. XVI. v. 18. Tu es Petrus, & super hanc Petram ædificabo Ecclesiam meam. *prol. q. 1. num. 6.*

Eod. v. 19. Tibi dabo claves Regni cœlorum... quodcumque solveris super terram, erit solutum & in cœlis. *c. 2. n. 155. & c. 3. n. 60.*

Eod. v. 24. Si quis vult venire post me, abneget semetipsum. *c. 2. n. 135.*

Cap. XVII. v. 27. Filius hominis venturus est in gloria Patris sui cum Angelis suis, & tunc reddet unicuique secundum opera ejus. *c. 2. n. 144.*

Cap. XVIII. v. 15. & seqq. Si peccaverit in te frater tuus, vade & corripe eum... quod si non audierit eos, dic Ecclesiæ. *c. 4. n. 13.*

Eod. v. 17. Si Ecclesiam non audierit, sit tibi sicut ethnicus & publicanus. *c. 2. n. 125.*

Cap. XIX. v. 7. Ad duritiem cordis vestri permisit vobis dimittere uxores vestras. *c. 2. n. 168.*

P. Anac. Reiffenstuel Theol. Supplem. B Eod.

Eod. v. 17. Si vis ad vitam ingredi serva mandata. c. 2. n. 22.

Eod. v. 21. Si vis perfectus esse, vade, vende quæ habes, & da pauperibus, & habebis thesaurum in cœlo. c. 2. n. 135.

Cap. XX. v. 16. Multi vocati, pauci electi. c. 3. num. 3.

Cap. XX. v. 28. Filius hominis venit. . . dare animum suam, redemptionem pro multis. c. 3. n. 20.

Cap. XXII. v. 37. & 39. Diliges Dominum DEUM tuum &c. & diliges proximum tuum sicut teipsum. c. 4. n. 72.

Cap. XXV. v. 35. Venite benedicti Patris mei, possidete regnum &c. esurivi enim, & dedistis mihi manducare &c. c. 2. n. 80.

Cap. XXVI. v. 11. Me autem non semper habetis. c. 2. n. 187.

Eod. v. 26. & 28. Hoc est corpus meum. Hic est enim Sanguis meus. cap. 2. n. 34. & num. 182.

Eod. v. 28. Bibite ex hoc omnes: & v. 26. accipite & comedite. c. 2. n. 93. & 99.

Eod.

Eod. v. 28. Hic est. . . Sanguis meus novi testamenti, qui pro multis effundetur. *cap. 3. num. 29.*

Eod. v. 53. Exhibebit mihi modo plusquam duodecim legiones Angelorum. *cap. 4. num. 27.*

Cap. XXVIII. v. 19. Docere omnes gentes, baptizantes eos. *c. 2. n. 53.*

Eod. v. 20. Ego vobiscum sum omnibus diebus usque ad consummationem sæculi. *cap. 2. num. 118.*

M A R C I.

Cap. X. v. 5. Ad duritiam cordis vestri scripsit vobis præceptum istum. *c. 2. n. 168.*

Cap. XIV. v. 23. Et biberunt ex illo omnes. *c. 2. n. 93.*

Cap. XVI. v. 16. Qui crediderit & baptizatus fuerit. *c. 2. n. 32. & n. 53.*

Cap. ult. v. 16. Qui non crediderit, condemnabitur. *c. 4. n. 2.*

L U C Æ.

Cap. VII. v. 47. Remittuntur ei peccata multa, quoniam dilexit multum. *c. 2. n. 18.*

Cap. IX. v. 26. Qui me erubuerit, & meos sermones, hunc filius hominis erubescet, cum venerit in Majestate sua. *c. 4. n. 80.*

Cap. X. v. 8. Manducate, quæ apponuntur vobis. *c. 2. n. 127.*

Cap. XI. v. 41. Quod superest date elemosynam. *c. 4. n. 73.*

Cap. XII. v. 47. Servus qui cognovit voluntatem Domini sui. . . & non fecit, vapulabit multis. *c. 2. n. 162.*

Cap. XIII. v. 3. Nisi poenitentiam habueritis, omnes similiter peribitis. *c. 2. n. 57.*

Cap. XVII. v. 10. Vos cum feceritis omnia, quæ præcepta sunt vobis, dicite, servi inutiles sumus, quod debuimus facere, fecimus. *c. 2. n. 24.*

Cap. XXII. v. 19. Hoc facite in meam commerationem. *c. 2. n. 98. & iii.*

Cap.

Cap. XXIII. v. 34. Pater dimitte illis. *c. 3. n. 38.*

Cap. XXIV. v. 30. Accepit panem, & benedixit, ac fregit, & porrigebat illis. Et aperti sunt oculi eorum, & cognoverunt eum. *c. 2. n. 101.*

J O A N N I S.

Cap. I. v. 29. Ecce... qui tollit peccatum Mundi. *c. 2. n. 55.*

Cap. III. v. 5. Nisi quis renatus fuerit ex aqua & Spiritu Sancto, non potest introire in Regnum DEI. *c. 2. n. 165.*

Eod. v. 26. Qui credit in filium, habet vitam æternam. *c. 2. n. 19.*

Cap. VI. v. 50. Hic est panis de cœlo descendens, ut si quis ex ipso manducaverit, non moriatur; & v. 51 Si quis manducaverit ex hoc pane, vivet in æternum; & v. 59. Qui manducat hunc panem vivet in æternum. *c. 2. n. 102.*

Eod. v. 51. & 52. Si quis manducaverit ex hoc pane vivet in æternum. Panis, quem ego dabo, caro mea est pro mundi vita. c. 2. n. 54.

Eod. v. 54. Nisi manducaveritis Carnem filii hominis, & biberitis ejus Sanguinem, non habebitis vitam in vobis. c. 2. n. 186. & 102.

Eod. v. 55. Qui manducat meam Carnem, & bibit meum Sanguinem, habet vitam æternam. c. 2. n. 186.

Eod. v. 64. Spiritus est, qui vivificat, caro non prodest quidquam. c. 2. n. 186.

Cap. VIII. v. 44. Cum loquitur Mendacium, ex propriis loquitur. c. 2. n. 74.

Cap. XVII. v. 9. Non pro mundo rogo, sed pro h s quos dedisti mihi. c. 3. n. 20.

Cap. XX. v. 22, 23. Insufflavit, & dixit eis. Accipite Spiritum Sanctum; quorum remiseritis peccata, remittuntur eis. c. 2. n. 38. 46. & 98.

Cap. XXI. v. 16. Pasce agnos meos: pasce Oves meas. c. 2. n. 21.

EX ACTIBUS APOSTO-
LORUM.

Cap. II. v. 38. Baptizetur unusquisque vestrum in remissionem peccatorum. c. 2. num. 54.

Eod. v. 42. Erant perseverantes in doctrina Apostolorum, & communicatione fractionis panis. c. 2. n. 94.

Cap. III. v. 6. Argentum & aurum non est mihi. c. 2. n. 102.

Eod. v. 19. Pœnite mini, & convertimini, ut deleantur peccata vestra. c. 2. n. 18. & 57.

Cap. V. v. 15. Ut veniente Petro saltem umbra illius obumbraret quemquam illorum, & liberentur omnes ab infirmitatibus suis. c. 2. n. 150.

Cap. VII. v. 51. Dura cervice & incircumcisis cordibus. . . Vos semper Spiritui Sancto resistitis. c. 2. n. 180.

Cap. VIII. v. 12. Cum credidissent Philippo Evangelizanti de Regno DEI, in Nominē Jēsu Christi baptizabantur. c. 2. n. 53.

Cap. X. v. 4. Orationes tuæ, & Eleemosynæ tuæ ascenderunt in memoriam in conspectu. c. 3. n. 45.

Eod. v. 43. Remissionem peccatorum accipere per Nomen ejus, omnes qui credunt in eum. c. 2. n. 19.

Cap. XV. v. 20. Ut abstineant se à suffocatis & sanguine. c. 2. n. 131.

Cap. XIX. v. 12. Ita ut etiam super languidos deferrentur à Corpore ejus (*Pauli*) sudaria vel semicinctia. c. 2. n. 150.

Eod. v. 18. Multique credentium veniebant confitentes & annuntiantes actus suos. c. 2. n. 39.

EX EPISTOLIS PAULI AD ROMANOS.

Cap. I. v. 16. Evangelium virtus DEI est in salutem omni credenti. c. 2. n. 53.

Cap.

Cap. III. v. 25. JESU Christo. . . quem proposuit DEUS propitiationem per fidem in sanguine ipsius. c. 2. n. 121.

Eod. v. 28. Arbitramur hominem justificari per fidem sine operibus legis. c. 2. n. 20.

Cap. IV. v. 5. Ei qui non operatur, credenti autem in eum, qui justificat impium, reputatur fides ejus ad justitiam. c. 2. n. 20.

Cap. V. v. 1. Justificati ex fide pacem habemus ad DEUM per Dominum nostrum JESUM Christum. c. 2. n. 79.

Eod. v. 18. Sicut per unius delictum in omnes homines in condemnationem; sic & per unius justitiam in omnes homines in justificationem vitæ. c. 3. n. 18.

Cap. VI. v. 9. Christus resurgens. . . jam non moritur. c. 2. n. 92.

Cap. VII. v. 23. Video autem aliam legem in membris meis, repugnantem legi mentis meæ. c. 2. n. 15.

Cap. VIII. v. 13. Si secundum carnem vixeritis, moriemini. n. 2. n. 161.

Cap. IX. v. 11. Ut secundum electionem
propositum DEI maneret. *c. 2. n. 169.*

Eod. v. 16. Non volentis neque currentis,
sed misereantis est DEI. *c. 2. n. 169. § 179.*

Cap. X. v. 10. Corde enim creditur ad ju-
sticiam, ore autem confessio fit ad salu-
tem. *cap. 4. n. 80.*

Eod. v. 15. Quomodo prædicabunt nisi
mittantur. *c. 2. n. 21.*

Eod. v. 17. Fides ex auditu, auditus autem
per verbum Christi. *c. 2. n. 21.*

Cap. XIII. v. 2. Qui resistit potestati, Dei or-
dinationi resistit, qui autem resistunt ipsi,
sibi damnationem acquirunt. *c. 2. n. 143.*

Eod. v. 5. Ideo necessitate subditi estote,
non solum propter iram, sed etiam pro-
pter conscientiam. *ibidem.*

Cap. XV. v. 30. Obsecro vos. . . ut adjuve-
tis me in Orationibus pro me ad DEum.
cap. 2. num. 86.

AD CORINTHIOS I.

Cap. III. v. 13. Uniuscujusque opus quale
sit, ignis probabit. *c. 2. n. 153.*

Cap.

Cap. VI. v. 9. 10. Neque fornicarii, neque Molles, neque Adulteri. . . Regnum DEI possidebunt. c. 1. n. 7. & c. 4. n. 110.

Eod. v. 11. Sed abluti estis. c. 2. n. 15. & n. 55.

Cap. VII. v. 2. Propter fornicationem autem unusquisque suam uxorem habeat. c. 2. n. 104. 106. & 139.

Eod. v. 8. Dico autem non nuptis & viduis, bonum est illis, si sic permaneant sicut & ego. c. 2. n. 135.

Eod. v. 9. Melius est nubere quam uri. c. 2. n. 104. & 106.

Eod. v. 38. 40. Qui matrimonio jungit Virginem suam, bene facit; qui non jungit melius facit. Beatior erit si sic permanferit secundum meum consilium. c. 2. n. 105.

Cap. X. v. 16. Panem quem frangimus nonne participatio Corporis Domini est. c. 2. n. 94.

Eod. v. 25. Omne quod in Macello venit, manducate nihil interrogantes propter conscientiam. c. 2. n. 130.

Cap.

Cap. XI. v. 25. Hoc facite quotiescunque
bibetis in meam commemorationem.
c. 2. n. 98. & 100.

Eod. v. 29. Qui manducat & bibit indi-
gne &c. *c. 2. n. 102.*

Eod. v. 34. Cætera cum venero disponam.
cap. 2. num. 96.

Cap. XIII. v. 12. Si habuero omnem fidem,
ita ut montes transferam, charitatem
autem non habuero, nihil sum. *c. 2. n. 81.*

AD CORINTHIOS II.

Cap. I. v. 21. Confirmat Nos Vobiscum in
Christo, & qui unxit Nos DEus, qui &
signavit Nos. *c. 2. n. 57.*

Cap. V. v. 15. Pro omnibus mortuus est
Christus. *c. 2. n. 172. & 180.*

Cap. VI. v. 1. Ne in vacuum gratiam DEI
recipiatis. *c. 3. n. 31.*

AD EPHESIOS.

Cap. II. v. 8. & seqq. Gratia salvati estis per
fidem, & hoc non ex vobis. *c. 2. n. 20.*

AD

AD COLOSSENSES.

Cap. II. v. 16. Nemo. . . vos judicet in cibo
& potu, aut in parte Diei festi, aut Neomeniæ, aut Sabbatorum. c. 2. n. 129.

Eod. v. 21. Ne tetigeritis, neque gustaveritis. *ibidem*.

Eod. v. 20. Si ergo mortui estis cum Christo
ab elementis hujus Mundi: quid adhuc
tanquam viventes in mundo decernitis? *cap. 2. num. 143.*

Cap. IV. v. 2. Orationi instate. . . orantes
simul & pro nobis. c. 2. n. 86.

AD THESSALONICENSES I.

Cap. V, 16. Sine intermissione orate. *c. 1. n. 7.*

AD TIMOTHEUM I.

Cap. II. v. 3. & c. Obsecro igitur. . . qui omnes
homines vult salvos fieri. c. 2. n. 165. & 180.

Eod. v. 5. Unus est Mediator DEI & hominum
Homo Christus Jesus. c. 2. n. 88.

Eod. v. 6. Christus qui dedit redemptionem
semetipsum pro omnibus. c. 3. n. 18.

Cap.

Cap. III. v. 2. Oportet Episcopum. . . esse
unius Uxoris virum. c. 2. n. 104. & 106.

Cap. IV. v. 1. & 3. Discedent quidam à fide
attendentes *Spiritibus erroris, & Doctri-
nis Demoniorum*. . . prohibentium nu-
bere, abstinere à cibis quos DEUS creavit
ad percipiendum cum gratiarum actio-
ne. c. 2. n. 104. & 128.

Cap. V. v. 11. 12. Cum luxuriatæ fuerint in
Christo nubere volunt, habentes damna-
tionem, quia primam fidem irritam fe-
cerunt. c. 2. n. 137.

Cap. VI. v. 17. Divitibus hujus sæculi præ-
cipe. . . facile tribuere. c. 4. n. 74.

AD TIMOTHEUM II.

Cap. II. v. 20. In Magna autem Domo non
solum sunt vasa aurea & argentea &c.
c. 2. n. 159.

AD TITUM.

Cap. I. v. 7. Oportet enim Episcopum esse. . .
sobrium, sanctum, continentem. c. 2. n. 106.

Cap.

Cap. III. v. 10. Hæreticum post unam, & secundam correptionem devita. *c. 2. n. 189.*

AD HEBRÆOS.

Cap. V. v. 1. Omnis pontifex ex hominibus constituitur in iis quæ sunt ad DEUM, ut offerat dona, & sacrificia pro peccatis. *c. 2. n. 113.*

Eod. v. 4. Nec quisquam sumit sibi honorem, sed qui vocatur à DEO, tanquam Aaron. *c. 2. n. 21.*

Eod. v. 6. Tu es Sacerdos in æternum secundum ordinem Melchisedech. *c. 2. n. 111.*

Cap. IX. v. 28. Christus semel oblatus est ad multorum exhaurienda peccata. *c. 2. n. 120.*

Cap. X. v. 10. Sanctificati sumus per oblationem Corporis Jesu Christi. *ibidem.*

Eod. v. 14. Una Oblatione consummavit in sempiternum sanctificatos. *ibidem.*

Cap. XI. v. 4. Plurimam hostiam Abel obtulit DEO. *ibidem num. 121.*

Eod. v. 6. Sine fide impossibile est placere DEO. *c. 2. n. 163.*

Eod. v. 6. Credere oportet accedentem ad DEUM, quia est, & inquirentibus se remunerator sit. *c. 4. n. 84.*

32 *TEXTUS SACRÆ SCRIPTURÆ.*

EX EPISTOLA II. PETRI.

Cap. I. v. 10. Fratres magis satagite, ut per bona opera certam vestram vocationem & electionem faciatis. *c. 1. n. 7.*

EX EPISTOLA I. JOANNIS.

Cap. I. v. 7. Sanguis JESU Christi emundat nos ab omni peccato. *c. 2. n. 15.*

Cap. III. v. 3. Videbitus eum sicuti est, & omnis qui habet hanc spem in eo, sanctificat se, sicut & ille sanctus est. *c. 2. n. 18.*

Eod. v. 15. Qui non diligit, manet in morte. *c. 2. n. 18. & c. 4. n. 2.*

EX APOCALYPSI.

Cap. VII. v. 4. Et audivi Numerum Signatorum, & v. 9. stantes ante thronum, & in conspectu Agni. *c. 3. n. 46.*

Cap. XXII. v. 11. Qui justus est justificetur adhuc. *c. 1. n. 7.*



PRO-



PROLEGOMENA

DE

PROPOSITIONIBUS DAMNATIS IN GENERE.

QUÆSTIO I.

*De infallibilitate Summi Pontificis
in damnatis Propositionibus quod ma-
teriam Fidei, & Mortis.*

NUMERUS I.

IN ECCLESIA ILLA, quæ ab Apostolo 1.
Ad Thim. 3. pronunciat *Columna & firma-
mentum veritatis*, & adversus quam, juxta
infallibile Christi effatum Matth. cap. 16.
Porte inferi non prevalebunt, sane necessarius
P. Anaclet. Reiffenstuel Theol. Supplem. C est

est supremus Controversiarum Judex, qui exortis sapissime in materia fidei, ac morum diversis quæstionibus, & utraque parte contradictoria, apparentes pro se adducente Sacræ Scripturæ textus, litibus hisce finem imponat, ac Divino collustratus lumine, nec non adpromisso Ecclesiæ Joan. cap. 14. v. 17. *Spiritu veritatis* adjutus, auctoritative decideret, quænam doctrina vera, quænam falsa atque hæretica, quænam populo salutaris, quænam pestifera, & in praxi noxia existat.

II.

Judice hoc supremo, ad resolvenda in materiis fidei & morum dubia, atque ad obtinendam exinde in credendo veritatem, & in operando securitatem, adeo necessario, infelices carent A catholici. Equidem pro decisione ad sacram refugium Scripturam; dum ergo unus (E. G. Lutherus circa Eucharistiam) sic alius (puta Calvinus in eadem Controversia priori contrarius) aliter textus sacræ paginæ interpretantur; ambo plane, si rem ipsam adeo gravem, à qua salus æterna penderet, absque ulla animi passione inspicere volumus, de veritate incerti manent, etsi cæteroquin potius Herculi clavum, quam pertinacibus hisce, eorumque sectatoribus suam cuilibet sententiam extorqueres. Sic pari infelicitate intra semetipsos ad invicem pugnant Lutherani: rigidi contra moderatos: moderati contra rigidos. Alii bona opera præcepta, ac à Christo mandata ajunt;

ajunt; alii eadem pernicioſa aſſerunt. Alii *Librum Concordiæ* (prout omnia patebunt ex dicendis Cap. II.) recipiunt quaſi Symbolum ſuæ Fidei: alii autem eundem non ſolum non recipiunt, ſed mille etiam convitiis dilacerant. En infelicitatem A catholicorum!

III.

Feliciores cenſentur jure merito Catholico-Romani, quamvis enim etiam iſti tam in materia fidei, quam morum claros Sacræ Scripturæ textus omnino admittant, tanquam infallibilem credendi Regulam: quoniam verò jactata ab Heterodoxis claritas non ubique (alias enim ipſimet Heretici magis inter ſe convenirent) in ſacra reperitur pagina, neceſſarium veri Catholici inſuper recognoſcunt ſupremum aliquem viſibilem in terris Judicem nimirum Summum Pontificem, Chriſti Vicarium, ac Petri Succeſſorem, in reſolvendis, ac decidendis ſimilibus controverſiis, dum loquitur cum aliquo Concilio Generali, quatenus Eccleſiam univerſalem repræſentante, omnino infallibilem, ut vel ſic noſtra ſit Eccleſia. *Columna illa veritatis adverſus quam portæ Inferni non prævalebunt.*

IV.

Dicitur notanter, *Summum Pontificem in Decretis fidei, & morum eſſe infallibilem, ſaltem ſi loquatur una cum Concilio Generali, quatenus uni-*

versalem Ecclesiam representante. Ubi advertendum, Summum Pontificem considerari posse, vel ut se solo loquentem, vel ut decidentem una cum Ecclesia consentiente, qualis consensus adesse censetur, si E. G. Concilium Generale representans Ecclesiam, simul annuat. In *secunda* consideratione apud Catholicos contra Hæreticos, etiam post prima quatuor sæcula, in materia fidei & morum extra dubium est, decisionem fore infallibilem: In priori autem non desunt, etiam inter Catholicos, qui cum Gersone, à Castro, Adriano & aliis apud Dominicum Viva *I. Part. Trutina Theologica question. prodroma num. VII.* negativam tenent, etsi gratis concedant, non facile præsumendum esse, Summum Pontificem ex Cathedra etiam extra Generale Concilium docere errorem; quæ sententia (si P. Paulo à Lugduno in sua Theologia positiva ante quadriennium Lugduni edita *Tom. I. Tract. de Romano Pontifice fol. apud me 359.* fides habeatur) in Galliis prævalere videtur. Cæteroquin tamen altera sententia D. Thomæ, Summo Pontifici, etiam extra consensum universalis Ecclesiæ, aut Generalis Concilii, Ecclesiam universalem representantis, infallibilitatem adscribens, est communissima inter Catholicos Doctores, meoque iudicio verissima, quam Bellarminus *Lib. 4. de Pont. cap. 2.* Suarez. *Lib. 3. de fidei defensione cap. 13.* pronuntiant fere tanquam de fide certam; Banez vero fidei proximam, & noster Matthæucius in Cautela Confessarii *Part. 3. cap. 3. num. 89.* constantem omnium Theologorum, & Cano-
ni-

nistarum sensum, dummodo (quod pro semper notandum) Summus Pontifex non ut Doctor privatus, sed ex Cathedra tanquam Pontifex loquatur. Pro quo

V.

Notandum ulterius ex Dominico Viva loc. cit. num. III. Cardena in I. Crisi *dis. 9. num. 329.* & Paulo à Lugduno *hic cap. II. Notand. 3.* tunc loqui Papam ex Cathedra, quando tanquam Magister à Christo Domino constitutus Ecclesiæ suæ universali proponit ea, quæ ab omnibus indubitanter credenda aut observanda sunt. Hoc tamen fieri non solet, nisi, re prius mature perpensa, ac cum Cardinalibus & Theologis examinata. Quare si tantum incidenter, seu obiter absque prævio illo examine quædam proferat, vel sermones suos solummodo ad unum alterumve Episcopatum, aut Ordinem dirigat, non censetur loqui ex Cathedra, sive sit quæstio Juris, sive quæstio facti: Hinc in similibus ipsum, & Ecclesiam errare possibile erit, uti in terminis docet S. Thomas *quodlibet. Art. 16. dicens: In sententiis, quæ ad particularia facta pertinent, ut cum agitur de possessionibus, de criminibus, vel hujusmodi, possibile est Judicium Ecclesiæ errare propter falsos testes &c.*

VI.

Quod si verò Summus Pontifex in materia fidei, ac morum loquens de Cathedra dirigat Decreta sua ad universalem Ecclesiam, inconcussa manet superius num. IV. allegata Doctorum Catholicorum Cismontanorum [Galli nos ultramontanos vocant propter diversitatem situs] sententia de infallibilitate Summi Pontificis ex Cathedra loquentis, etiam extra Generale Concilium tam in quæstionibus Juris, quam facti talis, quæ necessariam habet connexionem cum aliqua quæstione Juris, prout de hoc sapius adhuc in libello isto recurret mentio. Profecto primis tribus sæculis ante Concilium Nicænum I. Anno Christi 325. institutum, nullum fuit aliud, saltem Generale, celebratum, & tamen plurimorum hæreses, E. G. Ebionistarum, Manichæorum, Montanistarum, Sabellianorum &c. fuerunt damnatæ; uti recte notat P. Paulus à Lugduno in Dissertatione de Hæreticis, fol. 526. & noster Henno *Tom. I. fol. apud me 210.* Insuper Catholici antiqui indubitanter tanquam dogmata fidei receperunt Decreta, & Constitutiones illas quibus Summi Pontifices damnarunt Hæreses Pelagii, & aliorum, apud Bellarminum *Lib. 4. cap. 3.* quamvis teste Dominico Viva *loc. cit. num. 7.* decisiones istæ per Summos Pontifices extra Generale Concilium contigerint. Item Concilia Arausicanum, Millevitanum, pluraque alia apud Bellarminum *loc. cit.* agnoscuntur tanquam Regula Fidei, non quidem quasi ex se habuissent ali-

aliquam infallibilitatem (utpote cum tantum fuerint Provincialia, congregata pro certa aliqua Provincia) sed quoniam pro tota Ecclesia fuerunt à Summo Pontifice confirmata: nam Papa est Petra, super quam fundatur Ecclesia, & non vice versa: utpote cum ad Petrum & successores [non ad ipsam Ecclesiam] Christus Matthæi cap. 16. v. 18. dixerit: *Tu es Petrus, & super banc Petram ædificabo Ecclesiam meam.* En! Petrus fundamentum; & Ecclesia ædificium: à fundamento in sua firmitate, & duratione dependet ædificium, non ab ædificio fundamentum.

VII.

Porro Summus Pontifex, etiam extra Concilium aliquod Generale ex Cathedra loqui censetur, uti recte advertunt Cardenas 2. Crisi d. 1. cap. 3. 4. 5. & la Croix Lib. 1. num. 203. dum sive in materia fidei, sive morum, Constitutionem suam dirigens ad universalem Ecclesiam, prævio maturo examine (uti communissime de eodem præmissio in ipsa Bulla damnationis testari solet) quasdam proscribit Propositiones velut *Hereticas*, alias tanquam *Heresi proximas*, vel *suspectas*, seu *Heresin sapientes*, vel tanquam *erroneas*, aut *laxas*, *scandalosas*, *temerarias*, *male sonantes*, *piarum aurium offensivas*, *blasphemias*, *impias*, *schismaticas* & *seditiosas*. De his omnibus occurrunt varia adhuc dubia singillarim per diversa quæsitâ solvenda hinc ponitur.

QUÆSTIO II.

Alia adhuc notabilia circa Propositiones damnatas in genere.

VIII.

QUÆR. I. quandonam Propositio aliqua damnata dicatur *Hæretica*, *Laxa* &c. Resp. *Hæretica* est propositio illa, quæ aperte, sive contrarie, sive contradictorie opponitur alicui articulo fidei. *Hæresi proxima*, quæ magnam habet affinitatem cum aliqua propositione Hæretica. *Suspecta* seu *Hæresin sapiens*, quæ nimirum ex circumstantiis videtur innuere, latentem Hæresin, E. G. quando propositio aliqua opponitur Conclusioni Theologicæ non quidem evidenter, ac omnino certo erutæ ex præmissis de fide; bene tamen probabilissime, & juxta communem Theologorum. *Erronea*, quæ opponitur non quidem immediate alicui propositioni revelatæ, bene tamen Conclusioni Theologicæ ex Revelatis præmissis, ita ut saltem una ex præmissis sit propositio revelata, & altera aliunde certa, deductæ. *Laxa* censetur, quæ in materia morum nimium relaxat frænum ad nocivam libertatem. *Scandalosa*, quæ præbet occasionem ruinæ spiritualis, unde & *pernitiosa* vocatur. *Temeraria*, quæ nullam pro se habet gravem asserendi rationem.

Male sonans, quæ abutitur vocabulis contra communem sensum Ecclesiæ: ejusmodi est propositio æquivocum habens sensum, quæ quidem potest suo modo etiam catholice intelligi, passim tamen, ut sic pronuntiata in sensu hæretico usurpatur.

Piarum aurium offensiva, quæ non solum male sonat, sed insuper in materia Religionis aliquod, si non falsum, saltem indecens affert, ex quo pietati dediti fideles merito offenduntur.

Blasphema, impia, seu injuriosa, quæ DEO B. Virgini, vel Sanctis, habentibus cum DEO habitudinem, est contumeliosa ac dehonoriativa.

Schismatica, quæ nata est inducere scissionem inter supremum Ecclesiæ Caput ejusque membra.

Seditiosa, quæ nata est excitare tumultum in subditis contra suos legitimos superiores.

IX.

Quær. 2. Quando aliqua Propositio damnatur præcise prout jacet, quomodo hoc sit intelligendum? Respond. ex la Croix Tom. I. num. 234. hos terminos sic esse intelligendos, quod propositio illa damnetur in eo sensu, quem verba habent secundum se, quatenus separata ab omni alio con-

textu; non autem in eo sensu, qui reperitur in libro Auctoris, (fortassis per antecedentia, vel subsequentia ipsum sensum verborum modificantis. Nota hic incidenter, Propositiones Michaelis Baii, Cornelii Jansenii, & Paschasii Quesnelii à Pontifice damnari non præcise prout *jacent*, sed prout pariter reperiuntur in eorum scriptis seu libris, attendendo antecedentia, & consequentia, ut sic via præcludatur futuri Sectariorum evasioni de distinctione quæstionum Juris & facti, &c.

X.

Quær. 3. An, si aliqua integra Propositio à Pontifice damnata plures sub se contineat partes, censeantur semper omnes reprobatae? Respondetur negative. Patet ab exemplo: Ponamus enim, quod aliquis docuerit sic: *Christus est verus homo, & Joseph est verus ejusdem Pater, non solum Nutritius*. Hæc propositio copulativa est damnata propter secundum membrum ejusdem, etsi primum membrum sit verissimum ac de fide. Taliter etiam Alexander VIII. An. 1690. die 24. Augusti duas integras longiores propositiones de peccato Philosophico & Theologico, ac de bonitate objectiva & formali damnavit, ubi tamen non singula contenta in ipsis reprobata censentur, prout patebit suo loco.

XI.

Quær. 4. Qualiter peccaret, qui aliquam propositionem damnatam adhuc defenderet quoad suam subsistentiam? Respondetur cum la Croix *Lib. I. num. 225.* talem peccare graviter; quia virtualiter seu interpretative ipsam potestatem summi Pontificis aggreditur, neque datur hic levitas materiæ; quia semper grave est resistere doctrinæ supremi Pastoris ex Cathedra loquentis, ac in Virtute sanctæ obedientiæ præcipientis.

Accedit, quod ordinarie soleat annexi in Bullis Excommunicatio major contra eos, qui adhuc similes propositiones defendunt: Excommunicatio major non fertur, nisi propter grave peccatum, uti suppono ex Theologia notum: Ergo.

XII.

Quær. 5. An etiam peccaret, qui tantum disputationis gratia similem propositionem defenderet? Respondeo cum la Croix *Lib. I. num. 236.* affirmative, saltem regulariter loquendo: ratio est; quia regulariter, quando à Summo Pontifice ex Cathedra loquente damnantur aliquæ propositiones, pariter inhibetur, ne de hisce deinceps *etiam disputatione tractetur, nisi forsan impugnando*, id est (uti recte la Croix) nisi ostendendo falsitatem harum propositionum. Ex quo terminis formalibus infert la Croix. *Eum, qui rationes pro simili*

simili propositione damnata proponeret inter argumentandum, & non solveret, aut infirmaret, incidere in pœnas, quia sic defenderet, auctoritatem & robur addendo. Ita ille, estque bene notandum: nam alias apud Auditores vel etiam apud ipsos Defendentes similes propositiones damnatæ pluris æstimari solent, & successive Auctoritas Pontificis damnantis vilipendi.

XIII.

Quær. 6. An, & quomodo peccaret, qui talem propositionem damnatam in praxin deduceret, seu ipsemet ageret juxta doctrinam damnatam? Ratio dubitandi est; quia etiam praxis similium Propositionum ordinarie solet in Bullis prohiberi.

Respond. I. Si quis similes propositiones ideo in praxin deducat, quia credit occulte, easdem adhuc esse veras, & Pontificem in tali damnatione errasse, peccat graviter deducendo in praxin, quamvis, ex se foret levis: E. G. *Comedere & bibere usque ad satietatem ex sola voluptate* ex se non videtur peccatum grave, sed tantum leve: si tamen aliquis ideo hoc faceret, quia judicaret, omnino id nullum esse peccatum, ne quidem veniale, & Pontificem Innocentium XI. in damnatione hujus doctrinæ errasse &c. peccaret graviter. Ratio est superiori Quæsito 4. assignata, quia nimirum virtualiter sic impugna-

pugnaret ipsam Potestatem Summi Pontificis: imo etiam totius Ecclesiæ, quæ per acceptationem similes propositiones jam agnovit ut recte damnatas.

Respond. II. Si quis mente non dissentiret à doctrina Decretorum Papalium, tales propositiones prohibentium, transgrederetur tamen illa Decreta practicando ea, quæ in damnatis propositionibus continentur, talis peccaret tantummodo leviter, si materia in illis propositionibus damnatis contenta foret levis, secus si esset gravis. Ita denuo la Croix in substantia *Lib. I. num. 227.* Ratio est, quia verosimile non videtur, quod Summus Pontifex in materia levi voluerit statuere præceptum grave, dummodo ejus Potestas decidendi virtualiter non contemnatur. Totum magis elucescit in sequenti exemplo. Doctrina est, quod non sit licitum uti restrictione pure mentali; hoc non obstante si quis eadem uteretur cum præcedentibus modificationibus in materia levi, foret tantummodo leve peccatum, secus si fieret in materia gravi, & tertio graviter præjudiciosa.

XIV.

Quær. 7. & ultimo, An, ut quis teneatur credere, & sequi Bullas, seu Decreta, quasdam propositiones damnantia, requiratur, ut illa decreta, memoratas propositiones damnantia, sint promulgata

gata in singulis Episcopatibus? Ratio dubitandi est: quia alias uti in Legibus civilibus, ita pariter in Ecclesiasticis, saltem juxta probabilem sententiam, ut obligent, requiritur promulgatio in singulis Provinciis. Hoc tamen non obstante Respond. cum la Croix *Lib. I. num. 230.* negative. Ratio disparitatis est, quia, transmissa etiam illa sententia, & paritate inter Constitutiones Ecclesiasticas ac Leges Civiles (quæ tamen à quam pluribus Canonistis non admittitur) adhuc tamen negatur alia paritas inter ipsas Constitutiones Ecclesiasticas, & illa Decreta in materia fidei & morum, in quibus ultimis (non vero in prioribus) loquitur Pontifex ex Cathedra, juxta jam dicta ex sententia communissima infallibilis in decidendo. Ex quo sequitur, certum esse, Propositiones damnatas existere tales, quales easdem declarat Papa, cum loquens ex Cathedra in materia fidei & morum, nequeat errare. Ad quid ergo opus foret promulgare in aliis Provinciis, quando NB. aliunde sufficienter constat, similes Bullas seu Decreta Romæ cum requisitis solemnitatibus fuisse promulgata?

XV.

Viderint ergo quidam &c. (respective valde pauci) in Gallia, quomodo coram DEO sufficientem rationem reddere valeant, dum Bullam *Unigenitus* ultra centum Propositiones Paschalis Quæsnellii damnantem non recipiunt. Scio quidem solitam eorum cantilenam, Pontificem sine assensu
Ec.

Ecclesiæ non esse infallibilem. Sed præterquam quod hoc ipsum juxta jam dicta, & adhuc dicenda negatur, etiam falsum est, quod Ecclesiæ non consenserit, cum respiciendo universum orbem Catholicum nullus Episcoporum eam Bullam rejecerit (uti docte advertunt nostri Galli Franciscani) præter respective paucissimos Episcopos in Gallia &c. qui tam parum consensui totius Ecclesiæ obstant, ac si in aliquo Concilio Generali unus tantum, vel alter Episcopus contradiceret.

CAPUT I.

*Continens Propositiones damnatas
à potiori respicientes Statum internum
hominis, & Theologiam Mysticam.*

THEOLOGIA Mystica, seu affectiva, equidem potius simplici mentis intuitu, intimoque cordis affectu, quam rationis discursu acquiritur, docente omnium scientiarum Magistro Christo Domino; aliqua tamen principaliora de eadem, ex celebrioribus in hoc puncto Auctoribus deprompta, adducere consultum inveni. Quare sic

§. I.

Quid sit Theologia Mystica, & quenam ejusdem principia?

I. Respondetur I. Theologia mystica Soror
qui-

quidem Scholasticæ; magis tamen experientia, quam speculatione addiscenda, est facultas, quæ hominem ducit, ac instruit ad apicem perfectionis Evangelicæ, & mediante vinculo charitatis valde intense, ad intimam cum Deo conjunctionem. Ex sancta hac cum Deo unione resultare dignoscitur, quod anima facultati huic practice, & in actu exercito dedita (præsertim si gratiam istam in perfectiori gradu possideat) omni prorsus nisu post intimam illam & supernaturalem à Dilecto suo sibi immissam conjunctionem, ad se rediens prosequatur ea, in quibus Dilectus majorem habere complacentiam ostendit; ab aliis autem tanquam à facie colubri fugiat, quæ vel à longe speciem offendendi Dilectum præferunt. Quod si subinde contrahat maculam levissimi peccati, seu imperfectionis, (prout DEUS apud similes animas ad majorem sui humiliationem etiam talia permittit.) magna non raro, non tamen inordinata, subsequitur tristitia, opera pœnitentiæ sæpe rigidissima (si tamen à Directore spirituali fuerint concessa) assumuntur, & cor Divino exæstuans amore ad intensiores Virtutum actus accenditur, semperque anima talis majorem cum Dilecto familiaritatem contrahit. Intensum hunc sponsæ suæ charitatis affectum centuplicato refundit Clementissimus DEUS amore reciproco, intimis aliquoties per extases, visiones, & revelationes se communicando, eandemque pretiosissimis donorum, & gratiarum Thesauris replendo, etsi suis temporibus ad probandam Amantis in dilectione constantiam &c. nec desint cruces, tribula-

lationes, persecutiones, ariditates, internæ derelictiones, ac præviæ purgationes, uti in Theologia mystica solent vocari.

2. Respondetur II. Ad dirigendas similes Personas debet Director spiritualis in genere Principia sequentia jam à me in supplemento & additionibus ad Theologiam moralem P. Reiffenstuel adducta observare. I. ut sese informet præcedenter in Libris celebrioribus de hac materia tractantibus, quales sunt *Opera S. Theresie, Nox S. Joannis de Cruce, Prologus galeatus Ven. Mariæ de Agreda, S. Bonaventuræ, ac Cardinalis Bona* in speciali de hac materia tractatu. Item *Paulus Zacchias* (præsertim si Quæstio intervenit circa operationes miras, utrum sint vera miracula) & *Didacus Lopez* in lucerna mystica atque *Matthæuccius* in sua Practica Theologico-Canonica; aliique plures II. Præditus esse debet non solum scientia, sed vel maxime circumspecta prudentia, ac pariter indagare in emergentia casus, quinam effectus ab ipsa natura possint procedere, & quinam non? ubi specialiter deserviunt *Quæstiones Medico-legales* Pauli Zacchiæ versatissimi Medici Romani, & Practica Theologico-Canonica ad causas Beatificationum Augustini Matthæuccii, III. Debet esse profundè humilis; alias, quamvis doctissimus, sapius impinget: DEus enim humilibus dat gratiam discernendi spiritus, ac superbis resistit. IV. Non sit facilis ad credendum. V. Teste Gersone non facile applaudit tali personæ, nec laudet præsentem, aut miretur quasi sanctam: quinimo subinde
P. Anac. Reiffenst. Theol. Supplem. D pro-

probandi causa eandem moderate increpet, ten-
tando, num forte non lateat occulta superbia, qua-
lis apud homines elatos, præsertim si non adver-
tant se probari, brevi manifestabitur, dum agre
ferent increpationes, aut minus æstimatas aut lau-
dadas suas revelationes. Profecto Dominicus Ba-
nez insignis Theologus spiritum S. Theresiæ ex-
inde cognovit. Ego (inquit initio operum S. The-
resiæ) per multos annos ejus confessiones excepi,
eamque sæpius examinavi, semper me erga illam
valde asperum & rigidum præbens: quo magis au-
tem illam humiliabam, & despiciebam, eo magis
ipsa ad meum concilium animabatur, ita se existi-
mans tutius incedere. In nulla autem Persona ma-
jorem animi sinceritatem, simplicitatem, & humili-
tatem observavi. Ita ille.

3. Respondetur III. Quoad extasin in specie
respiciat Director spiritualis ad puncta illico pro-
ponenda. I. Nequiter simulatam extasin depre-
hendi posse partim ex vita, & moribus talis per-
sonæ, partim teste Paulo Zacchia per applicationem
sternutamentorum, per fortes revulsiones, per
dolorosas ligaturas, per cucurbitulas cum multo
igne appositas, vel per inustiones & cauteria &c.
Ubi brevi ex vi doloris tales personæ ad se redi-
bunt, seu potius exinde indicabunt, se nunquam
fuisse in extasin raptas.

Observe II. Extasin in genere describi, quod
sit *Alienatio potentie imaginativæ ab aliis rebus*
cum

cum fixa detentione in certa alicujus objecti consideratione. Hæc dividitur in *naturalem*, *dæmoniacam*, & *supernaturalem*, uti recte Matthæuccius in sua Practica Theologico-Canonica *Tit. 3. cap. 3. art. 1. num. 2.* advertit cum aliis, prout nimirum ejusdem Auctor est natura, dæmon, vel ipse DEUS. Oritur autem extasis naturalis teste Matthæuccio *loc. cit.* ex valde intensa, & immoderata consideratione objecti, siue nimium dilecti, aut satis terrifici, ubi in cerebrum confluunt omnes, vel saltem potiores spiritus animales, alias sensibus externis, & potentiæ locomotivæ destinati, quibus non amplius ministrant vires sufficientes, hincque provenit, ut sensus externi, & potentia locomotiva pro eo tempore non amplius operentur, usque dum spiritus animales de novo redeant.

Observe Confessarius III. ex Paulo Zacchia, quod extasis *naturalis* in fixa detentione potentiæ imaginativæ possit versari circa Cœlestia, Angelos, & Sanctos, antea forsân per meditationem intensam phantasie repræsentatos: & quo vehementior est imaginatio, eo magis, ac plus sensus interni ac externi destituuntur suis spiritibus animalibus. Item juxta quantitatem, & qualitatem spirituum etiam longius, vel brevius durat extasis: sic teste Paulo Zacchia *Lib. 4. tit. 1. quest. 6. num. 7. & 8.* quando cerebrum fuerit debile, & spiritus multi, crassi, & melancholici, quos cerebrum debile tam cito rejicere nequit per longissimum tempus potest durare extasis naturalis, quæ etiam degenerat subinde in apoplexiam vel in Catalepsin. Ubi,

Observe Confessarius IV. quod *catalepsis* sit ille morbus, qui ferme omnem sensum, motum, & animalem virtutem, præsertim, si fortis est, destruit, maxime quoad rationalem animæ partem. *Caros* est somnus profundus sine febris, vel subsequens ad febrem; *Coma vigil* est propensio ad somnum, ubi tali morbo laborantes, etsi facile dormiant, de facili tamen etiam iterum excitantur. *Coma somnolentum* est somnus profundus differens à *Caros*, quia *Caros* à frigido, *Coma* vero magis ab humido dependet. *Suffocatio uteri* est morbus familiaris per consensum cerebri cum utero proveniens, qui, si magnus sit, mulieres tanquam mortuæ, alias tanquam semimortuæ apparent, loqui non possunt, sed tamen audiunt, quin etiam transacto paroxismo audita referunt. Hi omnes paroxismi in multis sunt consimiles cum extasi naturali, ac propterea hic descripti.

Observe Confessarius V. Quod extasis diabolica tunc contingat, cum vel diabolus immediate, vel hujus ope magi mentes hominum à sensibus externis alienant, figunt potentiam imaginativam ad certum objectum à diabolo præsentatum, in quo casu dæmon vel externos sensus modo insensibili ligat, vel impedit ne in easdem defluant spiritus animales ad officia sensuum necessarii. Tales credit Matthæuccius *loc. cit.* fuisse duas extases, quas refert S. Augustinus *Lib. 14. de Civ. Dei cap. 24.* & *lib. de cura pro mor. agenda, cap. 12.* Econtra vero extasis supernaturalis à S. Bonaventura *Lib. de 7. grad. contemplationis,*

ex D. Dionysio sic describitur, quod sit quædam voluptuosa elevatio devotæ animæ supra se deserto exteriori homine ad supernaturalem Divini amoris fontem.

Observe Confessarius VI. signa discernendi extasim supernaturalem à naturali & diabolica esse quidem difficillima; interea tamen tam à Paulo Zacchia *Lib. 4. Q. Q. Medico - Legalium Tit. 1. quest. 6.* quam à Matthæuccio in sua practica *Tit. 3. cap. 3. art. 1. uum. 12.* aliqua assignantur, ex quibus efficaciora desumo: nimirum in *extasi naturali*, si non omnia, saltem aliqua ex sequentibus occurrunt, nempe capitis diserasia seu intemperies, constitutio melancholica, sanguinis ac spirituum non naturalis constitutio. Exinde corpus, ea finita, patitur lassitudinem, ac torporem, quandam intellectus offuscationem, rerum præteritarum oblivionem, colorem conversum ad pallorem, vel livorem, seu fuscedinem: Insuper talis homo vexatur tristitia absque sufficiente causa, molestatur pandiculatione, & oscitatione frequenti, & incurrit periculum Apoplexiæ, vel Paralysis, aut Catalepsis &c. Econtra vero similia, præsertim quæ animum concernunt, abesse solent saltem potiora ab extasi supernaturali? Unde

Observe Confessarius VII. Conjecturari posse probabiliter, his absentibus, præsertim quæ animum afficiunt, adesse extasim supernaturalem, maxime si extaticus ille præditus heroicis virtutibus, post extasim non gloriatur, sed magis humilietur,

& doleat, quod ab aliis videatur, à quibus extasin, quantum est in sua potestate, celare curat: alias enim extasis etiam à diabolo provenire potest, vel immediate, vel etiam mediante natura, qua uteretur tanquam Instrumento.

Observe VIII. Confessarius ex eodem Mathæuccio & Zacchia, si extases valde frequentes sint, prudentem præsumptionem extasis potius naturalis, nisi aliunde efficacissime constet de effectu supernaturalitatis; DEus enim non solet ordinarie in tantum multiplicare miracula: interea tamen, si talis homo noscatur alias virtutibus heroicis bene probatis exornatus, & sub extasi a terra elevetur in altum, aut facto præcepto obedientiæ, etiam sub terminis extatico ignotis, aut in summo silentio, tantum mentaliter proposito (prout contigit talis probatio apud Ven. Virginem Mariam de Agreda) illico ad se redeat, crederem talem extasin, adhuc suppositis supponendis, esse potius supernaturalem, quam naturalem, aut diabolicam.

4. Respondetur IV. Circa visiones, & apparitiones talium Personarum attendat Director spiritualis I. Quod alia sit visio Corporalis, alia Imaginatoria, & alia intellectualis. Corporalis immediate procedit à sensu externo, v. g. visu, vel auditu percipiente objecta sensibilia externa vera, vel apparentia sibi proposita. Imaginatoria ea est, quæ à potentia Imaginativa, seu à sensu interno

terno primo procedit, quin eo ipso momento operatio aliqua in sensu externo præcesserit. *Intellectualis* illa est, quæ primo ab intellectu formatur per species intelligibiles, quin originem suam habeat ab his, quæ vel sensus externi prius perceperint, vel phantasia seu potentia imaginativa procedentes cognoverint. Attendat Confessarius II. Quod ex parte causæ efficientis alia dicatur visio naturalis, alia dæmoniaca, & supernaturalis. *Ultima* à DEO efficitur sive immediate, sive ministerio Angelorum. *Dæmoniaca* prodit à potestate dæmonis deludentis variis modis sensus internos, & externos, vel per alterationem humorum, & spirituum animalium, vel per subtractionem realium rerum & oppositionem aliarum, quas sive ex aëre composuit, sive aliunde concepit. *Naturalis* visio à naturali principio procedit, pro qua.

Attendat Confessarius III. Hanc ipsam naturalem visionem posse esse vel corporalem, vel imaginariam. *Corporalis* contingit sive propter vehementem imaginationem circa aliquod obiectum adeo, ut humores corporis præter ordinem commoti iрегуlarem spirituum animalium copiam tum phantasiæ, tum sensui externo deferant, propter quod quis censet, e. g. concentus Angelorum audire, aut oculis corporeis videre figuras Sanctorum sibi apparentium: sive talis visio corporea naturalis evenire etiam potest propter impedimentum in cerebro, quod confundit ordinem in sensu etiam externo, adeo, ut

Imagines phantasticas observet, ac si essent vere corpora, prout frequenter fit apud graviter infirmos, apud sanos vero, testibus D. Bonaventura & Gersoni *Tract. de probat. spirituum* prænuntiat periculum insanix. *Visio naturalis, imaginatoria* suboritur, sive paritur ex spirituum animalium commotione, sive ex immoderato voluntatis affectu, vi cuius quis vehementer applicat potentiam imaginativam, efformantem sibi varias species sensibiles, seu phantasticas circa id, quod concupiscit &c. Ita quoad omnia doctissime Matthæucius in *sua Practica Tract. 3. cap. 3. art. 1.* Attendat Confessarius IV. quod valde frequenter visiones seu apparitiones corporales, Imaginariæ, quæ creduntur provenire à DEO & Sanctis, possint esse pure naturales, præsertim apud fortiter apprehensivos, & apud fæminas maxime certis temporibus, quæ præter matricem abundant passionibus admodum acribus; hincque non raro, quod à passione natum, à veritate profectum putant; suntque præterea fæminæ naturæ magis humidæ & viscosæ; humidum autem facile commovetur, variasque figuras recipit, & viscosum difficilior, ac serius à motu cessat. In emergentia difficilioris casus legatur desuper Delrio, præsertim *Lib. 4. disquisit. mag. sect. 2. & 3.* atque apud eundem bene notentur verba Gersonis sequentis tenoris: *Hoc præcipue considerandum, qualiter cum suis confessionibus & instructionibus mulierculæ tales conversentur. Si colloctionibus continuis sub obtentu nunc crebra confessionis, nunc lon-*

longe narrationis visionum suarum, & nunc alterius cujuslibet confabulationis: expertis credite nominatim Augustino, & Bonaventuræ, vix est altera pestis vel efficacior ad nocendum, vel insaniabilior. Ita ille vir non solum doctissimus, sed & summe practicus. Attendat Confessarius V. Quod equidem, si talis persona alias noscatur, non multum dedita phantasiis &c. ac præterea sit probatæ Virtutis, maxime quoad cæcam obedientiam, & profundam humilitatem, possit Confessarius prudenter inferre, visionem esse supernaturalem, eo quidem magis, si fuerit visio pure intellectualis, aut si visioni etiam sensitivæ fuerit conjuncta talis Revelatio, quæ vix potuit esse aliâ, quam Divina. Econtra vero visio, seu apparitio prudenter inferitur deceptoria, si conjuncta Revelatio fuerit falsa, seu si res revelata sit parum utilis, excitativa discordiarum &c. Item deceptoria & diabolica erit, si in visione apparens fugiat signum Crucis, ac Sacramentalia, si nolit pronunciare sacra Nomina JESUS & Mariæ, nec ipsis reverentiam facere, si appareat forma non humana, seu bene formata, aut si primo quidem lætitiâ affert, postea tamen horrorem, turbationem, vel magnam desolationem, aut etiam tentationes ad impura: vel si abeat cum magno fœtore ac strepitu. Notentur ultimate verba formalia D. Bernardi *Serm. de utilit. Verb. Dom.* dicentis: *Se transfiguratur malignus spiritus aliquando in Angelum lucis, ut Virtutis simulatione plus noceat, sed & tunc quoque si diligenter advertimus, nunquam nisi amaritudinis,*

Et discordiæ semina spargit: suadet enim nonnullis singularia Jejunia quædam, unde cæteri scandalizentur, non quia diligit Jejunium, sed quia scandalo delectatur.

5. Respondetur V. Circa prætenſas Revelationes Director ſpiritalis ſciat recte inter Revelationem Divinam, Imaginariam, Et diabolicam diſtinguere: ante omnia ſuæ memoriæ profunde inſigat doctrinam Sancti Bernardi de Perſect. Relig. lib. 2. cap. 26. ubi ſic ait: *In omnibus revelationum Et Viſionum generibus magna cautela habenda eſt, ne falſa pro veris, noxia pro ſalutaribus, exigua pro eximiis, Et incerta pro certis recipiantur;* ſic utique, ſi extatica aliqua viſio deprehenditur naturalis, aut diabolica, Revelatio quoque ſub eadem facta non credetur Divina.

Porro Confefſarius doctus, & verſatus poteſt Revelationem Divinam ab imaginaria, vel diabolica diſcernere per quatuor genera cauſarum.

I. Ex parte cauſæ materialis perpendat, an materia revelata nil contineat contra fidem, contra communem SS. PP. aut contra bonos mores &c.
II. Ex parte cauſæ formalis attendat Confefſarius ad modum, quo Auctor illas Revelationes propoſuit, e.g. ſi ad aliquam perſonam profundæ humilitatis, & promptiſſimæ obedientiæ eadem ſit derepente abſque prævia intentione circa illud obiectum, neque eſt in poteſtate animæ ipſam non ad-

attendere. Item, si in brevissima temporis morula multa sublimia, sacratissima & ad purum Divinum amorem excitantia docet, nec non ad heroica fortificat, signum est, Revelationem provenire à Deo, quando aliunde nihil obstat. III. *Ex parte cause efficientis*, seu ex parte illius, qui proponit aliquam Revelationem, observet & probet Confessarius, etiam altero ipsam probationem non advertente, num sit valde virtuosus, præsertim fundatus in contemptu sui, & abnegatione propriæ voluntatis. Item num non nimium inclinet in melancholiam, nam teste Paulo Zacchia *lib. 4. tit. 1. à num. 14.* temperamentum melancholicum plurimum ad similia propendet, etiam prophetando futura: cum enim melancholici sint fortiter apprehensivi, & sæpe docti ex uno aliud conjecturantes, solent subinde credi prophetiæ, cum tamen fuerint solummodo conjecturæ, quibus per accidens veritas erat conjuncta. IV. *Ex parte cause finalis* respiciat confessarius, utrum similes Revelationes tendant ad majorem DEI gloriam, nec non ad notabilem utilitatem spirituales propriam, aut proximi, & non potius introducant (quamvis ad speciem bona) aliquem teporem, scrupulos, anxietates, desperationes, vel quampiam partialitatem, atque exinde in Communitate varias murmurationes, discordias &c.

§. II.

Quis fuerit Michaël Molinos, & quam turpiter à principijs Theologiæ Mysticæ aberraverit?

6. Resp. I. Michaël Molinos erat natione Hispanus, dignitate Sacerdos, in modo agendi insignis Hypocrita, qui longiori tempore Romæ moratus, ficta sua pietate multos, etiam graves Viros æque, ac devotulas decepit, & non paucos pestifera sua lue eo citius infecit, quo magis natura humana post Adæ peccatum, ob fomitem concupiscentiæ relictum alias fragilis, ad vitium carnis, cui plurimum favebat, inclinat. Tandem vulpina ejusdem nequitia fuit detecta, & Michaëlis Molinos doctrina ab Innocentio XI. Summo Pontifice Anno 1687. tanquam hæretica damnata, nec non Auctor ejusdem, postquam coram sacro Senatu, & immensa confluentium multitudine nefaria sua Dogmata publice retractavit, ad perpetuos carceres relegatus, in quibus etiam circa annum 1696. legitur mortuus.

7. Respondetur II. Michaël Molinos ex eo turpiter à principijs Theologiæ Mysticæ aberravit; quia pessime, contra Sacram Scripturam docuit animam huic Sacræ Theologiæ practicæ deditam in statu perfectissimæ unionis cum Deo ita debere suas annihilare potentias, ut, nihil etiam quoad actus Virtuosos operetur, sed tantummodo se habeat passive, Deumque solum ad intra supernaturaliter operari permittat, parum

rum curando, utrum corpus interim ad extra etiam carnaliter cum altero sexu commisceatur, aliique impudici actus exerceantur, dummodo interim anima in sua existat quiete, in qua tamen eadem perturbaretur, si potentia superiores animae inferioribus non omnia indulgerent. Ita ille. Ex quo pessimo, ac vitio carnis totaliter addicto principio, Michaël Molinos sectae *Quietistarum* dicitur Coryphæus. Repugnat autem pestiferæ huic doctrinae Sacra Pagina multipliciter, dum non solum fornicarios, molles, & adulteros à Regno Cælorum 1. Corinth. cap. 6. v. 9. clarissimè excludit, verum etiam Apocalypsis cap. 22. omnes exstimulat, ut qui iustus est, iustificetur adhuc, & sanctus sanctificetur adhuc. Item Luc. c. 18. admonet, ut semper, & 1. ad Thessalonicenses, cap. 7. ut sine intermissione oremus, & consequenter actus Virtutum exerceamus. Prout etiam exigit primus Christi Vicarius 2. Petri cap. 1. v. 1. ibi: Fratres magis satagite, ut per bona opera certam vestram Vocationem & electionem faciatis. Unde mirum non est, quod diabolica hæc apparentium Catholicorum doctrina jam tempore antiquo fuerit ab Ecclesia rejecta, prout num. 9. & sequent. percipies.

§. III.

Quenam fuerit Bulla Innocentii Papæ XI. pestiferam hanc Michaelis Molinos doctrinam rejiciens?

8. Responderetur eam posse videri in principio Tomi primi, cum propositionibus damnatis.

§. IV.

§. IV.

Utrum Michaël Molinos ex præcedentibus hæreticis, jam ab Ecclesia damnatis, & ex quibusnam, pessimam suam doctrinam circa Theologiam mysticam desumpserit?

9. Respondetur I. Uti alii Hæresiarchæ, ita etiam *Michaël Molinos*, Quietistarum Coryphæus, haud dubiè ex hæreticis præcedentibus, & quidem pessimis, sua desumpsit Principia. Fuere hi nominatim *Beguardi, Beguini, Beguinæ & Illuminati*.

10. Respondetur II. Juxta recentissimum Lexicon Polemicum Joannis Sianda Congregationis S. Bernardi, Ordinis Cisterciensis primi Assistentis Generalis, Romæ, cum approbatione Magistri S. Palatii Anno 1733. editum, *Beguardi* prope finem sæculi decimi tertii per inferiorem Germaniam grassari cœperunt, Auctore incerto, quem alii *Bogonatum*, alii *Bononatum* appellant: Alii verò putant extitisse prope Coloniam plures Viros Idiotas, qui absque Sedis Apostolicæ licentia nostram Religionem induxerunt sub specie summæ paupertatis, sub qua, ac ficta pietate multos deceperunt.

II. Respondetur III. *Beguini* cum priorum erroribus adeo concordant, ut à non paucis uti in re conveniunt, ita etiam cum Joanne Sianda ad unam sectam reducantur. Quidquid tamen de hoc sit, *Beguinorum* Auctor, à quo for-

forſan, vel affeclis, Inferioris Germaniæ ſectarii ſuam hauſerunt doctrinam, vocatur Hermannus Pongilupus Ferrarienſis, teſte Wadingo circa annum 1270. mortuus; in vita autem hypocrita tantus, ut poſt obitum ejusdem in Eccleſia Cathedrali, aliisque, Tabulæ atque Imagines ad illius honorem fuerint appenſæ. Fraude tandem cognita equidem juſſit Summus Pontifex, Bonifacius VIII. anno 1300. corpus exhumari, ac flammis abſumi: Memoria tamen nefarii Impoſtoris non potuit in tantum aboleri, quin progenies iſta Viperarum ſub ſanctitatis velamine, & habitu Religioſo ſatis rigido, hæreſes ſuas ubique terrarum dilatarit, jaſtando falſiſſimè genuinam imitationem mentis & Regulæ Seraphici Patris Franciſci, ac zelum ſtriſtiſſimæ paupertatis, exinde *Frates de paupere vita* alibi *Bizocchi*, aut *Fraticelli* vocati. Ex quo non pauci, maxime plebei fuerunt redditæ perplexi, eoſdem cum veris Fratribus Minoribus confundendo. Nefarios hoſce, ac Pſeudo Religioſos, atque Eccleſiæ Catholiciæ ſummè nocivos Hypocritas Seraphica Religio, quaſi ſingulariter illi Hæreſi à Deo oppoſita, diſputationibus publicis, ac privatis, errorum ſuorum convincere, ac larvam ſanctitatis detrudere adeo utiliter allaboravit, ut ſectam impiam Joannes XXII. graviſſima Bulla *Sancta Romana*, & *Universalis Eccleſia* incipiente, & quæ in Jure Canonico inter Bullas dicti Pontificis Tit. *De Religioſis Domibus* invenienda, damnaverit, nec non pertinaces ultricibus flammis tradiderit, cujus tandem ultimas reſtantes SS. Joannes Capiſtra-

stranus, & Jacobus de Marchia Franciscani, & Apostolici Inquisitores contra hæreticam pravitatem omnino extinxerunt. Ita Lucas Wadingus in recentissima Editione Romana Annalium ex voluntate Sanctissimi Clementis XII. opera & studio nostri Reverendissimi totius Familiae Cismontanæ Commissarii Generalis, Josephi Mariæ Fonseca ab Ebra &c. ordinata. Tom. VI. fol. 279. num. 23. & seqq.

12. Respondetur IV. *Beguine* erroribus Beguinorum, seu Beguardorum deditæ, vixerunt cum Beguardis sub ementito Monialium statu, sine tamen aliqua votorum emissionem. Originem traxisse dicuntur à quadam Margarita Porreta ex Hannonia, quæ librum composuit, plurimis equidem repletum erroribus, inter alia tamen ad propositum specialiter tenuit, *animam annihilatam in amore Conditoris sine ullo conscientie metu aut remorsu posse, & debere naturæ indulgere, quicquid appetit & desiderat.* Noluit sua falsa retractare Dogmata pertinacissima mulier, hincque Parisiis combusta. NB. Interim tamen notes velim, benigne Lector, ad tollendam omnem æquivocationem *Beguinas* istas Hæreticas nullatenus esse confundendas (prout etiam ipsemet Pontifex vult, ne confundantur, Extravagant. *Ratio recta.* Inter communes, *de Religiosis Domibus.*) cum aliis ejusdem nominis exemplariter viventibus in Belgio juxta constitutiones sibi traditas vel à S. Bega, vel ab alio pio Sacerdote Bego nuncupato.

13. Respondetur V. Cum Historia illa de Beguardis ac Beguinis utriusque sexus fusiori fortassis, quam alias necesse fuisset, proposita sit calamo, causa est, ut caute deinceps etiam ex Catholicis legantur quidam Historici, quia scribunt, mentionatos fuisse de sacro aliquo Ordine ab Ecclesia jam approbato, puta, Minoritico, aliove, cum tamen expresse summus Pontifex Extravagant. *Sancta Romana*. Joannes XXII. de Religiosis Domibus attestetur, præfatos fuisse profane multitudinis Viros, qui habitum novæ Religionis assumere &c. temeritate damnabili præsumserunt. Equidem negari haud valet, quod multi eorum, ut plebem deciperent, magisque se dilarent, taliter fuerint gloriati, e.g. nunc se jactando tanquam veros S. Francisci filios, Regulam litteraliter observantes, nunc de Tertio ordine, nunc aliter, prout magis ad pessimum ipsorum intentum deservire crediderunt. Insuper contigisse faciliter potuit, quod aliqui, tanquam membra quædam putrida, ex diversis Sacris Religionibus, sive in obedientia Superioribus refractarii, seu vitio carnis addicti, morbido huic corpori se aggregaverint; ex hoc tamen nullatenus sequitur, institutum illud nefarium fuisse de Religione ab Ecclesia approbata; cum S. Pontifex expresse teneat contrarium. Id si scriptores isti annotassent, Acatholicis Historicis, alias Sacrorum Ordinum Osoribus, & acervatim talia exaggerantibus ansam non præbuissem similia suis inferendi libris in contemptum Religionis, atque passim eosdem tanquam præcise Historicos etiam in locis Germa-

niæ catholicis, venales exponendi, adjunctis simul figuris in cupro ad nauseam usque repræsentantibus pessima facta horum Hæreticorum, quos modo sub hujus, modo sub alterius sacri Ordinis habitu exhibent.

14. Respondetur VI. *Illuminati* æque ac ipse Michaël Molinos ortum suum habuerunt in Hispania Anno 1575. suppressi Cordubæ per Sacram Inquisitionem. At Anno 1623. Hispali reviviscentes denuo sub cinere sepeliri credebantur, cum septem illius sectæ flammis absumendi traderentur.

Paulo post repullularunt in Picardia Gallia Provincia, Promotore Petro Querrino Parocho, ex quo etiam *Querini* appellantur. Anno 1634. pariter infestant Flandriam. Finaliter Anno 1635. sub Ludovico XIII. tanquam diversarum impuritatum defensores omnino extincti, saltem usque ad tempora Michaëlis Molinos.

15. Respondetur VII. *Beguinorum, & Beguardorum* errores teste Sianda à Clemente V. in Concilio Generali Viennæ in Gallis celebrato reiecti, ac iterum à Joanne XXII. in Bulla *Sancta Romana* &c. reprobati fuerunt inter plures alios ad nostrum propositum sequentes:

I. *Homo in hac via tantum perfectionis gradum potest acquirere, ut reddatur penitus impeccabilis.*

II. *Homo non peccat fornicando, quia est secundum inclinationem naturæ.*

III.

III. Homo constitutus in perfectionis gradu non tenetur obedire præceptis Ecclesiæ.

IV. Homo perfectus habet sensualitatem ita perfecte subjectam spiritui, & rationi, ut non amplius opus habeat orare, vel pia opera exercere.

V. Homo perfectus concedere potest corpori, quidquid libuerit.

VI. In actibus virtutum se exercere est hominis imperfecti.

16. Respondetur VIII. Illuminatorum dogmata ejusdem fuerunt cum prioribus farinæ, sicque sub eadem damnatione comprehensa; docebant enim.

I. Per orationem mentalem fit unio cum DEO ita sublimis, ut tali meditationi vacans amplius non egeat aliis bonis operibus, neque Ecclesiæ Sacramentis; Imo absque veniali peccato possit facta unione mentis cum DEO, committere quodcumque, licet impurum peccatum.

II. Supposita hac unione opus est solummodo relinquere, ut DEUS agat in homine, homo vero nullatenus tenetur ad agendum. Ita pessimas hæretici iste posuerunt præmissas, contra expressos Sacræ Scripturæ textus, contra vitam & doctrinam Christi ad omnia vendenda. & ad Concilia Evangelica, si velimus esse perfecti, nos excitantis, contra præcepta Decalogi, contra exempla Sanctorum à primis temporibus usque huc in diversis

virtutibus, & quidem in gradu valde heroico se exercentium, ac denique contra expressas Summorum Pontificum definitiones. His non obstantibus ex pessimis his præmissis suas *Michael Molinos* deduxit pessimas conclusiones, cupiens nihilominus coram sæculo apparere & audiri verus Catholicus. Ad initium currentis sæculi attentavit Sacerdos quidam, cui nomen *Beguarelli*, sopitam jam hanc hæresim denuo *Brixia* resuscitare, quæ tamen statim in ortu suo superiorum vigilantia fuit iterum suffocata, prout testatur *Sianda* in suo *Lexico Polemico*, V. *Beguerelli*.

§. V.

Qualiter Franciscus Fenelon de Salignac inter Auctores Recentiores quoad Principia Theologiæ Mysticæ impeggerit, & quisnam is fuerit?

17. Respondetur I. *Franciscus de Salignac Fenelon*, Clericus erat non minus pietate ac doctrina valde insignis, quem exemplaris sua vita, dirigendi alios prudentia præsertim liber inscriptus *de l'Education des filles*, ac plurimæ, quibus præluxit, virtutes adeo in *Galliis* celebrem reddiderunt, ut *Catholici Hispaniarum Regis Philippi V.* pro tunc *Ducis Andegavenis*, nec non *Serenissimorum Prioris Fratrum Ducum Burgundiæ & de Berry* Instructor præ omnibus aliis Candidatis fuerit selectus, cui tandem pro eximiis suis meritis in aliquam recognitionem *Archiepiscopalis* cessit *Infula Cameracensis*. Optimus hic Princeps ex libris

bris suis alias valde famosus, præsertim quoad illum, quem Duci Burgundiæ pro faciliiori instructione obtulit, vulgo *Telemaque* dictum, tandem vulgavit idiomate Gallico librum quempiam *Explication des Maximes des Saints sur la vie intérieure* intitulatum, qui de non sana doctrina, præsertim de suspecto Quietismo per nonnullos Galliæ Episcopos tantum excitavit strepitum, ut rumor, maxime per libellos pro, & contra editos, dilatatus, tandem ad Curiam Romanam, & ad aures Summi Pontificis Innocentii XII. pervenerit, qui præhabito, in pluribus Cardinalium, ac Theologiæ Magistrorum Congregationibus accurato examine, librum ipsum sub quavis editione aut versione impressum, sive impostero impri-
mendum, ne fideles successive in errores ab Ecclesia Catholica jam damnatos induci possent, severissime prohibuit, atque Anno 1699. die duodecimo Martii viginti tres ex eo excerptas Propositiones tanquam *temerarias, scandalosas, male sonantes piarum aurium offensivas, in praxi perniciosas, ac respective erroneas* damnavit: cui etiam Fenelon, uti filius Ecclesiæ obediens se submitit, ac contra se Bullam Pontificiam ipsemet in sua Diœcesi publicavit.

18. Respondetur II. Archiepiscopum Cameracensem Franciscum Fenelon de Salignac in suo libro *de vita interiori* ducente ad statum Vitæ contemplativæ, seu unitivæ &c. ideo impegisse in Theologiam Mysticam: *in primis* quia pro directione animarum in statu perfectionis, ac vitæ

contemplativæ seu unitivæ existentium, talem juxta communem verborum sensum posuit doctrinam, qua possent fideles (uti Summus Pontifex in Bulla damnationis advertit) ex ejus Lectione & usu sensim induci in errores ab Ecclesia jam damnatos, maxime quietistarum collocantium rationem perfectionis in mera quietate, seu in statu mere passivo sinendo solum DEUM in anima agere, absque exercitio virtutum; Etenim Fencelon (saltem in modo loquendi & sensu obvio) parum quoad hoc distare videtur, dum etiam ipse statum animæ perfectæ vult esse passivum, & in sancta, (ut inquit) indifferentia, præscribens Propositione III. inter damnatas tanquam essentielle in directione talis animæ NB. *non aliud facere, quam sequi pedetentim gratiam* &c. Item se intra hos limites continere, *ut sinatur DEus agere* &c. Item Propositione 21. ponit hæc formalia: NB. *Sancti Mystici excluderunt à statu animarum transformatarum exercitationem virtutum.*

19. Respondetur III. Archiepiscopus memoratus Cameracensis impegit in principia Theologiæ mysticæ secundo, ex ea ratione, quia (uti patet ex propositionibus damnatis 1. 2. 3. 4. 6. 21. 23. ac pluribus aliis) ab animabus & culmen perfectionis in statu viæ unitivæ attingentibus exclusit exercitium aliarum virtutum, præsertim *spei*, quasi vero impossibilis cum excellenti gradu perfectionis Evangelicæ, cum tamen Sacra Scriptura *Beatos NB. omnes* (nullo ne quidem perfectissimo excluso) pronuntiet, *qui confidunt in Domino*, Ps. 2.

¶. 14. & qui timent Dominum. Psal. 127. ¶. 1. ac sperant in eo Psal. 33. ¶. 9. nec non SS. PP. atque TT. Spem principalibus virtutibus (nimirum Theologicis) semper annumeraverint, uti etiam actus heroicis aliarum virtutum summopere commendaverint, atque etiam uti S. P. Franciscus, S. Clara, S. Theresia, S. Petrus de Alcantara, SS. Catharina Senensis & Bononiensis, plurimique alii extatici, in opere ipso exercuerint. Quinimo in processu Canonizationis alicujus Sancti inter prima numeratur interrogatoria, *an constet de virtute in gradu heroico?* Item Alexander VII. jam ante dictum Archi-Episcopum Fenelonem damnavit propositionem ordine primam sequentis tenoris: *Homo nullo unquam tempore sue vite tenetur elicere actum fidei NB. spei, & Charitatis* &c. consequenter nec talis perfectus ab actu spei erit exemptus.

20. Equidem gratis admitto, posse sapius (non tamen necessario debere) à perfectioribus elici actus Charitatis absque explicitis actibus spei, aliarumque virtutum. Insuper posse actus aliarum virtutum (uti videndum in Theologia moralis P. Reiffenstuel *Tract. I. Dist. 2. Q. 3.*) directe quoad suum objectum intendi, & simul à tali perfecto viæ unitivæ dedito ordinari, atque assumi tanquam media ad ipsam Charitatem, in quo casu influunt simul cum Charitate actus diversarum virtutum. Attamen à tali perfecto viæ unitivæ dedito, è medio tollere spem, omnesque alias virtutes à charitate distinctas, conformiter

dictis præcedentibus iustissime reprobatur. Ut totum adhuc clarius intelligas, adjungo, quæ in Theologia morali Patris Reiffenstuel *Tr. 4. dist. 6.* post n. 9. addidi, suntque sequentia.

21. Porro Charitas illa, qua sæpius in vita DEUM tanquam summum bonum diligere tenemur, debet quidem necessario saltem interpretative sic esse constituta, ut quamvis nec cælum nec infernus existerent, nec ullum præmium sperandum, aut pœna pertimescenda foret, nihilominus ipsa DEUM amaret propter se (utpote cum DEus quatenus in se infinite bonus sit solummodo objectum formale, principale & essentialiale ipsius Charitatis) exinde tamen non excludit necessario spem, quasi cum Charitate impossibilem. Quin e contrario spes ipsa, seu amor concupiscentiæ perducit sæpius ad charitatem, seu amorem amicitiae: dum enim video, DEUM mihi tam bonum, tam misericordem &c. atque propterea dignum amore concupiscentiæ exinde ulterius ad ipsum infinitæ bonitatis fontem, à quo cuncta procedunt, cogitatus dirigo: considerando, quantæ perfectionis supremum illud ens, ex quo tanta bona ad extra promanant, esse debeat in se ipso? Quæ consideratio finaliter trahit voluntatem ad amandum amore amicitiae dictum supremum ens perfectissimum propter se, tanquam motivum principale. Hinc merito la *CROIX Tom. I. lib. II. num. 152.* approbat modum illum eliciendi actum Charitatis. "Amo te DEus
"quia creasti, & redemisti me, & quia cælum
"mihi

“mihi vis dare: Sed magis adhuc ideo, quia ipse
 “es propter te omni amore dignissimus ita, ut
 “licet non benefaceres, nec cœlum dares &c.
 “tamen amarem, & actu amo Te, quia propter
 “infinitam tuam bonitatem & perfectionem es
 “amabilissimus. *Vel aliter:* Amo te mi DEUS,
 “non ideo tantum quia creasti me, redemisti,
 “sanctificasti, conservas, & innumeris quotidie
 “Beneficiis cumulas, neque tantum ideo, quia in-
 “super dare vis mihi æternam in cœlo beatitudi-
 “nem, sed ideo maxime, & super omnia te amo,
 “quia tu DEUS ob infinitas perfectiones tuas
 “es omni amore dignissimus. Tu es DEUS sa-
 “pientissimus, potentissimus, sanctissimus, pul-
 “cherrimus &c.” Videsne ex dictis formulis,
 quomodo spes & charitas, seu amor concupiscen-
 tiæ & amor amicitiae non sint ad invicem in-
 compossibiles, nec una alteram necessario excludat,
 sed potius homo à prima tanquam minus principali
 ad secundam principalem pervenire valeat? Bulla
 damnans illas propositiones Archiepiscopi Cameracen-
 sis, consuli potest in principio Tomi primi.

CAPUT II.

*Tractans de Propositionibus dam-
 natis Martini Lutheri & Joannis Cal-
 vini ad Theologiam Polemicam spectantibus.*

Theologia Polemica, seu Dogmatica, Tract:
 Controversias Fidei, Catholicos inter & ine,
 E 5 fue-

terodoxos agitas; objectum & finis est fides vera, ut asserenda, roboranda, & defendenda. Nos in presenti hanc defensionem potissimum assumemus contra Hæreticos, in Romano Imperio toleratos, qui defacto generaliter *Protestantes* vocantur; quamvis singulari nomine Lutherani *Evangelici*, & Calvinistæ *Reformati* appellari cupiant. His præcitis ponitur

§. I.

Quisnam fuerit Martinus Lutherus; ex quo ansam sumpserit non minus venenatam exerendi linguam, quam caluminosum stringendi calamus contra Papam & Ecclesiam?

I. Respondetur I. Martinus Lutherus erat natione Saxo, patria Ißlebiensis. Lucem hujus Mundi aspexit Anno 1483. Et quia acris pro eo sæculo deprehendebatur Ingenii, mature applicabatur ad studia, in quibus eos fecit progressus, ut anno ætatis suæ vigesimo Magister Artium, & utroque Jure eruditus evaserit. Quondam cum dilecto suo contubernali in agro animi levandi gratia deambulans, subito videre debuit eundem, cadente de cælo fulminis ictu occisum. Insuperato fatali hoc casu perterritus, votum, quod antea jam fecerat, ingrediendi sacrum aliquem Ordinem, statim exolvit, amplectendo Erfurthi anno ætatis suæ 22. celeberrimum Institutum Eremitarum Sanctissimi Ecclesiæ Doctoris Augustini, tanti Patris vere de-

degener filius; ubi anno ætatis vigesimo quarto initiatus sacerdotio, ac successive ad Cathedram Philosophicam & Theologicam promotus, brevi plura dedit propriæ arrogantia indicia, inficiando respective adhuc Juvenis Sanctos Patres quasi in modo loquendi valde incultos, &c.

2. Respondetur II. Præsumptuosa hæc superbia, pariter aliis (uti superbiorum proprietas est) præferri cupido Luthero ansam dedit contra Papam, & Ecclesiam venenatam exerendi linguam, ac calumniosum stringendi calamum: cum enim anno Domini 1517. prædicandi in Germania contra Turcas Bullam *Cruciatam*, populumque ad contribuendum belli nervum de Cathedra exhortandi ab Archiepiscopo Moguntino commissio demandata esset Joanni Tezelio Dominicano, neglecto Luthe-ro &c. Is per hanc præcedentis prælationem se contemptum ratus, & vindicativa non minus, ac invida æmulatione percitus, sæpius in pulpitis Ecclesiasticis contra officium suum nescio, quæ de Indulgentiarum abusibus, & in congregandis pecuniis fraudulentus effutiit; quin imo Wittembergæ in Saxonia, protectus ab ejusdem Duce Friderico, publicas contra Indulgentias affixit Theses, crescente in dies tam apud Nobiles, quam Plebejos scandalo, atque tumultu.

§. II.

*Qualiter pestifera Lutheri Doctrina à Leone X.
Summo Pontifice in Bulla, Exurge Domine,
fue-*

*fuerit reprobata, ac ab Imperatore Carolo V.
Bulla damnationis executioni mandata: Item
quomodo tandem Lutherus apostataverit à fide?*

3. Respondetur I. Excitatus in tota quasi Germania, præsertim in partibus Septentrionalibus Lutheri tumultus ad aures quoque Summi Pontificis pro tunc Leonis X. pervenit, à quo Romani doctorum, & factorum suorum redditurus rationem fuit citatus; Intervenientibus tamen simul supplicibus litteris Friderici Saxoniae Ducis ad Papam datis tantum effecit, ut potius causa sua Legato Pontificio Cardinali Cajetano, pro tunc Augusta Vindelicorum moranti Anno 1518. pro ventilatione fuerit commissa; alit sine optato effectu: Lutherus enim post varios hinc inde habitos discursus causæ suæ diffusus, clanculum intempesta nocte Augusta discessit, innixus denuo Tutelæ Saxonis, ac ad suspendendum Romanæ Curiae excommunicationis fulmen, nunc à Cardinali ad Pontificem, nunc à Pontifice ad futurum Generale Concilium appellans. Demum post longam patientiam, ac præmissis diligenti trutinatione, matura deliberatione, & districto examine, supremus in terris Christi Vicarius, Leo X. Anno 1520. gravissimam, lectuque dignissimam edidit Bullam: *Exurge Domine inchoantem*, in qua quadraginta & unam ex Lutheri propositionibus damnavit, tanquam *hereticas, scandalosas, falsas, piarum aurium offensivas, & veritati Catholicæ obviantes.*

4. Respondetur II. Pestifera doctrina in damnatis 41. Propositionibus contenta (eam ex ipsa Bulla citata *Exurge Domine* referendo in compendio) est sequens.

"I. Satis aperte innuit, quod concupiscentiam, juxta experientiam post Baptismum remanentem, reputet pro ipso peccato originali.

"II. Tollit ab homine liberum arbitrium, quod dicit esse rem de solo titulo.

"III. Tenet, omne opus bonum etiam Justorum quamvis optime factum, esse peccatum.

"IV. Negat, pœnitentiæ tres esse partes, contritionem, confessionem, & satisfactionem.

"V. Ait, dolorem ex turpitudine peccati, vel ex amissione æternæ Beatitudinis, seu ex metu gehennæ conceptum facere hominem hypocritam, ac magis peccatorem.

"VI. Negat omnia mortalia esse confitenda.

"VII. Non obscure indicat, homini confitenti remitti peccata non vi absolutionis, sed per fidem, qua credit, & confidit se gratiam per merita Christi consecuturum.

"VIII. Defendit, in absentia sacerdotis etiam mulierem, aut puerum posse absolvere.

"IX. Communionem Sacram sub utraque specie censuit pro Laicis statuendam per Generale Concilium.

"X.

"X. Indulgentias equidem, existentes pro tunc
 "adhuc in Ecclesia, non audet absolute rejicere:
 "negat tamen, easdem, vel ad remissionem poenae
 "pro peccatis actualibus adhuc debitæ, vel pro
 "mortuis prodesse.

"XI. Pariter non audet adhuc ex integro negare
 "Purgatorium, ait tamen id ex Sacra Scriptura, quod
 "sit in canone, probari non posse, ac insuper plura
 "de eodem alias adjungit fictitia.

"XII. Negat Pontificem Romanum esse Christum
 "Vicarium super omnes totius mundi Ecclesias.

"XIII. Similiter Pontifici, imo & toti Ecclesie
 "aufert potestatem statuendi articulos in materia
 "fidei ac morum.

"XIV. Defendit ejusdem, vel etiam aliorum
 "Prælatorum Excommunicationes esse tantum
 "poenas externas, neutiquam timendas, nec prius
 "vare communibus Ecclesiæ orationibus.

"XV. Concilia Generalia ex una parte supra
 "Papam extollit, ex altera vero iterum deprimis
 "concedens homini libertatem enervandi Auctorita-
 "tatem eorum, atque factis ibidem Decretis libere
 "contradicendi, dummodo cuipiam contrarium
 "videatur verum.

"XVI. Arguit Concilium Generale Constantien-
 "tense gravissimi erroris in condemnando Joanne
 "Hus, cujus aliquos reprobos Articulos pronun-
 "tiat verissimos, Christianissimos, & Evangelicos,
 "quos nec universalis Ecclesia posset condemnare.

"XVII.

"XVII. Demum finaliter contra Sacros Ordines Mendicantes (ex quorum tamen numero ipsemet extitit) pestiferum evomit venenum, proterve asserens, Prælatos Ecclesiasticos & Principes sæculares non male facturos, si omnes sacros Mendicitatis (ita per contemptum Regulares Mendicantes intitulat) delerent.

Hæc infernalis hic serpens existens adhuc in sinu S. Matris Ecclesiæ & sui sacri Ordinis. Ex quo facile concludes, qualis fuerit post ipsam Apostasiam ingratiſſimus ille transfuga.

Refutationem differo usque ad Articulos confessionis Augustanæ, ubi potiora redibunt.

§. Respondetur III. Carolus V. Romanorum Imperator Pontificiam hanc executurus Bullam celebratis Wormatiæ Comitiis Martinum Lutherum Anno 1521. publicari curavit tanquam membrum ab Ecclesia separatum, obstinatum, schismaticum, & notorium Hæreticum, sicque ab omnibus S. R. Imperii statibus haberi voluit. Nil inde melior, imo deterior factus Lutherus (quoniam abyssus abyssum invocat) pejora pejoribus addidit in sanctam sedem, & fidem Catholicam, præsertim contra tremendum SS. Missæ sacrificium.

Tandem finaliter Anno 1524. ætatis suæ quadragesimo primo factus Apostata habitum Regularem sacrilege deposuit, & cum Catharina de Bore Moniali Apostata scandalosissimum contraxit Matrimonium.

§. III.

*Quidam Lutherus post Apostasiam ulterius egerit
ubi etiam de morte ejusdem.*

6. Respondetur I. Lutherus post Apostasiam nactus commodiorem occasionem venenum pestiferæ suæ doctrinæ, in allegatis superius 41. propositionibus damnatis majori ex parte contentæ, liberiori diffundendi, plures ad suas trahere partes, diabolo fideliter cooperante, allaboravit, inter fautores, etiam Principes Joannem Saxonæ Electorem, Gregorium Marchionem Brandenburgensem, Philippum Hassiæ Landgravium (ut vocant) ac Wolfgangum Principem Anhaltinum, præter duas Civitates Imperiales Norimbergam & Reitlingam numerans.

Augustissimus Imperator Carolus, præviso sapienter exinde aperto Rebellionis, jamjam inter cerneris gliscantis, periculo, insuper imminentium Turcarum metu undique coarctatus, nova indixit Anno 1530. Augustæ Vindelicorum Comitia, præcipientis dissidentibus sacri Romani Imperii statibus, Lutheri sectatoribus, ut tantum mentem suam circa Religionem, ac gravamina, si quæ habeant, proponerent; quod & fecerunt, atque Lutheri doctrinam à Philippo Melanchton, germanice *Terra nigra* in certos Articulos redactam, Carolo Imperatori exhibentes, hanc doctrinam à loco *Confessionem Augustanam* intitularunt.

7. Respondetur II. Carolus Imperator bellum hunc à dictis Imperii statibus sese subscri-

scribentibus porrectum clementissime recepit, eundemque strictissime examinari fecit, ac post maturam deliberationem Articulos memoratæ Confessionis Augustanæ positive rejecit, tanquam in multis erroneos ac Hæreticos, huicque reprobationi præter Carolum sex Electores, triginta Principes Ecclesiastici, & seculares triginta tres, plurimique Abbates, Comites, Barones, ac Imperiales Civitates sese subscripserunt: Utrum omnes animo recto; DEUS noverit scrutator cordium. Id saltem certum est, quod ante publicationem hujus Decreti imperialis dissidentes plerique Principes Augusta abierint, & Catholicis dissidentes, particulares suos (uti Schwendfordii in Franconia &c. præsertim Schmalcaldii in Turingiæ finibus) Convēntus celebrarint usque ad annum 1546. quo 17. Februarii infaustus Lutherus repentina morte (nonnulli volunt omnino raptum à Diabolo) infelicem Islebii in Patria sua efflavit animam, annum agens criticum (uti vocant) id est, sexagesimum tertium.

§. IV.

Quidnam contigerit in Romano Imperio post mortem Lutheri? Ubi de fœdere Schmalcaldico, Formula Interim transactione Passaviensi & Confessione Augustana, demum in Romano Imperio exerceri permissa?

8. Respondetur I. Equidem non pauci ex Catholicis sibi persuaferunt, Luthero defuncto, pari-
P. Anasl. Reiffenst. Theol. Supplem. F ter

ter cum eo sepeliendam esse Pessimam suam sobolem, novam nimirum Hæresin; aliter deplorabilis docuit eventus, dum Acatholici vi fœderis Schmalcaldici, contra Cæsarem Carolum, de tanta perduellione nil minus suspicantem, initii, junctis viribus ingentem Exercitum 80000 peditum, & 10000 Equitum in aciem duxerunt, Ingolstadium usque pervenientes: quos tamen illo, & longe notabilius adhuc anno sequenti (nimirum 1547.) magnanimus Imperator prope Mylbergam adeo prostravit, ut in bello isto Religionis (eo nomine illud appellabant) omnino ad internecionem usque deleri potuissent, nisi nimia in hoc Caroli clementia, maxime erga Coryphæos, eosdem mitiori via ad saniora ducendos fore Sectarios credidisset, prout illico patebit. Hinc

9. Respondetur II. Anno proximo post obtentam Victoriâ, nempe 1548. humiliatis Hostibus Cæsar (non undequaque contenta Curia Romana, eo quod tanquam Laicus videretur mittere faciem in messem alienam) certam quampiam formulam in puncto Religionis *interim* ab omnibus observandam, præscripsit, donec Concilium Tridentinum sententia definitiva lites hæc terminasset, quæ formula etiam exinde sortita est nomen *Interim*. Et licet in ea non nisi doctrina Catholica contineretur, & Confessio Augustana reprobareretur, exceptis Communione sub utraque specie quoad Laicos, & conjugio quoad Sacerdotes, (quæ duo usque ad Concilii Tridentini de-

cisionem permittebantur) his non obstantibus Protestantes plerique (nominatim S. R. I. Electores, Mauritius, pro tunc Saxonicus, Joachimus Brandenburgicus, & Fridericus Comes Palatinus,) memoratam formulam *Interim* receperunt. At qua mentis sinceritate, subsequens docuit lamentabilis experientia. Quare

10. Respondetur III. Dum Carolus Imperator, rebus adeo pacifice (uti credebat) compositis, sese omni ex parte quoad sectarios tutum iudicabat, præter omnem expectationem Mauritius recens Saxoniae Elector, Imperatori antea arcto junctus fœdere, ipsas Caesaris copias, sibi ad gubernandum concreditas, contra proprium Dominum, non indicto prius bello, in aciem duxit, atque milite Marchionis Brandenburgici Alberti adauctus, quamplures Civitates (inter quas Augustam Vindelicorum) in suam redegit potestatem. Exinde penetratis faucibus Comitatus Tyrolensis captaque Erenberga, parum absuit, quin ipsummet Imperatorem Carolum undique destitutum militibus, & respective inermem cum Fratre suo Ferdinando Oeniponti deprehendisset.

Fatalis hæc clades etiam permissionem liberi exercitii *Confessionis Augustanae* tandem post se tra-
xit; imo rectius loquendo, armis extorsit; aliter enim dissidentes cum Ferdinando Passavii nullatenus transegissent; quam *Transactionem* (germanice dicitur Passauerische Vertrag,) anno 1552. factam (additis à Protestantibus eodem anno, teste

Sianda, articulis Schmalcaldicis) Rex Ferdinandus perhibetur flentibus signasse oculis, eam tamen Imperator Carolus nunquam subscripsisse legitur, ne eo quidem tempore, quando eadem triennio post, nimirum 1555. in Comitibus *Augustanis* tanquam *Pax Religiosa* (uti appellabant) promulgari cœpit. Vi dictæ promulgationis publicum quidem ac liberum exercitium *Confessionis Augustanæ* demum in Romano Imperio Lutheranis per-mittebatur; Calvinistæ tamen necdum inclusi legebantur, quamvis & ipsi finaliter sub Pace Westphalica Osnabrugi 6. Augusti, & Monasterii 24. Octobris anno 1648. non obstante protestatione S. Pontificis inita, idipsum impetraverint, cæteris sectis more antiquo ex Romano Imperio proscriptis.

§. V.

Varia Notabilia circa ipsam Confessionem Augustanam, equidem vivente Luthero reprobata; denuum tamen, cogentibus armis, Anno 1555. sub aliis Comitibus Augustanis in Romano Imperio permissam. Item de libro Concordiæ.

II. Respondetur I. Originale *Confessionis Augustanæ* Anno Domini 1530. juxta jam dicta Carolo V. Imperatori à Protestantibus Principibus oblatum, non fuisse denuo Memoratis restitutum, sed potius (uti ex Didymo Hermovillano cum pluribus aliis testatur Pichler in suo Polemico Examine *Confessionis Augustanæ Art. X. num. 3.*)

extraditum ad Archivia Imperii: Latinum quidem *Bruxellis*; Germanicum autem *Moguntia*; Unde Protestantes non nisi Copias acquisierunt; & quamvis Hi, dum typis vulgant, gloriantur originali has ipsas conformes, atque *invariantas*; falsitas tamen de pluribus, ac contrarium patebit ex dicendis. Itaque

12. Respondetur II. Confessio Augustana sub Comitibus Carolo V. oblata, quoad Copias suas fuit statim in principio adeo variata, ut teste Standa in Lexico Polemico V. *Confessionista*, intra primum decennium (id est, ab Anno 1530. usque ad Annum 1540.) tria exemplaria ejusdem, ad invicem comparata, vix in uno Articulo ex integro concordarint cum suo Prototypo, Pater Forer apud Pichler *loc. cit. num. 5.* inquit, se simul ad manum habuisse ultra 20. Editiones latini sermonis, quarum tamen vix unica (nimirum Georgii Cœlestini Authoris Lutherani) cum originali concors erat. Eminentissimus Cardinalis Leopoldus Colonitsch in libro, *Augustana & Anti-Augustana Confessio*, intitulo, comparavit unum Exemplare in Bibliotheca Cæsarea asservatum, & Originali Moguntino omnino conforme cum aliis tribus Wittembergensibus, diverso tempore vulgatis: & ostendit clarissime, quod plurimum inter se discrepent, quamvis singula pro Authenticis, & invariantis velint haberi. Wittembergenses Theologi in Colloquio Altenburgensi apud Pichler *loc. cit.* ipsimet fatentur, primam Confessionis Augustanæ editio-

nem Wittembergæ adornatam nequaquam cum Archetypo Augustæ exhibito convenire.

Unde nec mirum, quod etiam aliqui ex ipsismet Protestantibus hanc suam Confessionem Augustanam contemptim *Cothurnum Polonicum* (calceamenti genus est utrique pedi adaptabile) Calvinistæ vero & Zwingliani, haud dubie ob suam obscuritatem *Sphingem* appellaverint.

13. Respondetur III. Lutherani quam plures, videntes, ex hac inter ipsosmet discordia sese apud suos anxie perplexitati, & apud Extraneos publico ludibrio, atque contemptui expositos, voluerunt malo huic, ne ulterius serpat, prævenire, conscribendo, ac Tubingæ in Ducatu Würtembergensi, Anno 1580. imprimendo Tractatum quem *Librum Concordiæ* nominarunt, Smidelino, Tubigenis Academiae Cancellario vel Auctore, vel certo Promotore, accedentibus potentissimis ejusdem Protectoribus Electore Saxoniae, & Duce Würtembergico, cui *Libro Concordiæ* Protestantium octo millia subscripserunt: quem tamen, etsi valde notabilem numerum, Heshusius Theologus Lutheranus sequentibus versibus exsibilat:

*In Libro vite, qui non potuere notari,
Nomen in hunc librum composuere suum.*

Hincque præfato libro nec pauciores, imo plures, teste Osiandro apud Sianda, ex ipsis Protestantibus contradixerunt, uti Hollatia, Magdebur-

burgum, Universitates Sueciæ, & Theologi Anhaltini. Brunsvicenses ajunt, hoc libro deceptos fuisse Principes. Rex Daniæ eum flammis adjudicavit, & Wittembergenses (Benigne Lector, ne confundas *Wittemberg* in Saxonia, & *Württemberg* in Ducatu Württembergico) defensores hujus libri lapidibus obruerunt.

Compassivo hic Amice Lector, considera affectu miserum hæreticorum statum, dum ex una parte sunt destituti supremo in materia fidei, ac morum emergentibus controversiis judice; ex altera vero ipsimet in symbolo fidei suæ (quale reputant Augustanam Confessionem) ad invicem non conveniunt. Hæc ipsa profecto inter Confessionem Augustanæ addictos discordia unum inter principalia apud Serenissimum Principem Badensem Jacobum extitit motivum, ad veram Religionem Catholicam sese convertendi.

§. VI.

*Viginti & unus Articuli fidei Confessionis Augustanæ
Carolo V. Imperatori Anno 1530. Augustæ oblati.*

ARTICULUS I.

De Unitate Essentiæ Divinæ.

14. **C**onsistentur conformiter Decreto Nicænæ Synodi, DEum unum in essentia, & Trinum
F 4

in Personis sine ulla dubitatione credendum esse. Et hinc juxta eorum formalia damnant omnes hæreses, contra hunc Articulum exortas, ut Manichæos, qui duo principia ponebant, Bonum, & Malum; item Valentinianos, Arianos, Eunomianos, Machometistas, & omnes eorum similes. Damnant & Samosatenos veteres & Neotericos, qui cum tantum unam personam esse contendant, de verbo & Spiritu Sancto, astute & impie rhetoricantur, quod non sint persone distinctæ, sed quod verbum significet verbum vocale, & spiritus motum in rebus creatum.

In hoc Articulo convenimus etiam nos Catholico-Romani.

ARTICULUS II.

De Peccato Originali.

15. **N**on negant, quod post lapsum Adæ omnes homines secundum naturam propagati nascamur in peccato. NB. Addunt tamen, hoc ipsum peccatum originale, seu (uti ipsi vocant) vitium originis ex magna saltem parte consistere in ipsa concupiscentia.

Quoad primam partem hujus Articuli in sano sensu omnino concordamus, si tamen ipsemet Christus & Beatissima Virgo Immaculata excipiantur. Quod si quis contra communissimam, & moraliter defacto certam sententiam præsumptuose as-

assereret, etiam B. Virg. Mariam fuisse peccati originalis labe affectam, necdum foret pro nunc Hæreticus formalis; cum Ecclesia dictum Myſterium nondum declaraverit expresse tanquam Articulum Fidei.

Quoad secundam partem. concedimus quidem nos Catholicis, quod *concupiscentia*, seu passio illa partis sensitivæ in amorem boni delectabilis inclinans, neque amplius (uti in statu Innocentiæ) rationi, seu potentie intellectivæ perfecte subordinata sit qua talis, seu uti modo declarata, effectus, seu pœna peccati originalis, soleatque homines ad peccata etiam personalia allicere. Negamus tamen constanter, hanc ipsam concupiscentiam, quam fomitem peccati nominamus, ullatenus constituere formaliter ipsummet peccatum originale: Etenim imprimis *sanguis JESU Christi emundat nos NB. ab omni peccato.* 1. Joann. I. v. 7. & tamen nos non emundat à *concupiscentia*, prout experientia docemur, & ipsemet conqueritur Apostolus ad Rom. c. 7. quod sentiat in membris suis legem repugnantem legi mentis sue: ergo ipsa concupiscentia non erit peccatum. Deinde secundo: Homines per Baptismum, tanquam per *Lavacrum Regenerationis*, ad Tit. c. 3. v. 5. *abluti, sanctificati, & justificati* pronuntiantur ab Apostolo 1. Cor. c. 6. v. 11. *in nomine Domini nostri JESU Christi, & in spiritu Dei nostri*, & tamen exinde abluti non sumus à *concupiscentia*, quæ sæpius etiam apud perfectiores prius baptizatos exeundo in actum per motus primo primos rationem prævenit; ergo signum est,

quod ipsa *concupiscentia* post Lavacrum Regenerationis atque ablutionis permanens formaliter non sit ullatenus ipsum peccatum originale.

16. Nec dicas, *concupiscentiam* vocari ab Apostolo ipsomet ad Romanos c. 6. & 7. & alibi saepius in Scriptura *peccatum*. Respondetur enim, vocari tale nullatenus formaliter, sed vel *causaliter*, quatenus ex ea alliciente, & hominis libero consensu simul accedente, causatur aliquod peccatum personale, sic eo modo Deuteronomii c. 9. v. 21. *Vitulus aureus* nominatur in Sacra Scriptura *peccatum*, utpote aliquo modo causa Idololatriæ: vel appellatur peccatum *effective*, quia est effectus peccati originalis. Audiatur desuper S. Augustinus (utique majoris Auctoritatis, quam Fœdisfragus Apostata Lutherus) lib. I. c. 13. contra duas Pelagii Epistolas taliter loquens: *Concupiscentia vocatur peccatum, non utique quia peccatum est, sed quia peccato facta est* &c.

ARTICULUS III.

De Incarnatione Verbi Divini.

17. **C**oncedunt, quod Verbum (hoc est filius Dei) assumpserit humanam naturam in utero B. V. Mariæ, ut sint due naturæ Divina & Humana in unitate personæ inseparabiliter conjunctæ, unus Christus vere Deus, & vere homo, natus ex Vir-

Virgine Maria, vere passus, crucifixus, mortuus, & sepultus, ut reconciliaret nobis Patrem, & esset Hostia non tantum pro culpa originis, sed etiam pro omnibus actualibus hominum peccatis &c. &c. Idem Christus est palam rediturus, ut judicet vivos & mortuos &c. Juxta Symbolum Apostolorum.

Ita Confessioni Augustanæ addicti, neque in hoc sunt nobis Catholicis contrarii.

ARTICULUS IV.

De Justificatione Hominum.

18. *Admittunt cum Catholicis contra Pelagianos, quod nequeat homo propriis viribus justificari: adjungunt tamen insuper justificationem nostram soli fidei, qua creditur, nos in gratiam recipi, & peccata remitti propter Christum, esse adscribendam: Et si præterea fateantur (uti clarius Articulo VI. videbitur) fidem istam justificativam debere bona opera, tanquam bonos fructus parere, ita tamen, ut non confidamus, quasi per hæc nostram coram Deo justificationem promereremur. Ita illi.*

Econtra Catholici, etsi gratis admittant, fidem, in sensu sano acceptam, esse fundamentum nostræ justificationis, eamque inadæquate & partialiter influere ad eandem, saltem tanquam conditionem; negant tamen de influxu adæquato & totali.

tali. Ratio est, quia in Sacra Scriptura æque etiam aliis virtutibus adscribitur justificatio; ergo sola fides non justificat. Antec. probatur: Sic enim inprimis de virtute spei in Deum S. Joannes Ep. I. cap. 3. v. 3. inquit: *Videbimus eum* (intellege DEum) *sicuti est, & omnis, qui habet hanc spem in eo, sanctificat se, sicut & ille Sanctus est.* Secundo legitur de Charitate Luc. c. 7. v. 47. *Remittuntur ei peccata multa, quoniam dilexit multum.* Item I. Joan. 3. v. 14. *Qui non diligit manet in morte: & demum tertio, Actorum c. 3. v. 19. de Pœnitentia habetur: Pœnitimini, & convertimini, ut deleantur peccata vestra.*

19. Oppones diversos textus Sacra Scripturæ, quibus justificatio ac vita æterna adscribitur fidei sine ulla mentione aliorum operum: sic enim e.g. Joan. c. 3. v. 36. legitur: *Qui credit in Filium, habet vitam æternam, &c.* & Act. 10. v. 43. *Quicumque credunt in Christum, accipiunt remissionem peccatorum.* Ac alibi sæpius: ergo signum est, quod nulla opera, sed sola fides justificet. Respondeo I. alios opponendo textus Sacra Scripturæ in nostra probatione adductos, vi quorum Charitati & Pœnitentiæ adscribitur justificatio absque mentione fidei expressa. Ut ergo hi textus concilientur ad invicem, & suo modo pariformi explicatione absolvantur. Responderetur II. distinguendo Ant. textus allegati adscribunt justificationem fidei præcise, id est, hic & nunc abstrahendo, seu non faciendo mentionem de operibus, conceditur: exclusive, negatur.

20. Impugnabis hanc distinctionem afferendo textus, quibus positive opera excluduntur à Virtute justificandi: sic enim ad Romanos c. 3. v. 28. inquit Apostolus: *Arbitramur hominem justificari per fidem NB. sine operibus legis.* Item ad Rom. c. 4. v. 5. *Ei NB qui non operabitur, credenti autem in eum, qui justificat impium, reputatur fides ejus ad justitiam.* Similiter ad Ephes. c. 2. v. 8. & seqq. *Gratia salvati estis per fidem, & hoc non ex vobis &c. NB. non ex operibus &c.* Respondetur, similes textus vel contra Gentiles excludere opera puris naturæ viribus, seu sine fide in Christum, aut sine gratia Divina exercita: *Vel contra Judæos segregare opera legis antiquæ quoad Cæremonialia, nullatenus autem quoad opera Moralia per gratiam Divinam, mediantibus Christi meritis comparatam dignificata, & sublimata.* Audiamus ad nostrum intentum Apostolum I. ad Corinth. c. 13. v. 2. *Charitatem supra omnem fidem extollem* sequentibus verbis: *Si habuero omnem fidem, ita ut montes transferam, Charitatem autem non habuero, nihil sum.* Notentur verba: *omnem fidem*: nam si *omnis fides* sine Charitate nihil est; ergo neque illa fides particularis promissionum (uti vocant) aliquid erit sine Charitate. Ubi adverte, quod A catholici aliam appellent *Fidem Historicam*, qua credimus, quæ in Sacra Scriptura referuntur, & aliam *promissionum*, qua nobis divinas promissiones fiducialiter applicamus, quam ultimam vocant justificativam, non primam.

ARTICULUS V.

De Ministerio Evangelii.

21. *A*fferunt, Ministerium Evangelii (per quod Pastores & Prædicantes intelligunt) esse institutum ad docendum Evangelium, & ad porrigenda Sacramenta, mediantibus quibus duobus tanquam instrumentis donatur Spiritus Sanctus, fidem illam justificantem superiori Articulo declaratam in nobis efficiens. Ita illi.

Econtra Catholico - Romani in primis negant, Pastores & Præcones Lutheranos &c. posse constituere legitimum ministerium illud, cui competet docere Evangelium, & porrigere Sacramenta; nam nulli competit hæc potestas, nisi vocato seu misso: *Nec enim quisquam sibi sumit honorem* (puta hujus ministerii) *nisi qui vocetur à Deo tanquam Aaron.* Hebr. c. 5. v. 4. Atqui Pastores & Præcones isti non sunt vocati seu missi à DEO, neque immediate per se ipsum, neque mediate per supremum ejusdem in terris Vicarium, sed potius vocantur, & mittuntur per Magistratum Laicalem, ac mere politicum, qui dare non potest quod non habet; non etiam alicui Laico, sed Petro Christus ter dixit: *Pasce Agnos meos, Pasce oves meas.* Joan. c. 21. *Quomodo ergo legitime prædicabunt?* ad Rom. c. 10. v. 15.

Secundo concedunt equidem Catholici per verbum DEI prædicatum posse in nobis excitari aliquem actum fidei: *Nam fides ex auditu, auditus autem per verbum Christi.* Ad Rom. c. 10. v. 17. negant vero, quod hic actus fidei sit ille, cui tanquam unicæ causæ adscribi debeat nostra justificatio, de quo vide Articulo præcedenti.

Tertio, negant Catholici, quod Sacramenta dicantur ex eo, quatenus per illa tanquam per Instrumenta (efficiente Spiritu Sancto, ut causa principali) in nobis excitatur fides illa justificans A Catholicorum, sed potius censentur talia, quatenus intuitu meritorum Christi per ipsa ex opere operato causatur gratia prima vel secunda. De quo fusius in sequentibus agendo de Sacramentis Artic. XIII.

ARTICULUS VI.

De bonis operibus.

22. **D**ocent, quod superius descripta fides justificans (conformiter jam dictis Artic. IV.) debeat bonos fructus parere, & quod oporteat bona opera, mandata à Deo facere propter voluntatem Dei, non ut confidamus per bona opera justificationem coram Deo mereri: nam NB. (perpende propositionem causalem) remissio peccatorum, & justificatio fide apprehenditur. Ita Lutherani.

Econ-

Econtra vero Catholici cum antiquissima Ecclesia contra Arium jam anno Christi 353. (quo tempore Aetholici admittunt apud nos fuisse veram Ecclesiam) reprobatur, charitati, aliisque bonis operibus idipsum pariter appropriant, quod fidei; cum juxta jam dicta Art. IV. S. Scriptura, uti de fide, ita suo modo loquatur de aliis bonis operibus: cur igitur non valemus æque in Charitate, aliisque bonis operibus per gratiam Divinam & merita Christi sublimatis confidere, ac in ipsa fide? præsertim, cum ipsa Æterna Veritas non solum fidei, verum etiam aliis operibus præceptis Cælum adpromittat Matth. c. 19. v. 17. *Si vis ad vitam ingredi, serva mandata.*

23. Cæterum viderint ipsimet Lutherani quomodo Articulus iste, volens, ut opera à Deo mandata faciamus, cohæreat cum doctrina Magistri sui Lutheri, qui in Bulla Leonis X. defendit Art. 31. *Quod justus in omni opere bono peccet.* Art. 32. *Quod opus bonum optime factum sit peccatum veniale.* & Art. 36. *quod dum quis facit, quod in se est, peccet mortaliter;* si hæc vera, & omnia opera nostra peccata sunt, quomodo poterit hic Articulus nobis imponere, ut bona opera à Deo nobis mandata exequamur? Certe DEus infinite Sanctus non mandat id, quod à nobis non potest fieri sine peccato.

24. Objicit I. Confessio Augustana, juxta Sanctæ Scripturæ clarum textum *Lucæ cap. 17. v. 10.* Christus instruit Apostolos, & per hos nosmetipsos, ut, *cum omnia fecerimus, quæ præcepta sunt nobis, dicamus; Servi inutiles sumus*

*sumus, quod debuimus facere, fecimus: Ergo si-
gnum est, quod non debeamus confidere in no-
stra bona opera. Respondeo, id ipsum argu-
mentum posse retorqueri quoad actum fidei; cum
pariter hunc elicientes servi simus inutiles, & ta-
men etiam per hunc, sive de condigno, sive de
congruo mereamur: uti apud Pichler hic fol.
apud me 452. testatur S. Aug. Ep. 105. dicens,
Neque ipsa remissio peccatorum sine aliquo merito
est, si fides illam impetrat, neque enim nullum est
meritum fidei. Unde sicut possumus ex adver-
sarium principis, non obstante hoc, confidere
in justificationem nostram per fidem, ita etiam
per alia bona opera, mediantibus meritis Christi
dignificata: manemus tamen utrobique servi
inutiles, partim, quia exinde felicitatem realem,
atque intrinsecam Dei, ab aeterno infinite jam in-
existentem non augemus, partim, quia omnia ista
originaliter ac primario habemus ex gratia Divina
præveniente ac concomitante, per passionem &
merita Christi nobis comparata &c. &c.*

25. *Objecit eadem Confessio Augustana II.
Auctoritatem D. Ambrosii dicentis: Hoc consti-
tutum est a DEO, ut qui credit in Christum, sal-
vus sit sine operibus, sola fide gratis accipiens re-
missionem peccatorum. Respondeo, in primis opta-
sem, ut Confessio Augustana citasset clare lo-
cum, in quo hic textus apud S. Ambrosium re-
peritur: nam etiam non adeo pridem fictus qui-
dam Horallektor Hæreticus ad hunc ipsum finem
citavit S. Ambrosium in Epistolam ad Romanos*

P. Anact. Reiffenst. Theol. Supplem. G c.3.

c. 3. in quo tamen loco S. Ambrosii teste Pichler hic fol. apud me 477. illa formalia non inveniuntur. Deinde S. Ambrosius eodem loco, in quo ipsemet Apostolus ad Romanos c. 3. tantum excludit opera Legis Mosaicæ, non autem opera moraliter bona per gratiam divinam dignificata. Legamus in fonte hunc ipsum Ecclesiæ Doctorem in Epistolam ad Romanos cap. 3. se quasi explicantem, dum ait: *Gentilem dicit hominem pro certo haberi, quod justificetur credens nulla faciens opera Legis, id est, sine Circumcisione, aut Neomeniis, aut veneratione Sabbati &c.* Audiamus eundem potius pro nobis, & in favorem bonorum operum loquentem in Epist. 82. ibi. *Quæ salus nobis esse potest, nisi Jejunio eluerimus peccata nostra, cum Scriptura dicat Jejunium & Eleemosyna NB. à peccato liberant.* *Qui sunt Præceptores novi, qui meritum excludunt Jejunii:* Notet impugnator Lutherus hæc verba cum suis, Notent insuper Confessioni Augustanæ addicti pessimam sui Magistri doctrinam circa præsentem materiam apud Pichler, in Controvers. particul. de *Justificat. Art. 3. §. 1. num. 30. ubi Lutherus ait: Fortiter pecca, sed fortius fide in Christo, ab hoc non avellet nos peccatum, etiamsi millies in uno die fornicemur, aut occidamus.* Siccine? Hæc sit inexistens fides justificativa, quæ bona debet, in ipsorum principiis, opera parere? *Mille fornicationes, mille homicidia* in unica die commissa sunt boni hujus arboris fructus? Absit: doctrina hæc est arbor pessima; excindatur ergo, & mittatur in ignem,

in

in quo malus ille Hortulanus, qui plantaverat, jam ardet, & proh dolor! adebit in æternum.

ARTICULUS VII.

De Ecclesia.

26. **D**ocent primo, quod una sancta Ecclesia permansura sit. Secundo, definiunt Ecclesiam (supple eam, quæ est vera Ecclesia,) quod sit Congregatio NB. Sanctorum, in qua Evangelium pure docetur, & recte administrantur Sacramenta. Tertio addunt, ad veram unitatem Ecclesiæ satis esse, consentire de doctrina Evangelii, & administratione Sacramentorum: nec necesse est ubique esse similes traditiones humanas, seu ritus & Cæremonias ab hominibus institutas.

Ita Confessioni Augustanæ addiisti. Quibus, si verba in sano sensu accipiantur, & per traditiones humanas, nil, nisi ritus & Cæremoniæ particularium locorum, ac Diocesium (quæ utique possunt esse diversæ) intelligantur, facile assentientur Catholici, excepto, quod ipsis displiceat data ac absolute prolata definitio veræ Ecclesiæ, quæ non omnes fideles, sed tantummodo Sanctos in eandem admittit: cum tamen Ecclesia Christi in eadem admittit: cum tamen Ecclesia Christi Matth. c. 3. v. 12. comparetur *Area*, in qua non solum grana, sed etiam paleæ reperiuntur. Nos

fatemur (inquit S. Aug. Tract. 6. in Joann.) in Ecclesia Catholica & malos esse, sed tanquam grana & Paleas. Puto, quod Acatholici Pastores ipsi met adverterint hunc gravem suum errorem; hinc teste Pichler de Ecclesia c. 1. num. 5. fol. 135. in editione Germanica, ut magis istum Articulum cum sequenti, cui alias contradicere videtur, concordent, Ecclesiam Christi non amplius definierunt tanquam Congregationem Sanctorum sed omnium fidelium: Ein Versammlung aller Glaubigen, scilicet, Unio eorum omnium, qui habent fidem bonam. Et profecto à Christi Ecclesia excludere fideles non sanctos fuit error Assuritanorum, ex secta Donatistarum, & Semi-Arianorum Anno 318. ex Africa prodeuntium, de quorum rejecta doctrina mentionem facit D. August. Lib. 3. contra Epist. Parmeniani.

27. Cæterum, cum in præsentī de vera trahent Ecclesia, in qua Evangelium pure docetur, & recte administrantur Sacramenta, quæro ex ipsis æque, ac proportionaliter ex Calvinistis, aliisque Hæreticis, ubinam hæc Ecclesia Christi ante Lutherum exstiterit? Item quinam Doctores hi fuerint, qui pure docuerunt, ante ipsum Lutherum, Evangelium, ac recte administrarunt Sacramenta? Si in Ecclesia Catholico-Romana; cur igitur ab eadem recessit Lutherus? Si apud extraneos, puta Wicleffistas, Hussitas: quare ergo ad illorum sectam non transiit? Docere Evangelium, & administrare Sacramenta, sunt utique actus sensu perceptibiles; cur itaque ad illam Ecclesiam, in qua

qua hæc recte observantur, non confugit? Cur apud eandem prætenso Ecclesiæ Catholicæ abusus non detulit quintus iste (si superis placet) Evangelista; cum tamen ipsemet Christus *Matth. c. 18. v. 17.* expresse voluerit, ut errores in defectu spei emendationis dicantur *Ecclesia*? Quis sibi prudenter persuadere, aut ex quo textu S. Paginæ probari poterit, quod vera Ecclesia Christi, sponsa adeo dilecta, ultra mille annos, id est, à primis quatuor sæculis usque ad novum Reformatorem Lutherum (Deformatorem potius dices, si vitam & discursus ejusdem mensales legeris) una cum pura doctrina abscondita manserit, ita ut à fidelibus cognosci non potuerit, quorsum in his spiritualibus necessitatibus, & dubiis recurrere debeant? Absit hoc nobis dicere: Ecclesia Christi est *supra Petram edificata. Matth. c. 16. v. 18.* ac *Civitas supra montem posita, que non potest abscondi. Matth. cap. 5. v. 14.* atque ibidem D. Augustinus Epist. 170. Monstrent igitur nobis eandem sectatores Lutheri, vel Calvini aut Zwinglii, si aliam ante ipsorum protoparentes sciunt præter Romano-Catholicam.

28. Item Ecclesia Romano-Catholica fuit vera Ecclesia primis quinque, vel saltem quatuor sæculis, uti ipsimet moderni fatentur sectarii; ergo manet in hac sua possessione, usque dum clare ostendatur contrarium. Demonstrent igitur Heterodoxi per claros textus sacræ Paginæ (nam alia vana effugia non audio; quoniam volunt necessaria ad salutem haberi omnia clare

in Scriptura) eandem postmodum ab hac sua possessione deficiendo recessisse quo tempore, quo anno id contigit? Ego sane similes textus claros & convincentes in Hæreticorum libris etiam post longiorem inquisitionem invenire nunquam potui: si qui autem ab ipsis proponuntur apparentes, à Catholico-Romanis solvuntur, & explicantur, opponendo insuper sæpius textus textibus &c. manet ergo Ecclesia Romano-Catholica firma, & inconcussa in sua possessione antiquissima, supra Petram posita, contra quam Portæ Inferi post tot gravissimas persecutiones prævalere nunquam potuerunt. Miror, quod Acatolici, inter quos alias florent plures egregii juristæ, in præsentis, ubi agitur de æterna salute, in odium Papæ nolint agnoscere Regulam Possessoriam.

ARTICULUS VIII.

De Sacramentorum administratione.

29. In primis in isto Articulo admittunt in hac vita in Ecclesia multos malos, & hypocritas admixtos bonis. 2. Concedunt; quod liceat uti Sacramentis per malos administratis. 3. Asserunt, etiam talia Sacramenta esse efficacia. Unde damnant Donatistas & similes, qui negabant, uti licere mini-

nisterio malorum in Ecclesia, & sentiebant ministerium malorum inutile & inefficax esse. Ita illi. Et in substantia consentiunt Catholici, docentes tamen insuper, à Sacramentis per malos collatis, ideo non tolli efficaciam, quia causant effectum suum (nimirum gratiam) per se non ex opere operantis, sed per merita Christi ex opere operato.

ARTICULUS IX.

De Baptismo.

30. **D**e Baptismo docent 1. quod necessarius sit ad salutem, quodque per Baptismum NB. offeratur gratia DEI. 2. Quod pueri sint baptizandi, quia per Baptismum oblatis DEO, recipiuntur in gratiam DEI. 3. Damnant Anabaptistas, qui improbant Baptismo pueros salvos fieri. Ita Lutherani: nec in his, prout jacent, dissentiunt Catholici, excepto, quod in eorum principiis per Baptismum non solum offeratur, sed etiam causetur, saltem moraliter, gratia Divina. Redibit de Baptismo adhuc Quæstio Articulo XIII.

31. Intera tamen quæritur ex Lutheranis, quomodo hic Articulus IX. in ipsorum principiis cohareat cum Articulo IV.? Etenim Articulo IV. volunt, ad omnium justificationem requiri actum fidei, qua apprehenditur justitia Christi nobis ex

inde imputata; hic autem tenent, parvulos posse baptizari, & exinde justificari, seu recipi in gratiam DEI, cum nondum sint capaces rationis, ut possint elicere aliquem actum fidei, quo nobis & nullo alio modo confertur iustitia juxta eorum principia?

Scio quidem, quod aliquo saltem modo respondeant, & fingant sine ullo Sacrae Scripturae textu, solum DEum infundere parvulis aliquem actum talis fidei in Christum. Sed plane hoc videtur prorsus gratis dictum, nec experimur facti adulti, quod unquam tanquam parvuli in Baptismo similem habuerimus actum fidei. Quinimo si hic actus fidei inesset parvulis in Baptismo; non ita manibus, pedibusque, dum affunditur aqua, reluctarentur, prout tamen sapissime videmus contingere. Accedit, quod juxta Adversarios Art. VI. nulla ibi sit vera fides, ubi nulla sunt opera bona tanquam signa fidei, & fructus gratiae; sed in parvulis nulla sunt bona opera; ergo neque fides illa actualis à Lutheranis requisita.

32. Et quæso, Lutherane, dum te oppugnat aliquis Anabaptista, qui vult, parvulos non debere baptizari, atque baptizatos debere tanquam adultos iterum rebaptizari, ex eo fundamento, quod in Scriptura requiratur aliqua fides ad Baptismum, juxta illud *Marci c. 16. Qui crediderit & baptizatus fuerit* &c. à parvulis autem tanquam incapacibus rationis fides actualis elici nequeat; quomodo huic Anabaptistæ ex Scriptura, ad quam
sem-

semper appellas, clare poteris probare, etiam parvulos credere actualiter per aliquem actum fidei à DEO ipsis communicatum?

Nos Catholici, qui præter Verbum Dei scriptum etiam admittimus traditum, & agnoscimus supremum in fidei controversiis ac dubiis dicendis Judicem, prætereaque insuper ex notis Ecclesiæ ostendimus, nostram esse veram à Christo supra petram fundatam Ecclesiam, facile convenimus dicendo cum Ecclesia, hunc textum, *Qui crediderit & baptizatus fuerit &c.* loqui non de parvulis, sed adultis, apud quos prævie ante Baptismum (uti ponitur in ipso sacro textu,) gratis admittitur, requiri actum fidei, qui una cum gratia Divina actuali de congruo disponat ad Baptismum & Justificationem, non autem sit, quæ primum etiam in parvulis excitetur per ipsum Baptismum.

ARTICULUS X.

De Cœna Domini.

33. **D**e Cœna Domini docent, quod corpus & sanguis Domini vere adsint, & distribuantur vescentibus in Cœna Domini, improbant secus docentes. Ita illi in formalibus.

Quis ex ista doctrina valde palliata non crederet, Confessioni Augustanæ addictos quoad hunc

Articulum circa Eucharistiam ex toto Catholicos, præsertim, cum præcedenter ponant NB. *adesse corpus & sanguinem Christi*, ac subsequenter primum *distributionem ac sumptionem*; At longe aliter se res habet; negant enim contra Catholicos adesse Corpus & Sanguinem Christi ante ipsam actualem sumptionem: hincque apud Catholicos improbant expositionem Venerabilis Sacramenti, atque Processiones cum eodem, taliter instructi ab ipso Luthero, qui ad initium in Epistola ad Argentinenses omnino inclinabat absolute negare realem præsentiam corporis & sanguinis Christi sub speciebus Panis & Vini: postea tamen persuasus à Martino Bucero, pariter Apostata, Patria Argentinensi, admisit, non quidem extra sed in ipso usu actuali. Contra hos

34. Respondetur, Corpus & Sanguis Christi non solum sub ipsa actuali sumptione, sed etiam jam antea post complete prolata verba consecratoria adsunt. Ita declarat Concilium Trident. *Sess. 13. can. 4.* tanquam de fide. Probatur veritas Responsionis I. ex consecratione panis. *Matth. 26. v. 26. & 27.* ubi Christus in Cœna illa ultima Apostolis porrigens panem, ait: *Accipite & comedite; Hoc est corpus meum.* NB. non dixit, *hoc erit* in ipsa manducatione. sed *hoc est* Corpus meum, adeoque ne cogamur vel verba Sacra Scripturæ, in sensum valde improprium contra ipsos Lutheranos, volentes in similibus omnia ibidem clara, detorquere, vel omnino admittere, Christum dixisse falsum, debemus concedere, quod

quod illico (nimirum post completam consecrationem) jam adfuerit Panis, seu Cibus hic Angelicus, *Corpus Christi*. Profecto dum Evangelicus ille Paterfamilias *Lucæ c. 14. v. 16. & 18.* fecit Cœnam magnam, figurativam hujus Cœnæ maximæ, & invitavit multos, ut ad eam venirent, utique præsumebantur cibi ante ipsam manducationem existeret: hoc enim in quolibet tali convivio præsupponitur.

Probatur 2. de consecratione Calicis; dum enim ibidem invitavit omnes Apostolos, ut biberent; pro majori ad bibendum incitamento adjunxit per particulam *enim* causam motivam, dicens *Matth. cap. 26. v. 28. Hic est NB. enim sanguis meus*; ergo sicut causa effectum, & incitamentum ad aliquam actionem præcedit ipsam actionem, ita sanguis Christi præcessit bibitionem, seu potationem. Sane si in nuptiis illis Joann. cap. 2. descriptis, & in Cana Galileæ celebratis, sponsus (qui teste Augustino *Tract. 9. in Joann.* ad initium, figuravit Christum) voluisset Hospites incitare ad bibendum dicendo: bibite ex his sex hidriis; *hoc enim vinum bonum*, omnes supponerent vi hujus propositionis jam adesse tale, quando sponsus hæc verba complete pronuntiavit; non autem primum postea illud fieri, puta per conversionem &c. *Hic similiter panis*: loquitur optime ad propositum antiquissimus Ecclesiæ Doctor S. Gregorius Nissenus Orat. Catech. cap. 37. fuit, dicit Apostolus, *sanctificatus per verbum DEI*, & Orationem, non NB. per cibum

Et potum procedet ad corpus verbi, sed à verbo, quemadmodum dictum est transmutatur, nempe, hoc est Corpus meum.

35. Dices: Christus illa verba: *Hoc est Corpus meum: Hic est Sanguis meus* primum protulit sub actuali sumptione Apostolorum; ergo primum pro tunc, cum Apostoli manducaverunt panem, & biberunt vinum, adfuit Corpus & Sanguis Christi, & consequenter Eucharistiæ Sacramentum conficitur primum sub actuali usu, uti Baptismus sub actuali ablutione &c. Antecedens probatur. Juxta ordinem descriptum in sacro textu *Matth. cap. 26.* Christus primo accepit panem, *benedixit*, ac *dedit*, discipulis suis; postea legitur subjunxisse verba consecrationis. *Hoc est corpus meum* (idem dic de Calice Domini,) ergo signum est, quod etiam Apostoli ex porrecto pane incepterint aliquo modo manducare, & ex calice bibere antequam Christus illa verba omnino protulit.

36. Respond. neg. anteced. Imo id ipsum quoque non pauci Luthérani cum Gerardo Professore Jenensi, uno ex Principalioribus & doctioribus sectariis, similiter negant existimantes præallegata consecrationis verba fuisse prolata, non post, sed ante manducationem &c. Quoad probationem antecedentis, transmissio etiam, quod actiones superius descriptæ omnes (de quo tamen vide Controversistas nostros hic) ante verba consecratoria contigerint, & quidem eo ordine, quo po-

ponuntur in sacro textu; vi hujus tamen necdum sequitur, quod sub ipsa prolatione horum verborum Apostoli actualiter inceperint manducare, & bibere de porrectis. Sic dato etiam præcedentibus exemplis, quod Paterfamilias discumbentibus panes distribuisset dicendo: *Hic est panis optimus*, vel sponsus in Cratere Hospitibus vinum porrexisset excitando, bibant, & addendo, *hoc est vinum bonum*; exinde tamen non infertur, quod statim sub actuali porrectione, vel verborum prolatione illico inceperint manducare & bibere. Quoad Baptismum, seu alia Sacramenta negatur paritas: etenim, uti Catholici Theologi in suis libris passim probant, alia Sacramenta consistunt in fieri, sanctissimum vero Sacramentum Eucharistiæ in facto esse tanquam aliquid permanens: nam in hoc Sacramento quoque Christus nobiscum est Catholico - Romanis omnibus diebus usque ad consummationem sæculi. *Matth. cap. 28. v. 20.* Atque exinde juxta SS. PP. antiquæ quoque Ecclesiæ absoluto cultu patriæ recte hic Christus adoratur non solum sub ipsa, sed etiam ante manducationem: quod tamen fieri nequiret, nisi præcederet manducationem caro, & sanguis Christi. Audiamus brevitatis gratia ex pluribus unicum S. Augustinum in Psalmum 98. sic loquentem: *Nemo illam carnem manducat, nisi NB. prius adoraverit. Non solum non peccamus adorando, sed peccamus non adorando.*

ARTICULUS XI.

De Confessione.

37. *De Confessione docent, quod absolutio privata in Ecclesiis retinenda sit, quamquam in Confessione non sit necessaria omnium delictorum enumeratio: est enim impossibilis juxta Psalmum: Delicta quis intelligit: Ita Lutherani. Contra Catholici non solum absolutionem, verum etiam integram (supposito, quod status morbi, aliaque circumstantiae admittant) confessionem omnium peccatorum gravium post Baptismum commissorum, & nunquam adhuc delictorum necessariam adstruunt quoad speciem & numerum, qualiter eadem post diligens examen occurrunt memoriae. Dixi notanter primo: qualiter post diligens examen &c. ubi nota, quod diligentia Examinis debeat mensurari juxta eam diligentiam, quam homines in aliis respective gravibus negotiis solent adhibere, attendendo simul ad circumstantias temporis, personarum &c. non autem requiritur, ut nos nimium (sicuti solent multi scrupulosi vix non ad insaniam usque aliquoties facere) torqueamus, & defatigemus: nam Christi jugum suave est, onus ejus leve &c. de quo plura Moralistae. Dixi notanter secundo: occurrunt memoriae: nam alia, quae post diligens examen superius explicatum non occurrunt, seu incidunt, utique nec tenemur in confessione exponere, & nihilominus etiam ista, non quidem directe, sed indirecte, seu taliter remittuntur,*
ut,

ut, si postmodum nobis incidunt, & alias Confessionem deponimus, eadem clavibus subicere simus obligati. Et hæc obligatio sub istis moderationibus plane non est impossibilis: non enim somniant Doctores Catholici adstringere Pœnitentem ad confessionem omnium gravium peccatorum in casu impossibilitatis. Quinimo positive contrarium innuunt, dum Theologi Catholici docent expresse, quod omnium gravium peccatorum confessio materialiter integra (uti vocant) non sit necessaria, quando eadem ob statum morbi, vel alias circumstantias redditur *moraliter impossibilis*, e. g. si quis subito destituatur sensibus, ubi sufficit Confessio Generalis dolorosa vel ore, vel saltem signo aliquo sensibili expressa, quam confessionem adhuc formaliter integram appellant. Perpende benignitatem Catholicorum. Insuper ad confessionem peccatorum venialium, aut imperfectionum Pœnitentem Catholici non obligant, quamvis Pœnitens eadem se commisisse intelligat, & confiteri posset. Idem à fortiori dicendum quoad motus primo primos appetitus tam concupiscibilis, quam irascibilis, deliberationem intellectus prævenientes, in quibus juxta dicta, & dicenda ne quidem ratio peccati invenitur. His prænotatis.

38. Probatur Catholica Veritas ex ipsis Verbis Æternæ Veritatis *Joan. c. 10. v. 23.* ubi post resurrectionem suam Christus per hæc verba: *Quorum remiseritis peccata, remittuntur eis, & quorum retinueritis, retenta sunt,* dedit Apostolis potestatem remittendi, & retinendi peccata prout in Domino

videbitur: sed hæc potestas esset inefficax, nisi ex parte Pœnitentis foret vicissim obligatio confitendi omnia gravia peccata: quomodo enim Confessarius tanquam Christi Minister aliqua peccata retinere, aut etiam prudenter discernere posset, utrum hæc vel illa peccata retinenda, vel remittenda, absolutio danda vel deneganda, si Pœnitens non haberet obligationem eadem in Confessionali manifestandi? *Sacerdos pro officio suo, cum peccatorum audierit NB. varietates, scit, qui sit ligandus, quive absolvendus*, inquit ex Ecclesia Antiqua Sanctus Hieronymus ad c. 16. *Matth.* ergo. Itaque adstantem coram te sacerdotem Angelum DEI existima &c. aperi ei penetralium tuorum abditissima latibula, conscientiarum verecundarum penitiora revela propagula. Non te pudeat coram uno dicere, quod te non puduit forsitan coram multis, & cum multis facere. Ita Pœnitentem alloquitur S. Augustinus de *Visitat. Infirm.* cap. 5. Plures alios SS. PP. de antiqua Ecclesia apud Bellarminum, aliosque Controversitas passim reperiendos prætereo.

39. Dices: Neque Christus, neque Apostoli audierunt Pœnitentes distincte quoad speciem & numerum confitentes peccata sua: ergo signum est, quod non sit obligatio (præsertim ex præcepto Divino) eadem aperiendi sacerdoti singulatim quoad speciem & numerum.

Respondeo ex P. Pichler in sua Theologia Polemica hic fol. apud me 626. quoad ipsum Christum, hoc remedium actualiter primum post suam resur-

resurrectionem instituentem, non esse inferendam paritatem, si is tanquam supremus Dominus usus fuerit absoluta sua potestate, qui peccata non solum sine absolutione, sed etiam sine Baptismo dimittere potuit; qualis tamen potestas illimitata non legitur data aliis, sed potius restricta ad formam iudicii; debent autem iudici alia delicta aperiri non in genere duntaxat, sed etiam in specie: quoad ipsos Apostolos prorsus incredibile est quod hi iudicalem hanc potestatem sibi à Christo *Matth. c. 16. v. 19.* adhuc in vita sua promissam, & post mortem *Joann. c. 20. v. 22.* actualiter collatam, nunquam exercuerint. Quinimo de S. Paulo expresse in actibus Apostolorum *c. 19. v. 18.* habetur: *Quod venerint multi NB. credentium confitentes & annunciantes* (Syriaca Editio habet *numerantes*) *actus suos.* Legatur Bellarminus *Lib. 3. de Pœnitent. a c. 2. & seqq.* ubi permulta adducit loca S. Script. Conciliorum, & SS. Patrum, Pœnitentiæ, & Confessionis necessitatem clare ostendentium, eamque eodem modo, & ritu, uti nunc est, in usu semper fuisse comprobantium. Pariter annotetur ex P. Pichler *loc. cit.* in hac ipsa materia infidelitas Lutheri, circa citatum textum D. Pauli, qui, ne suæ doctrinæ, integram confessionem omnium peccatorum mortalium rejicienti, obstare videatur, pro *lyctus suos* posuit *miracula sua*, quasi nimirum credentes Paulo tantummodo sua annuntiassent miracula. Nec defendat Magistrum discipulus Lomerus dicendo, Lutherum in hoc fuisse secutum S. Chrysostomum *homil. 41. in Acta*: falsum. *P. Anacl. Reiffenst. Theol. Supplem. H. his-*

issimum enim est, quod ibidem, uti legenti constat, S. Chrysostomus ly *annuntiantes actus* suos accipiat pro *miraculis*; quin potius ait, *annuntiantes actus* suos ibidem esse, ac *offensas suas*. Quare etiam *homil. 42. in Matth.* quemlibet Pœnitentem his alloquitur verbis: *Peccata tua NB. per singulas species recale.* Hoc equidem juxta dicenda §. VII. Art. IV. verum est, quod S. Chrysostomus improbet enumerationem specificam peccatorum in Confessionibus publicis: nullatenus vero in Confessione privata, seu auriculari; in qua Sacerdos strictissime obligatur ad silentium, seu sigillum.

ARTICULUS XII.

De Pœnitentia.

40. **D**e hac docent 1. quod post Baptismum lapsis possit remissio peccatorum contingere quocunque tempore, dum convertuntur, & quod Ecclesia talibus redeuntibus ad Pœnitentiam debeat absolutionem impertiri. Et in hoc puncto damnant partim Anabaptistas, negantes semel justificatum posse iterum amittere Spiritum Sanctum: partim novatianos nolentes post Baptismum iterum lapsos & ad Pœnitentiam redeuntes, absolvere.

Docent 2. quod Pœnitentia ista proprie duabus constet partibus, nimirum contritione, seu erroribus con-

conscientiæ, agnito peccato, inclusis (in his enim constituunt rationem contritionis) ac fide illa, quæ ex Evangelio, seu absolutione concipitur, & mediante qua creditur propter Christum remitti nobis peccata, sicque hac fide apprehenditur justitia Christi, seu gratia justificativa.

Docent 3. Ex hac pœnitentia sequi bona opera, quæ dicuntur fructus Pœnitentiæ.

Docent 4. Non tamen per dicta bona opera, seu satisfactiones nostras nos promereri gratiam. Ita Lutherani.

41. Econtra Catholici quoad primum quidem punctum juxta bonam interpretationem acceptum, conveniunt, admittentes ultro peccatorem relapsum, & ad Pœnitentiam redeuntem debere absolvi, dummodo cæteroquin constet, quod debite sit dispositus. In reliquis punctis ex toto sunt contrarii doctrinæ Confessionis Augustinæ.

42. Ut hæc amplius capiantur, Antitheses ad invicem Catholicos inter & Sectarios appono. In primis Catholici firmiter tenent, Pœnitentiam esse verum Sacramentum: Acatholici vero subinde id affirmant, subinde negant, uti videre est apud Pichler hic de numero Sacramentorum. Defacto tamen, teste eodem, communiter saltem, tantum duo admittunt Sacramenta, Baptismum nempe, & Eucharistiam, & consequenter Pœnitentiam a ratione Sacramenti excludunt.

Secundo, Catholici credunt indubitate, ad valorem Sacramenti Pœnitentiæ necessario requiriri tria: nimirum *dolorem cum proposito*; aliquam vel materialiter, vel in certis circumstantiis saltem formaliter integram *confessionem* & *absolutionem*: *satisfactionem* autem actualem esse quidem partem integram, vi cuius in virtute Sacramenti, & meritorum Christi delentur pœnæ temporales, sæpius post reatum culpæ remissum adhuc restantes; valere tamen adhuc Sacramentum quoad sua essentialia, si hæc satisfactio equidem habeatur in voto; in re autem ipsa non persolvatur, puta ob mortem subitanam &c. &c.

Econtra Sæctarii putant, Pœnitentiam duabus tantum constare partibus nimirum *contritione* & *fide*. Absolutionem quidem etiam admittunt, negant tamen per eandem peccata proprie remitti, sed potius denuntiari remissa per fidem in Christum in corde Pœnitentium excitatam, qua mediante apprehenditur gratia justificativa. Confessionem concedunt, at omniū peccatorum enarrationem impossibilem adstruunt. Obineri autem remissionem peccatorum per satisfactiones nostras, absolute rejiciunt.

Tertio quoad dolorem ad Pœnitentiam requisitum, equidem etiam Catholici eundem communiter vocant contritionem, & longe aliter explicant, quam Lutherani Confessioni Augustanæ addicti. Nam priores dicunt contritionem supernaturalem in genere esse *dolorem animi, ac detestatio-*

tionem peccati commissi ex motivo aliquo honesto per fidem cognito &c. Quam deinde contritionem, vel pro varietate motivi, sive juxta nonnullos, pro varietate majoris vel minoris intentionis, dividunt in contritionem perfectam, & imperfectam, fatentes, ad Sacramentum Pœnitentiæ tantummodo desiderari contritionem imperfectam. Econtra posteriores, nimirum Lutherani, in Confessione Augustana ajunt, quod contritio illa nihil aliud sit, quam *terrores & pavores conscientie incussi à lege, agnito peccato, & ira Dei*: nam (pergunt ulterius) per ipsam legem innotescit nobis peccatum, & ira Dei desuper denuntiatur, ex qua consideratione terrores conscientie incutiuntur, quæ exinde conteri dicuntur. Ita in his punctis Sectariorum, contra quos (dum eosdem quoad obligationem confitendi peccata jam superius refutavimus) etiam circa tria residua puncta, nempe circa explicatam contritionem, absolutionem & satisfactionem, Catholicam veritatem per tres Responsiones probamus. Itaque

43. Respondetur I. Superius à Lutheranis explicati, & conscientie incussi terrores formaliter & essentialiter non constituunt contritionem, seu dolorem requisitum ad Pœnitentiam. Ratio est: quia tremores isti non raro possunt reperiri etiam in impœnitentibus: nam etiam *dæmones credunt & contremiscunt*. Jac. 2. Sic etiam reus homicidii potest timere futuras pœnas, & iram judicis, quin conteratur de crimine: Imo potest adhuc

gaudere, quod trucidaverit E. g. suum adversarium: ergo in his tremoribus non consistit essentia contritionis illius, quæ est pars Pœnitentiæ. Unde nec Sancti PP. antiquiores essentiam contritionis, seu doloris ad Pœnitentiam requisiti definierunt per istos terrores. Ostendant itaque nobis adversarii clare ex Sacra Scriptura (ex qua suas probationes desumi gloriantur) quo loco hæc definitio contritionis legatur.

44. Id summo opere deplorandum (uti etiam sæpius mecum ingemui) quod, dum Pastores Sectariorum ex una parte contritionem ad Pœnitentiam essentialiter requisitam mirabiliter explicant, ex altera vero fidem suam justificativam, una cum libertate conscientiæ nimium quantum continuo in libris & pulpitis extollunt, de contritione perfecta, ex motivo charitatis procedenti altum teneant silentium, vel saltem pro captu non satis declarent, facile contenti, dummodo errantes oviculæ suæ sciant contra Catholicos explicare fidem suam justificativam, & in actum exercitum deducere. Insignis hæc est deceptio diaboli, qui pauperculis maxime simplicioribus ignorantia forsitan invincibili circa veram fidem laborantibus, aliis tamen peccatis contra decalogum irretitis, exinde subtrahit unicum, quod adhuc superesset ipsis salvationis remedium, nempe charitatem & contritionem perfectam. Vide hic sæpius allegatum Patrem Pichler, cujus Theologiam Polemicam utilissime leges, maxime si inter A catholicos permixtum vivas; ubi pariter novas evasio-

nes & distinctiones recentiorum Theologorum A catholicorum præclusas invenies.

45. Respondetur II. Absolutio est Pars essentialis Sacramenti Pœnitentiæ, atque per sacerdotem vi absolutionis vere remittuntur Pœnitentibus peccata, & non præcise denuntiantur esse remissa per excitatam in Pœnitentibus fidem, quam A catholici justificativam appellant. Ita Catholici omnes, quinimo ex eorum Doctoribus, præsertim Scotistis, non desunt, qui, cum hoc Sacramentum se habeat per modum judicii, totam ejusdem essentiam constituunt in absolutione, ita tamen, ut dolor, ac confessio requirantur, tanquam conditiones, sine quibus non haberetur essentia, eo ferme modo, quo ajunt unionem inter materiam & formam non esse partem essentialem hominis, sed præcise conditionem sine qua non. Quidquid tamen de hoc sit in præsentî.

46. Probatur veritas Catholica contra Hæreticos quoad I. partem taliter: Ex jam dictis *Artic. præc.* Confessio modo superius explicato est pars essentialis Pœnitentiæ (vel, si mavis dicere, conditio essentialiter requisita ad Sacramentum Pœnitentiæ,) ergo multo magis absolutio erit pars essentialis, cum confessio sit ordinata ad absolutionem impetrandam, atque insuper conformiter textui S. Joannis c. 20. *Quorum remisistis &c.* Christus instituerit hoc Sacramentum per modum judicii; Judicium autem essentialiter compleatur per sententiam Judicis. Ut autem

adhuc in hoc puncto clarius (obscuritatem enim, quantum possum, abominor) ad invicem intelligamur, notatum velim ab adversariis, quod pro semper Catholici defendant, Pœnitentiam esse verum Sacramentum juxta dicenda Articulo sequenti, & ad id, qua tale, ut in sua constituatur essentia, requirunt absolutionem. Cateroquin in suis principiis gratis fatentur etiam extra actuale hoc Sacramentum posse aliquoties graves peccatores fideles salvari per actum charitatis, vel contritionis perfectæ, in quibus tamen semper saltem implicite, confessio & absolutio, seu Sacramentum Pœnitentiæ includitur *in voto*.

47. Probatur nunc secunda Pars hujus Catholice veritatis, quod nimirum per hanc absolutionem *vere remittantur peccata*: etenim Christus Joann. 20. absolute pronuntiavit: *Quorum remiseritis peccata, remittuntur eis*: ergo per sacerdotem in absolutione non solum *denuntiantur* remissa peccata per fidem, prout putant Acatholici, sed *vere remittuntur*, non quidem Auctoritate suprema & independenti (hoc enim Soli DEO competit,) sed delegata & dependenti: debemus enim Sacram Scripturam accipere in sensu proprio, quando sine implicantia & contradictione possumus, maxime in principiis Acatholicorum, qui dogmata sua conantur (utinam conatui corresponderet effectus) vel maxime demonstrare ex Scriptura. Et plane, si *remittere peccata* seu *absolvere à peccato* idem est, ac *denuntiare, peccata esse remissa per fidem*, poterit quoque Laicus, ac
 fœ-

fœmina absolvere; nam & hæc excitando peccatorem ut credat in Christum, & confidat in merita ejusdem poterit dicere: *Si hanc fidem habeas, denuntio tibi remitti peccata.* Immo quis magis hanc denuntiationem remissionis peccatorum propter fidem in Christum facere poterit, quam peccator sibi metipsi, qui melius, quam exteriores, sentiet, qualem in corde suo habeat fidem, & fiduciam in Christum; sicque peccator sistendo in principiis adversariorum posset contra communem praxin, & sensum antiquæ Ecclesiæ se ipsum absolvere.

48. Responderetur III. Per bona opera ac satisfactiones nostras in meritis Christi & Divina gratia fundatas, obtinemus in Sacramento Pœnitentiæ condonationem peccatorum quoad pœnas temporales, sæpius post reatum culpæ remissum adhuc restantes, & alias in vel in hac vel in altera vita solvendas. Hæc responsio duas in se continet partes: nimirum 1. quod culpa remissa sæpius restet aliqua adhuc pœna temporalis. 2. Quod remissionem talis pœnæ possimus obtinere per bona opera & satisfactiones nostras. Prima pars patet exemplo S. Scripturæ: sic enim Rex David 2. Reg. cap. 12. v. 13. & 14. postquam perfecte corde contrito culpam suam de duplici gravissimo peccato, homicidio & adulterio, per verbum *peccavi* confessus fuit, obtinuit remissionem culpæ Pœnitenti Regi per Nathan Prophetam annuntiatam his verbis: *Dominus transtulit peccatum tuum;* quo non obstante punitus est adhuc

huc temporaliter, nimirum morte filii sui unice dilecti. Secunda pars ostenditur ex Sacro Codice, & SS. PP. qui similibus *satisfactionibus*, seu (uti communiter vocantur) *Pœnitentiis* remissionem adscribunt. Si *pœnitentiam* egerit gens illa à malo suo, inquit DEus Jerem. c. 18. *agam & ego Pœnitentiam super malo, quod cogitavi, ut facerem ei &c.* Et S. Augustinus in Enchirido ad Laurentium c. 71. loquens de Oratione Dominica *Oratio delet & illa (supple peccata) à quibus vita fidelium scelerate gesta, sed NB. pœnitendo in melius mutata, discedit. Quare Dominus orandus est: Dominus nostra satisfactione placandus est. Concludit optime S. Cyprianus Serm. de Lapsis.*

49. Nec dicas: Satisfactio, ac merita Christi tanquam infiniti valoris sunt sufficientissima ad remittenda peccata nostra tam quoad culpam, quam quoad pœnam; ergo sunt injurii Christo, & ejus gloriam diminuunt, qui aliquam insuper remissionem pœnæ temporalis tribuunt meritis & satisfactionibus nostris. Respond. Disting. ant. Merita & satisfactio Christi sunt sufficientissima ad remissionem &c. in actu primo con. in actu secundo, nego. Etenim etsi ex se ipsis sint talia, attamen Christus in actu secundo noluit homini ista illimitato modo applicare, sed potius voluit, ut pariter ad merendum merita sua, & ad satisfaciendum satisfactiones suas jungat. Qui sic DEO satisfecerit, non jam solum DEI veniam NB. merebitur, sed coronam, ait in formalibus antiquissimus S. Pater Cyprianus Serm. de

de Lapsis. Nec exinde diminuitur Gloria Christi; cum ipsa hæc merita, & satisfactiones nostræ valorem suum habeant ex satisfactionibus & meritis Christi, intuitu quorum confertur nobis Divina gratia, opera nostra dignificans. Sic etiam in ipsis principiis adversariorum, quamvis merita & satisfactiones Christi in se ipsis sunt infiniti valoris noluit tamen Christus ea nobis applicare in actu secundo nisi dependenter à Sacramentis, & (uti ipsi inquirunt) à fide in Christum, qua apprehendimus iusticiam.

ARTICULUS XIII.

De Usu Sacramentorum.

50. **E**xplicant in primis, ac describunt Sacramenta in genere, quod sint signa & Testimonia voluntatis DEI, erga nos ad excitandam & confirmandam fidem in his, qui utuntur, proposita. 2. Dicunt, Sacramentis superius descriptis esse utendum ita, ut fides accedat, quæ credit promissionibus. 3. Damnant illos (puta Catholicos) qui docent, quod Sacramenta ex opere operato iustificent. Ita Lutherani. Ubi nota quod in Confessione sua Augustana à numero determinato Sacramentorum in specie adhuc abstraxerint, etsi defacto communiter tantum duo admittant, nimirum Baptismum & Eucharistiam.

51. Ceterum ex hac ipsa descriptione Sacramenti ut sic innuere volunt, tria principaliter in ipsorum principiis requiri ad rationem Sacramenti. Ut id, tanquam *signum* habeat externum aliquod materiale, quod vocant Elementum. 2. ut Elementum, seu signum illud habeat expressum mandatum Divinum, seu sit *Institutum*, à DEO. 3. Ut habeat annexam *promissionem gratiae*: taliter nimirum, ut per signum à DEO institutum exci- tetur in nobis *fides in Christum*, qua, quasi aliqua manu, apprehendimus iustitiam Christi; nobis exinde taliter imputatam, ut per eam dicamur iusti, Deoque grati & peccata nostra tegantur seu non amplius imputentur.

Ex quo facile deducitur, A catholicos non admittere gratiam, per Sacramenta nobis collatam, esse aliquod positivum supernaturale, qualiter Catholici intrinsecam aliquam qualitatem supernaturalem (quam habitum vocant) defendunt, per Sacramenta saltem moraliter causatam in anima iusti; ubi econtra Lutherani eam gratiam Sacramentalem tantummodo extrinsecam asserunt, quatenus nimirum praecise mediante fide elicita ipsa *Iustitia*, seu Sanctitas Christi nobis imputatur; quin aliqua positiva qualitas supernaturalis animae infundatur.

52. Econtra Catholici longe aliter definiunt & vi ipsius definitionis alias ad Sacramentum requirunt conditiones, quam A catholici: describunt nimirum taliter ex Catechismo Romano, quod sit
in-

invisibilis gratie visibile signum ad nostram justificationem institutum. Vel ex Scoto, 4. sent. dist. 1. quest. 2. quod sit signum sensibile gratiam DEI, vel effectum ejus gratuitum ex institutione Divina significans ordinatum ad salutem hominis viatoris. Singulas particulas hujus descriptionis fusius declaratas vide apud Reiffenstuel *Tract. 14. Theol. Moral. dist. 1. q. 1.* Secundo ex hac ipsa definitione inferunt, Sacramenta dici talia, non quatenus fidei actualem in Christum excitant, sed quatenus causant instrumentaliter gratiam primam aut secundam, & quidem tanquam aliquam qualitatem supernaturalem animæ infusam. *Tertio.* Sacramenta causare illam gratiam ex opere operato, id est, immediate vi ipsius Sacramenti per merita Christi ad hanc causalitatem elevati, non autem intuitu meritorum alicujus operantis. *Quarto* talia Sacramenta statuunt septem, puta *Baptismum, Confirmationem, Pœnitentiam, Eucharistiam, Extremam Unctionem, Ordinem, & Matrimonium.* His prænotatis.

53. Respondetur I. Male describitur Sacramentum ut tale ex eo, quia excitat vel confirmat in nobis fidem in Christum, qua apprehenditur gratia justificativa. Ratio est *prima*, quia etiam aliqua concio, liber spiritualis, vel devota imago potest excitare fidem in Christum, præcipue vero ipsum Evangelium JESU Christi: nam *Evangelium virtus DEI est in salutem omni credenti.* Ad Rom. I. v. 16. & tamen etiam juxta ipsos similia non sunt vera Sacramenta: ergo hæc definitio non convenit omni & soli, consequenter est mala.

Ra-

Ratio est *secunda*, quia fides potius præsupponitur in adultis, ante susceptionem Sacramenti; ergo non causatur, seu excitatur primum per Sacramentum; alias enim esset effectus simul prior & simul posterior sua causa. Antec. probatur in Baptismo, quem etiam A catholici tanquam verum Sacramentum agnoscunt: ubi tamen fides præsupponitur ipsi in Scriptura: sic enim legitur *Matth. cap. 16. Qui NB. crediderit, & baptizatus fuerit, salvus erit. Matth. cap. 28. Docete omnes gentes baptizantes eos &c. Act. c. 8. v. 12. Cum credidissent Philippo Evangelizanti de Regno DEI, in nomine JESU Christi baptizabantur.* Et ibidem *v. 37. ac seqq. noluit Philippus baptizare Eunuchum Regina Candacis, nisi credat ex toto corde.*

Ratio est *tertia*, quia apud Lutheranos etiam Infantibus, & perpetuo amentibus recte confertur Sacramentum Baptismi, & tamen ibidem Baptismus nequit excitare fidem actualem; cum sint incapaces rationis, sicque etiam incapaces eliciendi actum fidei, conformiter jam dictis Art. IX. licet ceteroquin nullum ponant obicem huic Sacramento; ergo ad rationem essentiali Sacramenti necessarium non est, ut excitetur actualis fides in Christum. Quod si varias extortas contra hæc solidissima fundamenta Catholica adducant evasiones, & distinctiones, petuntur ab ipsis textus Sacra Scripturae, ex quibus clare hæc eruantur: quoniam si ad salutem necessaria juxta eosdem eruantur ex S. Scriptura præ omnibus id fieri debet quoad Baptismum, per quem in Ecclesiam ingredimur.

54. Respondetur II. Sacramentum optime describitur à Catholicis per hoc, quod sit causativum gratiæ sanctificantis ex opere operato. Ratio est; quia Scriptura tribuit Sacramentis ipsismet effectum gratiæ, atque peccatorum remissionem; sic enim legitur de Baptismo. Act. 2. v. 38. *Baptizetur unusquisque vestrum NB. in remissionem peccatorum.* De Eucharistia autem Joan. cap. 6. v. 50. & 52. *si quis manducaverit ex hoc pane, vivet in æternum.* Item panis, quem ego dabo, caro mea est NB. pro mundi vita &c. Plures tales textus videri possunt apud controversistas. Unde non video, quomodo ex hoc capite (uti nec ex aliis) Lutherus potuerit improbare Ecclesiam, & sumere ansam apostatandi.

55. Respondetur III. Gratia illa sacramentalis causata per Sacramenta, tanquam per instrumenta, est vera aliqua qualitas positiva, supernaturalis, animæque inexistens, per quam homo fit vel formaliter justus, amicus & filius adoptivus DEI, vel saltem ut talis jam inventus, in his prædicatis confirmatur & crescit.

Probatur I. Ex illis textibus Sacræ Scripturæ, quibus gratia superius explicata comparatur indumento, juxta illud ad Ephes. cap. 4. *Induite novum hominem;* vel specialiter *vesti nuptiali*, Matth. cap. 22. vel *stola primæ* Luc. cap. 15. quæ omnia utique non sunt quid pure extrinsecum, sed ens positivum adhærens corpori: ergo pariter gratia
erit

erit ens aliquod positivum, tanquam accidens inhaerens animæ.

Probatur 2. Quia Christus est justus & sanctus per justiciam & sanctitatem non præcise impurativam, sed positive sibi inexistentem; ergo etiam nos per Sacramenta, meritis Christi elevata, erimus taliter justus & sanctus: *Etenim omnis, qui spem habet in eo (id est Christo,) sanctificat se, NB. sicut & ille sanctus est, 1. Joan. cap. 3. v. 3.*

Nec dicas, per Baptismum & Pœnitentiam tantummodo tegi peccatum originale, & actualia juxta illud Psalmi 31. *Beati &c. quorum tecta sunt peccata*: adeoque non requiri aliquod ens positivum, quo in Sacramentis formaliter constituamur justus, sed sufficere, ut in tantum dicamur, e.g. per Baptismum & Pœnitentiam justificari, in quantum per umbraculum meritorum Christi, seu per ipsam ejus justitiam, mediantibus Sacramentis fide apprehensam, nostra peccata obteguntur quasi veste purpurea, sicque nobis non amplius imputantur. Nam contra hanc evasionem est, quod à Sacra Scriptura peccata dicantur tolli, *Joan. c. 1. atque deleri, Isai c. 43.* Item nos exinde ablui & mundari, *1. Cor. 6.* atqui ista omnia non essent vera, si peccata tegerentur: nam tege leprosum toga, qua velis, pretiosa, lava sordidam vestem, qua potes, industria: si lepra adhuc in isto homine, vel sordes in veste remanent, homo hic erit à parte rei adhuc leprosus, & vestis adhuc sordida, quantumcunque tegantur; nec in simili casu

casu vere loqui censeretur, qui diceret, lepram ab illo homine esse sublatam, maculas deleras, & vestem mundatam. Cur igitur non pariformiter loquamur circa remissionem peccatorum? præsertim cum juxta Acatholicos verba Scripturæ, quantum fieri potest, accipi debeant in sensu proprio, nisi evidenter constet contrarium, & quidem ex ipsa Scriptura. Ostendant ergo Adversarii doctrinæ nostræ circa Sacramentalem gratiam evidenter contrarium. Textus ab ipsis allegatus truncate profertur, ita enim habet: *Beati, quorum NB. remissæ sunt iniquitates, & quorum tecta sunt peccata.* Cur remitti peccata nolunt recipere in sensu proprio, & cur præcise tegi peccata? Audiamus super hunc textum non Lutherum, sed magnum Ecclesiæ Lumen S. Augustinum, qui eundem explicat assumendo paritatem circa vulnera animæ, & circa vulnera corporis: vulnera enim corporis dupliciter tegi possunt, nimirum vel ab ipso vulnerato, vel à Medico, seu Chirurgo. Vulneratus tegit ea pallio abscondendo, non tollendo: Chirurgus emplastro ea tegit, & simul tollit. Idem contingit apud Peccatorem quoad vulnera animæ suæ; tegi hæc possunt vel ab ipso peccatore, vel à Christo: peccator tegit, quando abscondit vel dissimulat; Christus Medicus animarum tegit emplastro gratiæ divinæ, & simul per hoc emplastrum vulnera tollit. Videatur in hunc textum fusius præsertim num. 21. Le Blanc.

56. Respondetur IV. Sacramenta causantia gratiam, modo superius explicato, sunt numero
P. Anacl. Reiffenst. Theol. Supplem. I se-

septem, nimirum *Baptismus, Confirmatio, Eucharistia, Pœnitentia, Ordo, extrema Unctio, & Matrimonium.* Ita una, sancta, Catholica, & Apostolica, sicque juxta dicenda notis veræ Ecclesiæ (quæ nec in materia fidei propter certam Christi assilientiam fallere potest, nec falli) prædicta Ecclesia Romana, cui etiam Ecclesia Græca schismatica, (quamvis alias ex diuturno odio, ubi vel apparentes minimæ apparent rationes, contradicat) in hoc puncto consentit, non obstante, quod Lutherani Ejusdem Patriarcham Hieremiam diversis artibus & blanditiis in suas voluerint trahere partes, uti apud Controversistas celebriores passim invenes, qui pariter sanctorum Patrum antiquissimæ & primæ Ecclesiæ sententias varias modo in favorem hujus, modo alterius ex isto numero septennario Sacramentorum adducunt. *Multa non inveniuntur in litteris Apostolorum, nec in Conciliis Posteriorum, & tamen quia per universam custodiuntur Ecclesiam, non nisi ab ipsis tradita, & commendata creduntur.* Inquit S. August. lib. 2. de Baptismo contra Donatist. cap. 7.

57. Nec dicas I. In Sacra Scriptura de isto numero septennario nihil inveniri, & consequenter eundem numerum male à Catholicis, & gratis adstrui. Respondetur enim I. ad hoc argumentum mere negativum, neque ex una parte inveniri in Sacra Scriptura contrarium, & ceteroquin ex altera parte pro veritate hac stare consensum universalis, atque ex notis superius allega-

gatis veræ Ecclesiæ unacum Sanctis Patribus etiam antiquissimis. Respondetur II. Neque in Sacra Scriptura reperiri numerum præcise binarium Sacramentorum, uti moderni Lutherani solent adstruere, nimirum solummodo *Baptismum* & *Eucharistiam*. Sicque hæc objectio fortius contra ipsosmet pugnat Adversarios, qui omnia sua dogmata volunt ex Scriptura probare. Cur enim excludunt à ratione Sacramenti *Pœnitentiam*, cum tamen illic quoque reperiatur *signum externum*, puta confessio dolorosa, & absolutio? insuper (uti ipsimet ad rationem Sacramenti exposcunt) ibidem reperiatur *institutio*, seu uti vocant, *mandatum* Divinum, & *adpromissio gratiæ justificatiæ*. Joan. cap. 20. *Quorum remisistis peccata, remittuntur eis.* Item cap. 3. *Pœnitentini, & convertimini, ut deleantur peccata vestra.* Rursum Lucæ cap. 13. v. 3. *Nisi Pœnitentiam habueritis.* Cur igitur (inquam) à ratione Sacramenti *Pœnitentiam* excludunt? scio quidem, quod reponant apud P. Pichler hic, se ideo excludere, quia signum illud sensibile in Pœnitentia tantummodo sensu *auditus*, non autem sensu *visus* est perceptibile. Risum teneatis amici: si tamen in puncto tam arduo æternam salutem concernente ridendum, & non potius cæcitas ista deploranda est. Rogo, ostendatur Catholicis (citra tamen petitionem principii) ex claro aliquo Sacræ Scripturæ textu, quod ad rationem Sacramenti NB. *ut sic*, seu *in genere* necessario requiratur, ut sit signum *visu* (excludendo sensum *auditus*) perceptibile. Responderur III. Ca-

tholicos non esse adeo steriles, quin junctis simul dictis num. 56. pro septennario numero Sacramentorum invenient quoque textus Sacra Scripturæ. De *Pœnitentia* patet ex proxime dictis. De *Confirmatione* Corinthios suos in fide jam stantes alloquitur Apostolus 2. Corinth. cap. I. v. 21. *Confirmat* (supple Deus) *nos vobiscum in Christo*, & qui NB. *unxit nos Deus, qui & signavit nos*. De ceteris tribus Sacramentis (nimirum *extrema Unctione, Ordine, & Matrimonio*) invenies passim textus sacrae paginae apud Theologos & Controversistas, ad quos brevitatis gratia lectorem remitto notanter ad P. Pichler *Parte posteriori Theologiae Polemicæ Controvers. 3. art. 2. & Henno Tractatu de Sacramentis disput. 2. quest. 3.*

58. Nec dicas II. Sanctos Patres antiquæ Ecclesiæ, nominatim S. Augustinum Epistola 118. ad Januarium stare potius contra nos, adstruentes duo tantum Sacramenta, *Baptismum* nimirum & *Eucharistiam*, cui sententiæ pariter favet Ecclesia Græca in Confessione suæ fidei, quam Patriarcha Constantinopolitanus Cyrillus Liparus Anno 1633. imprimi curavit, ubi hæc leguntur formalia: *Credimus Evangelica Sacramenta esse ea, quæ Dominus instituit in Evangelio, & ipsa esse NB. duo, nempe Baptismum & Eucharistiam, ampliorum numerum Sacramentorum non habemus.*

Respondetur enim in primis quoad sanctos Patres, eosdem in ceteris textibus non quidem omnia

omnia septem Sacramenta recensere in simul; facere tamen mentionem successive, id est, de quibusdam in uno, de aliis in altero loco. Paucis: in similibus textibus, si qui contra nos ab Adversariis adducuntur, loquebantur, Sancti Patres *præcise*, non *exclusive*; prout nimirum requirebat eorum propositum, vel materia, quam tractabant, eo ferme modo, quo explicavimus Articulo IV. textus Sacrae Scripturae, qui ad justificationem nostram subinde solam fidem requirere videbantur. Sic in specie, ac nominatim S. Augustinus, qui Epistola 118. ad Januarium meminit tantummodo duorum Sacramentorum, Epistola statim sequenti seu 119. facit mentionem de tribus. Libro autem 5. de Baptis. contra Donatist. cap. 20. commemorat quatuor, *Baptismum* nempe, *Unctionem*, *Eucharistiam* & *Ordinem*. Sacramentum Chrismatis, seu Confirmationis contra Perilianum adducit apud Pichler hic sequentibus formalibus: *NB. Sacramentum Chrismatis in genere visibilium signaculorum sacrosanctum est, sicut ipse Baptismus.* Sacramentum Pœnitentiæ apud Franciscum Henno *Traët. de Pœnit.* allegat. lib. de adult. conjug. cap. 28. his verbis: *Quæ autem Baptismatis, eadem Reconciliationis est causa, si forte pœnitentem de finienda vita periculum præoccupans est.* Subsumitur, sed Baptismus juxta Divum Augustinum per modum Sacramenti causat remissionem peccatorum: ergo etiam remedium reconciliativum, nimirum Pœnitentia, cum juxta D. Augustinum eadem reconciliationis, ac Baptismatis sit causa. De Matrimonio

ait lib. de fide & operibus cap. 7. *In Ecclesia NN. nuptiarum non solum vinculum, sed etiam Sacramentum commendatur.*

Quantum ad Ecclesiam Græcam quod ea septem credat Sacramenta, clarissime patet ex Responsione Hieremiæ Patriarchæ ad litteras A catholicorum, videnda in Examine Polemico P. Pichler Art. VI. Verum quidem est, quod Cyrillus Liparus in sua confessione duo tantummodo admiserit Sacramenta: sciendum tamen, quod ille declinaverit ad partes Hæreticorum, & propterea à suo successore Anno 1683. fuerit Anathematizatus his verbis: *Cyrillo dogmatizanti, & credenti, non esse NB. septem sacramenta Ecclesie &c. sed mentienti non esse tradita à Christo in Evangelio; nisi solum Baptismum & Eucharistiam, &c.* Videatur Franciscus Henno Tract. de Sacrament. Disputat. 2. Quest. 3.

ARTICULUS XIV.

De Ordine Ecclesiastico.

59. **D**e Ordine Ecclesiastico docent, quod nemo debeat in Ecclesia publice docere, aut Sacramenta administrare, nisi rite vocatus. Ita Lutherani, & absque hæsitacione consentiunt Catholici, repetentes tamen suam interrogationem ex ipsis, jam semel Articulo V. factam, à quonam Eorum Pastores & Præcones sint

sint rite vocati ad publice docendum, ad danda Sacramenta, & Absolutionem Pœnitentibus administrandam? Certe destituti supremo in terris Christi Vicario, etiam superiores eorum Pastores, seu Superintendentes, recurrere finaliter debent juxta jam dicta Art. V. ad Potestatem Laicam; cum tamen nemo dat, quod nec formaliter, nec eminenter in se habet. Recordor in præsentī curiosæ cujusdam historiolæ, quam Principem inter quempiam Acatholicum, & ejus Superintendentem contigisse Vir quidam magnæ fidei, & Auctoritatis mihi narravit: Interrogavit nempe Princeps sub familiari quondam discursu suum supremum Superintendentem, à quo potestatem haberet, Ipsum absolvendi à suis peccatis? Respondente illo, à sua Serenissima Celsitudine ipsamet. Tandem reposuit Princeps: Si ita se res habet, potero quoque eandem potestatem uni ex infimis meis stabulariis committere, quod Principi videbatur absurdum, & extra suam Sphæram: hincque ad Catholicam sese contulit Religionem, ubi præsidet Christi Vicarius, & successor D. Petri, cui (& non Regi) tradidit DEUS claves Regni Cœlorum, ut quæcunque solverit super terram, soluta sint & in Cœlis. Matth. cap. 16, v. 19. Qui tenet Sedem Romæ &c. Ipse primus est, sicut Petrus, cui data est potestas in omnes. NB. Principes Christianos, & omnes populos eorum &c. inquit Concil. Generale Nicænum, etiam ab Adversariis admissum Can. 39. uti citat Pichler in sua Theolog. Polem. cap. 4. art. 1. §. 4. n. 23.

ARTICULUS XV.

De Rittbus Ecclesiæ.

60. **D**ocent 1. Quod Ritus Ecclesiastici illi, qui sine peccato servari possunt, & prosunt ad tranquillitatem & bonum ordinem in Ecclesia, sint servandi, cujusmodi ritus sunt certe ferie, festa, & similia. 2. Addunt, esse tamen admonendos homines, ne conscientie onerentur, tanquam talis cultus sit ad salutem necessarius. 3. Ajunt, dicere, traditiones humanas institutas esse ad placandum DEUM, ad promerendam gratiam, & ad satisfaciendum pro peccatis, adversari Evangelio & Doctrinæ fidei. 4. Ex hoc ipso inferunt, Vota, traditiones de cibis & diebus institutas, ad promerendam gratiam & satisfaciendum pro peccatis inutiles esse & contra Evangelium. Ita Lutherani.

61. E contra Catholici firmiter tenent in primis similes Ritus Ecclesiasticos (puta quoad certa festa vel jejunia &c.) non solum observari laudabiliter, verum etiam obligare in conscientia, ita, ut voluntarius similium transgressor, si fiat sine sufficiente causa in materia gravi, peccet mortaliter, neque æternam consequatur salutem, nisi perfecte contritus aut confessus &c. 2. Defendunt, similia opera moraliter bona, esse quoque meritoria, vel de congruo, vel de condigno, atque satisfactoria pro peccatis, seu rectius loquen-

quando pro pœnis ex peccato adhuc residuis, uti notatur apud Reiffenstuel *Tract. 1. Dist. 2. post num. 48. Addit. 1. § 11.* Semper tamen (quod Acatholici bene notent, ut nos bene intelligant) concurrente aliqua gratia Divina, per merita, satisfactiones, & passionem Domini Nostri JESU Christi nobis comparata, similia contingunt, ita ut finaliter omnia redeant ad mare rubrum Passionis Domini Nostri JESU Christi, omniumque Ejusdem meritorum, atque satisfactionum, à quo tanquam fonte exierunt. 3. Ex hac ipsa doctrina consequenter asserunt, Vota, jejunia, etiam præscribendo certum genus &c. aliaque bona opera esse plurimum conducentia in ordine ad remissionem peccatorum, vitam æternam, augmentum gratiæ & gloriæ.

62. Porro probationes harum assertionum Catholicæ veritatis à potiori jam præcesserunt Art. 4. Ar. 6. & Ar. 12. quibus ostendimus non solam fidem, sed & charitatem, aliaque bona opera prodesse mediate, vel immediate ad justificationem, ad promerendam gratiam, & satisfaciendum modo superius indicato pro peccatis: de quibus pariter fufius agitur in Theologia speculativa Tractatu de grâtiâ, & apud Reiffenstuel in Theologia morali *Tract. 1. Dist. 2. q. 6.* Quoad Vota Religiosorum, & quoad præceptum, atque modum nostrum jejunandi recurrer mentio §. sequenti. Hincque in præfenti nil restat, nisi ut ostendatur Ecclesiam habuisse potestatem, & potuisse juste subditos suos ad Ritus Ecclesia-

sticos tales obligare, sicque eorum conscientias onerare, quod hic & nunc succincte taliter probatur. Ecclesia potest obligare in conscientia, & præcipere res & Ritus honestos: sed Jejunium & observantia certorum festorum sunt utique res & Ritus honesti, uti de se patet, & ipsimet Sectarii certis temporibus praticant: ergo, Major probatur ex eo; quia DEUS Ipsemet NB. *sub interminatione damnationis* injungit subditis *ad Romanos cap. 13. v. 2.* ut obediant Potestati (si Civili, utique magis Ecclesiasticæ) quod haud dubie non faceret tanquam infinite sanctus, justus, & misericors, si inhonesta ab illis præciperentur, aut ipsi subditi obedire non tenerentur. Qualiter enim essem damnandus propter transgressionem illius præcise, ad quod servandum non sum obligatus? formalia loc. cit. sunt sequentia: *Qui resistit Potestati, DEI ordinationi resistit, Qui autem resistunt, NB. ipsi sibi damnationem acquirunt.*

ARTICULUS XVI.

De Rebus Civilibus.

63. In compendio de his docent 1. *Quod Ordinationes legitimæ Civiles sint bona opera Dei.* 2. *Quod liceat Christianis gerere Magistratus, exercere Judicia, constituere supplicia &c.* 3. *Quod necessario debeant Christiani obedire Magistratibus suis & Legibus.* 4. *Quod liceat tenere*

re proprium. §. Pariter ducere Uxorem seu nubere. Ita Lutherani, neque quoad omnia hæc puncta contrarii sunt Catholici, dummodo sub licentia nuptiarum Religiosos, Vota solemnia emittentes, vel Clericos in Sacris constitutos non subintelligant, de quibus §. sequenti.

ARTICULUS XVII.

De Iudicio DEI.

64. **A**dmittunt, Quod Christus appareat in consummatione mundi ad iudicandum, & mortuos omnes resuscitet, piis & electis vitam æternam daturus; impios autem homines, & Diabolos condemnaturus, ut sine fine crucientur. Damnant exinde Anabaptistas, qui sentiunt, hominibus damnatis, & Diabolis finem pœnarum futurum esse &c. Ita Lutherani, idemque fatentur Catholici.

ARTICULUS XVIII.

De libero Arbitrio.

65. **D**ocent I. Quod humana voluntas habeat aliquam libertatem ad efficiendam Civilem iustitiam & diligendas res rationi subjectas. 2. Quod bona naturalia, seu quæ de bono naturæ oriuntur, qualia sunt (prout exemplificant in formalibus) velle laborare in agro, velle manducare & bibere, velle

velle habere amicum, velle habere indumenta, velle fabricare domum, velle uxorem ducere, pecora nutrire, artem addiscere &c. 3. Pariter libertatem admittunt in malis, qualia sunt. velle Idolum colere, velle homicidium &c. 4. Quoad justificationem autem seu iustitiam spiritualem negant, quod voluntas habeat vim sine spiritu sancto efficiendæ iustitiæ Dei, seu iustitiæ spiritualis; quia animalis homo non percipit ea, quæ sunt spiritus Dei, sed hæc fit in cordibus, cum per Verbum spiritus concipitur. Ita Confessioni Augustinæ addicti, qui, etsi distinguendo inter opera diversa respectu libertatis non tam obscure loquantur, uti eorum Magister Lutherus, atque Calvinus, quorum prior vi propositionis inter damnatas à Leone X. ordine 36. generaliter libertatem indifferentiæ à voluntate creata sustulisse videbatur, dum ait: *liberum arbitrium post peccatum est res de solo titulo*; posterior vero illud omnino *simulacrum* intitulabat. Nihilominus tamen etiam ex parte Augustinæ Confessionis optaretur adhuc major claritas. Quod enim ad remissionem peccatorum, & ad quodcunque opus vitæ æternæ sive de congruo, sive de condigno meritum requiratur spiritus S. gratia, etiam Catholici admittunt; quæstio tamen adhuc remanet, utrum gratia Divina taliter influat, ut voluntas creata ad suam conversionem ne quidem tanquam per gratiam Divinam elevata, ac excitata possit partialiter concurrere. Pro cuius majori claritate.

66. Sciendum, qualiter Principiores ex modernis Sectariis soleant circa præsentem materiam discurrere. Fatentur itaque 1. quod homo etiam infidelis, vel fidelis quidem, sed gravis adhuc peccator, habeat *libertatem indifferentie* in naturalibus, politicis, imo etiam in moraliter ac spiritualiter bonis externis; negant tamen, id quoad spiritualiter bona interna, seu quatenus conducentia ad vitam æternam, uti juxta ipsos sunt recte credere, *Deum diligere* &c. &c. de quibus ultimis tenent 2. quod per peccatum originale, vel quodcumque mortale personale homo spiritualiter ita moriatur, ut se habeat adinstar demortui Lazari, qui intra quatrimum mortis nullas amplius habuit vires, usque dum solus Christus, absque cooperatione Lazari, eundem resuscitavit à mortuis: ita pariter (ajunt hi) apud talem peccatorem, spiritualiter mortuum prorsus nullæ amplius restant vires in ordine ad suam conversionem, ita, ut ad eandem voluntas nostra neque ut excitata, & collustrata Divino lumine supernaturali cooperari queat, usque dum à Christo solo, mediante gratia imputativa, per fidem apprehensa, vivificetur spiritualiter. Atque hos peccatores vivificatos vocant *renatos*, si mudentur à peccato originali, econtra vero *renovatos*, si purificentur à mortali personali post Baptismum commissio. Ubi.

67. Ulterius in suis principiis notandum volunt, quod post talem Regenerationem, seu renovationem homo conversus novis à DEO do-

netur viribus, atque exinde consequatur aliam arbitrii libertatem, ita, ut voluntas in eo statu non amplius sit otiosa, sicuti prius ante conversionem, sed per istas vires de novo acquisitas postea cooperetur Spiritui sancto, sicque concurrat tanquam instrumentum liberum ad bonum spirituale etiam internum, puta ad continuationem rectæ fidei, dilectionis &c. Ita illi.

68. Econtra Catholici fundati (prout Controversiæ agendo de principiis generalibus Theologiæ Polemicæ efficaciter probant) in Verbo Dei scripto & tradito, nec non in auctoritate supremi in terris Christi Vicarii, ac Conciliis generalibus de libero arbitrio taliter sentiunt. 1. Supponunt, quod in statu innocentiae, ubi homo adhuc erat præditus iustitia originali, habuerit is vires eliciendi actus moraliter ac spiritualiter bonos, etiam internos, puta rectæ fidei, &c. 2. Fatentur, quod per peccatum originale vires istæ ob appetitum irascibilem & concupiscibilem plurimum rationi refractarios fuerint valde debilitatæ; negant tamen, ac pernegant, easdem omnino unacum libero arbitrio in ordine ad actus spiritualiter bonos internos fuisse extinctas. 3. Ajunt, Gratiā Divinā actualem excitantem æque ac concomitantem succollare liberum arbitrium, & vires imbecilles, istar luminis simul illustrando intellectum, & inflammando voluntatem, quò mediante homo adultus necdum baptizatus cum libertate indifferentiæ credere, & Deum (utor verbis Concilii Trid. Sess. 6. de justificat. c. 6.)

c. 6.) diligere incipiat: Item baptizatus in gravi peccata relapsus de his salubriter conteratur, ita nimirum, ut etiam liberum arbitrium unacum gratia, per merita Christi nobis comparata, vere influat in similes actus internos spiritualiter bonos, sicque etiam in ipsam conversionem, & quidem cum vera libertate à necessitate, seu indifferentiæ. Pro qua

69. Advertendum universim, quod in voluntate alia libertas dicatur à *coactione*, & alia à *necessitate*, *Libertas à coactione* adesse censetur, quando potentia in agendo non patitur vim ac necessitatem à principio aliquo extrinseco. Taliter juxta communem exemplificationem Deus se ipsum, & Beati Deum amare dicuntur cum libertate à coactione; etsi enim potentia volitiva in his exemplis necessario determinetur ad amorem, ita ut Deus non possit non amare se ipsum, nec Beati non amare bonum infinitum, intuitive per Visionem Beatificam cognitum; ad hunc tamen actum amoris volitiva potentia non cogitur ab aliquo principio extrinseco. *Libertas à necessitate* tunc intervenire dicitur, quando potentia nec ab extrinseco, nec etiam ab intrinseco principio necessitatur, ita nimirum, ut eadem, etiam positis omnibus ad agendum requisitis, possit adhuc agere vel non agere: E. G. amare Deum, vel non amare &c. Hæc libertas vocatur etiam *libertas indifferentiæ*: item à multis A catholicis *Libertas Rectitudinis*. H. N.

70. Respondetur, homo post peccatum sive originale, sive personale, etsi necdum renatus, vel renovatus, habet liberum arbitrium, seu libertatem à necessitate in spiritualiter bonis etiam internis, & in ordine ad conversionem suam: puta quoad rectum actum fidei, vel dilectionis Dei & proximi &c. unacum gratia Diva illuminante ac inflammante eliciendum. Hæc veritas Catholica probatur primo: Juxta Sacram Scripturam homo potest eligere vel non eligere vitam, & bonum, prout sibi placuerit: ergo etiam homo nondum renatus, vel renovatus habet liberum arbitrium in ordine ad vitam spiritualem, & ad actus spiritualiter bonos: nam habere potestatem sibi quidpiam eligendi juxta suum beneplacitum, ex communi hominum persuasione, etiam in politicis & naturalibus, indicat liberum in ordine ad hoc arbitrium, seu libertatem indifferentiæ. Ant. prob. ex c. 15. Ecclesiastici v. 18. *Ante hominem vita & mors, bonum & malum, quod placuerit ei, dabitur illi.*

Confirmatur 1. Homo nondum renatus vel renovatus habet liberum arbitrium, ac libertatem indifferentiæ quoad actus internos spiritualiter malos, quales sunt (utor formalibus Confessionis Augustanæ hic) *velle Idolum colere, velle homicidium &c.* Quomodo enim alias misericordissimus Deus posset talem æterna poena castigare, si non foret in potestate illius hos actus malos omittere? ergo etiam habebit liberum arbitrium quoad actus internos spiritualiter

liter bonos, cum Sacra Scriptura loc. cit. pariformiter quoad hoc loquatur de malo ac bono, vita ac morte.

Confirmatur 2. Homo peccator habet liberum arbitrium ad eliciendos actus fidei, & internæ dilectionis DEI, qui actus etiam juxta adversarios sunt spiritualiter ac supernaturaliter boni; ergo datur liberum arbitrium seu libertas indifferentiæ cum prævia cognitione ad actus internos spiritualiter bonos. Ant. probatur. Homo peccator, si hos actus non eliciat, in æternum damnabitur: nam *qui non crediderit, condemnabitur.* Marc. ultim. & *qui non diligit, manet in morte.* 1. Joan. cap. 3. ergo signum est, quod sit in ejus libera potestate hos actus eliciendi: durissimum enim videtur aliquem punire, & quidem pœna æterna propter omissionem actus illius, quem eliciendi nullam habet potestatem. Profecto manibus, pedibusque ligatus non afficitur gravi aliqua pœna etiam solummodo temporali ex eo, *quod non incedat*, idque propterea principaliter, quia in his circumstantiis non est in ejus potestate *incedere*. Poterit contigisse, quod homo hic etiam ex culpa præcedenti iuste vincula sustineat; ast vinculatum propterea de novo gravibus afficere pœnis, eo quod non incedat, videtur exuere omnem clementiam. Vide de hoc ulterius n. 75.

71. Dices cum Augustana Confessione: Juxta S. Paulum Apostolum 1. Cor. cap. 2. v. 14. *Animalis homo non percipit ea, quæ sunt spiritus*: ergo
P. Anaclet. Reiffenstuel Theol. Supplem. K pec-

peccator (qui comparatus est jumentis, & similis factus est illis, Psalm. 48. v. 13.) non habet vires sufficientes in ordine ad actus spiritualiter bonos internos. Respond. negando consequentiam; quod enim homo animalis, seu (ut alii loquuntur apud Cornelium à Lapide hic) homo sensualitatis & concupiscentiis deditus, non sentiat actualiter ea, quæ sunt spiritus, ex eo haud provenit, quasi vero Divina gratia adjutus non haberet potentiam & vires sufficientes, sed potius, quia renuit ordinarie Divinæ gratiæ cooperari. Pulsat Christus ad ostium, & talis sensualis non aperit, gestit clarissimum Divinæ gratiæ lumen densissimas penetrare tenebras, at concupiscentiis immersus sponte valvas occludit. Talis homo animalis non percipiens ea, quæ sunt spiritus, & à S. Juda Apostolo in sua Epistola ad vivum descriptus erat Confessionistarum Magister Lutherus, qui præcepta, saltem aliqua, Decalogi, præsertim illud *non concupisces*, servatu impossibile credidit, Jejunia Ecclesiastica sustulit, Sacerdotibus & Monachis contra sua vota expressa uxores concessit, ac ipsemet pessimo prævit exemplo, sacrilegum cum quadam Moniali contrahens Matrimonium. En hominem animale, ex cuius Apostasia tanta mala, dissidia in Romano Imperio, diffidentia statuum inter se, Bella cruenta &c. &c. fuere exorta.

72. Dices 1. Juxta eundem Apostolum 2. ad Corinthios cap. 3. v. 5. *Non sumus sufficientes cogitare aliquid ex nobis, quasi ex nobis, sed*
suf-

sufficientia nostra, ex DEO est: ergo à fortiori
 neque sufficientes sumus operari ex nobis spiri-
 tuale bonum: *nam velle adjacet mihi, perficere*
autem bonum non invenio: inquit iterum Aposto-
 lus ad Roman. c. 7. Respondeo explicando tex-
 tum primum: non sumus sufficientes aliquid co-
 gitare ex nobis (supple spiritualiter bonum) abs-
 que gratia Divina corroborante nostras vires im-
 becilles, conced. absolute loquendo; nego Ant.
 & pariformiter quoad *operari* distinguo conse-
 quens. Etiam multi infirmi ob suam debilitatem
 dicuntur insufficientes ad ambulandum, non, quod
 nullas habeant prorsus vires sed quia vires sunt
 valde adhuc imbecilles, ita, ut indigeant aliquo
 sustentante & adjuvante. Alter textus ad Roma-
 nos c. 7. ubi Paulus videtur adscribere sibi *velle*,
 non autem *perficere*, ne quidem loquitur de spiri-
 tualiter bonis, sed potius ibidem Paulus discursum
 movet de motibus concupiscentiæ primo primis,
 rationem prævenientibus, sicque in principiis Ca-
 tholicorum, juxta dicta & dicenda, rationem
 formalis peccati non habentibus, quos equidem
 mediante gratia Divina potest velle, seu optare
 abesse, ut autem actu semper emanent, fatetur
 penes ipsum non stare: DEUS etenim eosdem
 sæpe permittit apud homines quoque justos pro
 majori humiliatione. Sic conquestus est Pau-
 lus 2. Cor. cap. 12. v. 8. de stimulo carnis; Re-
 sponsum tamen v. 9. tulit à DEO, quod suffi-
 ciat sibi gratia sua, qua nimirum efficaciter ad-
 juvante, omnem consensum deliberatum, ac vo-
 luntariam delectationem excludat. Cæteroquin

DEus non solum *perficere*, sed etiam *velle* in nobis operatur (mediante nimirum sua gratia coadjuvante,) uti clarissime attestatur Paulus ad Philipp. cap. 2. §. 13.

73. Dices III. Homo peccator comparatur in SS. Scriptura, & PP. *mortuo*, nam *stipendium peccati mors*, ad Rom. cap. 6. §. 23. Item *assimilatur servo* ad Rom. cap. 6. §. 20. sed mortuus nullas prorsus habet vires in ordine ad vitam & actus vitales, atque servus nullam libertatem respectu sui Domini: ergo neque peccator. Resp. hoc argumentum probare nimium, quod nempe peccator neque haberet amplius liberum arbitrium in ordine ad actus naturales, & politicos, ac spiritualiter bonos externos; sicuti mortuus nullas prorsus habet vires in ordine ad vitam, actusque vitales, & servus deperdit libertatem respectu Domini etiam quoad bona naturalia, qualia ab adversariis adducuntur, *uxorem ducere, domum fabricare* &c. Item argumentum hoc pariter probaret contra ipsosmet Adversarios, quod neque justus à peccato jam liberatus haberet libertatem indifferentiæ in ordine ad actus internos spiritualiter bonos, etenim sicuti D. Paulus loc. cit. peccatorem vocat *servum peccati*, ita liberatum à peccato §. 18. appellat *servum Justitiæ*: ergo si debemus adæquatam instituire paritatem inter servum temporalem, & inter hos, utrobique non erit libertas indifferentiæ ad actus internos spiritualiter bonos. Itaque inter mortuum & servum ex una, & inter peccatorem

ex altera parte non est adæquata paritas in omnibus, sed tantum in aliquibus, puta, quod sicuti mortuus vitam perdit, ita peccator gravis gratiam habitualement sanctificantem, quæ hominem vivificat: Item, sicuti servus obedit Domino, ita peccator obediat concupiscentiis, & liberatus à peccato obediat justitiæ in sanctificationem. Hoc modo sacer Textus v. 16. & v. 22. seipsum explicat, dummodo legatur in fonte.

ARTICULUS XIX.

De causa peccati.

74. **D**e hac docent, quod, tametsi DEUS creat & conservat naturam, tamen causa peccati est voluntas malorum, videlicet Diaboli, & impiorum, quæ, non adjuvante DEO, avertit se a DEO, sicut Christus ait Joan. c. 8. cum loquitur mendacium. ex se ipso loquitur; Ita Lutherani, & libentissime consentiunt Catholici, quod DEUS non influat ullatenus ad esse formale peccati, sed sola creatura sit causa ejusdem: nam quoniam ex una parte mandata Dei gravia non sunt. 1. Joan. 5. v. 3. idque præsertim verum, si Divina simul cooperatur gratia, quæ nulli hominum denegatur: ex altera vero parte in principii Catholicorum quilibet homo rationis capax habeat liberrimum arbitrium ad observanda dicta mandata, consequenter recte soli homini

malitia adscribitur, si contra sanctissimam voluntatem Divinam hæc mandata transgreditur.

75. Econtra vero in principiis adversariorum ex una parte saltem aliqua mandata Dei (in specie illud in Decalogo *non concupisces*) sunt servatu impossibilia; ex altera vero, non obstante hac impossibilitate, homo peccator talia mandata transgrediens committit formale grave peccatum, pœnæ æternæ damnationis subiectum, quamvis non habeat libertatem indifferentiæ evitandi illud, ac servandi mandatum. Viderint modo adversarii, qualiter stantibus his principiis defendere adhuc possint, quod nullatenus DEus, sed solus homo sit Auctor peccati. Nunquid talis homo nondum *renatus*, vel necdum *renovatus* culpam potius in DEum conjiceret clamando: *Domine DEus, tu optime nesciens, insufficientiam meam, hoc non obstante mihi aliquando præceptum servatu impossibile imposuisti, nec vires novas tales dedisti, ut servare possem; ergo potius tu es causa transgressionis talis præcepti, quam ego: tu enim potuisses non præcipere, ego vero hoc præceptum semel à te positum non potui observare.* Revera si Rex aliquis malefactori, ob certum delictum in vincula coniecto (pone etiam, quod stimulis conscientiæ agitatus talis Malefactor ipsemet suum delictum coram Iudice manifestaverit, ac sponte vincula subierit.) Si Rex, inquam, huic malefactori manibus, pedibusque ligato de novo mandaret, ut illico suum thronum accederet, alias novam gravissimam sub-

biturus pœnam, talis Rex, nisi prius vincula solvi juberet, censeretur immisericordissimus, nec malefactori (utpote in his circumstantiis impotenti) ullatenus adscriberetur culpa, seu tanquam peccaminosa transgressio hujus mandati de accessu ad Thronum Regium, sed potius Regi ipsimet impossibilia mandanti.

76. Non credis forsan Catholice, quod similia quæ de impossibilitate servandi nonnulla præcepta, ac de libertate post Adæ peccatum per concupiscentiam quasi vinculata dicuntur, teneant atque defendant Lutherani? Audi Magistros eorum Gerardum, & Lomer, apud Pichler Part. II. Theologiæ Polemicæ Controv. I. Art. I. III. & IV. ubi I. admittunt definitionem S. Augustini peccati ut sic, *quod sit dictum factum, vel concupitum contra legem DEI.* Cujus explicationem Catholicam, tu Lector benevole, vide apud Reifensuel *Tract. 3. Theol. Moral. dist. 1. q. 2.* Il etiam ipsi dividunt peccatum ut sic in Mortale & Veniale, ast longe in alio sensu, quam Catholici. Nos enim Catholici veniale dicimus, quod vel ex parvitate materiæ (puta ablatio unius oboli apud divitem) vel ex imperfectione actus (puta ob defectum plenæ advertentiæ ac deliberationis) non solvit amicitiam DEI, etsi aliquam mereatur pœnam temporalem. Econtra vero Acatolici ex genere suo ajunt, omnes transgressiones legum esse peccata mortalia, sicque æterno supplicio digna, puta ablati onem unius oboli, levissimam indignationem: imo (quod mireris) motus

quoque primo primos rationem prævenientes, posito etiam, quod in somno citra ullam causam prius in Vigiliis datam contingerent, dicunt esse transgressiones contra præceptum Decalogi. *Non concupisces.*

77. Quare asserunt III. circa divisionem peccati in mortale & veniale respiciendum potius esse ad personam, quæ legem transgreditur, quam ad parvitatem materiæ, qualem non admittunt &c. si enim illa sit persona venia haud digna (quales inquit esse homines nondum per Baptismum renatos, vel renatos quidem, ast per sua peccata iterum *Iustitia Christi deperdentes.*) omnes transgressiones legis etiam indeliberate, vel absque libertate indifferentiæ contingentes, apud hosce fore peccata mortalia, pœnæ æternæ damnationis subiecta. E. G. apud Turcam, vel Judæum motus levissimus indignationis, aut carnalis concupiscentiæ, quamvis fuerit primo primus, ac rationem præveniens; E contra vero, si homo per fidem semel apprehendit iustitiam Christi, nec eandem iterum deperdidit, tales ipsissimi motus irascibiles, vel carnales ex parte hujus, *veniam mererentur*, ut sibi non imputarentur ad pœnam æternam, sed per umbraculum meritorum Christi tegerentur, atque sic ex hoc capite ratione *venia* vocarentur *venialia* peccata. Ubi tamen, ut sint talia apud similes iustos, IV. Requirit, ut transgressio contingat ex infirmitate, vel ignorantia, aut prava concupiscentia sine perfecta advertentia, & consensu, atque peccator desuper doleat, & Mediatoris Christi-

Christi meritis tegi petat, quod si hic lapsus (puta ablatio etiam unius oboli) fieret à justo scienter meditato, cum complacentia, advertentia, ac consensu, vel si, loquendo de præcedentibus (puta motibus indeliberatis) nullus conciperetur dolor, etiamsi cognoscantur similes transgressiones, tunc omnes istæ transgressiones juxta ipsos forent peccata mortalia, imputarentur à DEO, fides ac spiritus sanctus excuterentur, & deinceps ipsis omnes motus etiam indeliberati, concupiscibiles, ac irascibiles &c. imputarentur pro gravi peccato, usque dum iterum per fidem apprehenderent justitiam Christi. Ita Lutherani, & quod hi dicunt de *renatis* seu *renovatis*, & de *non renatis*, aut *renovatis*, idem tenent Calvinistæ de *prædestinatis*, ac *non prædestinatis*, de quibus omnibus adhuc recurret sermo, explicando Propositiones damnatas Jansenianas, & Quesnellianas. Interim solummodo notes velim, quam difficulter (imo imperceptibiliter) memorati Acatholici sistentes in dictis principiis, salvare queant, DEUM non esse Auctorem peccati, saltem quoad eas transgressiones, quæ non sunt in libera potestate hominis, sicque præcepta desuper data tali homini servatu impossibilia.

ARTICULUS XX.

De fide, & bonis Operibus.

78. **I**n compendium redigimus hunc articulum, utpotè longiorem, fideliter tamen nihil substantan-

stantiale de eorum doctrina intermittentes, quod subinde in nonnullis quoque præcedentibus articulis (à potiori tamen verba formalia ponimus) pro majori claritate, & brevitate observatum fuit. Qui totam Confessionem Augustanam verbotenus videre cupit, eam in Theologia Polemica P. Pichlet prope finem reperiet. Igitur in præsentia.

79. Repetunt primo Doctrinam suam de fide justificativa & bonis operibus Art. IV. VI. & XII. ac alibi sæpius traditam, conquerentes, quod falso accusentur, quasi bona opera prohibeant, cum tantum asserant, quod in his considerare non debeamus. Secundo vituperant Concionatores Catholicos, quod olim de his rebus parum docuerint, tantum urgentes certas ferias, certa Jejunia, fraternitates, peregrinationes, Rosaria, Monachatum, quæ vocant NB. Opera puerilia. Tertio gloriantur novi Reformatores isti Ecclesie (si superis placeat) quod Catholici ab ipsis admoniti non perinde, uti olim opera hæc inutilia atque puerilia prædicent, atque insuper nunc fidei mentionem faciant, de qua altum antea erat silentium. Quarto ajunt, fidem hanc justificativam pavidis conscientiiis plurimum consolationis afferre, quæ non possunt reddi tranquille per ulla bona opera, sed tantum fide; nam justificati per fidem pacem habeamus apud DEUM per Dominum nostrum JESUM Christum, excitat nos Apostolus ad Rom. cap. 5. v. 1. Quinto admonent homines, quod hanc fidem justificativam non debeant sumere præcise pro fide Historica, qualis etiam est impiis, & diabolo, sed pro

pro fiducia, quæ consolatur, & erigit perterrefactas mentes, quatenus firmiter credunt, & confidunt, sibi per merita, & iustitiam Christi mediante hac fide apprehensam peccata sua non amplius imputari. Ita Lutherani: Ubi

80. Catholici ipsis ad singula puncta respondent: *Ad primum* jam fuit ad Art. IV. VI. & XII. probatum, quod sacra Scriptura non solum fidei, verum etiam dilectioni ac Pœnitentiæ, aliisque bonis operibus adscribat remissionem peccatorum, augmentum gratiæ, & Regnum Cælorum vel de congruo, vel de condigno, mediate, vel immediate, prout nimirum est status promerentis ac qualitas operis, de quibus integer tractatus in Theologia speculativa habetur, agendo de gratia & meritis. *Venite Benedicti Patris mei*, inquit Christus apud Matth. cap. 25. §. 35. ac seqq. *Possidete Regnum paratum vobis à constitutione mundi.* NB. *esurivi enim & dedistis mihi manducare, sitivi, & dedistis mihi bibere.* Illud sufficienter capere nequeunt Theologi Catholici, quomodo Confessionistæ volentes, fidem justificativam debere apud illum, in quo existit, ferre bona opera, tanquam bonos fructus, quomodo (inquam) doceant consequenter doctrinæ sui Magistri Lutheri, qui inter propositiones à Leone X. damnatas 31. voluit, quod etiam NB. *Iustus in omni opere bono peccet*; ubi ergo apud Iustificatum vera, & proprie talia bona opera? Quod si per bona opera velint peccata intelligere, gratis admittimus, in similibus nos non debere confidere.

81. *Ad*

81. *Ad secundum*, si aliqui fuerint Concionatores Catholici, qui nullam in pulpitis mentionem fecerunt (quod tamen ignoro) de fide & bonis operibus, particulares hi homines male fecerunt, longe pejus tamen Acatholici, si propter particulares hos abusus cum ingenti perturbatione, & damno Ecclesiæ à fide apostatarunt; nam propter abusum non est tollendus usus, uti communiter receptum sonat proverbium. Ceterum falsitas hujus assertionis Augustinæ videtur ex ipsis ejusdem Verbis erui: si enim (uti fatentur) nostri Concionatores prædicarunt de feriis ac Jejunii observandis, de Confraternitatibus, Rosariis, Monachatu &c. eo ipso prædicarunt de bonis operibus. Vosne hæc opera *puerilia* publice pronunciare, & sic in scriptis Catholico Imperatori Carolo V. præsentare ausi fuistis, cum ipsamet coronata Capita sæpius eadem opera, quæ vos *puerilia* nominatis) summa devotione, ac populi ædificatione exercuerint? *pueriliterne* egit S. Basilus, qui tempore antiquissimo, id est circa annum Christi 369. (ubi veram adhuc agnoscitis Ecclesiam) celeberrimum suum Ordinem instituit? Puerilia exercuerunt famosissimi sancti Patres, & Ecclesiæ Doctores, Hieronymus, Chrysostomus Gregorius Nazianzenus, qui primis adhuc sæculis mentionatum S. Institutum, seu, uti vos vocatis, *Monachatum* amplexi fuerunt? Absit ab impio filio, suum sanctissimum æque ac doctissimum Patrem, nec non Ecclesiæ Columnam S. Augustinum nominare puerilem, eo quod sanctissimam fundaverit Religionem?

Ur

Ut taceam jam sanctissimum Patriarcham Benedictum; pariter primis quinque sæculis florentem, sub cujus cucullo quamplures Imperatores, Reges, & Principes sese absconderunt. Istane exercere, aut pro stimulo Virtutis in Cathedra Populo proponere apud vos sunt puerilia?

Ad tertium punctum patet responsio ex præcedenti: si enim mentionata opera puerilia non sunt, nec inutilia, potuerunt laudabiliter in Cathedra Populo proponi. Quod si in aliquibus locis de necessariis fidei neque in pulpitis, neque in instructionibus Catecheticis quidquam fuerit adductum, error erat particularis, quales correxit quamplures Concil. Trident. tractando de Reformatione; exinde tamen nihil sequitur ad intentum: si enim in agro reperitur triticum, & zizania, atque in vera Christi Ecclesia boni & mali, mirandum non est, quod etiam in aliquibus locis mali subinde abusus vigeant.

Ad quartum in primis non video, quomodo fidem justificativam habens possit esse adeo tranquillus, & securus de sua salute, quoniam in principiis Lutheri juxta propositionem à Leone X. damnatam ordine 35. nemo NB. (adeoque nec justus) est certus, se non semper peccare mortaliter propter occultissimum superbia vitium. Insuper si Domini Pastores apud suas oviculas subinde Ecclesiæ Catholico-Romanæ non affingerent nescio quæ falsa, qualia docere ne quidem cogitavit: si ipsis proponerent, quod sententia tenens

fidem

fidem sine operibus salvare, fuerit error Aëtianorum, seu Eunomianorum, jam primis quatuor saeculis nimirum circa annum Christi 353. teste Joanne Sianda existentium: si insuper sincere adderent fundamenta Catholicorum, cur hi negent, solam fidem salvare, nescio sane, qualem consolationem & pacem, ac utrum non potius conscientia stimulos atque anxietates essent habituræ diculæ, commiseratione dignissimæ. Pacem habeamus apud DEUM per fidem, sed per fidem vivam, quæ sine operibus mortua est. *Si omnes* (NB. nulla hic excipitur) *habuero fidem, ita ut montes transferam, charitatem autem non habuero, nihil sum*, inquit Apost. 1. Corinth. c. 13. Commendent ergo Domini Pastores oviculis suis enixe charitatem: habebunt enim exinde forsitan circa fidem ignorantia invincibili laborantes, ac ceteroquin à via mandatorum DEI graviter aberrantes saltem hoc remedium restans salutis æternæ.

Ad quintum etiam nos Catholici volumus, ut fides sit conjuncta cum fiducia in DEUM, solummodo negantes, quod hæc sola justificet. Audiant, quæso, errantes oviculæ verba formalia doctrinæ Catholicæ, & redeant ad ovile, in quo unus est Pastor. Textus igitur sic sonat: Sess. VI. Conc. Trid. c. XII. de Justificatione. *Disponuntur ad ipsam Justitiam, dum excitati divina gratia, & adjuti, fidem ex auditu concipientes, libere moventur in DEUM, credentes, verè esse, quæ devinitus revelata & promissa sunt; atque*

que illud in primis, à DEO justificari impium per gratiam ejus. per redemptionem, quæ est in Christo JESU; & dum peccatores se esse intelligentes a Divinæ Justitiæ timore, quo utiliter concutiuntur, ad considerandam DEI misericordiam se convertendo, in spem eriguntur. NB. fidentes, DEum sibi propter Christum propitium fore &c.

ARTICULUS XXI.

De Cultu Sanctorum.

82. **D**e hoc docent, quod memoria Sanctorum proponi potest, ut imitemur fidem eorum, & bona opera juxta Vocationem, uti Cesar imitari potest exemplum David in bello gerendo ad depellendos Turcas à Patria. Sed Scriptura non docet, invocare Sanctos, aut petere auxilium à Sanctis, qui unum Christum proponit nobis Mediatorem, Propitiatorem, Pontificem, & Intercessorem &c. Ita Lutherani.

83. Econtra vero Catholici, pro aris & focis loquentes, defendunt, posse Sanctos in Cælis non solum coli, verum etiam invocari, atque ab ipsis met auxilium peti, idque erui saltem deductive ex Sacra Scriptura. Et dato etiam, quod illic non haberetur, sufficere deberet continua praxis etiam antiquissimæ Ecclesiæ, per Testimonia SS. PP. primorum quinque sæculorum, nobis manifestata.

84. Ut

84. Ut autem hæc veritas Catholica magis intelligatur, ante probationem ejusdem prænotandum, quid sit cultus & quid *Invocatio*. Itaque cultus ut sic, est *excellentiæ in altero relictæ agnitio, ejusque cum debita animi submissione contestatio*. Solet is in sensu largiori etiam dici *adoratio*, quamvis rigorose loquendo adoratio competat Soli DEO. Dividitur autem cultus ut sic in *politicum* seu *civilem*, & in *Religiosum* pro diversitate excellentiæ in altero recognitæ: nam si excellentia alterius respicitur pure naturalis, qualis est in Principibus, Magistratibus, Parentibus &c. etiam cultus exhibitus censetur mere *politicus* ac *civilis*. Sic solèmus apud magnos Principes flectere genua, apud illustres præsentem detegere caput &c. Quod si vero excellentia alterius respiciatur supernaturalis, cultus exinde exercitus erga talem dicitur *Religiosus*, qui si exhibetur DEO, est cultus *Latriæ*, si Beatissimæ Virgini, *Hyperdulie*: si Sanctis, *Dulie*, de quibus vide Reiffenstuel *Tract. 5. Theol. Moral. Dist. 1. q. 3. § 4.*

Loquendo de *Invocatione*, eadem est *petitio Auxilii vel patrocinii alterius cum aliqua fiducia*. Addit igitur invocatio super cultum adhuc duo, nimirum *fiduciam cordis, ac preces* ad illos, quos colimus, & quorum patrocinium seu auxilium imploramus, directas, pro quo

85. Sciendum ulterius, quod, dum DEUM invocamus, nullatenus *Patrocinium* (cum ipse sit

fit supremus) sed potius *auxilium* humillime flagitemus ab Eodem, tanquam ab Auctore omnium gratiarum, & Donorum, qui ex propria sua Virtute, potestate, & Auctoritate, potest petita nobis clementissime conferre. Econtra Sanctorum frequentius, saltem in petitionibus, imploramus potius *Patrocinium*, ut isti tanquam singulares Dei amici sint Intercessores, Patroni, & Advocati nostri apud ipsum Deum, pro nobis & nobiscum orando, quatenus tanquam Auctor omnium gratiarum hoc vel illud beneficium elargiri, seu hoc aut illud malum misericorditer avertere dignetur. Et hinc ad Deum clamamus: *Miserere nobis*; ad Sanctos vero, *orante pro nobis*. Nolo tamen per hæc dicta negare, quod aliquoties Sanctorum non solum *Patrocinium*, verum atiam *auxilium* immediate petatur, suspirando E. G. ad Beatissimam Immaculatam Virginem pro dono Castitatis; ad S. Antonium Paduanum pro inventionem rerum deperditarum; ad S. Apolloniam pro avertendo dolore dentium &c. non quasi putaremus, Sanctos habere hanc potestatem largiendi similes gratias ex se ipsis, sed quia existimamus, Deum hisce tanquam specialissimis Amicis hujusmodi potestatem quasi præmium accidentale dedisse, vel quia & hi in vita quoad talem Virtutem singulariter eminuerunt, vel in simili parte corporis amore Dei tormenta principaliter sustinuerunt, ut hac ratione aliis invocantibus similia dona conferre queant. Majoris claritatis gratia pro exemplo nobis serviat magnus aliquis in Aula

P. Anac. Reiffenst. Theol. Supplem. L. Re-

Regia Minister, quem Rex in signum æstimationis, atque amoris sui plurimis cumulat munusculis: apud talem Ministrum vel possum immediate rogare auxilium, supplicando E. G. pro aliquo ex his pretiosis munusculis sibi à Regi dono datis, vel implorare patrocinium, quatenus meum agat Patronum apud ipsum Regem apud quem pro gratia supplico. Unde maxime Catholicis faciunt injuriam, qui eos quasi Idololatrias, & Ethnicos proclamant; nullatenus enim nos colimus Sanctos tanquam Deos, cultu Latreutico, nec imploramus, quasi à se habentes Virtutem sanandi &c. sed veneramur tanquam amicos Dei, Patronos nostros, vel auxiliares mediante ipsomet Deo, qui honoratur in Sanctis suis, & à quo tanquam immenso omnium donorum mari diversa gratiarum flumina principaliter exeunt, & ultimato iterum in illud mare redeunt. H. N.

86. Respondetur I. Saltem deductive ex Sacra Scriptura habetur, licite invocari Sanctos in Cælis. Probatur *Primo*, juxta Sacram Scripturam possunt invocari pii homines in hac vita adhuc degentes: ergo recte exinde deducitur, multo magis posse invocari Sanctos in altera vita existentes: cur enim hi in gratia jam confirmati, atque singulares amici Dei essent deterioris conditionis quam homines in terris, non raro, quamvis ceteroquin pii, nonnullis tamen imperfectionibus maculari? Anteced. Probat. ex cap. 15. ad Romanos v. 20. ubi S. Paulus ait: *Obsecro vos, ut adjuvetis me*

me in orationibus pro me ad DEUM, & ad Coloss. cap. 4. v. 2. Orationi instate &c. orantes simul & pro nobis.

Probatur 2. Juxta Sacram Scripturam Angeli possunt invocari: ergo etiam Sancti; cum eadem sit utrobique ratio. Anteced. probatur; sic enim Angelum invocavit Jacob Patriarcha Osee Cap. 12. vers. 4. ibi: *Jacob invaluit ad Angelum, flevit, & rogavit eum*, sic Eliphaz Job Amico cap. 5. vers. 1. in miseriis sequens dedit Consilium: *Ad aliquem Sanctorum convertere*. Super quem textum D. Augustinus apud Pinedam per Sanctos intelligit Angelos. Nec obest Consilium Laodicense teste Theodoreto prohibens invocationem Angelorum. Etenim in primis illud erat Concilium præcise particulare, quod non habet Auctoritatem fidei conformiter Quæst. Prolegom. nisi quoad ea, respectu quorum à summo Pontifice approbatur, aut à tota Ecclesia recipitur. Deinde prohibuit invocare Angelos non absolute, sed tanquam Deos minores, qui fabricassent mundum, prout voluit Simon Magus. Ita S. Paulum intelligunt SS. Hieronymus & Chrysostomus,

87. Respondetur II. Dato etiam (nullatenus tamen concesso) quod ex Scriptura non sufficienter colligeretur licita Invocatio Sanctorum, deberet pro hoc sancto exercitio sufficere Traditio Apostolica, quam declarat praxis continua Ecclesiæ, ex Patrum antiquissimorum Testimoniis nobis

bis innotescens. Sic in primo statim seculo præter Liturgias S. Petri & S. Jacobi, Divus Dionysius Areopagita suavit, ut quis suæ parvitatæ conscius adeat ad aliquem Sanctum, ut se adjuvet, ac pro se roget. *Sæculo II.* S. Irenæus *Lib. 5. c. 19.* Beatissimam Virginem Mariam proposuit tanquam *Advocatam.* *Sæculo III.* Origines in *Lament.* inquit: *Incipiam me genibus prosternere, & deprecari universos Sanctos, ut mihi non audenti petere DEUM propter nimietatem peccati succurrant.* *Sæculo IV. & V.* tot adsunt SS. PP. textus, ut nec Adversarii moderni, nominatim Lomer, audeant negare, pro tunc jam viguisse invocationem Sanctorum. *Ut efficax nostra sit oratio* (inquit S. Ambrosius *precat. 2. præparante ad Missam*) *B. Maria V. suffragia peto &c. Apostolorum Intercessionem imploro &c. Martyrum preces deponco &c. Confessorum Orationes exoptulo.* Cui adstipulatur S. Augustinus in *meditat. cap. 40.* *Exaudi me Trinitas Sanctorum per merita Prophetarum, per suffragia Apostolorum, per Constantiam Martyrum, per fidem Confessorum, per castitatem Virginum, & NB. per intercessionem omnium Sanctorum.* Plures similes Textus & Orationes reperies apud Controversistas, notanter apud Pichler *Part. 2. suæ Theolog. Polemicæ hic*, fundamentaliter refutantem Præconem Augustanum Lomer, qui per quaterniones plusquam quinquaginta veritatem istam Catholicam impugnare præsumpsit: *Recogitent Domini Pastores ultimam vitæ suæ luctam, ubi, antequam in longam eatur æternitatem, pugnandum adhuc est*

est cum potenti illo adversario, qui tanquam leo rugiens circuit quærens, quem devoret, 1. Pet. c. 5. an non consultum tunc foret cum SS. PP. Augustino, Ambrosio, & aliis B. Virginem Mariam, atque Sanctos conciliare sibi tanquam adiutores, & Patronos, quam eosdem cum Luthero excludere?

88. Dices I. Christus qua Homo, unicus est Mediator, Propitiator, Pontifex & Intercessor noster, per quem accessum habemus ad DEUM juxta illud 1. Timoth. cap. 2. v. 5. *Unus est Mediator DEI & hominum. Homo Christus Jesus:* ergo Catholici non recte invocant plures nimirum Sanctos, tanquam Mediatores, & Intercessores pro nobis ad DEUM. Respond. Explicando textum disting. Ant. Christus qua Homo unus est Mediator & Intercessor noster ad DEUM principalis, & in quem ultimato omnia redundant: concedo; minus principalis, nego. Christus itaque qua Homo in tantum est unicus Mediator noster Principalis & in quem ultimato omnia redundant, quatenus ex ejusdem meritis, sanguine, & NB. Redemptione omnes Reliqui facti sunt Sancti, amici DEI &c. valentes exinde suum pro Clientibus interponere Patrocinium, & quasi Dispensatores DEI præstare auxilium, prout textus, si integer ponitur, se ipsum declarare videtur sequentibus formalibus: *Unus DEus, unus mediator DEI & hominum Homo Christus Jesus NB. qui dedit redemptionem semetipsum pro omnibus.* Alias sane si per Christum minus principales, & mediati

diati intercessores excluderentur, nec tales forent pii in terris, nec Angeli in Cælo contra ipsos textus Sacræ Scripturæ superius in Responsione I. adductos. Siste ante oculos tuos in Aula Regia unicum Regis filium, omnia apud Patrem valentem, simul tamen etiam potentes Ministros, & Regis amicos, quos Rex honorari cupit. Num male, aut filio Regis injuriam facit, qui equidem pro suo principali Patrono filium Regium sibi eligit, aliquoties tamen etiam Regios amicos, & Ministros accedit, ut vel sibi ulteriorem apud Regium Principem favorem, vel apud ipsum Regem Patrem Supplicatam impetrent gratiam?

89. Dices II. Sancti in tanta distantia Cœli à terra non vident, nec audiunt nostras preces, neque intelligunt interne directæ ad ipsos suspiria in particularibus nostris necessitatibus; ergo non sunt invocandi, cum foret labor frustraneus. Antec. Probatur ex illo Eccl. c. 9. *Viventes sciunt se morituros, mortui vero nihil noverunt amplius.* Et ex Isaia c. 63. *Abraham nescivit nos, & Israel ignoravit nos.* Resp. I. Si etiam cum nostro Bernardino Verweis in suo speculo transmitteretur, Sanctos nec audire in particulari nostra desideria & preces, necdum sequi, hos non esse invocandos, eo quod adhuc possent generaliter pro omnibus eisdem implorantibus suam interponere intercessionem apud Deum omnia videntem, omnia audientem. Resp. II. Quamvis Sancti has hominum preces non viderent, possent tamen à DEO quasi au-

audire, seu percipere per specialem revelationem.
 Resp. III. Sanctos similia, uti ipsosmet Angelos,
 videre in DEO tanquam clarissimo speculo.
 Textus pro contraria sententia adducti, si quid
 probarent, solummodo ostenderent, quod in an-
 tiquo Testamento non fuerint cognita ista suspi-
 ria, & invocationes in hac vita degentium, cum
 Patres in Lympo clarissimum hoc speculum, nem-
 pe essentiam Divinam similes invocationes re-
 præsentantem necdum intueri potuerint. Deinde
 præfati textus nec sunt ad propositum; primus
 enim, uti ex contextu patet, solummodo vult,
 mortuos nihil amplius conducens ipsis ad bona
 opera, & ad peragendam pœnitentiam noscere,
 sicut noscunt viventes, se morituros, & exinde
 etiam remedium contra peccatum possunt assu-
 mere. Secundus textus declaratur, quod Abra-
 ham Israelitas non amplius noverit tanquam fi-
 lios ob sua peccata, sic pariter sponsus in Para-
 bola Evangelica de decem Virginibus dicit ad fa-
 tuas, *Nescio Vos.* Clementissimus avertat DEUS,
 ne similia suo tempore verba, *Nescio Vos,* loqua-
 tur ad Acatholicos, dum cœlestes cum sponso
 celebraturi nuptias intrare volunt januam Regni
 Cœlestis, non portantes secum oleum bonorum
 operum, & lumen veræ charitatis. *Qui recte &*
credunt, & vivunt, juste assimilantur quinque pru-
dentibus: qui autem profitentur quidem fide in
Jesum, non autem præparant se bonis operibus
ad salutem, reliquis quinque assimilantur Virginibus
fatuis, inquit antiquissimus. Origines Homil. 37.
in Matthæum.

§. VII.

Septem prætensi, & à Confessione Augustana per septem Articulos Catholicis imputati abusus refutantur.

90. Antequam descendam ad refutationem singulorum præmonendum censui, quod & ipsa Confessio Augustana, priusquam singulos referat prætensos in Ecclesia Catholica quasi introductos abusus, incipiat à verbis veritati non consentaneis, & claudat verbis sibi contradictoriis, ut nimirum vel sic eorum Confessio, tanquam *symbolum fidei sue*, sit conformis ipsimet illorum *fidei*. Initium itaque circa abusus in formalibus ponit memorata Confessio Augustana taliter: *quod de nullo Articulo fidei dissentiant ab Ecclesia Catholica*, cum tamen in superioribus Articulis circa *fidem justificativam*, *bona opera*, *causalitatem Sacramentorum ex opere operato*, ac *invocationem* totaliter à Catholicis discrepent &c. En in principio falsitatem! Item in Epilogo post Articulum VII. ajunt, *quod de pluribus abusus dici potuisset* &c. & tamen in principio inquirunt, *paucos tantum esse abusus*, quos ipsi tanquam novos, & contra voluntatem NB. Canonum receptos omittunt. En in fine contradictionem! pergamus nunc ad singulos,

ARTICULUS I.

De utraque specie.

91. **L**aicis datur utraque species Sacramenti in Cœna Domini &c. Et tantum consuetudo non ita vetus aliud habet &c. Hæc vero consuetudo non solum contra Scripturam, sed etiam contra veteres Canones & Exemplum Ecclesiæ recepta est. Ita Catholici

Econtra vero Catholici, etsi ultro admittant, in Scriptura non esse prohibitum, ut Laicis distribuatur Eucharistia sub utraque specie; addunt tamen, sed nec esse ibidem præceptum positive à Domino, ut porrigatur ipsis sub specie utraque; Item porrigere Laicis Eucharistiam sub una tantum specie nec pugnare contra veteres Canones, nec contra exemplum Ecclesiæ antiquæ, in qua modo sub una, modo sub duabus Eucharistia speciebus dabatur. Veritas hæc Catholica ut pateat magis.

92. Supponendum est, etiam sub unica tantum specie panis vel vini realiter contineri Christum Dominum totum cum carne & sanguine, corpore & anima, Divinitate & humanitate ita tamen, ut vi verborum in consecratione panis ponatur immediate corpus; alia vero concomitanter; in consecratione vero vini vi verborum Sanguis Christi. Cur autem tam in consecratione

L s

panis,

panis, quam vini reliqua ponantur per concomitantiam, sicque realiter totus Christus; ratio est quia Christus utrobique; nimirum sub speciebus æque panis ac vini, adest non tanquam mortuus (etenim post resurrectionem non amplius moritur ad Rom. c. 6 v. 9.) sed tanquam vivus, & quidem homo Deus, ac consequenter propter naturalem connexionem partium inter se, & propter unionem Hypostaticam, naturam inter humanam & Divinam in qualibet specie existit totus Christus. H. N.

93. Respondetur I. Nullum est assignabile in S. Scriptura mandatum Divinum, quo Christus Laicis præcepisset sumptionem Eucharistiæ sub utraque specie. Probatur 1. si foret assignabile aliquod tale mandatum, esset deducendum ex eo, quod Christus in ultima cœna, dum instituit sanctissimum Eucharistiæ sacramentum sub utraque specie panis & vini, adjunxerit hæc formalia *Matth. cap. 26. Bibite ex hoc omnes.* Sed ex his verbis non eruitur mandatum Domini pro Laicis, ergo. Majorem ultro fatentur adversarii in sua Confessione Augustana. Minor probatur ex eo, quia Christus ibidem ultimam cœnam instituit non præcise per modum Sacramenti, sed & insuper per modum sacrificii, direxitque mentionata verba: *Bibite ex hoc omnes* ad Apostolos, quos consecravit sacerdotes; adeoque ex his verbis non eruitur mandatum Domini pro Laicis, ut sumant Eucharistiam etiam sub speciebus vini. Confirmatur. Illi, ad quod Christus direxit hoc mandatum

obtemperantes biberunt omnes; ita enim legitur
Marc. cap. 14. v. 13. Et biberunt ex illo omnes.
 Ubinam autem vel ex S. Scriptura, vel ex com-
 muni antiquæ Ecclesiæ persuasione habetur, quod
 pariter præter Apostolos biberint ex illo calice
 E. g. Paterfamilias Cænaculi, & alii inservientes?
 Quod si non: signum est, ad alios extra Apostolos
 illa verba non fuisse à Christo Domino directa.

94. Probatur 2. Si mandatum Christi Domini
 in ultima cœna sumendi Eucharistiam sub utraque
 specie fuisset directum præter Apostolos ad omnes
 etiam Laicos; tunc ipsimet Apostoli nunquam
 porrexissent Eucharistiam Laicis sub una specie, sed
 sic porrexerunt: ergo Major patet, quis enim au-
 deat dicere, Apostolos in causa tam ardua fuisse
 transgressos mandatum Christi Domini? Minor
 probatur: Etenim Apostoli fidelibus, ad audien-
 dam eorum prius doctrinam congregatis distri-
 buerunt potius Eucharistiam sub speciebus panis,
 juxta illud *Actor. cap. 2. v. 24. Erant perseveran-
 tes in doctrina Apostolorum, & communicatione
 fractionis panis;* de qua fractione panis Apostolus
*1. Corinth. cap. 10. v. 16. ait: Panem quem frangi-
 mus, nonne participatio corporis Domini est? Ubi*
 haud dubie pariter de speciebus vini mentio facta
 fuisset, si in omni distributione panis Eucharistici
 etiam calix Domini non solum potuisset, sed etiam
 ex mandato Christi in Communione Laicorum
 necessario addi debuisset. Profecto neque Isra-
 elitæ comedentes Agnum Paschalem, vel Mannam
 de Cœlo pluentem (quæ NB. erant figuræ Eucha-
 ri-

ristia) leguntur adjunxisse semper ac necessarii aliquem potum : cur ergo à figura non liceat argumentari ad figuratum?

95. Probatur 3. Non solum Apostoli, verum etiam successores in primitiva Ecclesia, ac primis quatuor sæculis sæpius porrexerunt Laicis Eucharistiam sub unica tantum specie vel panis, vel vini, ergo signum est, quod ex parte Laicorum non adsit mandatum Domini semper sub utraque specie sumendi Eucharistiam. Consequentia patet, nam ex Confessione adversariorum Ecclesia antiqua primis quatuor sæculis erat adhuc in sua doctrina conformis Doctrinæ Christi, sponsa immaculata, ac sine rugis. Antecedens vero probatur? sic enim I. jam ad annum Christi 57. itinerantibus hoc Sacramentum datum fuit sub sola specie panis, ut in vitæ discrimine (sacerdotibus pro tunc adhuc valde raris,) Viatico muniri possent. Ita apud Franciscum Henno testatur Baronius ad dictum annum. II. Græci per totam quadagesimam (exceptis diebus Sabbatinis & Dominicis, quibus sacerdotes consecrabant) communicabant solummodo ex *presanctificatione* id est, ex illis tantummodo hostiis, quæ aliis jam diebus, puta Sabbatinis & Dominicis fuerant à Sacerdotibus consecratæ, de quo usu videantur Concilium Laodicense *Can. 49.* Trullanum *Can. 51.* & Innocentius I. in *Epistol. l. c. 4.* III. Pariter primis sæculis tradebatur Eucharistia Eremitis, ut in sua tuguria deferrent, ac tempore sibi bene viso sumerent, quod idem fiebat in navigatione longa,

aut

aut gravi persecutione quoad alios: non autem est verosimile, quod species vini simul cum hostia secum acceperint, tum quia, præsertim continuante diutius persecutione, Eucharistia aliquoties per integrum annum reservabatur; tum quia ab Eremitis sæpius ad remotissimos à loco receptionis recessus deferebatur: ubi interim species vini fuissent corruptæ. Ita testantur Tertullianus, S. Cyprianus, Clemens Alexandrinus, Basilus, & alii passim apud Controversistas videndi. IV. Infirmis, saltem una, alterave vice porrigebatur Eucharistia sub sola specie panis, uti præter Eusebium Cæsar. *lib. 6. Histor. Ecclesiast.* plures citat Cardinalis Bellarminus hic. Item infantibus necdum potentibus solidum cibum comedere olim instillabatur præcise sacramentissimus sanguis Christi sub speciebus vini &c. ergo à primo ad ultimum in primitiva Ecclesia non porrigebatur semper Eucharistia sub utraque, sed aliquoties etiam sub unica tantum specie.

96. Respondetur II. Cum sacra Communio sub utraque specie non fuerit à Deo Laicis præcepta, sed tantum permilla, prout jam ante Concilium Constantiense docuerunt Alexander Alensis, Albertus Magnus, D. Bonaventura, & D. Thomas apud nostrum Bosco hic *dist. 4. sect. 8.* potuit exinde Ecclesia pro diversitate temporum & circumstantiarum hanc communionem sub ambabus speciebus, vel adhuc permittere, vel etiam positive ex gravi causa præci-

cipere, aut prohibere, prout videbatur in Domino. Probatur I. Ex Potestate Vicaria Christi: si enim Rex in temporalibus potest ordinare ea, quæ ex una parte non sunt contra mandatum Divinum, & ex altera spectant ad bonum temporale Reipublicæ, cur non æque Vicarius Christi S. Petrus, & successores quoad illa, quæ respiciunt bonum spirituale? Accedit quod S. Paulus tanquam Minister Dei, & Dispensator Mysteriorum ejus, partim non nulla quæ non sunt contra mandatum Divinum actum liter disposuerit spectantia adhuc ad Cœnam Domini, uti patet *1. Corinth. cap. 11. v. 33.* partim plura adhuc ordinare intenderit, uti colligitur ex propriis verbis *loc. cit. v. 34.* ibi: *Cetera, cum venero, disponam.* Cur igitur hæc potestas disponendi denegetur Petro, & illius successoribus?

97. Respondetur III. Sacra Communio sub utraque specie fuit defacto ab Ecclesia Catholica Romana, præsertim à Concilio Constantiensi *sess. 19.* ac Trid. *sess. 21. cap. 1.* & ibidem *Can. 1.* recte Laicis ordinarie prohibita ex causis valde gravibus: hinc que immerito eadem propterea traducitur ab A catholicis, prout magis patebit assignando nonnulla ex motivis prohibendi. Itaque I. potest rectus antea Laicis sanguis non raro in Communionem, præsertim apud pueros, Rusticos, tremulos senes: vel in magna communicantium compressione effundebatur cum magna irreverentia sanctissimi Sacramenti, ad quam evitandam etiam jam antea fuit apud Infantes sublata consuetudo
su-

sumendi sacratissimum Sanguinem. 2. Species vini non potuerunt, maxime in pagis remotioribus & Ecclesiis filialibus, tam promptè haberi pro ægrotis; nam reservatæ acescebant faciliter non sine gravi irreverentia SS. Sacramenti, maxime in Regionibus calidioribus, & tempore æstatis. 3. Idem sæpe contingebat, quando in maximis solemnitatibus, refrigerante in dies devotione, magna vini quantitas consecrata remansit, quam deglutire Sacerdotes frequenter abhorrebant, repertis in fundo Calicis variis non raro sordibus, præsertim si & Vetulæ ex naribus stillantes, lepra, aliisque deformitatibus, quas natura abhorreere solet, affecti, vel vehementi tussi molestati, præsertim alias agrestes homines ex illo calice biberunt. 4. Cessabat frequens usus Eucharistiæ, præsertim in Ecclesiis pauperibus, & ubi vinum caro emebatur pretio. 5. Magna in hoc puncto inter membra Ecclesiæ extabat difformitas, populo in una regione sub una, in altera sub duplici specie SS. Sacramentum Eucharistiæ sumente. Hæc, præsertim periculum irreverentiæ, ut melius evitentur, tandem Ecclesia præcepit, ut Laicis deinceps, nisi ob novas circumstantias aliter aliquando disponendum videatur, SS. Eucharistia non nisi sub speciebus panis porrigatur, quamvis & hi antecederent potuerint calicem sumere, non prohibente id Christo, sed relinquente determinationem charissimæ sponsæ suæ Ecclesiæ. Ut autem hoc magis capiat ab A catholicis, & eorum objectiones clarius solvantur.

98. Sciendum I. Catholicos omnino admittere hoc Sanctissimum Eucharistiæ Sacramentum fuisse institutum in ultima Cœna Domini: ibi enim post prolata verba consecratoria sub speciebus panis & vini vere continebatur SS. Corpus & Sanguis Christi, in quo principaliter consistit dictum Sacramentum, quod dein à fidelibus devote acceptum per modum cibi spirituales longe magis confortat animam, quam cibum naturalis ipsum corpus. 2. Defendunt Catholici cum Concilio Trident. *Sess. 22. de Sacrificio Missæ cap. 2.* Sanctissimam Eucharistiam non solum in ultima Cœna habuisse rationem Sacramenti, verum etiam rationem sacrificii incrementi, repræsentantis cruentum in ara Crucis sacrificium, ubi utrobique Hostia, seu Victimæ pretiosissima est ipsemet Christus Cœlesti Patri oblat. Docent, hanc cruenti sacrificii repræsentationem in eo vel maxime consistere, quod mystice ac vi verborum utriusque consecrationis separetur corpus à sanguine, quamvis realiter loquendo tam in consecratione panis quam calicis adsint corpus & sanguis Christi cum anima & Divinitate, de quo vide Reiffenstuel *Tract. 14. Theolog. Moral. Distinct. 5. quæst. 1. 2.* § 4. Firmiter credunt, conformiter Concilio Trident. *Sess. 22. de Missæ sacrif. Can. 2.* Apostolos in ultima Cœna à Christo fuisse simul consecratos novi Testamenti Sacerdotes, ipsisque traditam potestatem in corpus Christi verum, puta consecrandum, offerendum, & sumendum &c. uti post resurrectionem eisdem com-

complete fuit attributa potestas in corpus Christi mysticum, quando Christus Joan. c. 20. v. 22. & 23. insufflavit, & dixit eis: *Aecipite Spiritum sanctum, quorum remiseritis peccata, remittuntur eis.* 5. Fatentur cum Concilio Tridentino in formalibus sess. 22. cit. c. 1. quod Christus Apostolis in ultima Cœna tanquam novis Sacerdotibus non solum *tradiderit corpus & sanguinem, ut sumerent* (puta pro integrando sacrificio) verum etiam *eisdem, eorumque in sacerdotio successoribus, ut offerrent, præceperit per hæc verba: Hoc facite in meam commemorationem, uti semper Ecclesia Catholica intellexit, & docuit.* Et licet hæc ultima verba, *Hoc facite in meam commemorationem*, apud Evangelistas reperiantur solummodo penes consecrationem panis: expresse tamen S. Paulus 1. Corinth. cap. 11. v. 25. testatur, eadem quoque à Christo fuisse addita in consecratione vini, prout de facto quoque in Missa post consecrationem calicis ad elevationem dicuntur sequentia: *Hæc quotiescunque feceritis, in mei memoriam facietis.* 6. Notant Theologi Catholici, quod, etsi ex Concilio Tridentino eruatur per verba, *Hoc facite in meam commemorationem*, Apostolis ac successoribus tanquam Sacerdotibus sacrificantibus fuisse à Christo præceptum, offerre hanc Hostiam, nimirum SS. Corpus ac sanguinem Christi, atque etiam pro integritate Sacrificii sumere illud: disputetur tamen adhuc inter Catholicos, utrum pariter Laicis fidelibus, utpote non sacrificantibus, fuerit datum mandatum Divinum sumen-

di illud saltem sub speciebus panis, sub quibus realiter præter corpus juxta jam dicta continetur concomitanter, sanguis Christi? ubi non defuerunt, præsertim ante Concilium Tridentinum graves doctores, uti noster Alensis, & D. Bonaventura apud Bosco, loco proxime citando, defendentes præceptum sumendi ex parte Laicorum esse præcise Ecclesiasticum, non Divinum, uti videre poteris apud Franciscum Henno, *Tract. de Eucharist. Disp. 9. quest. 1.* La Croix *lib. 6. Theol. moral. Part. 1. num. 594.* & fusius apud nostrum Bosco hic *disput. 4. sect. 8. Conclus. 2.*

7. Advertunt Theologi Catholici, defacto quidem Communionem esse inter nostros sententiam quam etiam ex antiquioribus jam S. Scripturæ Expositoribus defendit noster Lyranus teste Sabino Bononiensi *part. 1. Lucernæ Mystica tract. 38. num. 93.* nimirum Laicis quoque à DEO mandari sumptionem Eucharistiæ, pro cujus tamen efficaciori probatione adducunt AA. potius alium textum Scripturæ, nimirum Joan cap. 6. v. 54. *Nisi manducaveritis carnem filii hominis, non habebitis vitam in vobis.* Hæc septem notanda si attente legantur, faciliter Adversariorum argumenta solvuntur, à quibus contra nostras resolutiones

99. Objicitur I. Christus generaliter in ultima Cœna porrigens calicem dixit, *Bibite ex eo omnes:* ergo etiam Laicis datum est mandatum Divinum bibendi. Respondeo distinguendo Antec. Dixit ad assidentes mensæ Apostolos

Te-

Testamenti novi Sacerdotes: atque ad eorum
successores, *Bibite ex eo omnes*, conc. ad reli-
quos etiam non assidentes, seu præsentes, neg.
Rationes negandi sunt allatæ in nostris proba-
tionibus.

Urges: Sicut Christus dixit in consecratio-
ne calicis, *Bibite ex eo omnes*: ita pariter in con-
secratione panis ait: *accipite, & comedite*, Matth.
cap. 26. v. 26. sed quoad manducationem cor-
poris Domini Divinum mandatum intelligendum
est non solum de Sacerdotibus, verum etiam
de Laicis, qui utique obligantur mandato Di-
vino sumere corpus Domini: ergo etiam quo-
ad calicem Domini bibendum.

Respond. neg. minorem, uti enim manda-
tum *bibendi*, ita etiam *manducandi* erat directum
ad ipsos Apostolos, atque successores Sacerdo-
tes, non autem ad Laicos; quod autem Laici
obligentur mandato Divino ad sumendam Eu-
charistiam, Doctores illi Catholici, qui hanc te-
nent sententiam, non desumunt ex allegatis Chri-
sti verbis, *manducate ex hoc omnes*; sed prin-
cipaliter ex aliis Joan. cap. 6. v. 54. præcedenti
numero allegatis.

100. Objicitur II. Sicut Christus in ultima
Cœna dando panem præcepit comestionem per
illa verba: *Hoc facite in meam commemorationem*;
ita per eadem verba porrigendo calicem man-
davit bibitionem: ergo utrobique adest manda-
tum.

tum Divinum: Consequentia tenet à paritate rationis: Antecedens vero probatur ex eo, quia etsi Evangelistæ tractantes de ultima Cœna in bibitione non æque, uti in comestione, apposuerint illa verba: *Hoc facite in meam commemorationem*; testatur tamen Apostolus, id factum fuisse à Christo utrobique; nam narrans Corinthiis suis Historiam, quæ contigit in ultima Cœna. 1. Corinth. c. 11. v. 25. de Calice Domini ita loquitur: *Similiter & calicem postquam cœnavit (supple accepit) dicens: Hic Calix novum Testamentum est in meo sanguine, hoc facite, NB. quotiescunque bibetis: in meam commemorationem.*

Ante Responzionem nota 1. tempore isto Apostolorum fuisse Laicis permissum adhuc sumere Eucharistiam etiam sub speciebus vini, ut patet *loc. cit. v. 28.* Nota 2. Paulum non intendisse in illo *capite 11.* Corinthios suos instruere, quasi non solum permissio, sed etiam mandatum Divinum esset, ut Laici sumant Eucharistiam sub utraque specie: nam de hoc nihil pro tunc movebatur à Corinthiis. Voluit igitur ibidem potius Corinthiis suis exprobrare abusus, ab ipsis, dum celebrarunt hanc sacram Cœnam, introductos, & pro exemplo sobrii, atque honesti convivii proponere Cœnam Domini ipsiusmet. Videatur de hoc Cornelius à Lapide in *cit. c. 11. ad Corinth. H. N.* Respondetur uti in priori objectione distinguendo Antec. sicut Christus in ultima Cœna præcepit co-

me-

mentionem, ita etiam bibitionem presentibus Apostolis & aliis futuris Sacerdotibus conced. Extraneis, atque Laicis, nego.

101. Ostendant igitur nobis Adversarii in controversia tam famosa aliquem Scripturæ textum, qui nostra enervet superius allegata fundamenta, & clare prober, Christum sub his verbis: *Hoc facite in meam commemorationem*: voluisse etiam Laicis non sacrificantibus mandare positive sumptionem sanguinis sub speciebus vini. Profecto nec Christus Luc. cap. 24. legitur dedisse calicem discipulis euntibus in Emmaus, quando ibidem accepit panem, & benedixit, ac fregit, & porrigebat illis. Et aperti sunt oculi eorum, & cognoverunt eum. v. 30. Ubi ex tam mirabili effectu apertionis oculorum mentis colligunt SS. PP. nominatim SS. Chrysostomus, Augustinus, Theophylactus, & Hieronymus apud Patrem Kedd in suo Constantino Magno, panem hunc non fuisse communem, sed Eucharisticum.

102. Objicitur III. Christus Dominus, quando Joannis c. 6. v. 54. præcepit universaliter, sicque etiam Laicis sumptionem Eucharistiæ, non solum mandavit manducationem, sed etiam bibitionem calicis, & quidem sub deperditione vitæ spiritualis: ergo adest mandatum Divinum bibendi sanguinem etiam ex parte Laicorum. Antec. probatur ex ipso textu sequentis tenoris: *Nisi manducaveritis carnem filii hominis, & biberitis ejus sanguinem, non habebitis vitam in vobis*:

bis: ubi pariformiter loquitur Sacra Scriptura de carne ac sanguine Filii Hominis. Ante Resp. nota, quod primi, qui ex his ipsis Christi verbis necessitatem Communionis sub utraque specie ex mandato Divino asseruerunt, dicantur circa annum Christi 1409. vel 1412. Petrus Drendensis, & Jacobellus *Misnensis*, seu apud Sian-da V. *Jacobellus*, melius *Misensis* in *Bohemia*, non in superiori *Saxonia*. Hos Wicleffi erroribus contaminatos secuti sunt Joannes Huss. cum suis, & ejus discipulus Hieronymus Pra-gensis à Concilio Constantiensi circa Annum 1415. damnati, ac subsequenter Lutherus & Calvinus, H. N.

Respondetur in primis, in allegato textu particulam & commode juxta phrasin Hæbraicam alibi etiam sic usurpatam posse accipi disjunctive pro particula *vel*: sic pariter dixit Petrus Act. cap. 3. v. 6. *Argumentum & aurum non est mihi*, id est, arguentum vel aurum, sic Paulus 1. Corinth. capit. 11. versic. 29. *Qui manducat NB. & bibit indigne, judicium* (id est, damnationem teste D. Chrysostomo apud Cornelium à Lapide) *sibi manducat & bibit*. Quamvis ad damnationem hanc incurrendam non necessario requiratur, ut *copulative*, seu simul indigne manducet & bibat, sed sufficiat *disjunctive*, si alterutrum ex his indigne fiat, de quo vide ulterius subtiliter discurrentem nostrum Bosco de Sacramentis *Part. 2. Disput. 4. sect. 8. Conclus. 8.* His igitur stantibus, cur ob fundamenta in nostris
Re-

Resolutionibus allegata non posset pariformiter
discurri circa textum præsentem?

Respondet. 2. Aliter distinguendo Antec.
Christus præcepit ibidem etiam bibitionem san-
guinis realiter, & quoad substantiam conced.
formaliter & quoad modum negatur. Id est,
Christus quidem ibi præcepit, ut sumatur à par-
te rei sanguis Christi, quod fit etiam mandu-
cando panem vivum; non autem mandavit deter-
minate in ordine ad Laicos quoad modum, ut
nimirum expresse sub modo bibitionis Christi
sanguis accipiatur.

Hinc mirum non est, quod eodem capite 6.
Joannis Christus absque mentione alicujus bibi-
tionis soli manducationi hujus panis vivi, sub
quo una cum carne sumitur pariter sanguis Chri-
sti, vitam æternam adscripserit. Sic enim legi-
tur loc. cit. v. 50. *Hic est Panis de Cælo descen-*
dens, ut si quis ex ipso manducaverit, non moria-
tur. Similiter v. 52. *Si quis manducaveit ex*
hoc pane, vivet in æternum. Item v. 59. *Qui*
manducat hunc panem, vivet in æternum. In
quibus textibus nullibi fit mentio de formali bi-
bitione.

103. Objicies IV. Gelasius Papa expresse man-
dat. *Can. comperimus. 12. de Consecrat. dist. 2. ut*
Sacramentum Eucharistiæ non dividatur taliter,
quatenus, sumpta tantummodo corporis Sacri por-
tionē, a calice Sacri cruoris abstineatur: ergo ma-

le à modernis Pontificibus, prohibetur id, quod Gelasius fieri mandavit, & SS. PP. antiqui vel maxime commendarunt.

Respondeo in primis, hunc Canonem posse explicari conformiter priori Canoni undecimo, quod nimirum loquatur de sacrificantibus, non de Laicis communicantibus. Ita declarat D. Thomas 3. part. q. 80. Art. 12. ad primum. Atque etiam *Summarium* Canonis in Decreto Gratiani sic habet. Deinde transmissio in Antecedenti Adversariorum supposito, quod Pontifex loquatur quoque de Laicis, negatur tamen consequentia quoad primam partem; etsi enim Gelasius Papa secutus exemplum Divi Leonis *serm. 4. de Quadrages.* etiam sub grandi sacrilegio mandasset, ut pro suo tempore Sacra Communio sub utraque specie accipiatur, hoc tamen ideo factum fuisset, ut occulti plures Manichæi, qui vinum abhorrent, credentes, illud à diabolo creatum, exinde arceantur à Communionem, ad quam alias dum sub solis speciebus panis Eucharistia porrigebatur, permixtum cum Catholicis non sine gravi irreverentia Sacrilegi accedebant: quæ ratio apud nos his temporibus jam cessat.

Sancti Patres, si qui ab Adversariis adducuntur in contrarium, intelligendi sunt vel de illis temporibus, quibus Communio sub utraque specie adhuc erat permixta, aut etiam præcepta, vel discunt de re sumenda, non de modo sumendi, vel denique loquuntur de Sacerdotibus

Sacrificantibus, non de Laicis communicantibus. Cæterum miror, Acatholicos adeo conqueri de subtractione Calicis, cum tamen id ex gravissimis factum sit rationibus, & econtra Lutherus hoc ipso Calice carere paratus fuisset præcise in contemptum alicujus Concilii, si ab eodem communio sub utraque specie præciperetur. Verba formalia Lutheri Tom. 3. Jen. de formula Missæ sic sonant: *Tunc* (id est, si præciperetur) *minime omnium vellem utraque specie potiri, imo tunc primum in despectum Concilii, vel statuti sui vellemus aut alterutra, aut neutra potiri.*

ARTICULUS II.

De Conjugio Sacerdotum.

104. **D**e hoc inquiunt, quod ad evitanda publica scandala alias data, liceat Sacerdotibus illud instituere ex sequentibus, 1. quia Paulus dicit: *Habeat unusquisque uxorem suam propter fornicationem.* Item 2. juxta eundem melius est nubere, quam uri. Nam DEUS conjugium tanquam remedium humane infirmitatis instituit. 3. Quia idem Paulus 1. Timoth. 4. doctrinam prohibentem conjugium vocat doctrinam Dæmoniorum. 4. Quia pariter Paulus ait, Episcopum eligendum esse, qui sit maritus: cur ergo non etiam alius Sacerdos? 5. Quia Deus creavit hominem ad propagationem, dicens: *Crescite & multiplicamini.* Gen. 1. nec est humane potestatis sine

singulari dono, & opere Dei creationem mutare, & mandatum tollere Divinum. 6. Quia constat, in Ecclesia veteri Sacerdotes fuisse Maritos, & primum ante annos quadringentos (puta à Confessione Augustana computandos) vi coactos ad Cœlibatum. 7. Quia ex antiquis PP. S. Cyprianus suadet Lib. 1. Epistolarum Epistola undecima: ut meliores nubant, adeoque à pari idem de viris. 8. Quia Cœlibatus est res difficillima, plerisque impossibilis, atque horrenda contra naturam parit flagitia & scandala. 9. Quia alias Ecclesiæ videntur aliquando defuturi Pastores, si diutius prohibeatur Conjugium. Ita Pastores Acatholici loquentes pro Thalamo, & suis uxoribus, nec non, ut exinde Magistrorum, Lutheri & Calvinii, defectionis causam præcipuam (amorem nimirum mulierum) saltem apparenter aliquo modo cohonestent.

105. Econtra Catholico-Romani inprimis quidem gratis admittunt, conjugium esse aliquid honestum & bonum. 2. Pariter in hoc rerum ordine ad propagationem generis humani necessarium. Atque 3. exinde respectu totius naturæ humanæ in communi præceptum, ita nimirum, ut saltem aliqui ex genere humano sint, qui illud contrahant, ne genus humanum deficiat. 4. Non autem obligari hoc præcepto singulos in particulari: alias enim Elias, Jeremias, Joannes Baptista, Joannes Evangelista, S. Paulus, pluresque SS. PP. antiquissimi cum primis fundatoribus SS. Ordinum violassent hoc mandatum. 5. Teneant, Cœlibatum esse meliorem conjugio: ita enim

enim clare loquitur D. Paulus 1. Corinth. cap. 7. v. 38. & 40. *Qui matrimonio jungit Virginem suam, bene facit; qui non jungit, melius facit, Beatior erit, si sic permanserit secundum meum consilium, puto autem, quod & ego spiritum Dei habeam.* 6. Afferunt, Cœlibatum esse naturæ humanæ gratia Divina (quæ facientibus, quod in se est, omnino non negatur) adjunctæ observatu omnino possibilem; quomodo enim alias prudenter D. Paulus 1. Corinth. c. 7. v. 25. & loco proxime allegato tam absolute, Virginitatem suadere potuisset? *Qui te hortatur, ut voveas, Ipse adjuvat, ut reddas,* inquit D. August. in Psalm. 137. 7. Libenter concedunt, quod de jure Divino non sit necessario Cœlibatus Sacerdotio annexus, cum defacto quoque Sacerdotes Græci, etiam non schismatici, conformiter *cap. cum olim 6. de Cleric. conjugatis,* possint habere Uxores, quas ante sacros Ordines duxerunt, licet post sacros Ordines semel susceptos non liceat ipsis amplius contrahere. 8. Defendunt, posse tamen ab Ecclesia Sacerdotio, & aliis sacris Ordinibus recte annecti Cœlibatum; nam cum cœlibatus sit res honesta, & bona, imo melior conjugio, & simul observatu possibilis, cur Summo Pontifici sit adempta potestas præcipiendi eundem in casu, quo aliqui sponte & libere volunt suscipere sacros Ordines? 9. Addunt aliquas congruas rationes, cur Ecclesia actualiter alligaverit SS. Ordinibus Cœlibatum; ex quibus præcipua est, quod primaria officia Ministrorum Ecclesiæ (puta sacrificare & Sacramenta aliis ministrare) melius ad-

administrentur à cœlibe, utpote magis mundam quam à conjugato.

106. Hæc Catholicorum dicta si bene nesciuntur, facilis erit solutio rationum, quas in contrarium allegat Confessio Augustana: nam ad Paulus 1. Corinth. cap. 7. v. 2. dum ait: *habet unusquisque suam uxorem propter fornicationem* loquitur ad actualiter jam conjugatos, non ad solutos, ad quos ultimos primum v. 8. suum præcipit sermonem: in præsentem autem vult, ut unusquisque conjugatus penes se habeat, non autem repudiet uxorem suam *propter fornicationem*, est, ne fornicetur cum altera. Ita textum istum explicat celeberrimus antiquissimæ Ecclesiæ Patrum & Scripturæ Expositor S. Hieronymus Libro contra Jovinianum. Aliam adhuc declarationem videre poteris apud Cornelium à Lapide in dictum textum. Ad 2. Verissimum est ibidem consilium S. Pauli illis adhuc solutis personis dictum, quæ experientia doctæ putant, se non resistitur tentationibus carnis, 1. Corinth. cap. 7. v. 9. nempe, *quod melius sit nubere quam uri, est, melius maritum ducere, quam fornicari.* glossant S. Hieronymus Apolog. pro libris contra Jovinianum, Ambrosius, Augustinus & alii apud Cornelium à Lapide hic. Ad 3. Doctrina absolute prohibens conjugium est doctrina demoniorum, hoc autem non facit Ecclesia Catholico-Romana, sed permittit libertatem, solummodo conditionate sacros assumentes Ordines adstringens ad Cœlibatum, idque propter excellentiam status, & sanctitatem functionum. Ad 4.

falsum est, quod Paulus unquam dicat, Episcopum eligendum esse, qui sit *Maritus*. Equidem 1. Timoth. cap. 3. sic habet, oportet Episcopum esse unius uxoris Virum; per hoc tamen nil aliud intendit, quam exclusionem Bigami, ut nimirum Episcopus eligendus non sit talis, qui duas successive habuerit ante Episcopatum uxores. Cæteroquin idem Apostolus ad Titum cap. 1. v. 8. desiderat Episcopum esse *sobrium, justum, sanctum*, & NB. *continentem*. Videatur de hoc S. Chrysostomus primorum sæculorum Pater in 1. Timoth. c. 3. & cap. 1. ad Titum Ad 5. etiam DEUS ad pisces & aves dixit: *Crescite & Multiplicamini*, non tamen fuit hoc præceptum Divinum, sed potius benedictio. Dato autem, quod, censeatur mandatum Divinum, non intendebat obligare singulos in particulari, sed solum genus humanum in communi. Ad 6. Quod sacerdotes, qui sponte & voluntarie suscipientes sacros Ordines se submiserunt præcepto cælibatus, adigantur ad observantiam, posito, quod fiant transgressores, æque parum injustum conferi debet, quam si Violatores Legum Civilium ad observantiam compellantur. Cæteroquin veritati omnino consentaneum non est, quod hic usus primo consentaneum non est, quod hic usus primo ante quadringentos annos fuerit introductus; cum Concilia in Germania habita, puta Aquisgrani, Moguntia, Wormatia &c. Cælibatum hunc jam ante 800. annos statuerint. Quinimo S. Clemens primo statim sæculo præcepit, ut nullus Cælebs ad Clericatum perveniens admittatur ad nuptias contrahendas, nisi Lectores &

& Cantores, uti expresse refertur in Jure Canonico inter Canones Apostolorum Canone gesimo quinto. Ad 7. Verba formalia S. Cypriani vix credo esse fideliter allegata: apud Cyprianum enim à Lapide in cap. 7. 1. Ep. ad Cyprianum. 8. sic sonant: *si perseverare nolint (scilicet Virgines) aut non possint, melius est nubere quam uri.* Ubi loquitur de Virginibus nondum DEO actualiter per votum dicatis, sed dictis, quas monet, ne se DEO devoteant, perseverare nolint. Cæteroquin eadem Epistola Virgines DEO per actuale votum jam dicatas vocat Christi NB. adulteras, si post votum carnalis viris copulentur. En! Sanctum Cyprianum potius pro nobis, quam contra nos. Ad 8. Concupiscentia libatus perpetuus est quidem carni difficilis, non tamen impossibilis, accedente præsertim gratia Divina, observatisque ad Castitatem tenendis mediis, passim apud Ascetas reperiendis, inter quos à SS. PP. vel maxime commendatur jejunium quale profecto parum videtur curasse Lutherum ignominiose cum suis traducens abstinentiam carnibus, & duplici refectioe tempore Quadragesimæ, Angariarum atque Vigiliarum &c. à Catholicis præscriptam. Cæteroquin S. quoque Paulus sensit stimulum carnis; vicit tamen gratia Divina accedente, quæ si deesset, ex ipsis Acatolicorum principiis, & paritate rationis etiam conjugati reputandi forent adulteri in longiori morbo, vel absentia compartis, atque urgente simul concupiscentia ad alienam. Ad 9. Non advertimus nos Catholici propter annexum sacris Ordini-

nibus Cœlibatum quempiam defectum Sacerdotum; nec propterea Sanctissimam hanc Cœlibatum inter & Sacerdotium connexionem dissolvendam exilimamus, eo quod hinc inde per accidens fiant abusus. Recogitent parum Acatolici, quæ flagitia apud ipsos aliquoties etiam ab Uxoratis, vel militibus, quibus matrimonium passim non conceditur, committantur.

ARTICULUS III.

De Missa.

107. **D**e hac ajunt 1. Quod etiam apud ipsos Missa retineatur & summa reverentia celebretur, nec non usitata cæremonia fere omnes observentur. 2. Quod hæc habeatur in lingua Germanica ad docendum populum. 3. Quod apud ipsos non admittantur Missæ privatae sed tantum publicæ, per quas ultimas intelligi volunt Missas, sub quibus populus communicet ad quam Communionem (subjungunt) nulli admittuntur, nisi antea explorati, & auditi. 4. Negant, quod ulla Missa etiam publica ex opere operato causet triplicem illum fructum à Catholicis assertum, nempe propitiatorium, impetratorium & satisfactorium, quem Christus potius contulit in Ara Crucis sacrificio cruento satisfaciens pro nobis, & nos Cœlesti Patri suo iterum reconcilians. 5. Exinde negant, in Missa contineri verum aliquod sacrificium, docentes eam solummodo esse institutam, ut renovetur per ipsam memoria Christi, & mediante sumptione Eucharistiæ apud illum, qui utitur hoc Sacramento, fides excitetur, rememorans, quanta per Christi

Christum accipiat Beneficia; per quam memoria
hominis talis conscientia pavida erigitur, & non
afficitur consolatione. 6. Demum prætendunt varii
à Catholicis in Missis privatis introductos abusos, ita
ut nulla res Divina ita videatur unquam ad quæstum
collata fuisse, ut Missa. Ita Acatholici, qua autem
veritate, & fundamento, videbimus infra successively
respondendo ad singula. Interim

108. Prænotandum 1. ex Theolog. Morali Pa-
tris Reiffenstuel Tract. 15. Dist. 5. q. 2. quod hæc
vox *Missa* sit antiquissima, cujus jam meminit in
Epistol. 6. ad Smirneneses S. Ignatius Antiochenus
Ecclesiæ tertius post S. Petrum Episcopus & Martyr
quod autem apud Latinos *Missa*, idem apud Græcos
est *Liturgia*. Porro juxta communem Catholicorum
sensum *Missa* accipitur pro collectione omnium
Orationum, quæ à principio ejusdem usque ad
finem peraguntur. Principaliter vero *Missa* con-
sistit in consecratione corporis & sanguinis Christi
mediante qua actione Sacerdos juxta dicenda ve-
rum peragit sacrificium incruentum, repræsentans
nobis cruentum sacrificium in Ara Crucis peractum
ex cujus Sacrificii cruenti virtute suam quoque vim
obtinet. Pro quo

109. Prænotandum 2. Sacrificium ut
proprie tale recte definiri, quod sit *Oblatio ex-
terna rei permanentis à legitimo Ministro exhibitæ
DEO, qua significetur supremum illius Dominii
mediante aliqua rei oblate destructione*. Ulterior
rem hujus descriptionis declarationem reperies
apud Reiffenstuel loc. cit. qu. 1. num. 4. & sequenti
Porro oblatio sacrificii semper erat in usu utpote
non

non solum in Lege Mosaica, verum longe ante in ipsa lege naturæ exercita. Sic enim jam tempore Adami legitur Abel obtulisse primogenitos gregis sui, *Gen. cap. 4.* Noë de cunctis pecoribus, & volucris mundis post diluvium *Gen. 8.* & Melchisedech panem & vinum tanquam *Sacerdos DEI Altissimi. Gen. cap. 14.*

II. Prænotandum 3. Sacrificium in Lege Mosaica fuisse divisum tam ratione *materiæ*, quam ratione *formæ*. Ratione *materiæ* in Victimam, immolationem, & libamen. *Victima* comprehendebat oblata, & in honorem DEI mactata animalia. *Immolatio* res inanimatas solidas, puta panem, thus, fructus terræ &c. *Libamen*, res inanimatas liquidas per effusionem in terram &c. Ratione *formæ* sacrificium dividebatur in Holocaustum, Hostiam pro peccato, & Hostiam pacificam. *Holocaustum* erat sacrificium DEO pure in laudem, & ad cultum suum consecratum in quo tota res oblata destruebatur, seu comburebatur. *Hostia* pro peccato offerebatur pro peccatis, præsertim externis, atque legalibus, vocabaturque *Sacrificium propitiatorium*; ubi res data partim cremebatur, partim cedebat in usum sacerdotum. *Hostia pacificorum* offerebatur vel in gratiarum actionem pro aliquo beneficio impetrato, & tunc alio nomine dicebatur *Sacrificium laudis*, vel pro beneficio impetrando, & erat *Sacrificium impetratorium*, atque itidem una pars comburebatur, altera sacerdotibus dabatur, & tertia remanebat offerenti. H. N.

III. Respondetur I. In Missa, in qua à sacerdote offertur panis & vinum, verum peragitur sacrificium. Probatur ex S. Scriptura tali fundamento: A Christo; in ultima cœna panem & vinum offerente, fuit peractum verum sacrificium; ergo etiam à sacerdote ex mandato DEI idem faciente in sui memoriam, juxta illud, *hoc facite in meam commemorationem*, peragitur verum sacrificium. Antec. probatur: à Melchisedech offerendo panem & vinum erat peractum verum sacrificium: ergo etiam à Christo in ultima cœna antec. patet ex eo, quoniam, teste S. Scriptura Gen. 14. v. 18. protulit Melchisedech panem & vinum, quia erat NB. *Sacerdos DEI Altissimi*, consequenter sacrificando oblutit, alias enim ad hoc non fuisset necessarium sacerdotium, consequentia vero principalis ostenditur; etenim Christus est *Sacerdos in æternum secundum ordinem Melchisedech*, teste Apostolo ad Hebr. cap. 5. & 6. adeoque pariter ab eodem in ultima cœna panem ac vinum offerente erat peractum verum sacrificium; nam Melchisedech Sacrificans in pane & vino fuit Typus offerentis Christi, uti innuit ipsemet D. Paulus cap. 7. Hebr. v. 11. *Quis magis sacerdos DEI summi* (loquitur optime ad propositum D. Cyprianus Lib. 2. Epist. 3.) *quam Dominus noster JESUS Christus, qui sacrificium DEO Patri obtulit, & obtulit hoc quidem, quod Melchisedech obtulerat: panem scilicet & vinum, hoc est suum corpus & sanguinem.* Plura de hoc reperies apud Bolco Part. 2. Theolog. Sacrament. D. 5. §. 1. Conclus. 1.

112. Confirmatur hæc veritas Catholica immediate de nostra Missa taliter: Juxta Apostolum cap. 13. *Hæbr. vers. 10. Habemus altare, de quo edere non habent potestatem, qui Tabernaculo deserviunt, nimirum Sacerdotes antiqui Testamenti: sed si habemus verum Altare, etiam habemus verum Sacrificium; nam altaria sunt ordinata ad sacrificium, ergo. Subsumitur: atqui nec tempore Divi Pauli, post peractum jam pro tunc cruentum Sacrificium, nec tempore nostro assignabile est aliud verum Sacrificium, quam illud, quod peragitur in Missa: ergo. Non taurorum carnes* (inquit Apostolus Andreas testibus Achaïæ Presbyteris,) *ego omnipotenti DEO Sacrifico, sed immaculatum Agnum in Altari.* Idem in suis Lyturgiis exprimunt Sancti Apostoli, Petrus, Jacobus, & Matthæus apud Coccium de Eucharist. *Art. 4. Tom. 2. Lib. 6.* Idem sentiunt SS. PP. plurimi, videndi apud Bellarminum, & nostrum Bernardinum Verweis hic. Cur igitur recedunt sectarii nostri temporis? Forsan quid deest in Missa ad verum Sacrificium requisitum? Absit: habemus Altaria, habemus Victimam seu Hostiam, nimirum Christum Dominum, Agnum immaculatum, non quidem physice, moraliter tamen ac mystice in contestationem supremi Domini DEI occisum, quatenus vi verborum consecrationis sanguis separatur à carne, & Christus modo ad operandum naturaliter inepto definitive, compenetratis inter se partibus, utrobique ponitur.

II3. Responderetur II. Missæ Sacrificium et opere operato est propitiatorium, impetratorium & satisfactorium. *Propitiatorium* quidem quatenus causat ex opere operato gratias actuales, quibus peccator incitatur ad poenitendum, sibi que DEUM iterum reddendi propitium: *Impetratorium*, quatenus per id varia impetrantur beneficia spiritualia, & etiam temporalia, si sint nobis utilia. *Satisfactorium*, quatenus delet poenas pro peccatis quoad culpam jam dimissis sapienter restantes. Probatur hæc Catholica veritas à pari: Sacrificium cruentum in Altari Crucis peractum causat enumeratos tres fructus, uti facile consentiunt adversarii; ergo etiam Sacrificium incruentum: nam incruentum habet suam virtutem ex Sacrificio cruento, cujus est repræsentativum. *Omnis Pontifex ex hominibus assumptus pro hominibus constituitur in his, quæ sunt ad DEUM; ut offerat dona, & Sacrificia pro peccatis:* inquit Apostolus ad Hæbreos cap. 5. v. 1. Vide de hoc Reiffenstuel, *Tract. 14. Theolog. Moral. Distinct. 5. qu. 4.*

II4. Responderetur III. Missæ sacrificium applicatum pro defunctis prodest etiam ipsis saltem quoad fructum satisfactorium. Probatur: in Testamento antiquo Sacrificia applicata pro defunctis proderant ipsis: ergo multo magis Sacrificium Missæ in Testamento novo. Consequentia stringit à fortiori: nam utique Missa repræsentativa Sacrificii cruenti non est minoris virtutis, quam Sacrificia veteris Legis, quæ erant

erant tantum umbra & figura Sacrificii tam
cruenti quam incruenti in Testamento novo,
Anteced. vero probatur. Propterea enim Judas
Machabæus 2. Machab. cap. 12. v. 43. & 46.
Duodecim millia drachmas argenti misit Jeroso-
lymam offerri pro peccatis mortuorum Sacrifi-
cium Sc. ut à peccatis (quoad pœnas nimirum
restantes) solvantur. Nec dicas, libros Macha-
bæorum non esse Authenticos, seu Canonicos:
nam quod sint tales, probabitur alio loco, pro
nunc vero sufficiat, quod saltem dicta illa me-
teantur fidem Historicam, nimirum Judam Ma-
chabæum allegata ibidem fecisse; prout etiam
teste Pichler Part. poster. Theologiæ Polemicæ
Controvers. II. Artic. I. §. 1. exinde Lutherani
eosdem libros ponunt in Codice Bibliorum, &
recte legi in Ecclesiis ajunt, saltem *ad morum*
edificationem. Confirmatur: In primitiva jam
Ecclesia erat in Missis facta memoria & depre-
catio pro defunctis: ergo signum est, quod
Ecclesia primitiva, quæ etiam ab adversariis existi-
matur pro tunc adhuc vera, jam senserit, Missæ sa-
crificium pro defunctis applicatum ipsis prodesse.
Anteced. probatur: ita enim, tacendo quam-
plures SS. PP. in Lyturgiis S. Jacobi ac S. Cle-
mentis reperitur, & doctrina Aerii negantis pro
mortuis esse Sacrificandum, fuit damnata jam ab
Ecclesia antiqua circa annum Christi 340. tan-
quam Hæresis, testibus SS. Augustino & Epi-
phanio, prout desuper videri quoque poterit
Joannes Sianda in suo Lexico Polemico V.
Aeriani.

Itaque negandum non est, defunctorum animarum pietate suorum viventium relevari, cum pro illis Sacramentum Mediatoris offertur &c. Concludit Augustin. in Enchirid. c. 109. apud nostrum Bosco Part. 2. Theol. sacr. Disp. 5. Sect. 3. prope finem.

II5. Responderetur IV. Missæ non solum illas quas Hæretici communes seu publicas intulant eo quod sub iis populus actualiter communicet, verum etiam alias, quas isti privatas nominant, & sub quibus populus non communicat, sunt retinendæ in Ecclesia. Ita expresse Concil. Trident. Sess. 22. de Sacrificio Missæ cap. 6. cuius verba, quia valde sunt notabilia, pono formam sic sonantia: Optaret quidem Sacrosancta Synodus, ut in singulis Missis fideles adstantes non solum spirituali affectu, sed Sacramentali etiam Eucharistiæ perceptione communicarent, quo uberius ad eos sanctissimi huius Sacrificii fructus proveniret: nec tamen, si id non semper fiat, propter eas Missas illas, in quibus solus sacerdos Sacramentaliter communicat, ut privatas & illicitas damnaret, sed probat, atque commendat, siquidem quoque illæ Missæ vere communes censi debent, partim quod in eis populus spiritualiter communicet; partim vero, quod à publico Ecclesiæ Ministro non pro se tantum, sed pro omnibus fidelibus, qui ad Corpus Christi pertinent, celebrentur. Ubi specialiter nota ultima Concilii verba, quod nimirum etiam illæ Missæ, in quibus solus Sacerdos sacramentaliter communicat, debeant dici communes.

munes, seu suo modo publicæ, quia is, *tanquam publicus Ecclesiæ Minister non pro se tantum, sed etiam pro tota Ecclesia offert.* Majorem vero ad rationem Missæ publicitatem requiri, gratis ab Hæreticis asseritur, & consequenter gratis Missa privata in illo adversariorum sensu ab ipsis excluditur. Non equidem me latet, quod Christus in ultima cœna consecrans Apostolis quoque sacram Eucharistiam distribuerit: ac reflectendum est, quod Christus ibidem juxta jam dicta præcedentia Apostolos respexerit ut brevi post cœnam ordinandos Sacerdotes, quibus haud dubie competit, si sacrificent, non solum consecrare Hostiam, verum etiam sumere, *Can. relatum XI. de consecrat. Dist. II.* Accedit, quod non omnia, quæ Christus in ultima Cœna fecit, sint statim de præcepto: alias deberet pariter à nobis sumptioni Eucharistiæ præmitti comestio Agni Paschalis, Lotio pedum, fractio panis distribuendi &c. quæ omnia in ultima Cœna contigerunt.

116. Confirmatur: Ex nullo textu Sacræ Scripturæ potest ostendi, quod vel ad essentiam Sacrificii ut sic, vel ad integritatem Sacrificii Missæ requiratur, ut ipsi adstantes de Victima seu Hostia oblata participant: ergo gratis propterea Missa ab Adversariis *privata* appellata excluditur, eo quod nulli adstantes communicent. Quinimo neque in antiqua lege populus semper in Sacrificiis de re oblata participabat, uti patet ex Notato n. 110. Accedit, quod nec

legatur in primitiva Ecclesia id semper, & quasi de necessitate fuisse observatum, volebat quidem Concilium Agathense circa annum Christi 506. ut ter in anno populus communicet, & singulis diebus Dominicis Missam audiat, quod autem fuisset ab Ecclesia subjunctum præceptum, ut aliqui necessario sub his missis communicent, non reperitur. Et dato quod non solum praxis (quam etiam optat Concilium Tridentinum) verum etiam positivum extitisset aliquando tale præceptum Ecclesiasticum, potuit tamen illud à successoribus ex gravi ratione iterum cassari, sicut aliquando Christiani ter in anno, nimirum in Nativitate Domini, Paschate & Pentecoste debuerunt communicare, nunc vero tantummodo semel tempore nimirum Paschali.

117. Respondetur V. Etsi potuisset Ecclesia admittere Missam in lingua vulgari, puta Germanicam in Germania, Italicam in Italia &c. Recte tamen noluit, ferme semper solita adhibere unam ex tribus linguis sacris, nempe vel Latinam, vel Græcam, vel Hæbraicam; tum quia magis videbatur lingua sacra conducere ad Majestatem & reverentiam sacrosancti hujus Mysterii, quam alia quæcunque vulgaris: tum quia sic magis conservatur commercium Ecclesiarum particularium ad invicem inter se, ut nimirum Italus in Germania, Germanus in Italia, Gallus in Polonia &c. possint celebrare Missas si illic proficiantur, quod sæpe sub itinere fieri non pos-

set, uti consideranti patet, si passim Missa in lingua vulgari concederetur. Nec refert, quod populus magis doceri posset in lingua vulgari, nam Missa non est instituta ad docendum populum, sed ad colendum DEUM, & impetrandos fructus. Inveniuntur insuper libelli precatorii passim apud Catholicos sub variis linguis, quibus varia SS. Missæ Mysteria Laicis explicantur &c.

118. Alia, quæ addit Confessio Augustana contra Catholicos, calumniæ sunt, & tantum abest, quod Ecclesia Catholico - Romana approbet quæstum quoad Missas instituendum; ut potius talem rigidissime prohibeat, injungens, ut habentes curam animarum pro ovibus saltem aliquoties Missas offerant &c. ac cæteroquin apud omnes taxa iusti stipendii titulo congruæ sustentationis non excedatur &c. quod si alicubi circa hoc irrepererint nonnulli abusus particulares, sunt contra voluntatem Ecclesiæ, & consequenter in consequentiam non trahendi. Cuperem insuper rescire, ubinam Catholicorum vigeat opinio, Christum sua passione satisfecisse quidem pro peccato originis, Missam vero instituisse pro peccatis actualibus & quotidianis delictis mortalibus atque venialibus, prout audacter nostris imputat Confessio Augustana hic &c. potest quidem similibus simplex populus dementari; falsis tamen hisce imposturis veritas cujusdam Religionis neutiquam stabilitur.

119. Objicitur I. Principaliter probando, in Missa non reperiri sacrificium proprie tale & consequenter nec fructus Sacrificii ex opere operato enumeratos, nimirum *propitiatorium, impetratorium & satisfactorium*: Illud quod est proprie sacramentum, nequit esse simul proprie Sacrificium, sed Missa, seu Cœna Domini est Sacramentum proprie tale prout etiam fatentur Catholici: ergo non erit proprie Sacrificium. Major probatur ex eo, quia hæc duo *Sacramentum & Sacrificium* ad invicem opponuntur sicque unum excludit alterum: nam in Sacramento dicimur nos aliquid accipere à DEO, nimirum ipsum Christum, ejusque gratiam, seu Justitiam; in Sacrificio autem aliquid offerimus DEO ipsimet, nimirum Hostiam, seu Victimam: sed accipere & dare respectu ejusdem entis sunt opposita: ergo.

Respond. neg. maj. ejusque suppositum, quod nimirum *Sacramentum & Sacrificium* sint duo opposita sese ab invicem excludentia: nam una eademque res potest habere hunc duplicem respectum sub diversa consideratione: Offerit sacerdos qua sacrificans Patri Cœlesti Unigenitum suum Filium: accipit vero gratiam &c. qua sumens ipsius SS. Corpus & Sanguinem, sub speciebus panis & vini contentum. Et profecto, si dare & accipere absolute etiam sub diverso respectu sese ab invicem excluderent; tunc neque in antiquo Testamento potuissent offerri sacrificia: quid enim possumus dare DEO, quod non simul ab eo tanquam supremo Domino accipimus?

120. *Objic. II. Juxta Scripturam unica oblatione, nimirum peracta in Ara Crucis, sanctificati sumus: ergo defacto repetitæ sæpius Missæ non amplius sunt oblationes, seu sacrificia sanctificantia. Antec. probatur ex illo ad Hebr. c. 9. v. 28. Christus semel oblatus est ad multorum exhaurienda peccata. Item c. 10. v. 10. Sanctificati sumus per oblationem Corporis JESU Christi semel, ac v. 14. Una oblatione consummavit in sempiternum sanctificatos: Ergo. Respond. Disting. ant. & simul explicando similes textus; Unica oblatione cruenta sanctificati sumus, quæ tamen nobis utilissime applicari potest per sacrificia incruenta, cruentum repræsentantia conc. quæ non sic potest applicari, nego Ant. & similiter disting. conseq. Ergo defacto Missæ non sunt amplius sacrificia: cruenta, conced. incruenta, per quæ nobis cruentum utilissime applicatur, neg. consequent. Nec exinde dignitas sacrificii cruenti diminuitur, prout nobis obtrudunt Adversarii, quoniam gratis concedimus, Missam vim ac virtutem suorum fructuum productivam habere ex ipso sacrificio cruento &c.) sic etiam in ipsis principiis Acatholicorum exinde vis sacrificii cruenti non minuitur, quatenus primum per ipsum Baptismum mediante fide nobis (uti loquuntur) Justitia Christi seu justificatio confertur.*

121. *Objic. III. Juxta proxime dicta sacrificium cruentum delet peccata nostra, nobisque prodest, quatenus nobis illud per alia media à DEO præscripta applicatur: atqui illa applicatio sacrificii cruenti non fit mediantibus Missis ex opere operato.*

rato, sed potius per fidem; Nam fide obtulit DEO plurimam Hostiam Abel, c. 11. Hæb. 7. 4. & IESUM Christum proposuit DEUS per fidem in sanguine ipsius. Rom. cap. 3. v. 25. Respond. nego min. Adducti autem textus Sacrae Scripturae solummodo ostendunt, quod in applicatione ista fides aliqua interveniat: non autem evincunt, quod sola fides cum exclusione Missæ nobis sacrificium cruentum in Ara Crucis peractum applicet. Itaque si adversariorum objectio aliquid roboris haberet, deberet probare, quod per solam fidem fiat applicatio sacrificii cruenti, & non etiam per alia media ex opere operato, vel per alios actus virtutum dilectionis DEI &c. &c. ex opere operantis.

ARTICULUS IV.

De Confessione.

122. **A**junt. 1. quod Confessio apud ipsos non sit abolita, nec soleat porrigi Corpus Christi, nisi antea exploratis & absolutis. 2. Negant tamen conscientias esse onerandas cura enumerandi omnia delicta. Ita illi.

123. Quid autem reponant Catholici, sufficienter declaratum jam est §. præcedenti præsertim Articulo XI. & XII. quorsum Lectorem remitto, & hic solummodo duo adjungo. In primis, quod S. Chrysostomus, quem Adversarii in puncto de obligationis enumerandi omnia peccata pro se citant, solummodo loquatur de Confessione publica

fin-

singulorum gravium peccatorum in specie facta homini, non habenti potestatem absolvendi, qualem improbat, in hoc puncto ob ingens scandalum, occasione talis publicæ confessionis exortum, secutus Nectarii antecessoris sui exemplum, sicque statuens, ut Confessio publica fiat potius DEO. Cæteroquin quoad Confessionem privatim sacerdoti faciendam non intendit approbare doctrinam adversariorum, sed potius vult (ut verbis ipsis S. Chrysostomi hom. 42. in Matthæum) *ut peccata per singulas species recolantur.* Secundo, quod Confessio Augustana pro se alleget glossam Juris Canonici, negantem, quod enumeratio peccatorum omnium specifica sit Juris Divini: id etiam admissum non obesse; nam etsi foret hæc præcise Juris Ecclesiastici, prout vult Glossa, deberent sese tamen submittere Acatholici, nec propterea recedere ab unionem cum tanta perturbatione. Deinde advertendum ulterius, quod Glossa juxta notoria Juristarum non faciat auctoritatem juris, & ipsi insuper resistat Concilium Tridentinum, cui haud dubie Glossator sese ultro submisisset, si eo tempore vixisset.

ARTICULUS V.

De Discrimine Ciborum.

124. 1. **N**on absolute Jejunia improbant Lutherani, sed tantum illa, in quibus fit discrimen ciborum, puta di-

diebus Jejunii exclusio carnum. 2. Carpent Catholicos, quod in similibus rebus ponant peccatum si omittantur. 3. Quod iidem doceant, per Jejunia observata homines promereri gratiam & remissionem peccatorum.

125. Econtra Catholici opponunt I. etiam illa Jejunia, in quibus non solum à secunda refectio, verum etiam absolute à carnibus abstinetur, esse rem bonam & honestam; cum appetitus exinde non solum in quantitate, verum etiam in qualitate ciborum mortificetur; quoniam cibi de carne de se alias non tantum, communiter loquendo, magis, quam cibi Jejunales nutriunt; sed & insuper plerumque, præsertim pretiosiores (uti selectæ aviculæ, carnes Sylvestres &c.) hominem, singulariter acuendo appetitum, alliciunt ad comedendum. II. Cum igitur abstinere à carnibus ex dictis sit res honesta, quærunt ex Adversariis, cur non possit certis diebus talem abstinentiam præcipere Ecclesia, cui à dilectissimo suo Sponso Christo utique haud minor est potestas tradita in spiritualibus, quam alicui Regi in temporalibus? Neutiquam Regibus, sed Ecclesiæ specialis hæc data est prærogativa Matth. cap. 18. v. 17. uti si quis eam non audierit, sit habendus sicut Ethnicus & publicanus. Videantur dicta Art. XV. præcedenti §.

III. Addunt, hunc jejunandi modum non esse novum, sed jam observatum in primitiva Ecclesia, à qua rigidissime fuit injunctum Jejunium

nium quadragesimale. Audiarur præ plurimis antiquissimus S. Clemens Romanus can. Apostolorum 68. sequentibus formalibus: *Si quis Episcopus aut Presbyter, aut Diaconus, aut Lector, aut Cantor, sacram quadragesimam Paschæ, aut quartam feriam, aut Parasceven non jejunaverit, deponatur* (id est deponatur: talis enim phrasis loquendi erat apud antiquos) *præterquam si imbecillitate impediatur corporis Si Laicus sit, Communione privatur: ist est, privetur.*

129. IV. Mirantur Catholici, quod Acatolici Jejunium quadragesimale tam quoad abstinentiam à carnibus, quam à secunda refectione apud suos omnino tollant in praxi, cum tamen illud in primitiva Ecclesia, immo brevi post discessum Christi, ubi eadem vera etiam juxta ipsos adhuc extiterat, fuerit tam rigide præceptum, & à SS. Patribus tam frequenter inculcatum; imo (quod plus est) contraria doctrina prorsus rejecta. Audiantur præ aliis quasi innumeris, ac bene notentur ab Adversariis verba S. Augustini de Hæresibus cap. 53. ubi sic loquitur: *Aerius in Arianam hæresin lapsus propria dogmata affinxit nonnulla, NB. non esse solemni-ter celebranda Ecclesia Jejunia, sed cum quisque voluerit, jejunandum, ne videamur sub lege.*

V. Quod Jejunia æque ac alia opera bona sint satisfactoria pro peccatis, & meritoria de condigno, vel de congruo, mediate vel immediate pro diversitate personarum promerentium, &

& juxta operum qualitatem, probatum jam fuit paragrapho præcedenti Art. IV. VI. XII. XV. XVIII. & XX. ubi notanter ad præsentem materiam Art. VI. num. 26. adduximus S. Ambrosium Epist. 82. ita loquentem: *Quæ salus nobis esse potest, nisi Jejunium & Eleemosyna à peccato liberant?* VI. Demum non vident Catholicos quem effectum A catholicorum modus jejunandi habeat, dum dies *precationis & pœnitentiæ*, uti vocant, subinde (rarius tamen) instituunt, abstinentes omni cibo usque ad noctem, qua postea comedere solent absque discrimine ciborum: etsi enim nos nec talem abstinentiam, si alias sit debite circumstantionata, reprobemus; reprobare tamen videtur eorum Magister Lutherus, dum à similibus bonis operibus plus, quam à peccato cavendum esse censeat. Verba illius formalia in sermone de Missa hæc sunt: *Caveamus à peccatis, sed multo magis à legibus, & operibus bonis, tantum attendamus Deum promissorem & fidem.*

127. Objicitur ab Adversariis I. Si recte solum peccato Ecclesia præcepisset abstinentiam à cibis carnalibus; tunc cibi isti sumpti diebus ab Ecclesia prohibitis coinquinarent hominem: sed non coinquinant hominem: ergo. Min. probatur, nam teste Matthæo cap. 15. dum Christus ibi improbat mandata & traditiones hominum, illico v. 11. subjungit: *Non quod intrat in os, coinquinat hominem, sed quod procedit ex ore, hoc coinquinat hominem.* Et hinc etiam idem Christus apud Lucam cap. 10. v. 8. Discipulis suis licentiam comedendi

di apposita sine discrimine ciborum absolute tribuit his verbis: *Manducate, quæ apponuntur vobis.* Respond. Disting. Min. Cibi Carnales ex se ipsis non coinquinant hominem, conced. quando, & quo tempore sunt prohibiti, neg. Certe Pomum in Paradiso comestum non ex se, sed quatenus prohibitum coinquinavit Adamum cum tota posteritate. Cateroquin Christus ibidem non absolute improbat mandata hominum, sed tantum quasdam traditiones Phariseorum, ad quas hi regide attendebant, parum tamen curantes mandata Dei. Legatur in fonte. Quantum ad alterum textum Luc. cap. 10. Christus ibidem præcise docere intendit suos Discipulos, quod non debeant, exquisitos exigere cibos, sed esse contenti appositis, etsi fuerint viliores. Caterum gratis admitimus, quod ipsemet Christus non prohibuerit comedere carnes; præceptum enim Jejunii non est Divinum, ex quo tamen neutiquam infertur, non potuisse Ecclesiam id, quod Christus interim permisit, prohibere.

128. Objeit. II. Contra eandem, D. Paulus 1. Timoth. cap. 4. v. 3. & 4. prædixit esse venturos quosdam prohibentes vesci certis cibis, quos tamen Deus creavit, ut percipiantur cum gratiarum actione: à talibus hominibus jubet Apostolus ibidem caveri; ergo signum est, quod homines isti male præcipiant abstinentiam à certis cibis, puta carnalibus; nam alias Apostolus non juberet caveri à sic præcipientibus, quos vocat homines attendentes spiritibus erroris. *& doctrinis demoniorum.*

P. Anacl. Reiffenstuel Theol. Supplem. O Re-

Respond. Apostolum esse intelligendum
 Hæreticis illis, qui, uti textus ibidem loquitur, pro-
 hibebant nubere, ac quosdam cibos condemnabant
 tanquam impuros, & in se malos, quod non faci-
 mus nos Catholici, etsi nobis imputent Adversarij
 puncto VII. de abusibus, quasi doceremus, ipso-
 rum certos cibos polluere conscientiam, quod tamen
 quidem somniamus: non enim ignoramus, omnem
 Creaturam Dei esse bonam in se, hincque tantum
 ad certum aliquod tempus, seu ad certos dies
 abstinentiam carnis suspendimus ad refrænan-
 dam carnis petulantiam, ad satisfaciendum ex parte
 peccatis, & ad acquirendas varias gratias, Jejunan-
 tibus in sacra Pagina adpromissas.

129. Obj. III. Apostolus Paulus Epistola ad
 Colossenses toto capite secundo est contrarius dis-
 crimini ciborum, & exclusioni carniū in Jeju-
 niis: ergo tale præceptum non est sustinendum.
 Antec. probatur: Etenim in primis ibidem v. 16
 vult, ut Colossenses *nemo judicet in cibo & potu
 aut in parte diei festi, aut Neomenia, aut Sabbato-
 rum.* Secundo improbat ver. 21. & 22. præcepta
 & doctrinas hominum prohibentium: *Ne tetige-
 ritis, neque gustaveritis.* Respond. Apostolum
 non carpere locis citatis dies festos, & jejunia no-
 stra, sed Sabbata, Neomenia, Jejunia Judaica, &
 Legalia, puta, *ne tetigeritis cadaver hominis, ne
 gustaveritis carnem suillam &c.* quæ à nonnullis
 adhuc obligatoria etiam post promulgationem
 Evangelii credebantur, quem errorem in præsentem
 voluit dedocere.

130. Objicitur IV. Si posset præcipi sub peccato diebus certis abſtinentia à carnibus, tunc ex macello ſimiles carnes ementes, & comedentes deberent ſibi ducere conſcientiæ, ergo. Major deſe pater. Minor probatur ex Apoſtolo 1. Corinth. cap. 10. verſ. 25. ubi Corinthios ſuos ſic inſtruit: *Omne quod in macello venit, manducate, nihil interrogantes propter conſcientiam*: ergo. Reſond. negando minorem, & textum S. Pauli explico; manducantes non debent ſibi ducere conſcientiæ ex eo, quod hæ carnes in macello exiſtentes fuerint fortassis aliquando idolis oblatæ, Conc. Non deberent ſibi ducere conſcientiæ ſuppoſito quod dictæ carnes fuerint certis diebus prohibitæ, & tamen in iisdem comederentur, neg. Quare notandum hic eſt, multos ex Corinthiis auſos non fuiſſe emere carnes ex macello, ſicque emptas comedere, timentes ne forte jam fuerint hæ ipſæ aliquando immolatæ Idolis, ſicque comedendo quaſi ſe participes redderent immolationis Idolorum, atque Idololatriæ, à qua anxierate voluit eos S. Paulus eximere, reſolvens, tales carnes ex macello emptas licite poſſe manducari; quia nimirum ad commune macellum reſoſitæ non amplius cenſentur Idolothyta, ſed moraliter iterum redeunt ad proſanum & communem uſum, ſicuti aliæ carnes. Secus foret dicendum, ſi dictæ carnes comederentur in ipſis templis, aris, vel menſis, ubi proxime ſacrificabantur. Idque ſolum (nil aliud) reſolvere intendebat D. Paulus, eaque reſolutione apud Cornelium à Lapide hic uſi ſunt in ſimili caſu

Christiani Antiocheni tempore Juliani Apostata
prout testatur antiquissimus Theodoretus l. 1. c. 14.

131. Cæterum occasione hujus ultimæ ob-
jectionis formo positivum argumentum pro ve-
ritate Catholica contra Adversarios taliter: Non
obstante licentia Apostoli, loco superius citato
comedendi carnes emptas ex macello, erat ad
huc Corinthiis, aliisque conversis prohibitum
empta ex macello suffocata commedere: ergo in-
genium est, quod Apostolus per hanc licentiam
comedendi emptas ex macello non intenderit da-
re facultatem manducandi ex macello quoque
illa, quæ aliunde sunt prohibita. Antecedens
probatur ex Actibus Apostolorum cap. 15. v. 20
ubi Apostoli expresse voluerunt, ut (Christiani)
abstinerent à suffocatis & sanguine; quod man-
datum Apostolicum utique pro tunc transgressum
non licuit, etsi defacto ea lex usu abolita fuerit
jam tempore D. Augustini, uti testatur apostolus
Cornelium à Lapide in cap. 15. Actuum Apo-
stolorum.

132. Coronidis loco quæro ex Adversariis
cur non liceat Ecclesiæ ponere absolute præ-
ceptum certis diebus abstinendi à carnibus, cum
licuerit Collegio Apostolico absolute præci-
pere, ut Christiani abstineant à suffocatis & san-
guine?

ARTICULUS VI.

De Votis Monachorum.

133. **I**mprobant Vota Monachorum 1. Quia (uti inquirunt) sunt contra mandatum DEI precipientis nuptias. 2. Quia sunt de re impossibili. 3. Quia sunt cultus impius ab hominibus (nimirum regularibus Catholicis) sine mandato Dei institutus & electus ad promerendam gratiam, atque justificationem, quod est detrabere de gloria Christi, & obscurare, atque negare Justitiam fidei, sicque hæc vota sunt prorsus irrita & nulla: neque enim votum debet esse vinculum iniquitatis. 4. Addunt, quod tempore S. Augustini Monasteria ita fuerint instituta, ut, qui voluerit, iterum libere egredi potuerit; nunc autem homines cogantur ibidem manere adstricti ad Vota & Claustrum. Ita Confessionistæ, ut vel sic sub allegato prætextu Lasciviam & turpitudinem Magistri sui Lutheri ac sequacium è diversis sacris Ordinibus perfidorum Apostatarum coram sæculo aliquo modo saltem apparenti cohonestent. Ast quo modo saltem apparenti cohonestent. Ast audiamus nunc, quid desuper sentiant Catholici: Hi itaque

134. Dicunt I. Quod esse castum, relinquere sua, & voluntatem propriam propter Deum, sint res honestæ, quæ DEO summo opere placeant. Ratio est prima: quia per ista tria à potiori impedimenta illa, quæ nos multum retardant

dant à perfectiori vita, tolluntur: puta amor
effusus in alterum sexum per *castitatem*; inordinata
cura ad bona temporalia per *paupertatem*; & voluntas propria atque cæcitas iudicii
per *obedientiam*. Ratio est *secunda*: quia si hæc
non forent bona, atque honesta, Deus nobis
illa non consulisset in Evangelio: atqui eadem
consuluit, uti patebit illico; ergo. Igitur

135. Dicunt II. Enumerata tria equidem
ob suam arduitatē à Deo clementissimo, & à
regimine suo suavissimo non absolute præcipi
untur; attamen tanquam ad maiorem perfectio
nem vel maxime conducentia suadentur in Evan
gelio, ut patet enumeratione: Castitas enim
consulitur ab Apostolo 1. Corinth. cap. 7. v. 8.
ibi: *Dico autem non nuptis, & viduis, bonum
est illis, si sic permanserint, sicut & ego &
Paupertas Matth. cap. 19. v. 11. Si vis perfectus
esse, vade, vende, quæ habes, & da pauperibus,
& habebis thesaurum in Cælo. Obedi
entia Matth. cap. 16. Si quis vult venire pri
me, abneget semetipsum; & 1. Reg. cap. 15. v. 2.
Melior est obedientia, quam Victimæ, & auscultatio
magis, quam offerre adipem Arietum.*

136. Dicunt Catholici III. cum hæc tria
sint laudabilia & possibilia (alias enim certe à
Deo non suaderentur) poterunt ex consequenti
laudabiliter quoque voveri; quamvis cæteroquin
non sint res à Deo præceptæ, sed tantummodo
consultæ. Ratio est, quia etiam in Antiquo
Te-

Testamento potuerunt voveri gratuita Sacrificia, & vota hæc fuerunt accepta Deo, ut legitur Levit. cap. 22. v. 20. Cur igitur non æque, si quis nunc per votum sacrificet se ipsum una cum tota sua substantia? *Votum vovit Jacob, erexitque Lapidem in titulum, ut vocetur Domus Dei.* Gen. cap. 28. v. 20. nec legitur Deo fuisse inacceptum hoc votum, quamvis de re aliunde non præcepta. Quis igitur audeat asserere Deo inacceptum fore, si honesta quædam puella Deo voveat suam Virginitatem, ut cum sancta Lucia Virgine Syracusana sit etiam suo modo Domus Dei, & templum Spiritus sancti?

137. Dicunt Catholici IV. Si qui hæc tria supererogatoria sponte voverunt, tenentur etiam eadem observare: nam cum votum voveris Domino Deo tuo, non tardabis reddere; quia requireret illud Dominus Deus tuus, & si moratus fueris, reputabitur tibi in peccatum: ait Æterna Veritas Deuteronomii cap. 23. v. 21. Et hinc Viridæ adolescentiores, quia fidem suam (puta quam Deo promiserant per votum Castitatis) iterum fregerunt, volentes nubere, pronuntiantur ab Apostolo 1. Timoth. cap. 5. v. 11. & 12. habere damnationem. Legatur desuper S. Augustinus in Psalm. 25. taliter scribens: Quid autem ait (supple Paulus Apostolus) de quibusdam quæ voverunt, & non reddiderunt? habentes, inquit, damnationem, quia primam fidem irritam fecerunt. Quid est primam fidem irritam fecerunt? voverunt, & non reddiderunt.

138. Dicunt V. falsum esse, quod temporarii S. Augustini Religiosi semel professi potuerint liberare iterum à Monasteriis egredi nubendo, vel dominium suarum rerum iterum recuperando &c. Nam ipsemet D. Augustinus in Psalmum septuagesimum quintum, postquam plurimis laudibus extulit votum Castitatis & Paupertatis, hæc formalia subiungit: *Nemo positus in Monasterio frater dicat, recedo de Monasterio &c. quia vivit &c.* Hoc equidem gratis admittitur, quod plures ex Monasteriis tempore antiquo fuerint promoti ad dignitates Cardinalitias, & Infulas Archi-Episcopales æque, ac Episcopales assumpti: ex hoc tamen non sequitur, quod liberi potuerint egredi juxta suum beneplacitum ad nuptias &c. transeundo. Id etiam velim notatum ab Adversariis, equidem alicubi, etiam in Germania reperiri nonnullos Cætus, ex quibus iterum ad honestas nuptias egredi licet. Hæc tamen non sunt proprie Monasteria, nec deponuntur Vota Monastica.

139. Objicitur I. Non datur votum validum contra præceptum Divinum: sed vota Monachorum sunt contra præceptum Divinum: ergo. Major patet ex eo, quia nullum votum est vinculum iniquitatis, & consequenter neque stringit ad transgressionem alicujus præcepti Divini. Minor vero probatur nominatim de voto castitatis; quia nubere est de præcepto Divino juxta illud Apostoli 1. Corinth. cap. 7. v. 2. *Propter fornicationem unusquisque suam uxorem*

uxorem babeat, & unaquæque suum maritum. Ergo vovere non nubere est contra præceptum Divinum. Accedit, quod Deus statim ab initio creationis voluerit Matrimonium, utque per id genus humanum multiplicetur juxta illud Scripturæ: *Crescite, & multiplicamini: Gen. I. v. 28.* Et hinc creavit masculum & fœminam, dicens *Gen. cap. 2. v. 18.* *Non est bonum, hominem esse solum, faciamus ei adjutorium simile sibi.* Respond. negando minorem. Textus allegatus Apostoli, juxta jam dicta Art. II. agendo de Conjugio Sacerdotum neutiquam loquitur de solutis, seu voto Castitatis obstrictis, sed de Conjugatis. Quoad confirmationem responsum pariter jam fuit præcedenter agendo de Cœlibatu Sacerdotum, nimirum præceptum propagationis humanæ per matrimonium intelligendum esse de natura humana in communi, non de singulis hominibus in particulari.

140. Objicitur II. Votum de re impossibili est nullum: sed tale est votum perpetuæ Castitatis; nam nemo potest esse continens sine speciali Dei dono, quale tamen pauci habent: nec quisquam sibi id, multo minus ejusdem perseverantiam adpromittere potest: ergo. Respondeo *in primis* quærendo ex Adversariis, si vota Religiosorum sunt impossibilia, cur ergo Acatolici etiam in sua religione admittunt Lutheranos, vel Calvinistas Equites illustrissimi Ordinis Equestris Teutonici, qui pariter (uti optime mihi notum) sub Serenissimo suo Capite

pute Magistro supremo existentes adstringuntur ad vota, maxime castitatis: num omnes & soli illi sunt præditi singulari illo dono unacum perseverantia perpetuæ Castitatis?

Respond. *secundo* directe ad objectionem negando minorem. Ad ejus probationem nego, quod specialis hæc gratia non detur Religiosis; spectat enim ad Providentiam Divinam, ut omnibus conferat Auxilia suo statui semel electo competentia: sic nec statui Conjugali defuncte gratiæ particulares, ad eundem statum spectantes, cur ergo Religioso denegentur? Verum quidem est, utrobique multos sæpe huic auxilio clementissime concesso non cooperari; at defectus iste non gratiæ, sed secordiæ, vel etiam malitiæ hominum adscribendus venit. Si ingressus in Religionem contingit absque prævia matura deliberatione, vel ex fine vano & pure naturali, si in Religione vivitur tepide, & otiose, non applicando se litteris, vel honesto labori manuali, si sacræ meditationes, lectiones spirituales, & media ad conservandam puritatem efficaciter conducentia passim negliguntur, si nocturnæ computationes, ac nimis cum altero sexu sensitivæ familiaritates frequentantur, si mandata Superiorum ex superbia contemnuntur &c. Hæ sunt causæ transgressionum, ac subsequentis aliquoties Apostasiæ, non defectus Divini auxilii, & consequenter ista, ubi reperiuntur, sunt emendanda, non autem Vota Monachorum annullanda. Perpendamus animo indifferenti, utrum

trum tempore Lutheri & Calvini Apostatantes Clerici ~~saeculares~~ vel regulares non fuerint saltem uno alterove ex enumeratis maculati? unde non habent, quod ex eorum societate multum glorientur A catholici.

141. Objicitur III. Vota Religiosorum continent cultum impium: ergo sunt coram Deo nullius valoris; nam vota debent esse de bono meliori. Anteced. probatur: fingunt enim Religiosi, quod Eorum Professio, in qua Vota hæc fiunt, sit alter Baptismus; Item quod quis per eandem obtineat gratiam & justificationem: quod est detrahere gloriæ Christi, & obscurare justitiam fidei, & consequenter impium: ergo. Respond. neg. Anteced. quod autem à nonnullis Catholicis Professio Religiosa vocetur alter Baptismus, Eique ab aliquibus scriptoribus tribuatur remissio peccatorum, non provenit ex eo, quasi utrobique intercederet adæquata paritas (scimus enim optime, quod Professio Religiosa non deleat peccatum originale, sicuti Baptismus &c.) sed quia saltem aliqualis intervenit similitudo, eo quod homo in utroque explicite renuntiet diabolo, & novam vitam spiritualem inchoet, ac insuper, si in statu gratiæ professionem emittat, remissionem peccatorum suorum obtineat, non quoad culpam, sed quoad peccatam, fortassis adhuc restantem, idque tum propter Indulgentias plenarias Professioni Religiosæ per Sixtum IV. & Paulum V. summos Pontifices annexas, tum quia homo in eadem propriam

am voluntatem, donum alias præ omnibus rebus pretiosum, & charissimum Deo consecrat, atque amore ipsius in servitutem redigit, ex quo pie creditur, quod vicissim Deus intuitu huius omnes poenas, quas antea voluntas propria per transgressionem mandatorum Dei promeruerat, clementissime remittat, hæcque omnia suam virtutem habeant à meritis & passione D. N. Iesu Christi. Videantur Suarez, *Tom. 3. de Relig. lib. 6. cap. 13.* & Kerchove in *Commentariis cap. 1. §. 14. num. 21.* qui ultimus *num. 22.* subiungit, etiam posse commode defendi, quod concomitantè saltem Professio Religiosa sit deletiva quorundam peccatorum quoad culpam, in tantum nimirum, quatenus plerumque eandem concomitatur aliquis actus veræ Charitatis Dei deletivus peccatorum quoad culpam; cum à potiori in illo primo fervore Deo propria voluntas, & tota substantia consecreretur ex puro ipsius amore.

ARTICULUS VII.

De potestate Ecclesiastica.

142. **D**e hac docent 1. Potestatem clavium, seu Ecclesiasticam de per se non esse confundendam cum potestate gladii. 2. Vi potestatis clavium competere facultatem prædicandi Evangelium, atque exinde doctrinam Evangelio dissentientem rejiciendi, remittendi, & retinendi peccata, & administrandi Sacramenta. 3. Non autem acquiri exinde potestatem condendi præcepta
Ec-

Ecclesiastica obligantia sub peccato quoad Jejunia, dies festos &c. 4. *Esse contra S. Scripturam asserere, quod per eorum observationem possimus satisfacere pro peccatis, aut promereri justitiam Ita Lutherani.*

143. Econtra nos Catholici equidem quoad prima duo puncta, si in sano sensu accipiantur, nec potestas clavium ad enumerata præcise restringatur, omnino convenimus, quoad tertium tamen sumus contrarii, agnoscentes obligationem obediendi præceptis Superiorum Ecclesiasticorum etiam in conscientia: etenim libertas Evangelica seu Christiana, qua semper gloriantur Aetholici, neutiquam consistit in liberatione à præceptis Ecclesiasticis, sed in liberatione à peccatis, & à servitute Legum Judicialium, atque Cæremonialium Veteris Testamenti. Nec S. Paulus Apostolus, dum *cap. 2. Col'oss. v. 20.* inquit: *Si ergo mortui estis cum Christo ab Elementis hujus mundi: quid adhuc tanquam viventes in mundo decernitis?* intendit exinde prohibere Decrera Ecclesiastica, sed potius illas Leges, quæ inhibebant, *ne tangatur cadaver, ne gustentur certi cibi quasi immundi &c.* prout ipsemet Apostolus *v. 21.* illico subjungit. Item voluit, ut Colossenses non decernant certa dogmata Philosophorum, eo tempore varia de Cœlis, de Angelis, eorumque superstitioso cultu, atque animarum purgatione fingentium. Cæteroquin vero Apostolus expresse mandavit, Superiorum præcepta non solum propter iram, sed etiam pro-

propter conscientiam esse servanda, atque resisten-
tem incurrere damnationem. Verba formalia
cap. 13. Rom. v. 2. sic sonant: Qui resistit pote-
stati, Dei ordinationi resistit. Qui autem resi-
stunt, ipsi sibi NB. damnationem acquirunt, & v. 5.
Ideo necessitate subditi estote, non solum propter
iram, sed etiam NB. propter conscientiam, de
quo plura hinc inde jam tractavimus, uti pa-
riter.

144. Quoad punctum quartum, ostenden-
do ex variis Sacrae paginae textibus, quod Je-
junium, cultus Divinus specialis diebus festi-
vis, aliaque bona opera sint tam satisfactoria,
quam suo modo quoque meritoria remissionis
peccatorum, & salutis aeternae, idque vel de
congruo, vel de condigno vel immediate ac pro-
xime, vel mediate, & remote, juxta qualita-
tem operis, & constitutionem operantis, de quo
conformiter jam dictis in Theologia speculativa
integer habetur Tractatus agendo de gratia &
meritis. Quod si compendium hujus doctrinae
exigitur, id legi poterit apud Reiffenstuel
Tract. 1. dist. 2. q. VI. & apud Pichler P. 2. Theo-
logia Polemica Controvers. 1. Art. 5. §. 4. & Con-
trovers. 3. Art. 4. §. 4. de satisfactione. Nobis
in praesenti sufficiat, quod Remissio peccatorum
& Vita aeterna tam in sacra Scriptura, quam
SS. PP. antiquae Ecclesiae non solum fidei, ve-
rum spei & Dilectioni, aliisque bonis adscriba-
tur operibus, qualia utique etiam censentur cultus
Divinus diebus feriatis, & Jejunium, &c. Fi-
lius

lius hominis, quando venturus est in gloria Pa-
ris sui cum Angelis suis, reddet unicuique secun-
dum opera Ejus. NB. non præcise secundum
fidem, sic loquitur Æterna Veritas Matth cap. 17.
v. 27. & Ecclesiastici cap. 16. v. 15. Misericordia
faciet locum unicuique NB. secundum meritum ope-
rum suorum; Vide de hoc plura Art. IV. VI.
XII. XV. XVIII. & XX. præcedentis Para-
graphi.

145. Quod si ab Adversariis in contrarium
ex sacra Scriptura, vel SS. PP. aliqui textus al-
legentur, qui opera bona à ratione meriti om-
nino excludere viderentur, loquuntur hi vel de
gravibus peccatoribus quoad meritum *de condi-*
gno, non quoad meritum *de congruo*; nam gra-
ves peccatores in principiis Catholicorum, ne-
que per fidem, neque per alia bona opera ju-
stificationem & salutem æternam de condigno
promerentur, sed tantum de congruo: vel tex-
tus isti intelligendi sunt præcise de operibus Cæ-
remonialibus, ac Judicialibus Legis Mosaicæ, aut
de operibus pure naturalibus, ist est, quæ neque
à gratia Divina supernaturali, atque à singulari
promissione Divina suum valorem neque depen-
denciam habent, quam dependentiam nos Ca-
tholici ad meritum omnino requirimus; utpote
cum ista bona opera alias Deo sint infinitis qua-
si titulis jam debita.

146. Corollarii loco, occasione *Petestatis Ec-*
clesiasticæ Lutheranis finaliter considerandum re-
lin-

linquo, utrum non æque ipsi, ac Catholici in vera Ecclesia Caput quodpiam visibile *supremæ Potestate Ecclesiastica* præditum tanquam necessarium, atque in solvendis dubiis circa controversias fidei infallibile cognoscere debeant? Quomodo enim alias certum aliquod, & in conscientia securum fidei symbolum conceditis poterunt proponere oviculis; cum ipsimet Pastores Lutherani non raro extreme ad invicem inter se contrarii existant, & utraque Pars contradictoria diversos Sacræ Scripturæ textus in favorem suæ sententiæ allegare soleat? sic plura millia Lutheranorum receperunt *librum Concordiæ* tanquam doctrinam fidei suæ: Alii vero æque Lutherani numero non pauciores dictum librum tanquam errorem reprobant; quinimo Dani juxta dicta §. V. num. 13. etiam flammis adjudicarunt. Item loquamur pressius de solis bonis operibus, de quibus aliqua ex parte etiam mentio facta est in hoc ultimo Articulo. Controversia circa eadem inter ipsosmet Lutheranos, teste P. Pichler *part. 2. Art. §. 3.* oritur multiplex, utrum nimirum sint hominibus necessaria? Lutherani rigidi, seu qui strictius sequuntur Lutheri placita, putant contra moderatos eadem nullatenus necessaria. Wigandus cum sociis ait, eadem ad salutem non esse necessaria; bene tamen arbitraria. Alii ex his contendunt, ea ne quidem esse arbitraria, sed noxia & ad salutem perniciofa: ita Theologi Ducales Saxonie in Altenburgensi colloquio cum Nicolao Ambsdorffio Adiaphoristarum Misnensium præcipuo Adversario, & Contradictore. Alii ex Lutheranis,

uti Theologi Electorales Saxonici asserunt, bona opera omnino esse necessaria, quam sententiam pariter tenet Confessio Augustana Art. IV. & VI. At post absolutam *Questionem An*, nova inter ipsos Lutheranos denuo exurgit disceptatio, quomodo bona opera sint necessaria? Ubi nonnulli distinguunt dicendo, eadem necessaria esse *ad salutem*, sed non *ad justificationem*. Alii econtra cum Gerardo vix non eorum Primipilo, bona opera neque ad salutem, neque ad justificationem, sed præcise ideo adstruunt esse necessaria, quia à DEO expresse sunt mandata.

147. Quo in tanta sententiarum contrarietate, ubi unus affirmat *pernitiosum*, quod alter defendit *necessarium*, se vertet exinde perplexus redditus Lutheranus? Forsan *ad Scripturam*? sed hanc omnes enumerati pro se adducunt, nec unus cedit alteri. E. g. si Confessio Augustana pro stabilienda bonorum operum necessitate afferat sacræ Paginæ textus bona opera præcipientes, illico Lutherani rigidi generalem supremi Magistri sui Doctoris Martini Lutheri interpretandi hos textus Regulam opponent, dum Is Tom. 43. *Wittemberg. fol. 143. in Psalms. 5.* taliter loquitur: *Ubi Scriptura mandat, ut fiant bona opera, sic intelligas, quod prohibeat, ne facias bona opera, cum non sit in tua potestate opera bona facere.*

Quorsum igitur (repetito interrogo) de sua quidem salute sollicitus, ex tanta tamen opinio-

P. Anacl. Reiffenst. Theol. Supplem.

P num

num contrarietate perplexus Lutheranus pro quanda conscientia, & dubiorum solutione recurrere debet? Num ad *spiritum privatum*? hic est generale omnium errorum asylum: quod pariter Ariani, Pelagiani, Manichæi, Anabaptistæ &c. uti poterunt. Num ad *Principes & Magistratus seculares*? Ast isti, præterquam quod decernendos vel explicandos articulos fidei à DEO non sint destinati, ipsimet non raro inter se, & maxime dissident, uti patet de libro Concordiæ multis recepto, ab aliis reprobato. Non aliter itaque finaliter patet refugii locus, quam Cathedra Petri, ubi sedet Christi Vicarius, suprema ab eodem præditus potestate Ecclesiastica, cui tradidit DEUS claves Regni cælorum, ut quæcunque solveris in terris, soluta sint & in cælis.

§. VIII.

De vita & moribus Joannis Calvini alterius Hæresiarachæ quoad suam Sectam in Romano Imperio tolerati.

148. Calvinus Anno 1509. Novioduni in Gallia natus, ibidem pariter scholas inferiores absolvit, usque ad Jurisprudentiæ studium, cui partim Lutetiæ Parisiorum, partim (uti fertur) Aureliæ animum applicuit. Inde Bituricum fuit profectus, ut apud celeberrimum eo tempore Legis peritum Alciatum adhuc magis perficeretur: dum tamen proficere voluit in scientia, defecit in fide,

fide, incidens enim in Volmarum Lutheranum ibi
 morantem, & amicitiam cum eo contrahens, hoc
 Magistro non solum linguam græcam, verum &
 Hæresin didicit, quo detecto (alii ajunt ob sodo-
 miam) Biturico exulare cogitur. Fugiens in
 alium locum docendo linguam græcam, qua per
 Volmarum instructus erat, aliquo tempore sese
 sustentavit. Inde absoluto circiter triennio, in
 Germaniam abiit, ubi Basileæ libros erroribus
 plenos, à se vero *Institutiones Christianæ Religio-
 nis* appellatos, composuit. Subinde iterum in
 Galliam rediens suos Pictavis errores liberius dis-
 seminare cœpit, pro adjutoribus assumens quatuor
 præcipue in perversitate vix impares Magistro
 discipulos nimirum *Antonium Dugvium*, *Professorem*
Academicum, *Philippum Verosium* *Procuratorem*,
Albertum Papinottum, & *Joannem Vernovium*
Pictavienſes, quos, ut latius noxiam spargerent
Zizaniam, destinavit ad *Sanctones*, *Angolismenses*,
Burdigalenses, *Aquitanos* & *Tolosanos*; ipse vero
Genevæ sese contulit, à qua Republica Promotore
Guilielmo Farellò, ad *Cathedram Theologicam* &
Concionatoriam evectus, Paulo post (id est Anno
 1558.) iterum pellitur, *Asylum suum Argentorati*
 quærens, in qua Civitate teste Sianda pariter fer-
 tur uxorem duxisse.

Sedato Genevæ tumultu, & sopitis vel ex-
 tinctis suis adversariis, illuc iterum reversus non
 cessavit latius pestiferum diffundere venenum,
 usque dum, juxta citatum Joannem Sianda in
Lexico Polemico v. Calvinus, Anno 1564. dà-
 mo-

mones invocans, sibi que maledicens, ac intolerabilem ex ulceribus emittens fœtorem, canis instar rabidi discessit, Cerberum nunc Infernale acturus.

149. Hæresis Calvini in multas abiit sectas alii enim dicuntur Calvinistæ *rigidi*, alii *molliores*, alii Arminiani, seu Remonstrantes, alii Gomoristæ seu contra Remonstrantes. Priores à Jacobo Arminio Lugduni Batavorum Professore originem traxerunt. Gomoristæ, primis quoad plura, præsertim circa materiam de prædestinatione, & gratia contrarii, ortum suum adscribunt Francisco Gomaro pariter Professori Lugdunensi, qui 31. Articulis Jacobo Arminio totidem graves imputat orrores. In *Belgio* Calvinistæ vocantur *Calvisii*, ab initio quidem sub Regia Gubernatrice Margarita à nonnullis ejusdem ministris per *liberum* sibi appellati, qui tamen successu temporis (excitata Bruxellis per fœderatos quosdam Nobiles ob non concessam libertatem conscientie &c. horrenda seditione) plurimum accrescentes hoc nomen retinuerunt pro rei memoria. In Gallia intulantur *Hugonotæ*, vel ab Hugone quodam Ludimagistro Parisiensi, vel ab Hugone militiæ Reformatæ in Gallia duce, vel à Porta Urbis Turonensis, quæ porta Regis Hugonis dicebatur, & ubi Calvinistæ prima sua Conventicula instituere solebant. In *Anglia* dividuntur in *Episcopales* & *Presbyterianos*, quorum Priores retinent adhuc Episcopos, & plures Cæremonias Ecclesiasticas; Posteriores vero utrumque rejiciunt, plurimum

mum ubique ad invicem inter se contrarii, ut vel ex hoc solo capite eorum colligatur infelicitas, dum tanquam errantes oviculæ carent supremo Pastore, qui eas ducat ad Pascua veritatis.

§. IX.

Quenam sint propositiones, seu Articuli, in quibus Calvinus contra Catholicos convenit cum Confessione Augustana?

150. Respondetur: Calvinus cum Confessione Augustana in sequentibus convenit.

I. Etiam Calvinus admittit peccatum consistere in concupiscentia, dum *Lib. 11. Instit. cap. 2. & Lib. Respons. contra Pighium* dicit, in homine post Baptismum remanere concupiscentiam, quæ est peccatum. Refutationem vide supra in hoc capite secundo num. 16.

II. Pariter soli fidei justificationem adscribit, dum *Lib. 3. Instit. cap. 13. §. 15. & 16.* asserit, hominem non per gratiam sanctificantem, sed per solam fidem justificari. Rejicitur num. 18. seq.

III. Negat in *Antidoto contra Tridentinum Can. 20.* bona opera esse necessaria ad salutem: sed contra loquitur Æterna Veritas, dum ait *Matth. 19. Si vis ad vitam ingredi, serva mandata.* Ubi bonis operibus à DEO mandatis adscribitur æterna Beatitude. Videantur dicta num. 22. & seqq.

IV. Rejicit Confessionem peccatorum coram Sacerdote, uti & Satisfactiones pro peccatis. *Lib. 1. Institut. c. 4. §. 19. Refutatur à num. 37. usque ad n. 51.*

V. Similiter cum Confessione Augustana tenet Sacramenta non conferre gratiam ex opere operato, sed solum excitare fidem, *Lib. 4. Institut. cap. 10. Reprobatur num. 53. & seqq.*

VI. Rejicit numerum septenarium Sacramentorum; in hoc tamen contrarius Confessioni Augustanæ, quod præter Baptismum & Eucharistiam etiam *Lib. 4. Institut. cap. 8. admittat Sacramentum Ordinis. Vid. num. 56.*

VII. Conformat se cum Confessione Augustanæ, quod Ecclesiæ non competat potestas ferendi Leges obligantes in conscientia, & quod neque eadem sub peccato injungere opera supererogatoria, sed tantum alias jam à DEO mandata. *Lib. 4. Institut. cap. 10. confutatur num. 62. & alibi sæpius præsertim, §. VII.*

VIII. Tollit quoque liberum arbitrium ab homine, *Lib. 2. Institut. cap. 3. §. 7. & 11. eo audacius quod dicto Lib. 2. Institut. cap. 2. §. 4. fateatur, Sacerdotes Patres stare pro libertate indifferentiæ, quam hoc non obstante, præsumit homini denegare. Reprobatur à num. 66. usque ad num. 73. Item speciatim de novo §. XIII.*

IX. Propugnat, in hac carne impossibile esse Legis implementum, *Lib. 2. Institut. cap. 7. vide dictum num. 75. & seqq.*

X. Non patitur exhiberi cultum Angelis, vel Sanctis: *Lib. 2. Inſtit. cap. 11. §. 11. & cap. 14. §. 12.* uti pariter negat *Lib. 2. Inſtit. c. 20.* Sanctos pro nobis in cælis intercedere, alit contrarium probatur *n. 82. & ſeqq.*

XI. Eodem modo *Lib. 1. Inſtit. cap. 11. §. 3. & Lib. 2. cap. 17.* docet, Sanctorum Reliquias, & Imagines non eſſe colendas, & peregrinationes ad loca Sanctorum dicit eſſe inanes. Error hic eſt Eudoxii, Armeni, & Eunomii Cappadocis, priori amiciffimi, in perversa doctrina Collegæ, qui ambo primis jam quatuor ſæculis fuerunt damnati. Refutatur dictus error iisdem principiis, quibus reprobatum doctrina præcedens: ſi enim Sanctis ipsis, pro nobis in cælo intercedentibus, conformiter dictis *num. 82. & ſeqq.* ob excellentiam ſanctitatis, gratiæ ac gloriæ abnuendus non eſt cultus Religioſus *absolutus*, cur eorum offibus, & imaginibus denegetur cultus religioſus *reſpectivus*.

Profecto de cultu politico, & civili loquendo, ſi homini præſenti, e. g. Regi exhibetur *absolutus*, pariter expoſitæ ſub baldachino Imagini Regem repræſentanti exhiberi poterit cultus politicus *reſpectivus*. Ubi notandum venit, quod cultus *absolutus* ſit ille, quo quis ob excellentiam ſibi adhuc actualiter inexiſtentem honoratur: *Reſpectivus* vero, quo quis colitur ob excellentiam alterius, quam vel ipſa res honorata repræſentat, vel ſaltem in ordine ad eundem conſideratur. Priori cultu ſolum creaturæ rationales actualiter viventes;

posteriori vero res quoque inanimatae coluntur. Sic honoratur imago propter prototypum; Sacra Lipsana, quatenus fuerunt aliquando membra huius, vel illius Sancti; Sacrae vestes, seu instrumentum martyrii; quia Sanctorum adhuc in terris degentium in usu, vel tactu extiterunt sacrata, ex quo devoto cultu sperantur, & saepius (prout testantur sunt antiquissimi Scriptores, S. Augustinus, & S. Gregorius Turonensis) obtinentur quam plurima beneficia. Cur ergo inanes sint peregrinationes ad loca Sanctorum institutae? Umbra S. Petri adhuc in vita existentis sanabat infirmos, *Act. 5. v. 15.* Similiter sudaria, & semicinctia S. Pauli deferebantur ad languidos, & recedebant ab eis languores, *Act. 19. v. 12.* cur igitur Ossa Sanctorum in caelis cum Christo gloriose regnantium haec virtus abnegetur? Quod si oppositi abusus varios subinde in hoc cultu irrepentes, abrogandi sunt, sed propter abusum non est tollendus usus; alias deberet quoque tolli usus Sacrae Scripturae, utpote qua toties haeretici antiqui & moderni fuerunt abusi. Videatur Reiffenstuel *Theol. Moralis dist. 1. Quest. 4.* & Pichler. *Part. 2. Theol. Polemica Controv. 2. Art. 2. §. 3. & 4.*

XII. Quantum ad praetensos septem abusus quasi à Catholicis in Ecclesiam introductos conspiciunt Calvinistae cum Lutheranis, nunquam citius concordēs, quam si contra Catholico-Romanos agitur. Refutantur omnibus illis fundamentis quae in toto §. 7. fuere adducta.

§. X.

An Calvinus cum Confessione Augustana conveniat circa Purgatorium, & Indulgentias?

151 Respond. I. Etsi Confessio Augustana in suo Symbolo Carolo V. Imperatori oblato Artic. XXI. expresse contestetur, quod hæc sit *Summa Doctrinæ* Lutheranorum, attamen de purgatorio, utrum detur, & an animæ ibidem detentæ precibus, ac piis fidelium operibus, vel indulgentiis juventur nihil prorsus decidit, prout pariter ego assumens præcisè in præcedentibus declarationem Articulorum Confessionis Augustanæ ex hac ipsa ratione de industria circa illa duo puncta abstraxi, cum nec Confessio Augustana quidquam de his statuatur positive contra Catholicos. Et quis non exinde inferret, circa memorata duo puncta Confessionistas adhærere Catholicis? Eo quidem magis, cum eorum Magister Lutherus in Propositionibus à Leone X. rejectis, atque §. 2. in Compendio relatis saltem non absolute, & ex integro rejecerit indulgentias, atque purgatorium: quinimo de ultimo in Disputat. Lipsiensi 8. Julii 1519. habita expresse sic loquatur: *Credo fortiter; imo ausim dicere, scio purgatorium esse &c. ego nihil de purgatorio novi, nisi animas ibi pati, nostris precibus, & orationibus juvandas.* Hoc tamen non obstante,

Respond. II. Moderni Lutherani Confessionista in his duobus punctis quoad rem omnino contra Catholicos conveniunt cum Calvinistis, & eorum auctore Calvino, qui *Lib. 3. Instit. cap. 5.* assertis indulgentias esse sanguinis Christi profanationem, & eodem Libro §. 6. purgatorium esse execrabile Satanae commentum, negans exinde consequenter orationes, & suffragia oblata pro mortuis ipsis proficere.

152. Quæres I. Quomodo contra Calvinum, & quoad præsens contra Calvino - Lutheranos probetur existentia Purgatorii? Ubi notetur, quod Catholici per purgatorium intelligant illum locum, in quo animæ Justorum defunctorum ad tempus purgari debent vel igne, vel aliis pœnis, donec ab omni reatu, etiam pœnæ, ex integro emundatæ valeant cœlum intrare; nam in cœlum *non intrabit aliquid coinquinatum.* Apocalyp. cap. 21. v. 27. Præscinditur autem in præsentī tam de situ hujus loci, quam de modo torquendi, ac qualitate pœnarum, de quibus (non de ipsa existentia purgatorii) jam olim inter SS. PP. atque inter Græcos, & Latinos tempore Concilii Florentini erat controversia; ubi de his Ecclesia nihil adhuc decidit H, N.

153. Respond. Existentia purgatorii ostendi potest ex Sacra Scriptura, & SS. PP. antiqua Ecclesia, & ratione. Probatur I. ex S. Scriptura, quæ etsi hoc nomen, *ly purgatorium* explicite non

non exprimat, in re tamen ipsa admittit, aliquos in altero sæculo posse fieri salvos; non tamen nisi per ignem, adeoque non nisi per aliquam purgationem. Textus 1. Corinth. cap. 3. v. 13. & 15. sic sonat: *Uniuscujusque opes quale sit, ignis probabit &c. si ejus opus arserit, detrimentum patietur: ipse autem salvus erit; sic tamen quasi per ignem.* II. Probatur ex SS. PP. quorum plures Græci, & Latini apud Bellarminum, & Salmeron intelligunt cum Concilio Florentino allegatum proxime Sacri Codicis textum expresse de Purgatorio, signanter SS. Ambrosius, Theodoretus, & Augustinus quinquaginta *Homiliarum Homil. 16.* qui etiam in *Psalm. 37.* invenitur in contemnentes hunc ignem, eo quod adhuc salvus fiat, *quia dicitur (ita S. Pater loquitur) Salvus erit; hinc ignis ille contemnitur, sed gravior erit, quam quidquid homo pati potest in hac vita.* III. Probatur ex Ecclesia antiqua, quæ statim primis sæculis æque, ac Judas Machabæus in antiquo Testamento, 2. *Machab. cap. 12. v. 46.* censuit quod sic Sancta, & salubris cogitatio pro defunctis exorare, ut à peccatis solvantur: consequenter judicavit, apud mortuos sapius remanere adhuc aliquod vinculum (puta reatum poenæ) à quo solvi possunt per suffragia, sacrificia & preces fidelium viventium, in quocunque demum loco pauperculæ hæ animæ post mortem detineantur. In *Machabeorum libris* legimus (inquit August. Lib. de cura pro mortuis cap. 1.) *oblatum pro mortuis sacrificium: sed etsi nusquam in Scripturis veteribus omnino lege-*
re-

retur, NB. non parva est universa Ecclesia, quæ in hac consuetudine claret, auctoritas. Sic Clemens Romanus Summus Pontifex Apostolicus Coævus Lib. 8. Apostol. Constitut. cap. 47. inquit: Pro quiescentibus in Christo rogemus, ut DEUS, qui animam defuncti suscepit, dimittat ei omne peccatum. Similiter loquitur S. Dionysius Areopagita, qui apud Cornelium à lapide hic cap. 7. p. 3. Ecclesiastica Hierarchia testatur, se id accepisse ab Apostolis, Statuerunt Apostoli (subjungit D. Chrysostomus apud dictum Cornelium à Lapide Homil. 69. ad popul.) ut in Missæ Sacrificio oretur pro defunctis. Ad quid autem oretur pro defunctis, si omnes post mortem existerent vel in inferno, in quo nulla est redemptio, vel in cælis, ubi nostro non amplius indigent adiutorio in æternum jam felicissimi? Inde nec mirum, quod Ecclesia antiqua Aerium, Suffragia pro defunctis irradientem, circa annum 340. condemnaverit, uti refert S. Epiphanius Hæresi 75. IV. Probatur ratione; quia non est credendum de misericordissimo DEO, quod hominem propter unicum obulum ditissimo deliberate ablatum, vel propter levissimam impatientiam aliquantulum verbis ostensam in æternum damnet, si subito præventus, puta apoplexia tactus moriatur, certe nec ab ipso Christo Domino, Matth. 5. v. 22. aliquantulum iratus, vel qui dixerit fratri suo Raca, fuit illico declaratus reus Gehennæ, sed solum, qui dixerit fatue. Quorsum ergo talis cum ablatione unius obuli, vel cum levissima impatientia deveniet? Non in infernum, uti proxime di-

dictum: non in cœlum, in quod nihil coinquatum intrabit: ergo in purgatorium, tanquam in locum tertium. *Nec refert, quod Ecclesiastes cap. 11. v. 3.* tantum de duobus locis alterius vitæ mentionem facere videatur, scilicet de inferno, & cœlo. Nam præterquam quod necdum satis constet, textum illum, quem Acatholici contra nos adducere solent, de futura vita altera intelligi debere; hoc tamen etiam concesso responderi potest, quod sacer textus de receptaculis in æternum etiam post extremum Iudicii diem duraturis loquatur, qualia utique sunt tantum duo, cœlum nimirum, & infernus; purgatorium autem pro tunc cessabit.

154. Quær. II. Quomodo contra memoratos adversarios probetur valor indulgentiarum? Ante responsionem ab Adversariis bene notentur tria: nimirum quid sit thesaurus Ecclesiæ, ex quo indulgentiæ sumuntur: quid ipsamet indulgentia, & quomodo eadem distribuatur. Itaque *primo*, sistendo in Catholicorum nostrorum principiis, notetur, quod thesaurus ille spiritualis Ecclesiæ nihil aliud sit, quam satisfactio Christi, & Sanctorum, ex quo thesauro tunc censetur depromere, & fidelibus distribuere Ecclesia indulgentias, quando Satisfactiones Christi, atque Sanctorum, fidelibus applicat. Ubi advertatur, quod Thesaurus iste principaliter, & præ omnibus constetur ex Satisfactionibus Christi, & quod Satisfactiones Sanctorum pariter suam vim habeant ex Satisfactionibus Christi. Notetur
se-

secundo, quod in principiis Catholicorum indulgentia describatur, quod sit remissio pœne temporalis peccatis actualibus quoad culpam jam remissis coram DEO adhuc debite, ab habente potestatem ex iusta causa facta per applicationem sufficientis, & condigne Solutionis ex communi thesauro Ecclesie. Ulterior hujus descriptionis declaratio, uti pariter, quid sit thesaurus, ex quo Ecclesia sumit indulgentias, videri poterit apud Reiffenstuel *Tract. 12. Theolog. Moral. Diff. 3. Quest. 1. & 2.* Tertio notetur, quod summus Pontifex fidelibus adhuc vivis donet indulgentias per modum absolutionis, id est, quod ut Judex eosdem tanquam suos subditos etiam à pœnis peccatorum, sapius post remissionem culpæ adhuc restantibus, absolvat, ac simul loco propriarum satisfactionum satisfactiones Christi, atque Sanctorum substituatur; e contra vero fidelibus jam defunctis dictas satisfactiones applicat per modum suffragii, non immediate remittendo pœnam tanquam Judex, (utpote cum defuncti non amplius sint subditi Pontificis,) sed tanquam constitutus supremus Dispensator, atque Thesaurarius, offerendo DEO ex Satisfactionibus Christi, atque Sanctorum pretium aliquod æquivalens, ut exinde ipse DEUS remittat. Videri poterunt de suffragiis plura apud Reiffenstuel cit. *Tract. 12. Diff. 3. Quest. 13. H. N.*

155. Respondetur. Valor indulgentiarum probari potest ex Sacra Scriptura, & antiquissima praxi Ecclesiæ. Ex Sacra Scriptura ostenditur sic:
Juxta

Juxta Eandem valet remissio pœnæ temporalis à summo Pontifice intuitu Satisfactionum Christi concessa: ergo etiam valebunt indulgentiæ. Consequentia patet, quia in hoc ipso valor indulgentiarum consistit. Anteced. vero probatur taliter: vi Sacræ Scripturæ valet remissio culpæ intuitu meritorum, & Satisfactionum Christi; ergo etiam remissio pœnæ aliquoties post remissionem culpæ restantis, præsertim cum Christus in verbis generalibus ad Petrum, existentem adhuc super terram, Matth. cap. 16. §. 19. dixerit: *Tibi dabo claves regni cœlorum & quodcunque solveris super terram, erit solutum & in cœlis.*

Ostenditur quoque ex praxi antiquæ Ecclesiæ: Nam exstat Romæ (inquit Bellarminus de indulgent.) in antiquissimis Ecclesiis memoria indulgentiarum à Pontificibus concessarum. Sic jam S. Gregorius, qui vixit sæculo sexto, teste D. Thoma in 4. Dist. 20. concessit indulgentias Stationum &c. Quod si quæras, quare ergo Patres, & Pontifices adhuc Gregorio anteriores tantum teneat silentium de indulgentiis? Respondetur, id contigisse, vel quia antiquissimo tempore nullus impugnavit easdem, vel quia pro tunc in rarissimo usu fuerunt, vigente adhuc severissimo rigore in injungendis pœnitentiis per plures sæpe dies vel etiam annos continuandis, in cujus rigoris supplementum propter majorem indies humanæ naturæ fragilitatem frequentiores successerunt indulgentiæ. Ne tamen bona opera satisfactoria omnino negligantur ab hominibus, non solent indulgentiæ

tia nimis profusæ, neque absque gravi causa concedi, atque hæ insuper ordinarie alligantur aliis bonis operibus, puta certis orationibus, Confessione, communioni &c. Cæterum si non obstante hac mitigatione Sectarii nostri conqueruntur contra rigorem Catholicorum in Sacramento Pœnitentiæ, quid fecissent, si illis primis vixissent sæculis?

Objectiones ex dictis facile solvuntur, & apud Controversistas passim videri poterunt. Novissime D. Eusebius Amort in suo Tractatu de Origine & Progressu Indulgentiarum probare conatur fusius, quod, etsi primis sæculis hoc nomen *Indulgentia* non fuit ab Ecclesia ad præsens intentum applicatum; attamen relaxationes antiquæ Canonum pœnitentialium in substantia perinde fuerint, ac Indulgentia. Ex quo erui videtur quod in seipsa (quidquid sit de Nomine) jam exstiterit Indulgentia, etsi non tam copiosa.

§. XI.

Quenam sint Propositiones speciales Calvinæ ab Ecclesia Catholica damnatæ, circa prædestinationem Electorum ad vitam æternam?

156. Non est mens mea singula Calvinæ, & Calvinistarum mala dogmata referre, atque ad refutandum assumere; exinde enim libellus iste contra primum intentum in immensum excresceret;

ret; quoniam errores sunt adeo copiosi, ut Franciscus Feuardentius apud Sianda v. *Calvinus*, mille, & quadringentos excusserit, & pariter noster le Grand apud Henno *Tract. de Principiis act. Hum. Disp. 2. Conclus. 5.* Calvinum, & Calvinistas quoad errores tam fecundum asseruerit, ut vix ad certum numerum redigi queant; cum nullus sit in Symbolo fidei Articulus, nulla in Oratione Dominica petitio, nullum sive DEI, sive Ecclesiæ Mandatum, nullum Sacramentum, aut Cæremonia Sacramentalis, quam non ipse, aut ejus Sectatores vel exterminarint, vel mutilarint, vel depravarint. Ita ille. Quare ne Manuale hoc in integrum Tomum transmigret, brevitatis gratia tantummodo principales & famosiores adduco propositiones Calvini ab Ecclesia rejectas, puta de Prædestinatione Electorum, ac reprobationem alorum, de libero arbitrio & gratia efficaci, nec non utrum Corpus Christi in Eucharistia realiter existat? Et quidem in præsentî §. tantummodo agitur de Prædestinatis. Ubi

157. Dicit Calvinus 1. Eosdem fuisse efficaciter à DEO præelectos ad cœlestem gloriam & vitam eternam ante prævisum ullum meritum. 2. Ecclesiam veram constare ex solis his Electis, ac Prædestinatis tanquam membris propriis. 3. Fidem veram, & justitiam propriam esse solummodo Electorum, seu horum Prædestinatorum. 4. Hanc fidem semel vere acceptam nulla ratione amplius posse amitti. 5. Inde Prædestinatis seu præelectis peccata ab ipsis commissa non amplius, sicuti reprobis, à DEO imputari. 6. Infantes, ab his proge-

P. Anacl. Reiffenst. Theol. Supplem. Q ni-

nitos, Sanctos esse, & vera Ecclesia propria me-
bra censei debere, etiam antequam baptizentur.
Ita Calvinus in diversis locis suarum Institutionum
notanter lib. 3. cap. 2. §. 11. & 12. acq.
Admonit. II. contra Westphalum, nec non Lib.
Instit. cap. 15. Sed contra.

158. Respondetur I. Utrum prædestinatio
efficax ad vitam æternam fuerit ante, vel post
merita, est quidem contro-
versia inter ipsosmet Catholicos acriter disputa-
ta, & utriusque partis fundamenta apud Theo-
logos in 1. Sententiarum passim videri possunt.
Interim tamen etiam hac efficaci Prædestinatione
Electorum ad Gloriam ante prævisa merita gra-
tis pro hic & nunc admissa, necdum sequitur
paritas circa reprobos, quoad præordinationem
ad æternam damnationem ante prævisa deli-
cta: nam actus Prædestinationis ad vitam æter-
nam est actus liberalitatis & misericordiæ De-
i utique in prima sua intentione nobis elargien-
di hanc summam gratiam ad nostra opera non
alligati. Econtra vero actus reprobationis ad
mortem æternam, & poenas inferni est actus
iustitiæ vindicativæ, quæ consequenter præsup-
ponit culpam; nam etiam in humanis cense-
tur Rex aliquis Tyrannus, qui intenderet, & ef-
ficaciter decerneret gravem in subditos poenam
independentem à delictis, seu absque reflexione
ad delicta; etenim Rex iste censeretur interpre-
tative ita dispositus, quod ad Decretum suum
executioni mandandum velit talem punire, sive de-

delicta perpetret, sive non, vel saltem quod intendat misero huic talia præcepta imponere, quæ nequeat subditus servare, ut Rex exinde occasionem habeat, eundem graviter castigandi, & per hoc suam in subditos potestatem ostendendi. Numquid hæc Tyrannis?

159. Respondetur II. Vera Ecclesia non constat tantummodo Prædestinatis, tanquam solis propriis ejusdem membris: Ratio est; quia in omni Ecclesia videmus etiam malos, atque hypocritas, & quidem aliquoties finaliter impœnitentes, velut graves peccatores subitanea morte extinctos: unde nec mirum, quod Apostolus 2. Timoth. cap. 2. v. 20. Ecclesiam comparet magnæ Domui, in qua non solum sunt vasa aurea, & argentea, sed & lignea, & fictilia, & quedam quidem in honorem, quedam NB. autem in contumeliam. Nec dicatur, Apostolum esse intelligendum de Ecclesia visibili, in qua haud dubie præter præelectos tanquam vasa honoris etiam continentur reprobi, seu vasa contumeliæ, non autem intelligi debere de Ecclesia invisibili quæ existens teste Sacra Scriptura tota pulchra, Sancta, non habens maculam, & rugam, eo ipso excludit reprobos tanquam finaliter maculatos &c. Nam contra est, quod gratis adstruitur aliqua Ecclesia invisibilis: nam vel illa invisibilis foret præcise pars totius Ecclesiæ, vel esset complete alia Ecclesia, quam ea, quæ est visibilis. Si primum: habetur intentum, quod sumendo Ecclesiam completam, & totalem, eadem

Q. 2

dem constat partim Electis, partim reprobis. vero teneatur, Ecclesiam invisibilem totaliter distinctam à visibili; ergo duplex daretur in terra Ecclesia, quod assertum non habet solidum fundamentum in Scriptura, ex qua tamen Hæretici sua omnia volunt deducere. Neque obest quod vera Ecclesia dicatur *tota pulchra &c. sine macula &c.* nam similia prædicata huic conveniunt non ratione singulorum membrorum sed ratione quorundam: item insuper ratione doctrinæ, finis, mediæ, præceptorum & Sacramentorum, quæ omnia ex integro sancta sunt, pulchra sunt, absque ruga, & absque macula. Videatur de hoc Pichler Tomo prioris Theologiæ Polemicæ *cap. i. art. i.* & dicta præcedentia contra Lutheranos Artic. VII. agende de Ecclesia.

160. Respondetur III. Non solum prædestinati, sed etiam reprobi potuerunt veram aliquando fidem, & iustitiam habuisse. Probat: omnes infantes legitime baptizati sunt per baptismum iusti, sive sint proles Catholicorum, sive Lutheranorum, sive Calvinistarum: at qui non omnes isti sunt ex numero prædestinatorum, adeoque etiam non prædestinati potuerunt aliquando habuisse fidem & iustitiam, seu fuisse aliquando iusti per gratiam sanctificantem vel (uti ipsi loquuntur) per fidem, quæ apprehendit iustitiam Christi. Major patet, quia per Baptismum passim dicimur in Sacra Scriptura *abluti, mundati, sanctificati &c.* Minor vero pro-

probat: nam si omnes legitime baptizati, sunt pariter prædestinati efficaciter ad gloriam; ergo omnes isti, quantumcunque suo tempore adulti impie vivant, salvabuntur; etenim efficaciter prædestinati ad gloriam certo salvantur. Ad quid ergo Calvinistæ rejiciunt Lutheranos, & damnant Catholicos? Cur Calvinus defecit ab Ecclesia Catholico - Romana, in qua legitime baptizatus, sicque in ejusdem principiis ex numero prædestinatorum (si superis placet) collocatus potuisset certo salvus fieri?

161. Responderetur IV. Fides justificativa, seu (ut loquuntur Catholici) gratia sanctificans semel à prædestinatis acquisita potest iterum deperdi. *Probat* 1. ex jam dictis; quia alias omnes Prædestinati, legitime semel baptizati retinerent pro omni tempore vitæ suæ gratiam justificativam, sicque finaliter certo salvarentur, quantumcunque impie viverent, & cujuscunque demum forent Religionis, supposito, quod fides justificativa semel acquisita nequiret amplius à Prædestinatis deperdi. *Probat* 2. Quia generaliter in Sacra Scriptura habetur, per malam vitam animæ mortem superinduci, quæ utique non potest stare cum justitia, seu gratia sanctificante. Antec. ostenditur ex Ezechiel. cap. 18. v. 24. & 26. ibi: *Si averterit se justus à justitia sua, & fecerit iniquitatem &c. Morietur.* Atque ad Rom. 8. v. 13. *Si secundum carnem vixeritis, moriemini.* Nec opponas, hos textus esse intelligendos de morte naturali, non de mor-

Q3

morte animæ: *Nam contra est, quod hæc non sit specialis pœna impiorum; cum non solum impii, verum etiam pii naturaliter moriantur, & improbus sæpe longius vitam naturalem protrahat, quam probus.*

162. Respondetur V. Etiam prædestinatus DEUS imputat peccata, si quæ committantur nam generaliter de omnibus in Sacra Scriptura dicitur Luc. 12. v. 47. *Qui cognovit voluntatem Domini sui, & non fecit, vapulabit multis.* Item Ezechiel cap. 18. v. 4. *Anima, quæ peccaverit ipsa morietur.* Et sane, si solis reprobis, non autem prædestinatis peccata imputarentur, reprobi in Calvinistarum principiis etiam propter levissimam, imo & indeliberatam indignationem, propter ablationem unius obuli ab homine altissimi factam æternis addiceretur flammis; contra prædestinatus non obstantibus suis homicidiis, furtis gravissimis, atque adulteriis cavaretur, quamvis subitanea tactus apoplexia de nullo horum pœnitentiam egisset, quod de DEO præ omnibus aliis malis gravitatem peccati abominante, præsumendum non est. Hoc equidem negari nequit, quod in sententia illorum Catholicorum, qui tenent, DEUM in intentione Electos suos efficaciter prædestinasse ad gloriam ante prævisa merita, quod (inquam) in illorum Catholicorum sententia similis prædestinatus, cooperante efficaci gratia Divina, omnia suaviter æque, ac fortiter disponente, non sit consensurus in peccatum grave, vel, si jam peccata-

caverit, ponendus in aliis circumstantiis, in quibus illud libere per poenitentiam finalem erit retractaturus. Quod autem prædestinato nullum grave peccatum tanquam tale imputetur, nunquam somniarunt Theologi Catholici, etsi in modo explicandi gratiam efficacem, qua prædestinati certo à peccato gravi finali præservantur, sint adinvicem inter se differentes, utrum nempe hæc gratia sit intrinsece, vel extrinsece solummodo efficax; ubi tamen utraque pars omnino parata est sese submittere Ecclesiæ, si quid positive circa hoc decadat.

163. Respondetur VI. Nec parvuli à prædestinatis progeniti salvantur absque aliquo Baptismo. Probat: quia teste Sacra Scriptura Joann. cap. 3. v. 3. & 5. *Nisi quis renatus fuerit ex aqua & Spiritu Sancto, non potest introire in regnum DEI.* Ubi nulla fit distinctio inter proles prædestinatorum, & non prædestinatorum. *Noli itaque credere* (inquit S. Augustinus Lib. 3. de anima, & ejus origine cap. 9.) *noli dicere, noli docere, infantes, antequam baptizentur, morte præventos pervenire posse ad originalem indulgentiam peccatorum, si vis esse Catholicus.* Accedit, quod parvuli etiam prædestinatorum rationis adhuc incapaces ante collationem Baptismi nullam fidem habeant, neque habitualement infusam; quoniam primum communicatur per Baptismum: sed absque ulla fide vel habituali, vel in re, vel in voto impossibile est placere DEO, cap. 11. Hebr. vers. 6. consequenter

nec parvuli prædestinatorum absque Baptismo DEO placere possunt, sicque nec regnum eorum ingredi.

§. XII.

Quenam sint Propositiones speciales Calvini, à Catholica Ecclesia rejectæ circa præordinationem reproborum ad mortem æternam?

164. Circa reprobationem Calvinus docet
 1. præordinationem ad mortem æternam æque factam fuisse à DEO ante prævisa peccata, facta est prædestinatio Electorum ad vitam æternam ante prævisa merita. 2. DEUM, ut actum justitiæ vindicativæ erga hos reprobos tanquam Supremus Dominus exercere valeat, ipsis non solum imputare ad peccatum quoscunque motus concupiscentiæ etiam indeliberatos; verum etiam eodem ad peccata impellere, ita ut impulsus iste quasi effectus reprobationis. 3. DEUM imperare Satanae, aliisque impiis hominibus, ut maleficia concipiant, ac hominem ad peccandum inducant: sic Satanam jussu DEI tentasse Job, & DEUM ipsum præcepisse Judæis, ut Christum crucifigerent. 4. Similia tamen respectu DEI nec esse, neque dici posse peccata, sed opera justa; quia quod homines mala intentione, DEUS bono consilio facit, ac proinde. 5. DEUM ipsum nec peccare, nec peccati autorem dici posse. Ita Calvinus diversis in locis, præsertim *Lib. 1. Instit. cap. 17. §. 11. Lib.*

*Lib. 2. cap. 4. §. 5. & cap. 18. §. 1. & 8. Item
cap. 22. & 23. Item l. 3. institut. c. 22. §. 11. ac
cap. 23. §. 8. sed contra à Catholicis.*

165. Respondetur I. DEUS non reprobat, seu præordinat positive ad æternam mortem ante prævisa eorum peccata. Ita Catholici, idque Doctor subtilis, I. Sentent. D. 14. Quæst. 1. jam suo tempore adeo certum judicavit, ut contrariam dixerit sententiam non posse sine crudelitate excogitari. Probatur 1. quia si præordinatio ad æternam poenam fieret præprimis à DEO, tunc perditio nostra principaliter non esset ex nobis, sed potius ex DEO, utpote qui nos ad eandem præordinasset, sicut ob eandem rationem salus prædestinatorum præprimis est à DEO, quia electos ante merita præordinavit ad gloriam: atqui reproborum perditio præprimis non est ex DEO, sed potius ex nobis: nam perditio tua (id est tua culpa) Israël, inquit æterna Veritas *Osee cap. 13. v. 9.* ergo. Hinc DEUS protestatur sapius in Sacra Scriptura, quod non fecerit mortem, nec lætetur in perditione vivorum, *Sap. cap. 1. v. 13.* & quod nolit mortem peccatoris, sed magis ut convertatur, & vivat *Ezech. cap. 18. v. 23. & 32.* Probatur 2. Salvator Deus non solum prædestinatos, sed omnes suo pretioso sanguine intendit redimere, ut omnes salvos faceret: ergo Deus antecedenter, nimirum ante prævisa nostra peccata, nullum voluit præordinare ad poenam æternam. Anteced. patet ex sequenti clarissimo textu Sacri Codicis I. Timoth.

Qs

cap.

cap. 2. v. 1. 3. 4. 5. & 6. Obsecro igitur, primum omnium fieri obsecrationes, &c. pro omnibus hominibus &c. hoc enim bonum est, & acceptum coram Salvatore nostro DEO, qui omnes vult salvos fieri, & ad agnitionem veritatis venire: unus enim DEUS, unus & Mediator DEI, & hominum, homo Christus JESUS, qui dedit Redemptionem semetipsum pro omnibus. Notentur singuliter verba illa: omnes vult salvos fieri, & pro omnibus semetipsum dedit redemptionem; ergo nec damnandos exclusit ante prævisa eorum peccata. Videatur circa hunc textum fusius P. Herincx. 1. Sent. D. 8. Quest. 2. num. 20. & seqq. Accedit pro confirmatione nostræ sententiæ auctoritas Sanctorum Patrum. Bonus est Deus, justus est Deus (inquit S. Augustinus Lib. 3. contra Julianum, cap. 18.) potest aliquos sine bonis operibus liberare, quia bonus est, non potest quemquam sine malis meritis damnare, quia justus est. Allego autem ex industria etiam Contra Calvinistas Patres antiquos, quia etiam apud ipsos Præfati cum antiquis Conciliis in veneratione existunt, saltem uti ajunt in sua confessione à Beza gallice conscripta, & à nostro Francisco Feuardentio fideliter in latinum translata; ubi articulus 6. taliter sonat: Admittimus, quod determinatum fuit per antiqua Concilia, & detestamur omnes Sectas, & hæreses, quæ rejectæ fuerunt per Sanctos Doctores, ut per Sanctum Hilarium, S. Athanasium, S. Ambrosium, S. Cyrillum.

peccata, multo minus aliis præcipit, ut ad eadem homines inducant. *Non est in Deo malum* (inquit in antiquissima Ecclesia S. Dionysius de Divinis Nominibus cap. 4.) *sed nec ex DEO est malum: aut enim bonus non est, aut bona facit.* Ulterius hæc Catholica veritas probatur ex testimonio Regis David Psalm. 5. v. 3. dicentis: *Non DEUS volens iniquitatem tu es.* Probatur 2. Deus odio habet peccatorem: *nam odio sunt Deo impius, & impietas ejus.* Sap. cap. 14. v. 9. ergo ad peccata non impellit per se, vel ex præcepto per alios; nam ea, à quibus habet aliquis efficacem aversionem, non solet ipsemet consiliis, aliisque mediis promovere. Probatur 3. Deus in Sacra Scriptura severissime prohibet peccata gravia, iisque annectit poenam æternæ damnationis, uti patet ex præceptis Decalogi, & obviis S. Scripturæ textibus: ergo repugnat ejusdem sanctitati & justitiæ, ut simul ad hæc ipsa peccata per se, vel per alios impellat. Probatur 4. Si Deus per se, vel per alios alliceret, imo impelleret ad peccatum, præsertim intrinsece tale, puta mendacium, vel Dei odium, censeretur causa moralis ipsius talis peccati, seu Auctor ejusdem: sed juxta ipsum Calvinum num 164. DEUS non potest dici causa, & auctor peccati: ergo. Sequela majoris probatur; quia etiam homo, qui alterum instigat, & impellit ad peccatum, puta ad mendacium, vel odium DEI, censetur causa moralis talis peccati: ergo etiam taliter reputaretur DEUS. Nec excusaret bonitas intentionis, non enim sunt suadenda intrinsece mala, ut eveniant bona. Videtur

deatur de hoc fufius adhuc Henricx *Lib. 1. sent. Disp. 7. Quest. IV. num. 30.*

167. Respondetur III. Si afferantur loca Sacrae Scripturae, quibus Deus videtur suafiffe peccata, aut ad ea incitasse, vel etiam praecipisse iuxta formalia antiquissimi Patris S. Damasceni *Lib. 4. de fide cap. 20. Non à Deo NB. ut agente, accipienda sunt, sed NB. ut permittente.* Quatenus nimirum Deus ob peccata, seu (ut vocat S. Augustinus) ob mala merita hominis non tollit, sed permittit illas occasiones, in quibus praevidet hominem talem libere esse lapsurum. Sic quando 3. Regum cap. 22. legitur, Deum immisisse spiritum mendacii in Prophetas. Item Ezech. cap. 14. decepisse Prophetam: hoc ipsum exemplum S. Augustinus de gratia, & libero arbitrio cap. 32. declarat modo sequenti: *Quando auditis dicentem Dominum, Ego Dominus seduxi Prophetam illum; & quod ait Apostolus: Cujus vult, miseretur, & quem vult, obdurat: in eo quem seduci, vel obdurari NB. permittit, mala ejus merita credite.*

168. Neque est insolitum in Sacra Scriptura tam ipsius peccati, quam occasionum permissionem exprimere verbo aliquo praeferente formam praeccepti, vel consilii, uti Henricx *I. sent. Disp. 7. Quest. 4. num. 35. ac seqq.* optime notat. Nam Phariseis dicentibus Marci cap. 10. v. 4. *Moses NB. permittit scribere libellum repudii,* respondit Christus v. 5. *ad duritiam cordis vestri scripsit vobis NB. praeceptum istud.* Item vice versa

sa quando Matth. cap. 19. prior discursus de repudio v. 7. à Pharisæis repetebatur sapienti interrogatione: *Quid ergo Moyses NB. mandavit dare libellum repudii?* Christi responsio erat: *ad duritiam cordis vestri NB. permisit vobis dimittere uxores vestras.* v. 8. Si Deus 2. Reg. cap. 16. v. 10. dicitur præcepisse Semei, ut malediceret David, permittendo ex una parte amarum Semei animum erga David, & ex altera occursum ipsius David non impediendo, quem impedire quidem haud dubie potuisset, sed noluit, ad probandum David in patientia, quam ibi adeo exerevit, ut exemplum istud in toto mundo pro imitatione diligendi inimicos proponatur. Simili modo Deus concessit, seu permisit Satanæ, ut affligeret Job, eique plurima mala inferret; & Judæis, ac Gentilibus, ut crucifigerent Christum &c. Item legitur in Sacra Pagina Deum indurasse cor Pharaonis, quatenus in poenam præcedentium delictorum extraordinaria gratiæ auxilia, quibus noverat cor Pharaonis emolliendum, subtraxit, variaque alia operatus fuit quoad Pharaonem, quibus ille (non obstante adhuc clementissima concessione gratiæ sufficientis) occasionem sumpsit indurandi semetipsum obstinata voluntatis malitia. Videatur de hoc utilissime noster P. Herincx Episcopus Iprensis, Loc. cit. & *Disp.* 8. num. 90.

169. Opponunt Calvinistæ contra dicta, præsertim contra responsionem primam, in qua negavimus, reprobationem positivam à DEO fieri ante prævisa peccata, opponunt (inquam) Cal-
vi-

vinista, & in contrarium proponunt exemplum Esau, & Jacob; ubi utrobique non ex meritis, vel demeritis, sed ex ordinatione potius Divina fuit respective primogenitus à privilegiis primogenituræ exclusus, & alter assumptus, ut secundum electionem propositum Dei maneret: prout loquitur Paulus cap. 9. Rom. v. 11. qui pariter ibidem totam illam historiam ad prædestinationem, & reprobationem referre videtur sequentibus verbis: *Cum nondum nati fuissent, aut aliquid boni egissent, aut mali (ut secundum electionem propositum Dei maneret) non ex operibus, sed ex vocante dictum est ei; Quia major serviet minori sicut scriptum est (nempe Malachiæ cap. 1.) Jacob dilexi, Esau autem odio habui. Quid ergo dicemus? numquid iniquitas apud Deum? absit. Moysi enim dicit: miserebor cujus misereor, & misericordiam præstabo, cujus miserebor. Igitur non volentis, neque currentis, sed miserentis est DEI.* Ex quo textu tria ab ipsis eruunt, 1. quod Deus præordinet, ac vocet ad vitam æternam absque meritis. 2. Quod pariter præordinet ad peccatum absque demeritis, cum Apostolus utrobique pariformiter loquatur. 3. Quod exinde non sit iniquitas apud Deum, sicque nec Deo tanquam auctori peccatum imputandum. Ita illi.

170. Ad hanc oppositionem Respondetur in primis, posse adversariis negari totum suppositum, quod nimirum in allegato textu sermo instituat de particulari cujuslibet prædestinatione ad gloriam, seu exclusionem ab eadem; cum potius

tius Doctor Gentium loqui videatur de præelectione Communitatis Christianorum præ Synagoga Judæorum ad constituendam in testamento novo veram Ecclesiam; etsi enim Synagoga representata suo modo per Esau fuerit senior; hoc tamen non obstante communitas Christiana figurata per Jacob, erat præelecta, idque non ex operibus nostris, sed ex gratia misericordis DEI, relicta cæteroquin Judæis plenissima libertate transeundi à synagoga ad Communitatem Christianam, sicque veræ Ecclesiæ sese incorporandi. Videatur Cornelius à Lapide in hunc textum.

Respondetur *secundo*: Si etiam cum aliquibus Catholicis Theologis, prædestinationem ad gloriam ante prævisa merita defendentibus, admittatur, Divum Paulum ibidem loqui de prædestinatione, & reprobatione in ordine ad vitam æternam, posset adhuc congruenter explicari citatus textus, dicendo, Deum Electos præordinasse ad gloriam positive ante prævisa merita, & pro eo signo alios, respective loquendo, reprobasse *negative*, ist est, *pro eo signo non simul cum præcedentibus positive elegisse*; in quo (non in omnibus aliis) stat paritas inter Jacob, & Esau ex una, & inter prædestinatos, ac reprobatos ex altera parte: nimirum quod, uti quoad temporales benedictiones Deus ante ulla opera Jacob elegerit præ fratre suo Esau, ita quoad cœlestia quosdam præ aliis ante merita prævisa destinaverit ad vitam æternam, circa reliquos pro eo signo se habendo *negative*, & primum
pro

pro alio post prævifa eorum peccata ipsos reprobando positive. Nec hæc distinctio inter reprobationem positivam, & negativam est novum recentiorum Theologorum inventum; cum de reprobatione negativa scholarum Principes Doctores, Angelicus, & Subtilis jam fecerint mentionem, ex quibus apud Henno *Tract. de Deo uno. Disp. 10. Quest. 1. Conclus. 2.* Divus Thomas Part. 1. *Quest. 23. Art. 3. ad 1.* sic loquitur: *In quantum DEUS quibusdam non vult bonum, quod est vita æterna, dicitur eos habere odio, vel reprobare.* Scotus 1. *Sent. D. 41. Quest. unica. §.* contra istud, postquam interrogavit, quid Deus velit Judæ in eo instanti, quo vult Petro Beatitudinem? sibi ipse respondet: *Dici potest, quod in isto primo instanti NB. nihil vult Judæ, sed tantum ibi est negatio volitionis gloriæ.*

171. Quæres, quid sentiendum sit de recentioribus illis Calvinistis, qui, ut magis errorem suum, ac Deo summe injuriosam de reprobatione Doctrinam coram hominibus honestis pallient, distinctionem faciunt inter peccatum originale, & inter peccata personalia, dicendo, quod præordinatio positiva reproborum ad mortem æternam facta quidem fuerit à Deo ante prævifa eorum peccata personalia, & actualia; non autem ante prævisum peccatum originale? Priusquam respondeatur.

Notandum 1. quod hanc distinctionem excogitasse videatur synodus Calvinistica Dordrech-

rechtana; quæ teste nostro Patre Smising, *Tome de DEO uno D. 6. num. 692.* causam primæ reprobationis statuit peccatum originale, cui, quantum ad præsens Calvinistæ ex Britannia, Gallia, ac Germania superiori, & inferiori subscripserunt. Ubi taliter discurrent, nimirum quod DEus post prævisum Adæ peccatum, & corruptam inde totam massam generis humani quosdam ex massa damnationis gratuito ante ulla prævisa merita efficaciter elegerit ad vitam æternam, ut ostendat suam misericordiam; alios vero in massa æternæ damnationis positive propter peccatum originale relinquere voluerit, ad exhibendam iusticiam vindicativam, subtrahendo ipsis gratias ad Legis implementum necessarias, atque nihilominus has transgressionem Legum ipsis imputando, & æternis pœnis subjiciendo.

Notandum 2. Quod pœnæ damnatorum communiter à Theologis dividantur in pœnam damni, & in pœnam sensus. Prior est privatio visionis, & fruitionis DEI in æternum: posterior autem diversa afflictio, & cruciatus potentiarum vitalium, puta per continuam alligationem localem, & intensionem ignis infernalis, vel, ut loquitur D. Augustinus, per alios diversos, miros tamen modos. H. N.

172. Contra istam Calvinistarum persuasionem est præprimis eorum proprius Magister Calvinus, qui teste Sianda in *Lexico Polemico v. Calvinus, num. 10.* docuit expresse *Lib. 3. Institut.*

P. Anacl. Reiffenst. Theol. Suppl. R 6. 22.

c. 23. quod non solum peccata nostra personalia verum etiam primum peccatum Adami à DEO decretum, & prædefinitum fuerit ante lapsum Adami, consequenter in principiis Calvini peccatum originale, ante præcedentem illam prædefinitionem necdum in mente Divina existens, non potuit DEO præbere causam generalem positive reprobos damnandi, & sic manent priora contra Calvinistas Catholica fundamenta in sua firmitate.

Contra est secundo; quod, etsi cum nostro P. Henno *Tract. de DEO uno Disp. X. Qu. 2. Concl. 2.* non abnuatur, potuisse DEum de absoluta sua potentia post prævisum peccatum originale quospiam in tantum relinquere in massa damnationis, in quantum potuit illos afficere pœna damni, nimirum positive nolendo hisce concedere ob peccatum originale Visionem beatificam: negatur tamen, misericordissimum DEum in moderno rerum Ordine taliter fecisse, utpote qui omnes vult salvos fieri, & post prævisum quoque peccatum originale ex hoc fine pro omnibus merita Passionis suæ applicavit, uti ejus sanctissima voluntas ex Scriptura *1. Timoth. c. 2.* clare constat, juxta dicta *num. 165.* consequenter ipsum peccatum originale prævisum non fuit causa generalis omnino reprobos excludendi à vita æterna; cum DEus etiam post illud prævisum voluerit adhuc pro omnibus mori, *2. Corinth. cap. 5. v. 15.* vide dicta *n. 165.*

Contra est *tertio*: Multi sunt reprobi, quibus peccatum Originale per susceptum Baptismum tanquam per lavacrum regenerationis absolute remittitur: ergo hi non damnantur ob peccatum originale, adeoque neque ipsis damnatio æterna est decreta propter peccatum Originale. Quomodo enim est perceptibile, quod DEUS ab æterno decreverit omnibus in futurum recipientibus Baptismum (etsi isti non fuerint ex positive prædestinatis) remittere peccatum Originale, & tamen voluerit hos ipsos propter idem peccatum Originale per Baptismum delendum adhuc in æternum damnare?

Contra est *quarto*. Permissio etiam (nunquam tamen concessio) quod peccatum Originale fuerit DEO generalis causa præordinandi quosdam ad poenas æternas, saltem ad poenam damni; repugnat tamen de novo sanctitati Divinæ, tales reprobos (forsan per Baptismum à peccato originali jam mundatos) impellere positive ad peccatum grave personale; prout tamen voluit Calvinus *Lib. 2. Inst. c. 22. & c. 23.* docens expresse *c. 18. §. 2.* DEUM præcepisse Judæis, ut Christum crucifigerent: ergo evasio Recentiorum Calvinistarum adhuc non subsistit. Videantur dicta superius *num. 166.* Póterit insuper de tota hac materia suo tempore utilissime legi noster P. Franciscus Bonal *integra Parte II. Christiani hujus temporis*: Cujus auctoris præclarissimus Tractatus ob operis præstantiam à R. P. Udalrico Dirrhamer, S. J. è Gallico translatus est in idioma latinum.

§. XIII.

*Propositiones damnatae Calvini de Gratia
efficaci, & libero arbitrio referuntur.
& refutantur.*

173. 1. Negat Calvinus, dari liberum arbitrium *Lib. 2. Institut. cap. 3. §. 7. & 11.* quod tamen intelligit de libertate indifferentiae, seu de libertate à necessitate: nam 2. si coactioni opponitur libertas, liberum arbitrium, id est, libertatem à coactione admittit *Lib. 2. de libero arbitrio contra Pighium;* & hinc 3. ait, liberum arbitrium non se habere mere passive, sed pariter active concurrere, ita tamen, ut influat solummodo tanquam instrumentum à DEO motum, quod aliud facere non potest, quam quod voluerit artifex. Ita eruitur ex *Lib. 1. Instit. cap. 7. §. 11. & ex Lib. 2. cap. 4. §. 5.* 4. Tenet *Lib. 2. Institut. cap. 7.* quod extra controversiam sit, impossibile esse Legis implementum. 5. Addit tamen, praedestinos propter non adimpletam Legem, seu propter transgressionem Legis non mereri mortem aeternam, non quasi tales transgressiones in se ipsis mortalia non essent, sed quia hisce à DEI misericordia non imputantur. 6. In *Caput sextum Joannis* docet, hominem gratia efficaci motum non posse dissentire. Ita Calvinus cum suis, quorum omnia puncta ex se ipsis ruunt, si ostendatur, etiam post lapsum Adami hominem liberum arbitrium libertate indifferentiae, seu liber-

bertate à necessitate habere; taliter nimirum, ut
positis omnibus ad agendum requisitis, possit ad-
huc agere, vel non agere, facere malum, vel etiam,
influente simul Gratia Divina (incitante, & coope-
rante, non tamen necessitante) præstare bonum.
Igitur cum Catholicis.

174. Respondetur: Homo etiam in statu na-
turæ lapsæ liberum habet arbitrium libertate in-
differentiæ; tam in ordine ad bonum, quam in or-
dine ad malum modo superius declarato. Veritas
hæc Catholica equidem jam superius contra Luth-
erum, §. VI. num. 65. ac seqq. Art. XVIII. & XIX.
fuit probata; quia tamen Calvinus circa præsentem
materiam nonnulla specialia immiscet; ideo hic
singulariter iterum contra Calvinum probatur 1.
ex Sacra Scriptura, *Deut. cap. 30. v. 19.* ubi DEUS
testes invocat cælum & terram, quod Populo
Israelitico ad eligendum proposuerit vitam & mor-
tem, benedictionem, & maledictionem, suadens
tamen, ut eligat vitam. Ex quo sequens formatur
probatio: Si datur libera electio, datur etiam li-
bertas indifferentiæ, sed in ordine ad vitam, &
mortem datur libera Electio, juxta textum cita-
tum; ergo. Confirmatur: Datur libertas indif-
ferentiæ ad malum, quo quis mortem incurrit:
ergo etiam ad bonum, quo quis vitam acquirit.
Consequentia tenet, quia Sacra Scriptura *loc. cit.*
pariformiter loquitur de vita, ac morte: antece-
dens autem patet ex eo; quia alias si ad malum
necessitor à DEO, DEUS potius esset auctor pec-
cati,

cati, quam ego, uti ostensum jam est §. VI. Art. XIX. & §. præcedenti.

175. Probat 2. ex SS. PP. qui communissime sentiunt, hominem etiam post lapsum libertatem indifferentiæ ad bonum, & malum retinuisse; pro quo testimonia clarissima, & quasi innumera recitat Bellarminus *Lib. 4. de gratia, & libero arbitrio. cap. 9. ac Lib. 5. cap. 25. & seqq.* prout etiam fateretur ipsemet Calvinus apud Herincx *Part. 2. Theologia Scholastica Disp. 2. Quest. 1. num. 9.* suæ in hoc puncto doctrinæ adversari SS. PP. tam Græcos, quam Latinos; atqui communis SS. PP. utique Sacram Scripturam melius intellexisse, & in interpretando securiorem Spiritus Sancti assistentiam quam Calvinus, habuisse, prudentissime præsumitur, præsertim si vica Calvinii superius descripta simul legatur: ergo.

176. Nec dicant Calvinistæ, Calvino saltem favere S. Augustinum; nam contra est, quod etiam hic S. Pater expresse contrarius existat, dum *Lib. de duab. animab. cap. 11.* sic habet: *Peccatum est voluntas retinendi, vel consequendi, quod justitia vetat, & unde liberum est abstinere:* ubi notetur, quod egerit ibi contra Manichæos, qui NB. libertatem indifferentiæ negantes duplex in homine principium, seu duplicem animam statuebant, unam bonam necessario bona, alteram malam, necessario mala operantem, quam doctrinam S. Pater rejicit: ergo. Reponunt Adversarii, Augustinum ibidem intelligi debere de Adamo adhuc ante lapsum

lapsum in statu naturæ integræ existente, in quo statu libenter concedunt libertatem indifferentiæ. Ast denuo contra est, quod Manichæi, contra quos S. Augustinus ibi loquebatur, libertatem indifferentiæ ab homine vel maxime in statu naturæ lapsæ excluderint, consequenter etiam S. Augustinus contra Manichæos agens de statu naturæ lapsæ loqui censendus est. Unde finaliter contra Calvinistas tale formo argumentum: Si S. Augustinus voluisset homini in statu naturæ lapsæ denegare libertatem indifferentiæ, non efficaciter potuisset impugnare Manichæos, qui duas in homine animas, nempe bonam & malam adstruentes, pariter in statu naturæ lapsæ in eodem hanc libertatem indifferentiæ negarunt: adeoque ne sequatur, S. Patrem ineffaciter Manichæos impugnasse, admitti debet, quod is in allegato textu ac alibi voluerit, in homine, & quidem in statu naturæ lapsæ debere adhuc concedi aliquam libertatem indifferentiæ: neque quoad hoc punctum intendit improbare doctrinam Pelagianorum, sed ideo potius, quia addebant, liberum istud arbitrium operari meritorie absque adiutorio gratiæ. Verba ejusdem formalia Lib. 2. de Nupt. & concupisc. cap. 3. sic sonant: *Liberum in hominibus esse arbitrium* &c. *Utique dicimus; NB. non hinc estis Pelagiani. Liberum autem esse quemquam ad agendum bonum sine adiutorio DEI* &c. *Hoc vos dicitis, hinc NB. estis Pelagiani.*

177. Objicitur 1. ab Adversariis: S. Augustinus variis in locis expresse ait, per p.ccatum

Adami periisse liberum arbitrium: ergo in statu naturæ lapsæ negat liberum arbitrium cum libertate indifferentiæ. Anteced. probatur: sic enim inquit in Enchirid. cap. 30. *Libero arbitrio male utens homo. & se perdidit, & ipsum &c. Cum libero peccaretur arbitrio, victore peccato amissum est & liberum arbitrium.* Similiter Epist. 107. ad Vitalem: *Liberum arbitrium ad diligendum DEUM primi peccati granditate perdidimus.* item Lib. de perfect. Justit. cap. 4. *Victa victio in quod cecidit, voluntate, caruit libertate natura.* Non utique libertate à coactione: ergo libertate à necessitate, seu indifferentiæ. Anteced. declarationem horum, & similium D. Augustini textuum præsciendum est 1. quod strenuus ille Ecclesiæ Catholicæ Archistrategus non solum Manichæis libertatem indifferentiæ negantibus, verum etiam Pelagianis, omnia huic libertati, exclusa gratia, adscribentibus bellum indixit, si impugnat Manichæos, in modo loquendi videtur subinde favere Pelagianis, ac quasi omnia libertati humanæ attribuere: si certat contra Pelagianos, in modo loquendi, & nisi antecedentia, & subsequencia ad invicem connectantur, videtur subinde quasi integram ab homine in statu naturæ lapsæ cum Manichæis excludere libertatem indifferentiæ. Præsciendum est 2. quod homo in statu naturæ integræ, seu in statu innocentiae habuerit liberum arbitrium, non qualecunque, sed quod simul erat facile, & ad bonum expeditum: cum pro eo tempore homo fuerit præditus justitia originali, quæ fuit donum supernaturale, præ-

ter gratiam sanctificantem includens quoque alia beneficia, per quæ homo reddebatur facilis in omni occasione ad bene operandum, & impedi-
batur rebellio carnis ad spiritum. H. N.

Respondeo, Sanctum Augustinum non inten-
disse propter lapsum Adami in similibus textibus li-
berum arbitrium absolute negare in homine, prout
nimirum liberum arbitrium est potentia natura-
lis, positis omnibus ad agendum requisitis adhuc
valens agere, vel non agere, sed potius voluit
ibidem Augustinus excludere post lapsum Adami
liberum arbitrium, quatenus antea tam facile
expeditum ad operandum bonum, quod utique
per peccatum originale fuit amissum, succedente
loco ipsius fomite peccati, quo homo non qui-
dem necessitatur, multum tamen ad peccandum
allicitur. Videantur de hoc fusius Herincx *Part. 2.*
Theolog. Scholast. Disp. 2. Q. 1. num. 9. ac seqq.
& Franciscus Bonal. *Part. 2. Christiani hujus tem-*
poris c. 14. § 15.

178. Objicitur 2. DEUS præscivit ab æterno
omnia nostra Opera bona æque ac mala; sed quæ
DEUS semel ab æterno præscivit, necessario in
tempore sic eveniunt, cum scientia DEI sit in-
fallibilis; ergo omnia nostra opera bona, &
mala necessario eveniunt, sicque non habemus
libertatem indifferentiæ ad eadem facienda, vel
non facienda.

Respondeo *inprimis*, retorquendo argumentum quoad Opera Adami, & Evæ elicita ante peccatum: in quo statu juxta Calvinistas homo adhuc habuit libertatem indifferentiæ, licet DEUS ab æterno etiam illa opera, & eos ad illa præsciverit, quos primi parentes nostri ante peccatum elicuerunt.

Respondeo *secundo* disting. min. Omnia à DEO præscita necessario eveniunt necessitate consequente, Con. necessitate antecedente neg. min. & sub simili distinctione conceditur & negatur consequentia. Etenim quæ DEUS ab æterno præscivit, equidem in tempore *infallibiliter* existent, non tamen necessario necessitate antecedente aliquam determinationem liberi arbitrii: nam præscientia DEI non ponit opus futurum creaturæ, sed potius præsupponit illud, concurrente simul ante scientiam visionis aliquo Decreto ex parte DEI, juxta diversitatem scholarum, vel prædeterminante, vel condeeterminante, vel permittente saltem creaturis liberis motus suos agere. De hoc fusius in Theologia speculativa, ac pulcherrime desuper discurret noster Franciscus Bernal. *Part. 2. c. 8. 9. & 10.*

179. Objicitur 3. Saltem prædestinati ad gloriam æternam non libere operantur in ordine ad bonum, & malum: ergo non datur absolute in homine liberum arbitrium ad bonum, & malum. Probatur antecedens. Prædestinati ad vitam æternam datur gratia finalis efficax, qua

qua infallibiliter operabuntur bene: ergo isti non libere, seu cum libertate indifferentiæ operantur in ordine ad bonum, & malum. Respondeo neg. anteced. ad ejus probationem disting. anteced. Prædestinatis datur gratia efficax, qua infallibiliter bene operantur in tantum, in quantum à DEO ponuntur in his circumstantiis, in quibus prævidentur certo finaliter cooperaturi libere gratiæ Divinæ, conc. anteced. quasi per gratiam Divinam efficacem ad bene operandum necessitarentur, & ita prævenirentur, ut non haberent libertatem proximam, seu indifferentiæ ad bene operandum: neg. anteced. & sub data distinctione nego pariter consequentiam. Cur autem DEUS non omnes, sed tantum aliquos hac singulari afficiat gratia efficaci? Hoc non volentis, neque currentis, sed miserentis est DEI ad Rom. 9. ubi cum Divo Augustino in caput undecimum Apostoli ad Romanos exclamare necesse est: *O altitudo divitiarum sapientiæ, & scientiæ DEI, quam incomprehensibilia sunt judicia ejus!* Interea DEUS nec reliquos negligit, sed saltem gratiam sufficientem tribuit, qua pariter facile salvari possent, dummodo cooperari vellent. *Vocavi, & renuistis* (inquit Largitor omnium gratiarum DEUS, Proverb. cap. 1.) *extendi manum meam, & non fuit, qui aspiceret.*

180. Non equidem me later, quod Calvinus Lib. 2. *Instit. cap. 3. §. 10.* omnem gratiam sufficientem apud Herincox hic absolute neget, solam pro prædestinatis gratiam efficacem admittens, ubi

ubi quoad infelicissimos residuos sentit, eosdem DEO ad ostendendam suam omnipotentiam, & supremum in creaturas Dominium fuisse relictos in massa æternæ damnationis, subtrahendo ipsi omnia supernaturalia auxilia, utpote propter factam eorum præordinationem ad poenam æternam, non habitura finaliter suum effectum. Sed contra est 1. quod DEus omnes velit salvos fieri, 1. *Timoth. c. 2.* hincque pro omnibus sit passus 2. *Corinth. c. 5.* ergo etiam omnibus providit de gratiis supernaturalibus ad consequendam salutem necessariis; nam qui vult finem, etiam vult media ad consequendum finem, necessaria. Contra est 2. quod Stephanus *Act. 7. v. 51.* increpet Judæos tanquam homines incircumcisos corde, ac semper resistentes Spiritui Sancto. Quomodo autem increpari potuissent quod quasi semper Spiritui Sancto resistant, si nulum S. Spiritus instinctum intrinsecus advertissent? Quomodo appellari potuissent homines *incircumcisis cordibus*, si cor eorum nullos sensisset ad bonum amplectendum internos stimulos? *Subsumitur:* at qui hi ipsi interni stimuli proveniunt à Gratia Divina, non quidem semper efficaci: alias enim huic libere correspondissent: ergo saltem à sufficiente. Videatur de super Herinex *Part. 2. Tract. 4. Disp. 1. Quest. 3. num. 17.* & audiatur Divus Augustinus *Lib. 2. de peccat. merit. c. 17.* ubi ait: *Cum voluntate, NB. gratia adjuvante Divina, sine peccato in hac vita possit homo esse, cur non sit, possem facillime, ac veraissime respondere; quia homines nolunt.* Quid clarius pro gratia sufficiente?

§. XIV.

*De reali Præsentia Corporis Christi
in Eucharistia.*

181. Inter illos, qui equidem Christum in terris verum DEUM, & hominem ex una parte confitebantur; negabant autem ex altera, sub Eucharistia eundem vere ac realiter contineri, primus, qui publice id asserere ausus fuit, communiter scribitur fuisse circa annum Christi 1050. Berengarius, exinde pariter Sacramentarium Patrens appellatus. Quamvis non desint alii, qui hunc errorem præcedenter jam aliis, præsertim alicui Joanni Scoto (non quidem nostro Joanni Duns Scoto, utpote realis existentiae Corporis Christi in Eucharistia acerrimo propugnatori, ac primum ultra ducentos annos post Berengarium nato, sed longe alteri, nimirum Joanni Scoto Eri-gene) adscripserunt, ex cujus Libro, ad tempora usque Berengarii delitescente, demum ipsemet Berengarius, Patria Turonensis Gallus, suum deprompsit venenum, & Andegavi, ubi erat Archidiaconus, ubique diffudit. Liber ille memorati Joannis Scoti tempore Berengarii factus famosior, in Concilio Vercellensi productus, atque examinatus æque, ac pestifera Berengarii Doctrina, fuit condemnatus, ac demum Berengarius, Divino afflante Numine hæresin abjuravit, & Turonem reversus, in insula, quæ dicitur S. Cosmæ, per octo annos pœnitentiis corpus

pus suum castigans, & in servitutem redigens
anno 1088. teste Sianda V. Berengarius, in bon
opinione decessit: impedire tamen non potuit
hæreticæ hujus doctrinæ sectatores Albigenſes, W
cleffistas, Zwinglianos & Calvinistas &c. Con
tra hos itaque

182. Responderetur: Sub Eucharistia non tantum figurative, & per modum signi, sed verè ac realiter continetur Corpus, & Sanguis Christi. Probat 1. Christus, quando in ultima Cœna porrexerat Apostolis species panis, subjungit Matth. cap. 26. & Luc. cap. 22. *Hoc est Corpus meum: & non hoc figurat Corpus meum*, ergo sub speciebus panis verè continetur Corpus Christi, & non tantum figurative uti volunt Calvinistæ: nam debemus verba Sacræ Scripturæ in sensu proprio accipere, quando citra aliquod absurdum sic sumere possumus; alias aperiretur porta Hæreticis, etiam ab antiquissima Ecclesia jam reprobatis, suos circa diversa Myſteria SS. Trinitatis, Incarnationis &c. renovandi errores. Confirmatur 1. Christus in ultima Cœna porrexerat Apostolis illud corpus, quod postea fuit traditum ad crucifigendum, item distribuit illud sanguinem, qui fuit in Sacratissima Passionis effusus; atqui Corpus Christi traditum, & sanguis effusus fuerunt verum Corpus & sanguis realiter, uti est de fide, neque negant Calvinistæ: ergo pariter fuit verum Corpus, & sanguis in Cœna. Major probatur; quia Christus teste D.

Pau-

Paulo 1. Corinth. cap. 11. v. 24. dum Apostolis in ultima Cœna ante suam Passionem porrexerat Corpus suum, hæc verba subjunxit: *Hoc est Corpus meum, NB. quod pro vobis tradetur; & quando dedit sanguinem suum* Matth. cap. 26. vers. 28. *Hic est sanguis meus, qui pro multis effundetur in remissionem peccatorum.* Confirmatur. Christus Apostolis in ultima Cœna, & nobis in novo Testamento utique plus voluit dare, quam Israëlitis in Testamento antiquo; cum præcedentia fuerint præcise umbra futurorum: sed in figura Christum obtinuerunt etiam Israëlita sub Agno Paschali, & sub Manna cœlesti in deserto &c. Ergo Apostoli, & nos defacto non obtinemus amplius præcise in figura, ac signo, sicque realiter.

183. Probatur II. Ex praxi antiquissimæ Ecclesiæ; etenim Ecclesia ante Berengarium, aut saltem ante memoratum Joannem Scotum Erigenam inadubitata in ea persistit sententia, nimirum Corpus Christi realiter existere in Eucharistia; hincque sacram Hostiam in Liturgiis, seu Missis post peractam consecrationem adorare nunquam dubitavit: *Nemo illam Carnem manducat* (loquitur de suo tempore S. Augustinus in Psalmum 98.) *nisi prius adoraverit.* Est autem incredibile, quod Christus Ecclesiam suam sponsam dilectissimam etiam primis sæculis in tam gravi Idololatriæ errore reliquisset, si Corpus Christi à parte rei non foret realiter præsens in Eucharistia. Scio quidem

dem, quod Claudius non adeo pridem Sacramentorum Minister in Gallia effutire non erubuit, primum circa annum 820. Paschasium Monachum Corbejensem in suo libro de Corpore, & Sanguine Christi introduxisse realitatem Corporis Christi in Eucharistia antea in Ecclesia inauditam. Sed falsissimum hoc esse patet ex ipsius verbis dicti Paschasii, qui Lib. 12. in Matthæum apud nostrum Franciscum Henno *Tract. de Eucharistia, Quest. procemiali Art. 3. conclus. 3.* loquitur: *Miror, quod velint NB. nunc quidam dicere, non in re esse veritatem Carnis Christi, vel Sanguinis, sed in Sacramento virtutem Carnis, non carnem, virtutem sanguinis, & non sanguinem figuram, & non veritatem, umbram, & non corpus.* En! Paschasius miratur, *NB. nunc* (id est suo tempore) *NB. esse quosdam*, qui velint negare existentiam Corporis Christi in Eucharistia: qua veritate ergo asseritur, præfatum Monachum primum introduxisse hanc sententiam de existentia reali Corporis Christi in Eucharistia? Quam prudentia credi potest, totam Ecclesiam illico absque aliqua decisione Pontificia, vel Concilii decreto unius Monachi opinioni acquievissse, si eadem cum SS. PP. integris octo sæculis antea contrariæ fuisset sententiæ? Interim ex verbis formalibus dicti Monachi Paschasii colligo, quod vel Joannes Scotus Erigena jam vixerit ad initium sæculi noni, id est circa annum 820. fueritque inter illos aliquos, qui negarunt existentiam realem Corporis Christi in Eucharistia, vel quod eundem exiguo temporis spatio non-

nul-

nulli minus celebres præcesserint in pestifera illa doctrina Calvinistica, quæ primum publice famosa fieri cœpit tempore Berengarii.

184. Probatur III. Ex antiquissimis Conciliis & SS. PP. Sic enim Nicænum I. *Lib. 3. Cap. de sacra mensa*, ait: *Intelligamus, situm in illa sacra mensa Agnum illum DEI, tollentem peccata mundi, incruenter à Sacerdotibus immolatum, & pretiosum Ejus Corpus & Sanguinem NB. vere sumentes credamus, hæc esse nostræ Redemptionis symbola.* Nicænum II. *actione 6.* postquam fuscè ostendit, nullum Apostolorum, aut illustrium Patrum vocasse Eucharistiam *imaginem*, seu (quod idem est) *figuram Corporis Christi*, tandem ita concludit: *Dixit (supple Christus) accipite, edite, hoc est corpus meum &c.* Non autem dixit: *sumite, edite imaginem corporis mei.* Cum Christus ipse sic affirmet (inquit S. Cyrillus Catechesi 4. *Mystagogiæ*) atque dicat de Pane: *hoc est corpus meum*, quis deinceps audebit ambigere? Similiter D. Damascenus *Lib. 4. Orthod. fidei cap. 14.* *Nec panis, & vinum Corporis Christi figura sunt (absit enim hoc) verum ipsummet Domini corpus Divinitate affectum.* S. Chrysostomus loquens de Calice Domini in Epistolam 1. caput 10. Apostoli ad Corinthios quærit? *Quid est in Calice?* Et sibi met ipsi respondet: *Quod ex latere Christi fluxit.* S. Augustinus Prologo in Psalmum 33. tanquam aliquod miratione dignum proponit, quod Christus in ultima Cœna corpus suum in manibus suis portaverit; ubi

P. Anac. Reiffenstuel Theol. Supplem. S uti-

utique mirandum non fuisset, si ibi extitisset tantummodo Christi Corpus figurative tale; nam statuam, seu imaginem se repræsentantem quilibet portare potest. S. Hilarius Lib. 8. de Trinitate: *Carnis, & Sanguinis non est relictus ambigendi locus; nunc enim & ipsius Domini professione, & fide nostra NB. vere caro, & vere sanguis est.* Notetur hic denuo superius jam citata Confessio Calvinistarum Gallica apud Pichler de Conciliis num. 10. taliter ponens 6. symboli sui Articulum: *Admittimus, quod determinatum fuit per antiqua Concilia, & detestamur omnes Sectas, & hereses, quæ rejectæ fuerunt per Sanctos Doctores, ut per NB. Sanctum Hilarium, Sanctum Athanasium, Sanctum Ambrosium, NB. Sanctum Cyrillum.*

185. Objicitur I. Christus in Sacra Scriptura dicitur etiam *Agnus, Leo de tribu Juda, Vitis vera, Panis de Cælo descendens* &c. & tamen similia prædicata sumuntur tantum improprie, utpote quæ Christo competunt solummodo tropice, & sub aliqua figura: ergo etiam à pari ex eo, quod Christus in ultima Cæna dixerit: *Hoc est Corpus meum*, non sequitur, fuisse sub pane verum corpus reale Christi, sed tantum improprie, & per modum signi rememorativi, atque figurative tale. Respondetur distinguendo Anteced. quoad secundum membrum: Similia prædicata *Leo, Vitis, Agnus, Panis* (supple materialis) &c. &c. sumuntur tantum improprie, & hoc ideo, quia aliunde ex S. Scriptura, & fide noscitur, quod
Chri-

Christus non sit realiter *Leo*, *panis materialis*, vel *vitis* &c. sed potius verus *Homo*, Conced. secus negatur Anteced. & similiter distinguitur consequens: ex eo, quod Christus dixerit, *hoc est Corpus meum*, non sequitur sub speciebus panis existere Corpus reale Christi, si aliunde ex S. Scriptura, vel ex fide &c. sciretur contrarium; nimirum non contineri sub speciebus panis corpus Christi, conced. consequentia. Secus neg. conseq. Debemus enim juxta dicta in prima probatione verba Sacrae Scripturae tamdiu in sensu proprio sumere, quamdiu aliunde nos non cogit necessitas detorquendi in sensum improprium, qualis necessitas in praesenti non adest; cum ex una parte non possit ostendi implicantia replicationis ejusdem corporis juxta dicta in Philosophia; ex altera vero pro reali existentia Christi in Eucharistia stent textus Sacrae Scripturae, plurima Concilia, SS. Patres veteres, & praxis antiquae Ecclesiae. Scio equidem, quod aliqui ex SS. PP. antiquis Sacramentum Eucharistiae nominant *Symbolum*, seu *Signum*, &c. ubi tamen, ne sibi contradicant, non de Symbolo, seu signo speculativo, sed de signo practico, in quo ipsum signatum, nempe Christus realiter continetur, sunt intelligendi. Insuper potest sacra Eucharistia dici *symbolum* &c. quatenus est memoriale passionis, & mortis Domini nostri Jesu Christi. Ex quo prorsus nil contra nos sequitur.

186. Objicitur II. Si caro Christi esset in Eucharistia realiter, tunc haberet aliquem specialem effectum utilitatis, ad quid enim alias ibidem

cum tanto miraculo poneretur? Atqui nullum habet effectum utilitatis, nam *spiritus est, qui vivificat* (quando nempe panis ille figurativus spiritualiter fide manducatur) *caro non prodest quibusquam*, teste ipsomet Christo Joan. cap. 6. v. 64. ergo. Respondeo neg. min. etenim specialem huius sanctissimæ carnis manducatæ utilitatem Christus ipsemet loco proxime citato indicat, dum v. 55. ait: *Qui manducat meam carnem, & bibit meum sanguinem, habet vitam æternam.* Quod autem eodem capite v. 64. subjungat, *caro non prodest quidquam*, intelligendum id est de carne Christi sumpta absque spiritu, & absque fide: item de carne manducata sub specie visibili, & modo carnali, puta concisa dentibus &c. non autem de carne Christi sub speciebus panis modo spirituali seu definitive, & compenetratis ubique ad invicem partibus existente, & tali modo sumpta. Videatur desuper fufius Cornelius à Lapide in citatum textum.

187. Objicitur III. Si Christus cum corpore, & anima, Humanitate & Divinitate realiter existeret in Eucharistia; tunc etiam post gloriosam ascensionem Christi in cœlos adhuc semper eundem haberemus nobiscum in terris; sed post gloriosam ascensionem eundem non semper habemus nobiscum in terris, teste Ipsomet Matth. cap. 26. v. 11. ibi: *Me autem non semper habetis*; ergo. Resp. Dist. Maj. haberemus nobiscum adhuc Christum modo visibili, & circumscriptive in terris existentem neg. Maj. modo in-

invisibili, ac definitive Conced. Maj. & similiter distincta minori, negatur consequentia. Quod autem Christus semper nobiscum sit modo saltem invisibili, fatetur Is apud eundem Matthæum cap. ult. v. 20. *Ego vobiscum sum omnibus diebus, usque ad consummationem sæculi.*

188. Objicitur IV. Ex concessione realis existentia Christi in Eucharistia sequerentur plurima inconvenientia, atqui ea in reverentiam Christi utique non possunt admitti: ergo. Sequela Majoris probatur; sequeretur enim 1. Christum per os hominis descendere in stomachum sæpe variis spurcitiis adhuc repletum. 2. Exinde emitti in secessum. 3. Integrum Virum cum carne, & ossibus intra brevissimum temporis spatium deglutiri, 4. Posse Eundem projici in Cloacam, putrescendo abire in vermes, &c. quæ omnia sunt inconvenientia: ergo. Ad has objectiones absurditates, quasi ex admissione realis existentia Christi in Eucharistia sequerentur, terminis modestis, fundate tamen respondet Pichler hic, negando absurdum esse id, quod Christus ipsemet juxta probationes jam in responsione allegatas fieri voluit, cupiens ex summo erga nos amore intime nobiscum uniri. Neutiquam à nostra abhorret vilitate, qui pro nobis quasi malefactor duos inter latrones voluit crucifigi; nec à nostro nauseat stomacho &c. cum ipse nil amplius pati queat in Eucharistia, partim quia corpus ejusdem jam est gloriosum in cœlis: partim quia compenetratis in ordine

ad locum ad invicem inter se partibus modo quasi spirituali (uti loquuntur Theologi) in Eucharistia, imo etiam in minima particula existit, & consequenter facile deglutiri potest. Porro qui indigne tractant Corpus Christi, peccant quidem gravissime, à parte rei tamen Corpori ejusdem glorioso nullum realem dolorem causant. Si in Cloacam, vel alium immundum locum deveniat, tam parum fœdatur Christus, quam parum polluitur DEus qua talis ubique, & consequenter etiam in fœdissimis locis existens, aut radius solaris cloacam pertransiens. Nec Christus putrescit, aut in vermes abit. Similia enim non amplius Christum, in cœlis jam gloriosum afficiunt, sed duntaxat species Eucharisticas, ubi DEus in defectum substantiæ panis, stante simili specierum corruptione aliam substituit. Plura videre poteris apud P. Henno Tract. de Eucharistia, fusius in Quæstione Proœmiali de super tractantem.

§. XV.

APPENDIX,

Continens modum disputandi cum Protestantibus Romani Imperii, puta cum Lutheranis, & Calvinistis; ubi etiam succinctè, solida tamen pro veritate Catholica contra Protestantes inseruntur Principia.

189. Quær. I. An, & quomodo consulatur disputatio cum Protestantibus? Respond. 1. publi-

blicam & solemnem cum ipsis disputationem instituere in Romano Imperio absque speciali licentia legitimorum tam in Ecclesiasticis, quam politicis Superiorum non licet. Ratio est; quia posset exinde oriri in fide prostitutio, & magna quoad quietem publicam perturbatio, adeoque necesse est, prius ad utrosque recurrere Superiores. Respond. 2. equidem in jure Canonico etiam privata disputatio cum Hæreticis absque Superiorum facultate instituenda probibetur, Clericis quidem *Can. cum quibus 24. Q. 3.* Laicis autem *cap. quicumque 2. de Hæreticis in 6.* In Germania autem, ubi Protestantes sunt tolerati, Decreta ista non sunt recepta, vel saltem quoad hoc punctum usu contrario abrogata; cum passim videamus similes Disputationes institui, etiam à timoratis, absque scrupulo, & anxietate. Optandum tamen, ut semper debitæ adhibeantur cautelæ. Respond. 3. Si Hæretici sunt materiales, ac tales, respectu quorum prudens affulget spes conversionis, salubriter (præcedente Divinæ gratiæ Invocatione) cum ipsis ex sancto, non vano fine instituitur disputatio; amicabile tamen, & si fieri potest, remotis aliis, ob quorum præsentiam fortassis alias, ne coram illis confundantur, pressius suæ doctrinæ adhærerent. Ratio eruitur ex principiis Christianæ Charitatis. Respond. 4. Si apud Hæreticos præcise materiales non appareat prudens spes conversionis, consultius disputatio cum ipsis intermittitur. Ratio est; quia in tali casu nil boni, illud autem mali evenire posset, ut ex materiali fieret Hæreticus formalis, sic.

sicque formaliter delinqueret, qui antea tantum materialiter peccavit. In hoc prudenter ages, si talem materiale Hæreticum in discursu familiariter suaviter disponas ad eliciendam sapius de suis peccatis perfectam contritionem: ita enim, si forsan peccatorum quoque carnis, vel aliorum gravium præter defectum fidei reus esset, adhuc salvari posset. Respond. 5. Si Hæreticus fuerit formalis, effrons, & pertinax, obsequendum est consilio D. Pauli ad Titum c. 3. v. 10. *Hæreticum hominem post unam, & secundam correptionem evita.* Non enim foret spes alicujus fructus nisi alii forsan præsentem utilitatem exinde caperent, vel nonnulli ex intermissione Disputationis hujusce inciperent in fide vacillare. Supponitur autem hic, te alias capacem, & sufficienter pro simili certamine esse instructum.

190. Quær. II. An consultius sit in tali disputatione se habere potius defensiva, quam aggressiva? Resp. ordinarie loquendo melius, ac consultius ager, qui in tali certamine se potius defensiva, quam aggressive gerit, rejiciendo onus probandi in Protestantes. Cum enim hi dicant, nostram Ecclesiam primis sæculis veram successu temporis defecisse, factamque esse meretricem illam Babylonicam, de qua in Apocalypsi, ipsis incumbit, assertum suum probare, nobisque in possessione existentibus ex Sacra Scriptura defectum hunc, & errores contra fidem ostendere.

191. Quær. III. Quomodo se gerere debeat Catholicus ille, qui in disputatione cum Protestante se habet defensive? Resp. *in primis* ex Protestante interroget, ex quibus Principiis probet, nostram Ecclesiam defecisse, & in errores contra fidem prolapsam esse. Illico respondebit ille: *ex Scriptura*; nam ad hanc Protestantes refugiunt, accumulantes, ac etiam capillis (ut dicitur) ad suum intentum attrahentes Sacra Scripturae textus. Sed ulterius quærendo urgeat Catholicus, cum ex terminis, & de fide per se notum non sit, quod Codex ille, quem Sacram Scripturam ajunt, sit verbum DEI, quo modo id contra Judæos, qui Thalmud, & contra Mahometanos, qui Alcoranum credunt potius esse Verbum Divinum, efficaciter suum intentum probare queant? Experieris, quod jam hallucinentur Protestantes, coacti ad traditiones, quas alias negant, refugere, & ad alias notas Ecclesiæ Christianæ, quæ eandem præ aliis tanquam veram distinguunt. Ulterius concesso contra Christiani Nominis hostes Sacro Codice tanquam Verbo Divino, indaget: *secundo*, quoniam ante disputationem cognosci debet, quinam Libri Scripturae sint Canonici, undenam sciant Protestantes, quod potius Eorum Canon, seu Catalogus librorum, quam noster, contineat Verbum Divinum, cum tamen Catalogum nostrum Concilium Tridentinum desumpserit ex Florentino: Florentinum à Romano, celebrato sub Gelasio I. Pontifice; Gelasius ab Augustino: Augustinus à Concilio Carthaginensi: Concilium Carthaginense ab Inno-

centio I. Papa in Epistola ad Exuperium, qui Innocentius vixit circa annum Christi *quadragesimum secundum*, adeoque primis respective quatuor sæculis? Sane ex ipsa Scriptura Protestantibus in æternum non probabunt legitimos Libros Canonicos sacre Scripturæ; itaque refugere necesse erit ad Auctoritatem Ecclesiæ nobis hunc Canonem proponentis. Cur autem præ Ecclesiâ Catholica in hoc puncto deberet respici Ecclesiâ Protestantium?

Inset *tertio*, cum intra ipsum Corpus Religionis Christianæ exortæ sint variae hæreses, ubi quælibet in suum favorem adducit textus sacre Scripturæ, cuinam competat Auctoritas authentice suos textus interpretandi? Nec Calvinus Lutheri, nec inter Lutheranos rigidi moderatissimi, nec inter Calvinistas Remonstrantes, ac Sociniani Gomoristis in allegandis sacri Codicis textibus, atque apparentibus rationibus ullatenus cedent, nisi admittatur Caput supremum aliquod visibile, sine, vel saltem cum Ecclesiâ hæc dubia decidens. Cur ergo excludunt Summum Pontificem quasi Anti-Christum? Profecto in æternum Protestantes ex ipsa Scriptura non poterunt demonstrare Catholicis, solam fidem justificare, seu salvare, cum Hi illico alios copiosos opponent sacre Scripturæ, & antiquorum Sanctorum Patrum textus, qui similiter Charitati aliisque bonis operibus remissionem peccatorum, & æternam salutem attribuunt. Quorsum ergo pro resolutione recurendum, nisi ad supremam Cathedram,

à qua sese Protestantes sine sufficienti causa separarunt?

192. Quær. IV. Quid observare debeat Catholicus, qui cum Protestantibus disputat aggressivè? Respond. talis non facile debet descendere ad materias particulares E. G. de Confessione auriculari, de communione sub una specie, de reali præsentia Christi in Eucharistia &c. vel de transubstantiatione &c. Itaque suadetur, ut potius, regulariter loquendo & nisi circumstantiæ aliud exigant, maneat in principiis generalibus; nimirum quod vera Ecclesia in fide non possit errare; Item quod nostra sit vera Ecclesia, & quod aliæ Religiones non habeant notas veræ Ecclesiæ &c. &c. nam ex his principiis generalibus possunt probari singuli articuli Catholicorum. E. G. sit disceptatio, utrum præter fidem bona opera sint necessaria ad justificationem, & salutem æternam, ut probetur sententia affirmativa, sequens argumentum formari, & ad quemlibet articulum fidei nostræ in *minori* applicari posset taliter proponendo:

Omnia illa, quæ vera Ecclesia Christi docet requiri ad justificationem, & salutem, sunt necessaria ad eandem;

Sed vera Ecclesia Christi docet, requiri præter fidem bona opera ad justificationem, & salutem.

Er-

Ergo præter fidem bona opera sunt necessaria ad eandem.

Major patet.

Quia juxta Sacram Scripturam vera Ecclesia est columna Veritatis, posita supra Petram, adversus quam Portæ inferni non prævalebunt; consequenter in iis, quæ concernunt fidem, seu quæ nostram concernunt justificationem, & salutem nequit errare, & falsum docere. Et plane alias Fideles in vera Ecclesia nunquam quiete vivere possent, utrum non in præscriptis ad Salutem consequendam ab Ecclesia Regulis decipiantur, & inducantur.

Minor probatur.

Ecclesia Catholica Romana docet, præter fidem requiri bona opera ad justificationem & salutem;

Sed hæc est vera Christi Ecclesia, uti ex notis vera Ecclesia mox ostendetur; ergo.

193. Quær. Itaque V. Quenam sint illæ Notæ veræ Ecclesiæ? Et quomodo probetur, easdem habere Ecclesiam Catholicam? Ante responsiones præsciendum 1. Notam esse signum, quod ducit, vel ducere potest in cognitionem alterius; ex quo eruitur, quod Nota debeat respectu nostrum esse notior, quam id, cujus est nota, seu signum. Præsciendum 2. Gratis Acatholicis concedi, apud veram Ecclesiam existere purum Verbum DEI,

&

& legitimam Sacramentorum administrationem, utrum autem his competat definitio Notæ superius descriptæ, quæstio est, ad quam

Respond. I. Notæ veræ Ecclesiæ non bene à Protestantibus assignantur pura, & inconcussa prædicatio Evangelii, atque legitima administratio Sacramentorum. Ratio est, quia qualibet secta ex Religione Christiana hæc duo sibi attribuit; ergo debet primum per aliquod notius ostendi, quænam ex his, utrum Calvinistica, vel Lutherana, aut Religio Catholica prædicet purum Verbum Divinum; & legitime administret Sacramenta. Confirmatur; ut prædicetur purum Verbum Divinum, debet illud prædicari juxta legitimam interpretationem textuum: ergo iterum debet primum ex alio constare, quisnam illos legitime interpretetur; nam æque Calvinistæ, ac Lutherani, Zwingliani, Ariani, & Sociniani &c. &c. sibi legitimam interpretationem sacræ Scripturæ attribuunt.

Respond. II. Notæ veræ Ecclesiæ sunt præcipue quatuor. 1. ut sit *Una*, 2. *Sancta*. 3. *Catholica*, & 4. *Apostolica*. Ita memorata prædicata Ecclesiæ veræ appropriat partim Symbolum Apostolorum, partim Nicænum, quod utrumque admittunt Protestantes. Accedit, Confessionem Augustanam Art. 7. ipsammet fateri, quod *una, sancta Ecclesia perpetuo mansura sit*: consequenter admittunt, veram Ecclesiam debere esse *unam, sanctam*, (& cum perpetuo mansura sit) *Apostolicam*, quam etiam Artic. 21. vocant *Catholicam*. Videatur Reif-

Reiffenstuel *Tract. 4. Theologie Moral. Dist. 2. Quæst. 2. num. 12.*

194. Respond. III. Hæ quatuor Notæ competunt Ecclesiæ Romano-Catholicæ, prout patet succincta enumeratione. *In primis* enim est unitate Fidei, nec aliud credunt in Indiis, quam in Europa, nec diversum in Asia, ac in Africa, ibidem existentes Romano-Catholici, utpote ubique habentes eundem supremum Controversiarum Fidei Judicem. Lites inter Catholicos Theologos non concernunt punctum Fidei, ac insuper utraque Pars se submittit Ecclesiæ, si aliter, ac sentiunt, decidatur. *Secundo* est sancta, tum ob sanctitatem Doctrinæ magis coarctans, quam relaxans libertatem humanam, alias ob fomitem peccati ad mala pronissimam: Tum propter sanctissimos Viros in hac Ecclesia existentes, quales sunt Hieronymus, Ambrosius, Chrysostomus, & Augustinus, qui ultimus tanti eam, in qua vixit (id est nostram) æstimavit Ecclesiam, ut Lib. contra Epist. fundam. c. 5. dicere non dubitaverit; *Evangelio non crederem, nisi me Catholica Ecclesia commoveret Auctoritas.* *Tertio*. Ecclesia nostra est Catholica, seu per totum terrarum orbem diffusa, prout in omnibus quatuor mundi partibus invenitur ubique prædicans Evangelium, etiam cum copiosa sæpius effusione sanguinis. Quære in locis, in quibus cum Protestantibus permixti vivimus, ubinam degant Catholici, vel quænam sic eorum Ecclesia, & illico tibi via monstrabitur ad nostram. *Quarto* Ecclesia nostra est Apostolica, seu

seu à Christo, & Apostolis per continuam legitimam successionem derivata. Probatur: Ecclesia nostra primis sæculis fuit Apostolica, & defacto non potest ostendi, quod à Doctrina Christi, nobis per Apostolos communicata, successu temporis recesserit: ergo adhuc manet Apostolica. Anteced. quoad 1. partem admittitur ab ipsismet, in quantum scio, Adversariis. Et quæso, ad quam aliam Ecclesiam illo tempore pro audiendo puro Verbo Dei, & legitima administratione Sacramentorum debuisset recurri, nisi ad eam, in qua erat prima sedes Petri? Unde cognosci potuisset primis statim duobus sæculis, Ebionitas, Nicolaitas, Montanistas, Gnosticos &c. iuste fuisse ab Ecclesia reprobatos, si Caput Ecclesiæ fuisset illegitimum, & spurium? Quoad secundam partem, quod successu temporis non defecerit nostra Ecclesia, probatur; quia nec potest assignari tempus hujus defectionis, in quo assignando mire inter se disconveniunt Protestantes; Neque locus, in quo illa vera Ecclesia ante Lutherum, & Calvinum post prima sæcula existerit, si nostra defecisset: insuper argumenta contraria, quibus errores ostendere conantur, facile solvuntur. Quare finaliter Ecclesia Romano-Catholica inconcussa in sua manet possessione, & Protestantes unico constringuntur Syllogismo sequenti:

Congregatio illa, quæ est Una, Sancta, Catholica, & Apostolica, est vera Ecclesia;
Sed Congregatio Romano - Catholicorum est Una, Sancta, Catholica, & Apostolica:

Er-

Ergo Congregatio Romano - Catholicorum est vera Ecclesia.

195. Quæritur ultimo, An non possint pariter afferri succincta aliqua Principia, quibus efficaciter impugnatur Secta Protestantium? Respondentes sequentes Syllogismos efficaciter impugnare Sectam Protestantium.

SYLLOGISMUS I.

Illa Ecclesia non est vera, quæ docet errores jam in Ecclesia antiqua primis sæculis proscriptos;

Sed Ecclesia Protestantium docet errores primis sæculis jam proscriptos;

Ergo Ecclesia Protestantium non est vera.

Minor probatur.

Protestantes in primis docent, solam fidem conferre justificationem, & salutem, non autem ullatenus ipsa opera bona. Idem docuit Simon Magus anno Christi 40. testibus S. Irenæo *adversus hæreses* cap. 20. & Theodoretō *Lib. 1. hæret. fab.* Idem Aetiani, seu Eunomiani teste S. Damasceno *Lib. de Hæres.* quos damnavit Ecclesia circa annum Christi 360. teste S. Augustino *hæresi* 54. Secundo Protestantes reiiciunt cultum Religiosum, & invocationem Sanctorum. Idem docuit Faustus

Ma-

Manichæus teste S. Augustino, & Vigilantius teste S. Hieronymo, alique plures, propterea ab Ecclesia antiqua damnati, testibus Cedreno, ac Nicephoro apud Pichler in Appendice Art. 9. *Tertio* irrident suffragia pro defunctis, quod idem fecerunt Aeriani, referente Divo Augustino circa annum 340. apud Sianda V. Aeriani. Nota hic, quod Aetiani sine alii Hæretici, ac Aeriani.

SYLLOGISMUS. II.

Illæ Ecclesia non est vera, quæ non est Una;

Sed Ecclesia Protestantium non est Una:

Ergo Ecclesia Protestantium non est vera.

Major patet ex dictis superius, uti pariter minor, dum præcedentibus paragraphis jam indicavimus, quomodo Lutherani Calvinistas, & ex ipsis Lutheranis Amsdorsiienses Confessionistas &c. ex Calvinistis Remonstrantes Contra - Remonstrantes &c. &c. rejiciant, & gravissimorum errorum arguant. Convenerunt circa annum 1568. ex ordinatione Augustini Electoris Saxonix, & Joannis Guilielmi Ducis Saxonix duodecim Theologi Lutherani, sex Electorales, & totidem Ducales, ut finem imponerent periculosis inter se litibus circa justificationem, liberum arbitrium &c. & aliud actum non est, quam quod mutuis sese dictariis laceraverint, vocando se adinvicem vel *Manichæos*, vel *Epicureos*, *falsarios*, *impios*, *errorum*, & *corruptelarum palliatores* &c. &c.

LYLLOGISMUS III.

Illam non est Ecclesia vera, quae non extitit tempore Christi, & Apostolorum; Sed Ecclesia Protestantium non extitit tempore Christi, & Apostolorum:

Ergo Ecclesia Protestantium non est Ecclesia vera.

Major patet, quia Ecclesia vera debet esse Apostolica, & durare usque ad consummationem saeculi. Minor probata fuit antecederet. Nam Lutherani, & Calvinistae tempore Apostolorum nequoad nomen, nec quoad doctrinam suam extiterunt. Vel ostendant nobis efficaciter ex Sacra Scriptura, quod Doctrina, E. G. adscribens solae fidei justificationem jam fuerit Doctrina Christi & Apostolorum &c. ergo.

SYLLOGISMUS IV.

Illam non est Ecclesia vera, quae non est Ecclesia Sancta.

Sed Ecclesia Protestantium non est Ecclesia Sancta:

Ergo Ecclesia Protestantium non est Ecclesia vera.

Minor probatur.

Etenim Ecclesia Protestantium non est Sancta à suis Auctoribus Lutero, & Calvino, quorum vita

vita ex authenticis Scriptoribus desumpta superius
ad nauseam usque legi poterit: neque est sancta
sanctitate Doctrinæ, qua Sacerdotibus uxores, Prin-
cipibus bona Ecclesiastica multorum Episcopa-
tum, singulis comestionem carnis tempore je-
junii concessit, tollendo Quadragesimam &c. Pro-
fecto non invenio sanctitatem in illa doctrina, quæ
in uno die mille non curat fornicationes, dum-
modo conservetur fides in Christum. Ita docet
Lutherus, de quo de hoc capite n. 25. Fusius
P. Pichler *Part. 5. Theolog. Polemica c. 1. & 2.*
per totum.

O. A. M. D. G.

CAPUT III.

Comprehendens

*Propositiones damnatas Michaëlis Paji, Cor-
nellii Jansenii, & Paschasii Quesnellii, circa
Liberum Arbitrium, Gratiam Divinam,
& Charitatem, à potiori respicientes Theo-
logiam Speculativam, & Dogmaticam.*

Etsi Theologia speculativa in contemplatione
rerum Divinarum, DEI nimirum Unius in Es-
sentia, & Trini in Personis, Verbi Divini incar-
nati &c. sese potissimum occupet; non tamen
T 2 juxta

juxta modernam Scholasticorum methodum alias quoque à sua speculatione excludit materias, quin accuratius de iisdem E. G. de gratia, & libero arbitrio, de meritis, atque peccatis examen instituat. Quare cum præsentēs Propositiones damnatæ circa proxime allegatas materias ex una parte versentur, ex altera vero Auctores ipsimet necdum ab Ecclesiâ (uti Lutherus, & Calvinus) tanquam formales hæretici declarentur, merito potius ad hoc tertium quam ad secundum Caput reducuntur.

§. I.

Præmittuntur Notanda Generalia circa Propositiones damnatas Michaelis Baji, Cornelii Jansenii, & Paschasii Quenelii, seu (ut vulgo scribi solet) Quesnellii.

I. Notandum I. Omnes tres in titulo parægraphi allegatos sese, ac Doctrinam suam Sanctæ Romanæ Catholicæ Ecclesiæ submisisse, ita tamen, ut Paschasius Quesnellius in sua à Papa ad Generale Concilium appellatione ad mortem usque perstiterit, cujus fidei professio quatuor diebus ante obitum emissâ sic sonat:

Ego infra scriptus Paschasius Quesnellius natus Parisiis, Presbyter Oratorii Galliæ, lecto decumbens, graviter infirmus & fortassis brevi supremo Judicio redditurus rationem omnium vitæ meæ actionum de-
cla-

claro, quod sequitur. Credo omnes veritates, quas
 JEsus Christus docuit Ecclesiam suam, cujus in sinu
 mori volo, & cum qua damno omnes errores, quos
 illa condemnaverit. Agnosco summum Pontificem
 Primum JEsu Christi Vicarium, & Apostolicam se-
 dem centrum unitatis. Declaro, quod nihil unquam
 intenderim dicere, nihil scribere, nec cogitare con-
 trarium illi, quod sancta Ecclesia Catholica credit aut
 docet: vel reverentia, quam humillimi Ecclesiae Filii
 ejus decisionibus debent. Quod attinet ad meum
 librum Reflexionum Moralium in novum Testamen-
 tum, declaro, quod, dum eum componerem nec mi-
 nimam unquam cogitationem habuerim aliquid ibi
 ponendi, quod Ecclesia sensui esset oppositum, vel
 haberet connexionem cum perniciosis erroribus, aut
 perversis intentionibus, qui mihi imputati fuere tum
 Romae, tum in Galliis, quosque toto corde detestor:
 sed quod sola intentio, quam habui eum componens,
 fuerit exhibere Ecclesiae modicum quoddam obsequium
 instruendo fideles: quod perseverem in ea opinione,
 quod nihil docuerim in meo libro Reflexionum Mo-
 raliu[m], nec in aliis scriptis meis, quod non sit summe
 conforme Ecclesiae fidei. Casu quo tamen contra
 meam intentionem aliquid mihi excidisset, quod esset
 illi contrarium, id revoco, atque detestor, submit-
 tendo me insuper omnibus illis, quae definiet Ecclesia
 circa scripta mea, meamque personam: quod re-
 novem meas querelas, ac protestationes, quas feci
 contra injustitiam manifestam eorum, qui me con-
 demnarunt, absque eo, quod me audissent, aut a me
 in meam defensionem scripta legissent; quod per-
 sistam in appellatione ad futurum Generale Conci-
 lium,

lium, quam interposui à Constitutione N. S. P. Papae, quae incipit his Verbis, Unigenitus DEI filius & ab omnibus gravaminibus, de quibus iustitiam mihi fieri ab Ecclesia petii: quod tandem detester omnem spiritum schismatis, & divisionis. Hi sunt sensus animi mei, quibus immori volo in communione, & unitate Ecclesiae Catholicae, Apostolicae, & Romanae. Actum Amstelodami in praesentia Protonotariorum Apostolicorum, & testium requisitorum 28 Novembris anno 1719.

2. Notandum II. Paschasium Quesnellium in hac fidei Professione longe audaciorem fuisse suis antecessoribus Bajo, & Jansenio. Etenim Michael Bajus, absque ullius appellationis ad aliquod Concilium interpositione anno 1580. 24. Martii ingenuè fassus est, à Summis Pontificibus suarum sententiarum damnationem, atque prohibitionem jure meritoque ac non nisi maturo judicio, & diligentissima discussione praemissis, factam, atque decretam esse; ubi etiam in fine declarat, se ab iis omnibus recedere, & damnationi à Sancta sede factae acquiescere, neque posthac ullam earum docere, aut defendere velle, prout totam confessionem verbotenus refert noster Herincx appendice ad II. Sententiae fol. 8. Item Cornelius Jansenius testamento, quod media ante obitum hora perfecisse scribitur, expressisse haec formalia inseruit: *Sentio quidem Sedes aliquid mutari posse: si tamen Romana Sedes aliquid mutari velit, sum obediens filius illius Ecclesiae, in qua semper vixi: usque ad hunc lectum mortis obediens sum. Ista mea postrema voluntas est.*

est. Quin imo etiam jam antea in ipsomet suo libro *Augustinus* intitulato, se suaque omnia subjecit censuræ supremi Pastoris his verbis: *Quidquid ab ista Petri Cathedra, NB. ab isto universæ Ecclesiæ Capite Moderatore, Pontifice præscriptum fuerit, hoc teneo: quidquid improbatum, improbo; damnatum damno: anathematizatum, anathematizo: Ubi e contra Paschasius Quesnellius, etsi quoad Doctrinam suam presse insistat vestigiis Baji, ac Jansenii, noluit tamen ex integro quoad revocationem antecessorum sequi exemplum, utpote renuens obedire Mandato Summi Pontificis Clementis XI. per famosam Bullam *Unigenitus* expresse indicato, contra quam Bullam ad futurum Concilium Generale (nescio quo tempore futurum) appellavit.*

3. Notandum III. Hanc ipsam Quesnellii appellationem omnibus Hæreticis servire tanquam universale refugium: nam appellare ad futurum generale Concilium est appellare ad Judicem, qui nunc non existit & probabilissime non existet toto tempore, quo Appellantes vitam suam ducunt; quoniam Generalia Concilia rarissime, & non nisi cum summis expensis, ac maximis difficultatibus celebrantur; hincque tales exinde haberent occasionem aplissimam intra tantum temporis spatium latissime suam ulterius extendendi pestiferam doctrinam. Videatur de hoc Dominicus Viva, in *Trut. Thes. damnat. Part. 1. Quest. Prodroma n. 7.* Accedit insuper, quod similibus Appellantibus, etiam congregato jam Concilio Ge-

nerali, facile foret, illud quoque, si advertant
contrarium, novo astu eludere, quasi non esse
legitimum, & liberum. Hoc refugio ad lucran-
dum tempus astute usus erat Martinus Lutherus
qui præprimis à Cardinali Cajetano ad Pontificem
exinde à Pontifice male informato ad melius in-
formandum, ac demum à Pontifice ad futurum
Concilium Generale appellavit; dumque adver-
tit, neque hoc sibi fore favorable contra istam
quoque excepit. Videsne fructum talis appella-
tionis? Quare,

4. Notandum IV. Dictum appellationis prin-
cipium nullatenus à Catholicis esse admittendum
ne alias Ecclesia longiori sapius tempore quo
controversias gravissimas fidei maneat incerta,
dubia, indeque plurimæ in eadem oriantur con-
fusiones, perturbationes, & schismata. Itaque
vel absolute est tenendum, summum Pontificem
in materia fidei & morum etiam se solo esse
infallibilem, dummodo loquatur ex Cathedra
prout nos istam sententiam in Quæstionibus pro-
legomenicis defendimus, vel saltem, si cum non
paucis Theologis Gallis summo Pontifici absque
consensu Ecclesiæ hæc infallibilitas denegeretur
adstrui debet ob rationes proxime allegatas, suffi-
cere Ecclesiæ consensum quoad membra potiora
etiam extra actuale Concilium Generale; Sic enim
jam ante primum Generale Concilium (nempe
Nicænum I.) damnatae fuerunt hæreses Ebioni-
tarum, Novatianorum, Subellianorum &c. Item
extra aliquod Generale Concilium damnata fuit
hæ-

hæresis Pelagii teste Prospero in suo Chronico, nec non hæreses Prisciliani, Vigilantii, Joviniani, & aliorum, apud Bellarminum *Lib. 4. cap. 3.* quæ omnes enarratæ hæreses possent adhuc reclamare, si ad legitimam damnationem requireretur necessario congregatum Generale Concilium. Imo, quod plus est, nec ipsum Generale Concilium habet hanc infallibilem Spiritus Sancti assistentiam, nisi quatenus repræsentat totam Ecclesiam. Subsumitur: Atqui Ecclesia quoad membra potiora (paucissimis respectu Episcopatus exceptis) consensit in Bullam Clementis XI. *Unigenitus*: ergo debet eadem recipi, & Doctrina Paschasii Quesnellii ibidem rejecta à veris Catholicis reprobari. In compendio contra Quesnellianos formatur sequens Syllogismus:

Omnia, quæ summus Pontifex cum Ecclesia, in materia fidei, ac morum infallibilis, damnat, debent à veris Catholicis reprobari:

Sed summus Pontifex cum Ecclesia in materia fidei, & morum infallibilis, per Bullam, Unigenitus, damnat 101. propositiones Paschasii Quesnellii:

Ergo hæ centum & una propositiones debent à veris Catholicis reprobari.

§. Notandum V. Bajanistas, & Jansenistas, quorum Auctores summo Pontifici, etiam soli, si

loquatur ex Cathedra, non ausi sunt denegare infallibilitatem, saltem in materia Juris, posse impugnari sequenti argumento:

Quaecunque Summus Pontifex loquens ex Cathedra damnat, debent à veris Catholicis censi legitime reprobata: Sed Summus Pontifex loquens ex Cathedra damnat septuaginta novem Propositiones Michaëlis Baji, & quinque Jansenii:

Ergo à veris Catholicis debent dictae Propositiones censi legitime reprobatae.

6. Non equidem me latet, quidnam ad hunc Syllogismum reponant Bajanistae, & Jansenistae: nimirum has propositiones debere quidem à Catholicis censi legitime reprobatas, prout jacent in sensu obvio, non vero in sensu à Bajo, & Jansenio intento. Quoniam ultima non amplius est quaestio juris, in qua admittunt summum Pontificem etiam extra Generale Concilium infallibilem, sed potius est quaestio facti, respectu cujus, ajunt, summum Pontificem ex mala aliorum informatione falli posse. Sed contra est primo, quod hanc ipsam Adversariorum evasionem Successores Pontifices Alexander VII. Innocentius XII. & Clemens XI. de novo reprobaverint, expresse addendo, se propositiones praedictas damnare etiam in sensu à suis auctoribus intento; uti per extensum haec Bulla refertur in principio Tomi primi.

Contra est *secundo*: Quod illæ ipsæ Propositiones Bajanae, Jansenisticae & Quesnellianæ, prout continentur in Bullis eas damnantibus, & uti reperiuntur in Libris horum Auctorum, sint prorsus eadem in sensu communi significationis ex una parte; ex altera vero neque ex immediate antecedentibus neque ex immediate subsequentibus per auctores ad alium, quam istum significationis sensum communem restringantur, uti summi Pontifices post diligens examen, & accuratissimam ad invicem collationem optime adverterunt: ergo si recte fuerunt damnatae in sensu obvio, ac prout jacent, pariter fuerunt recte damnatae in sensu ab auctoribus intento, utpote prorsus eodem.

Contra est *tertio*: Quod etsi verum sit, summum Pontificem in quaestionibus particularibus facti, & non pertinentibus ad communem Ecclesiae fidem, Religionem, ac morum sanctitatem, posse falli, atque errare; hoc tamen falsum est in quaestionibus facti, habentibus necessariam connexionem cum quaestionibus juris in puncto Fidei, Religionis, & morum: alias enim eadem distinctione potuissent efficaciam damnationis facillime pariter eludere Pelagius, Vigilantius, & Jovinianus, sicque in sinu Ecclesiae tanquam serpentes in gremio Matris cum ingenti Ecclesiae detrimento conservare sectatores suos dicendo, propositiones quidem illas fuisse recte damnatas, *prout jacent*; non tamen *in sensu* ab his auctoribus *intento*.

Contra est *quarto*: Generale Concilium cum supremo Capite in materia fidei est infallibile non solum in materia juris, sed etiam in materia fidei: ergo etiam summus Pontifex loquens ex Cathedra extra Concilium Generale. Consequentia eruitur ex jam dictis; cum textus Sacrae Scripturae aequae, imo respective magis Petro, ac Successoribus tribuane assistentiam Spiritus Sancti, quam Concilio Generali representanti Ecclesiam &c. Antecedens vero probatur: alii enim Ariani, & Nestoriani adhuc possent defendere suam perniciosam hæresim, dicendo, se non bene à Conciliis, Niceno, & Ephesino, quæ in quæstionibus facti possunt errare, fuisse intellectos.

COROLLARIUM.

7. Ex prioribus notandis clare deducitur, quod contra propositiones damnatas Michaelis Baji, Cornelii Jansenii, & Paschasii Quesnellii non tam necessariae sint particulares cujuslibet Articuli probationes, quam earundem propositionum, ubi ratio exigit, declarationes: nam dum prædicti Romano-Catholicam veram agnoscunt Ecclesiam, neque ab ea sese separare intendunt; Ista vero propositiones horum Auctorum infra specificandas rejicit etiam in sensu ab Auctoribus intento; consectaneum est, ut, si eorum subscriptio ex sincero corde procedat, pariter Ecclesiae sese subiciant Sectatores. Inde nihil superest, quam ut occurrente aliquo dubio
ex-

explicetur, quomodo talis propositio sit intelligenda: quando autem sensus illius jam patet, à vero Catholico similis propositio tanquam falsa respuatur, & in praxi talis Doctrina eviteretur. Nunc agendo de quolibet trium memoratorum singulariter, ponitur

§. II.

Vita Michaëlis Baji.

8. Michaël Bajus Melini Ducatus Brabantiae prope Nicellam in Confinibus Hannoniae circa annum 1513. hanc lucem aspexit. Ad maturiorem perveniens ætatem tam illustria scientiae Theologicae Lovanii (ubi 40. annis docuit) dedit specimina, ut habitus tanquam Oraculum ad Sanctum Petrum Lovanii Decanus, ac tandem etiam Universitatis Cancellarius fuerit proclamatus, quem supremus Hispaniarum Monarcha Philippus II. suum declaravit Theologum, & ad Concilium Tridentinum destinavit. Famam suam, alias valde eximiam, post hanc Legationem non parum obscuravit datis ad typum scriptis plenius errorum, ex quibus 79. propositiones excerptae à S. Pio V. Gregorio XIII. & Urbano VIII. fuerunt damnatae. Ipse tamen Bajus non declaratus tanquam Hæreticus, utpote qui juxta jam dicta paragrapho præcedenti sese judicio supremi Pontificis submisit, ex hac vita decedens anno 1589. vel 1590. postquam septuaginta septem ætatis suae annos numeravit.

§. III.

§. III.

9. Propositiones LXXIX. Michaëlis Baji damnata à S. Pio V. per Constitutionem: Ex omnibus & à Gregorio XIII. per Bullam, Provisionis nostræ, videantur in principio Tomi primi.

10. Declaratio ulterior harum propositionum ideo in præsentì intermittitur, quia aliquarum falsitas de se patet; aliarum vero explicatio differtur ad §. VII. & X. agendo de quinque Propositionibus damnatis Cornelii Jansenii, & alius Quesnellii. Item ad Cap. IV. tractando de propositionibus confixis ab Alexandro VIII. Occurrente dubio particulari in præsentì necdum perfecte soluto poterit quoque consuli Joannes Martinez de Ripalda Tomo tertio, qui fuscè dictas examinat propositiones.

§. IV.

Historia prævia de Cornelio Jansenio.

II. Ne Juniores decipiantur in nomine, præscire oportet, duos esse Cornelios Jansenios, & ambos Lovanienses Doctores. Prior origine Flander, factus Decanus Lovanii ad S. Jacobum, ac publicus Theologiæ Professor, tandem à Philippo II. ad Concilium Tridentinum cum Michaële Bajo fuit destinatus; ubi tanto Doctrinæ, ac Modestix encomio enituit, ut reversus in Belgium renunciatus sit Episcopus Gandavensis, in quo officio plenus virtutibus, & meritis an-

anno 1576. decessit ætatis suæ 66. annorum; atque de hoc non amplius sermo recurret. Alter Cornelius Jansenius, de quo in præsentî, in vico Accoy prope Leerdam in Hollandia ex communibus, & plebejis Parentibus ortum habuit sub anno 1585. Humaniora absolvit Ultrajecti; Superiora autem (puta Philosophiam & Theologiam) Lovanii, Magistrum nactus (uti aliqui scribunt) occulte addictum Doctrinæ Michaëlis Baji. Exinde se contulit Parisios, illic promotus à Joanne du Verger, postea Abbate San Cyrano, jam antea Ejusdem amico, cujus patrocinio pariter postmodum Directoratum Bagonæ (quæ Joannis Vergerii patria erat) obtinuit in Collegio recens erecto. Hic duo isti Collegæ novam aliquam fabricare Theologiam designarunt, annis duodecim præprimis intenti legendo S. Augustino, maxime circa materiam de gratia, & libero Arbitrio, usque dum denuo Cornelius Jansenius ex Decreto Philippi III. Hispaniarum Regis fuerit revocatus Lovanium ad interpretandam in celeberrima hac Universitate S. Scripturam, qua occasione simul elaborare cepit famosum librum illum *Augustinus Cornelii Jansenii* intitulum, ubi sibi proposuerat universam Divi Augustini (utinam ad veram hujus Sanctissimi Ecclesiæ Patris mentem) Doctrinam in materia Gratiæ, liberi arbitrii, & Prædestinationis perstringere. Interim crescente Ejus Nominis fama anno 1635. renunciatur Episcopus Iprensis, qua constitutus in dignitate, dum Augustinum suum ex integro perficere voluit

pe-

pestilentiali morbo pro tunc grassante correptum
anno 1638. sexto Maji finem vitae suae & operi
huic imposuit, in hoc saltem laudandus, quod
juxta jam dicta §. 1. n. 2. omnia censuræ, &
Judicio sanctæ Matris Ecclesiæ subjecerit.
rulentam illam Doctrinam intimus defuncti ami-
cus Sancyranus, seu Joannes Vergerius equidem
dilatare fortassis optavit, ob mala tamen pariter
dogmata à Cardinali Richelio, anno mortis
Jansenii præcedente (nimirum 1637.)
cennensi carceri addictus, votum suum execu-
tioni dare haud valuit; utpote in illa captivi-
tate usque ad obitum Cardinalis Richelii (nempe
usque ad annum 1642.) persistere coactus.
Recommendavit tamen Jansenius, antequam e vi-
vis discessit, Augustinum suum aliis duobus Lo-
vanii Doctoribus Liberto Fromondo, & Henrico
Caleno, à quibus opus anno 1640. prælo
commissum erat; ast non sine maximo strepi-
tu, illico ex eodem excerptis diversis propo-
sitionibus Bajanam doctrinam, à Summis Pontifi-
cibus jam proscripam, redolentibus. Quare
Urbanus VIII. dictum Jansenii librum fidelibus
legendum prohibuit, & Successor illius Innocen-
tius X. habitis hac de causa triginta duabus Car-
dinalium, & Consultorum Congregationibus (ex
quibus decem in præsentia Summi Pontificis ce-
lebratae fuerunt) quinque propositiones solemnissi-
me damnavit per Bullam sequentem: cum oc-
casione.

§. V.

12. Referuntur quinque Propositiones Jansenii ab Innocentio X. cum Bulla qua damnantur, in principio Tomi primi.

§. VI.

Effugia Jansenistarum, dicentium, has quinque Propositiones vel in Jansenii libro non reperiri, vel non in sensu ab eodem intento damnatas esse, excluduntur per aliam Bullam Clementis XI.

C L E M E N S.

Servus Servorum DEI.

13. Vineam Domini Sabaoth, quæ est Catholica Ecclesia, pro commisso Nobis Divinitus Apostolicæ servitutis munere custodire, atque excolere omni studio, atque industria jugiter satagentes, ea, quæ à Romanis Pontificibus Prædecessoribus nostris ad succrescentes in illa perniciosarum novitatum Vepres radicitus evellendas, prudenti, salubrique consilio constituta esse noscuntur, ut quibusque inimici hominis molitionibus dejectis, firmitus semper, atque exactius observentur, Apostolice.

U

sto-

ſolici muniminis noſtri præſidio libenter labo-
mus, atque alias deſuper ſolicitudinis, & pro-
dentiz noſtræ partes interponimus, ſicut omni-
maturæ conſiderationis trutina perpensis ad fi-
lem, ac totam Orthodoxæ veritatis Cuſtodiam,
non animarum pretioſo Unigeniti DEI Filii Domini
noſtri JEſu Chriſti Sanguine Redemptarum ſalutem
expedire in Domino arbitramur.

Sane, poſtquam ſel. record. INNOCENTIUS
Papa X. Prædeceſſor Noſter per quendam ſuam
ſuper editam Conſtitutionem quinque famoſas pro-
poſitiones ex libro Cornelii Janſenii, Episcopi Ipre-
ſis, cui titulus, *Auguſtinus*, excerptas Apoſtolicæ cen-
ſura judicii rite conſixerat, ſel. rec. ALEXANDER
Papa VII. etiam Prædeceſſor noſter ad ejusmodi
jam damnatos errores è Chriſti fidelium mentibus
prorſus abolendos, publicæque tranquillitatis per-
turbatorum ſubtili teſtas calliditate Machinationum
penitus evertendas, prædictam INNOCENTII
Prædeceſſoris conſtitutionem, toto illius inferi-
tenore, confirmavit, novarumque declarationum
acceſſione conſtabilivit, ſua in id pariter edita con-
ſtitutione tenoris, qui ſequitur videlicet:

ALEXANDER Episcopus Servus Servorum
DEI. Univerſis Chriſti Fidelibus ſalutem, & Apo-
ſtolicam Benedictionem. Ad Sanctam Beati Petri
ſedem, univerſalis Eccleſiæ regimen, inſcrutabili
Divinæ Providentiæ Diſpoſitione, nullis noſtris
ſuffragantibus meritis evecti, nihil Nobis antiquius
ex muneris noſtri debito eſſe duximus, quam ut
San-

Sanctæ Fidei nostræ, ac Sacrorum dogmatum integritati tradita nobis à DEO potestate opportune consulere.

Ac licet ea, quæ Apostolicis Constitutionibus abunde fuerunt definita, novæ decisionis, sive declarationis accessione nequaquam indigeant; quia tamen aliqui publicæ tranquillitatis perturbatores illa in dubium revocare, vel subdolis interpretationibus labefactare non verentur, ne morbus iste latius divagetur, promptum Apostolicæ Auctoritatis remedium censuimus non esse differendum.

Emanavit siquidem alias à fel. rec. INNOCENTIO Papa X. Prædecessore nostro constitutio, & definitio tenoris, qui sequitur.

Hic tenor Bullæ Innocentianæ inseritur, quæ jam fuit verbotenus allegata §. 5. Præcedenti. Post eandem pergit Bulla Alexandri ulterius.

Cum autem, sicut accepimus, nonnulli iniquitatis Filii prædictas quinque propositiones, vel in libro prædicto ejusdem Cornelii Jansenii non reperriri; sed fictæ & pro arbitrio compositas esse, vel in sensu ab eodem intento non damnatas fuisse, asserere magno cum Christi Fidelium scandalo non reformident *

Nos, qui omnia, quæ in hac re gesta sunt, sufficienter, & attente perspeximus, utpote qui ejusdem Innocentii Prædecessoris jussu, dum adhuc in Minoribus constituti, Cardinalis munere fueremus, omnibus illis congressibus interfuimus, in quibus Apostolica auctoritate eadem causa discussa est, ea profecto diligentia, qua major desiderari non posset, quamcunque dubitationem super præmissis impostero auferre volentes, ut omnes Christi fideles in ejus fidei unitate sese contineant ex debito nostri Pastoralis officii, ac matura deliberatione præsertim Innocentii prædecessoris nostri Constitutionem, declarationem, & definitionem harum serie confirmamus, approbamus, & innovamus, & quinque illas propositiones ex libro præmemorati Cornelii Jansenii Episcopi Iprensis, cui titulus est, *Augustinus*, excerptas, ac in sensu ab eodem Cornelio Jansenio intento damnatas fuisse, declaramus, & definimus, ac uti tales, inusta scilicet eadem singulis nota, quæ in prædicta declaratione, & definitione unicuique illarum sigillatim inuritur, iterum damnamus, ac eundem librum sæpèdicti Cornelii Jansenii, cui titulus, *Augustinus*, omnesque alios tam manuscriptos, quam typis editos, & si quos forsan impostero editi contigerit, in quibus prædicta ejusdem Cornelii Jansenii Doctrina, ut supra damnata defenditur, vel astringitur, aut defendetur, vel astringetur, damnamus itidem, atque prohibemus: Mandantes omnibus Christi fidelibus, ne prædictam doctrinam teneant, prædicent, doceant, verbo vel privatim, palam vel occulte imprimant, sub pœnis, & censuris

ris contra hæreticos in jure expressis ipso facto absque alia declaratione incurrendis.

Præcipimus igitur omnibus Venerabilibus Fratribus nostris Patriarchis, Primatibus, Metropolitanis, Archiepiscopis, cæterisque locorum Ordinariis, ac hæreticæ pravitatis Inquisitoribus, Judicibus Ecclesiasticis, ad quos pertinet, ut præinsertam ejusdem INNOCENTII Prædecessoris Constitutionem, Declarationem, ac Definitionem, juxta præsentem nostram determinationem, ab omnibus observari faciant, ac inobedientes & rebelles prædictis pœnis, aliisque Juris, & facti remediis, invocato etiam, si opus fuerit, brachii sæcularis auxilio, omnino coerceant. Datum Romæ apud S. Mariam Majorem anno Incarnationis Dominicæ 1656. 16. Octobr.

Subinde vero, quo omnis Apostolicarum definitionum eludendarum aditus intercluderetur, memoratus ALEXANDER Prædecessor, priscum Ecclesiæ morem secutus, certam edidit formulam ab omnibus Ecclesiastici Ordinis tam sæcularibus, quam regularibus personis subscribendam per aliam suam hac in re promulgatam Constitutionem tenoris sequentis, videlicet:

ALEXANDER, Episcopus Servus Servorum DEI. Ad perpetuam rei memoriam. Regiminis Apostolici Divina Providentia Nobis, quamvis immeritis, commissi ratio postulat, ut ad ea potissimum, quæ Catholicæ Religionis integritati, &

propagationi, animarumque saluti, & fidelium tranquillitati consulere apta, & idonea esse judicantur. Animum & curam omnem, quantum licet, in Domino applicemus: Quamobrem Cornelii Janfeleni Hæresin in Gallia præsertim serpentem ab INNOCENTIO X. fel. rec. Prædecessore nostro fere oppressam ad instar colubri tortuosi, cujus caput attritum est, in varios gyros, & Cavillationum deflexus euntem singulari Constitutione ad hunc finem edita, altero Assumptionis nostræ anno extingui conati fuimus.

Sed ut multiplices hostis hominum generum artes adhibet, nondum plene consequi potuimus, ut omnes errantes in viam salutis redirent, quod tamen unicus erat votorum, & curarum nostrarum scopus, quibus operam, & industriam suam egregio sane studio Venerabiles fratres nostri Archiepiscopi, & Episcopi Regni Galliæ, earundem Constitutionum Apostolicarum executioni præcipue intenti contulerunt, & Charissimus in Christo Filius noster Rex Christianissimus singulari pietate auxiliarem dexteram strenuo, ac constantissimo animo porrexit.

Cum autem præfatus Rex Christianissimus eodem Religionis Zelo ductus per suum in Urbem Oratorem Nobis significari, exponique curavit, nullum aliud opportunius remedium pestiferæ hujus contagionis Reliquiis extirpandis adhiberi posse, quam si omnes certam formulam subscriberent nostra Auctoritate firmatam, in qua quinque pro-

propositiones ex Cornelii libro, cui titulus, *Augustinus* excerptas, sincere damnarent, ac proinde illam à Nobis quantocyus expediri ad quælibet effugia præcludenda, omnesque removendos Obtentus flagitaverit.

Nos tam piis dicti Regis Christianissimi votis benigne annuendum esse ducentes, formulam infra scriptam ab omnibus Ecclesiasticis, etiam Venerabilibus Fratribus nostris, Archiepiscopis, & Episcopis nec non aliis quibuscunque Ecclesiastici Ordinis tam regularibus, quam sæcularibus, etiam Monialibus, Doctoribus, & Licentiatis, aliisque Collegiorum Rectoribus, atque Magistris subscribi districte mandamus, idque intra tres menses à die publicationis, seu notificationis præsentium, alias contra eos, qui intra terminum prædictum non paruerint, irremissibiliter procedi volumus juxta Canonicas Constitutiones, & Conciliorum decreta.

Formula à supradictis subscribenda:

Ego N. Constitutioni Apostolicæ INNOCENTII X. data die 31. Maji 1633. & Constitutioni ALEXANDRI VII. data die 16. Octobris. 1656. Summorum Pontificum, me subjicio. & quinque propositiones ex Cornelii Jansenii Libro, cui nomen, Augustinus, excerptas, & in sensu ab eodem Auctore intento, prout illas per dictas Constitutiones Sedes Apostolica damnavit, sincero animo rejicio, ac damno, & ita juro: sic me DEUS adjuvet, & hæc S. Evangelia.

Decernentes insuper praesentes litteras semper & perpetuo validas, & efficaces existere, & fore suosque plenos, & integros effectus sortiri, & obtinere, Sicque per quoscunque Iudices Ordinarios, & delegatos ubique judicari, & definiri debere sublata eis, & eorum cuilibet quavis alicuius iudicandi, & interpretandi facultate, & auctoritate: ac irritum, & inane, si secus super his à quocunque quavis auctoritate scienter, vel ignoranter contigerit attentari.

Quocirca Venerabilibus Fratribus Archiepiscopis, Episcopis, aliisque locorum Ordinariis committimus & mandamus, ut singuli in suis Diocesis, ac locis suae jurisdictioni subiectis praesentes litteras, & in eis contenta quaecunque exequantur, & executioni mandari, ac observari ab omnibus curent, & inobedientes quoscunque per sententias, & poenas aliaque juris & facti remedia, appellatione postposita, invocato etiam ad hoc, si opus fuerit, brachii saecularis auxilio, omnino compellant.

Volumus autem, ut praesentium transumptis etiam impressis, manu Notarii publici subscriptis, & sigillo alicujus personae in dignitate Ecclesiastica constitutae munitis, eadem fides prorsus adhibeatur, quae ipsis originalibus litteris adhiberetur si forent exhibitae, vel ostensae.

Nulli ergo omnino hominum liceat hanc nostram Constitutionem, & Ordinationem infringere, vel ei ausu temerario contraire: si quis au-

autem hoc attentare præsumpserit, indignationem omnipotentis DEI ac BB. Petri & Pauli Apostolorum ejus se noverit incursum. Datæ Romæ apud Sanctam Mariam Majorem anno 1664. 15. Febr.

Sic equidem causa finita est; non tamen sic, ut par erat, finitus est error Apostolico toties mucrone percussus. Neque enim desuere, nec adhuc desunt homines veritati non acquiescentes, & nunquam Ecclesiæ contradicendi finem facientes, qui variis distinctionibus, seu potius effugiis ad circumventionem erroris excogitatis Ecclesiam ipsam turbare, eamque interminatis Quæstionibus, quantum in ipsis est, involvere, & implicare conantur; quodque deterius est, ipsamet Apost. Sedis decreta, redarguendis eorum pravis sensibus condita, ac præsertim quasdam piæ mem. CLEMENTIS Papæ IX. die 19. Jan. 1669. ad quatuor Galliæ Episcopos, nec non binas similis memoriæ INNOCENTII Papæ XII. etiam prædecessorum nostrorum die 6. Febr. 1694. & die 24. Novembris 1696. ad Episcopos Belgii in forma Brevis respective datas litteras in erroris sui patrociniū advocare, temerario plane ausu non erubescunt, perinde, ac si memoratus CLEMENS Prædecessor, qui eisdem suis litteris se INNOCENTII X. & ALEXANDRI VII. Prædecessorum constitutionibus supradictis firmissime inhærere, ac à dictis quatuor Episcopis veram, ac totalem Obedientiam, adeoque formulæ à præfato ALEXANDRO prædecessor., sicut præ-

mittitur, editæ sincere per eos subscribi voluisse declaravit, aliquam in tam gravi negotio exceptionem, seu restrictionem, quam nullam prorsus se unquam admissurum fuisse protestatus fuisse re ipsa admisisset: dictus vero INNOCENTIUS XII. Prædecessor, dum sapienter ac provide prædictas quinque propositiones ex memorato libro Jansenii excerptas in sensu obvio, quem ipsamet propositionum verba exhibent, ac præseferunt, damnatas esse pronunciavit, non de ipsomet obvio sensu, quem in Jansenii libro habent, quive ab eodem Jansenio intentus, ac à præfatis INNOCENTIO X. & ALEXANDRO VII. Prædecessoribus damnatus fuit, sed de alio quopiam diverso sensu cogitasset, dictasque INNOCENTII X. & ALEXANDRI VII. Prædecessorum Constitutiones temperare, restringere, aut alio quovis modo immutare voluisset, iisdem ipsis litteris, quibus eas in suo robore fuisse, & esse, seque illis firmiter inhæteree verbis apertissimis asseribat.

Præterea iidem inquieti homines sparsis undequaque scriptionibus, ac libellis exquisita ad fallendum arte compositis, non sine gravi Apostolicæ sedis injuria, maximoque totius Ecclesiæ scandalo docere non sunt veriti, ad obedientiam præfatis Apostolicis Constitutionibus debitam non requiri, ut quis prædicti Janseniani Libri sensum in antedictis quinque propositionibus, sicut præmittitur, damnatum, interius ut hæreticum damnet, sed satis esse, si ea de re obsequiosum (ut ipsi vocant)

cant) silentium teneatur. Quæ quidem assertio quam absurda sit, & animabus fidelium perniciofa, satis apparet, dum fallacis hujus Doctrinæ pallio non deponitur error, sed absconditur; vulnus tegitur, non curatur; Ecclesiæ illuditur, non paretur: & lata demum filiis inobedientiæ via sternitur ad fovendam silentio hæresim, dum ipsam Jansenii doctrinam, quam ab Apostolica Sede damnatam Ecclesia universalis exhorruit, adhuc interius abjicere, & corde improbare detrectent.

Quin etiam eo impudentiæ nonnullos devenisse, compertum est, ut veluti naturalis honestatis, nedum Christianæ sinceritatis, obliti, asserere non dubitaverint, præfatæ formulæ à memorato ALEXANDRO prædecessore præscriptæ subscribi licite posse etiam ab iis, qui interius non judicant prædicto Jansenii libro doctrinam hæreticam contineri: Quasi vero, contra quam scriptum est: *Qui loquitur veritatem in corde suo, & qui jurat proximo suo, & non decipit*, hujusmodi erroris sectatoribus liceat Ecclesiam ipsam jurejurando decipere, simulque Apostolicæ sedis providentiam fallere, dum ejusdem formulæ conceptis verbis loquuntur, quod Ecclesia loquitur, quod tamen sentit ipsa, non sentiunt; seque parere Constitutionibus Apostolicis profitentur, quibus animo contradicunt.

Hinc est, quod Nos ad opportunum, efficac tam exitiali morbo, qui ut cancer serpit, & quo-

quotidie in deterius vergit, remedium adhibendum, non minus demandata Nobis omnium Ecclesiarum sollicitudinis debito, quam plurimorum Venerabilium Fratrum nostrorum diversarum partium, ac praesertim Regni Galliarum, Episcoporum Zelo, ac precibus excitati, ne hujusmodi pravi homines Catholicae Ecclesiae pacem subvertere impune pergant, & simplicium ac pusillorum mentibus imponere, docentes quae non oportet: neve ullus apud eos quoque, qui bona, ut ajunt, fide, ac falsis rumoribus decipi se fortasse patiuntur, de mente ac sententia Apostolicae Sedis amplius ambigendi supersit locus, Divino prius tam privatis nostris, quam publice indictis precibus, implorato praesidio, ac re mature discussa de nonnullorum Venerabilium Fratrum nostrorum R. S. E. Cardinalium consilio, auditisque complurium in Sacra Theologia Magistrorum suffragiis; primo quidem praefertis INNOCENTII X. & ALEXANDRI VII. Praedecessorum Constitutiones, omniaque & singula in iis contenta Auctoritate Apostolica tenore praesentium confirmamus, approbamus, & innovamus.

Ac insuper, ut quavis impofterum erroris occasio penitus praecidatur, atque omnes Catholicae Ecclesiae filii Ecclesiam ipsam audire, non tacendo solum (nam & impii in tenebris conitescunt) sed & interius obsequendo, quae vera est Orthodoxi hominis obedientia, condiscant, huic nostrae perpetuo valiturae Constitutioni, obedientiae, quae praefertis constitutionibus debetur, ob-

sequioso illo silentio minime satisfieri, sed damnatum in quinque præfatis propositionibus Janseniani libri sensum, quem illarum verba præseferunt, ut præfertur, ab omnibus Christi fidelibus ut hæreticum, non ore solum, sed & corde rejici, ac damnari debere, nec alia mente, animo, credulitate supradictæ Formulæ subscribi licite posse; ita, ut qui secus, aut contra, quoad hæc omnia & singula, senserint, tenuerint, prædicaverint, verbo vel scripto docuerint, aut asseruerint, tanquam præfatarum Apostolicarum Constitutionum transgressores omnibus, & singulis illarum censuris, & poenis omnino subiaceant, eadem Auctoritate Apostolica decernimus, declaramus, statuimus, & ordinamus.

Decernentes pariter easdem præsentēs, & præinsertas litteras semper, & perpetuo validas & efficaces existere, & fore, suosque plenarios, & integros effectus sortiri, & obtinere, sicque per quoscunque Judices Ordinarios, & delegatos ubique judicari, & definiri debere, sublata eis, & eorum cuilibet quavis aliter judicandi, & interpretandi facultate, auctoritate; ac irritum, & inane, si secus super his à quoquam quavis Auctoritate scienter, vel ignoranter contigerit attentari

Quocirca Venerabilibus Fratribus Archiepiscopis, aliisque locorum Ordinariis, nec non hæreticæ pravitatis Inquisitoribus & Judicibus Ecclesiasticis, ad quos pertinet, committimus & mandamus, ut singuli in suis respective Dioccesibus, ac

locis suæ jurisdictioni subiectis ipsas præsentēs litteras, & in eis contenta quæcunque exequantur, & executioni mandari, & observari ab omnibus curant, & inobedientes, & rebelles quoscunque per censuras, & pœnas præfatas, aliaque juris, & facti remedia, appellatione postposita, invocato etiam ad hoc, si opus fuerit, brachii sæcularis auxilio omnino coerceant, & compellant.

Volumus autem, ut earundem præsentium transumptis, etiam impressis manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem fides promissus adhibeatur, quæ ipsis originalibus litteris adhiberetur, si forent exhibitæ vel ostensæ.

Nulli ergo omnino hominum liceat hanc paginam nostræ Confirmationis, Approbationis, Innovationis, Decreti, Declarationis, Statuti, & Ordinationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum Ejus se noverit incursum.

Datum Romæ apud Sanctam Mariam Majorem anno 1705. decimo septimo Calendas Augusti.

§. VII.

Damatæ quinque propositiones Jansenii succincte declarantur.

14. Prima propositio ait: Hominibus etiam justis defacto aliqua præcepta esse impossibilia, deesse quo-

quoque ipsis gratiam, qua possibilia fiant. Hæc
 ipsissima fuit doctrina Martini Lutheri, & Joannis
 Calvinii cap. præced. §§. 18. 19. 20. refutata, id
 ipsum quoque ante Jansenium docuit Michaël Ba-
 jus, volens propositione 54. DEum homini ali-
 quod impossibile præcepisse, & contrariam vocans
 sententiam Pelagii. Miror, quod homines, qui
 adhuc volunt audiri Romano-Catholici, uti Bajus,
 & Jansenius, similia docere præsumant; cum ta-
 men Concilium Tridentinum Sess. 6. de Justifica-
 tione cap. 11. expresse dicat: *Nemo temeraria illa,*
 & à Patribus sub anathemate prohibita voce uti
 debet, NB. DEI præcepta homini justificato ad
 observandum esse impossibilia. Item Canone 18.
 Si quis dixerit, DEI præcepta homini etiam justifi-
 cato, & sub gratia constituto esse ad observandum
 impossibilia; anathema sit. Igitur cum Divo Au-
 gustino sermone 191. de tempore: *Exercramur*
blasphemiam eorum, qui dicunt, impossibile aliquid
homini à DEO, esse præceptum & mandata DEI
non à singulis, sed ab omnibus in communi posse
observari.

15. Secunda propositio Jansenii vult: Quod in-
 teriori gratie in statu nature lapsæ nunquam resista-
 tur: ex quo eruitur, quod ab homine in statu na-
 turæ lapsæ Jansenius excluderit omnem gratiam in-
 teriorem sufficientem, volens non dari nisi effica-
 cem seu talem, cum qua semper connectitur effe-
 ctus bonus. Idem cum Jansenio sensit Calvinus
 in antitodo Conc. Tridentini Sess. 6. cap. 6. dicens:
Motum Spiritus Sancti sic esse efficacem. ut fidem
sem-

semper gignat; constituere autem hoc in hominis optione, ut DEI inspirationi, si velit, auscultet, hoc nullo modo conciliari posse. Ita ille, cui tamen assertioni Concilium Tridentinum Sess. 6. de Justificatione cap. 5. expresse contradicit sequentibus verbis: *Tangente DEO cor hominis per Spiritus Sancti illuminationem, neque homo iste nihil omnino agit, inspirationem illam recipiens, NB. quippe qui illam abjicere potest.* En! Concilium Tridentinum gratiam sufficientem, seu talem, quam homo abjicere potest, vivis depingit coloribus, deberetque ejusmodi decisio Jansenio, tanquam homini Catholico omnimode silentium imponere. Ulterioremcupis probationem, videre poteris cap. II. §. XIII. prope finem.

16. Tertia propositio Jansenii defendit: *Ad demerendum, & demerendum in statu naturæ lapsæ non requiri libertatem indifferentiæ, seu à necessitate seu sufficere libertatem à coactione.* Ast hæc fuit ipsissima Doctrina Lutheri circa nondum renatos, vel non renovatos; atque Calvinii circa reprobos quoad demerita, seu peccata ab ipsis commissa, quam etiam doctrinam ambabus manibus amplectitur Synodus Calvinistica Dordrecensis.

Nec dicatur, in statu naturæ lapsæ ad rationem demeriti sufficere libertatem indifferentiæ in sua causa, quatenus nimirum potuisset libere poni, vel non poni peccatum illud originale, quod postea in natura lapsa tanta mala causavit. Nam contra est quod eodem

prorsus modo respondeant Calvinistæ jam refutati præcedenti capite II. §. XIII. Dicere, rem teneri quempiam, quia non fecit, quod facere non potuit, summa est iniquitatis & insanie, inquit Divus Augustinus Lib. de duabus animabus cap. 12.

Nec opponas cum Jansenistis: Dæmones, & damnati peccant Deum odio habendo, Eumque maledicendo: Item Christus sustinendo mortem promeruit, quamvis utrobique non adfuerit libertas indifferentiæ, utpote cum Christus haberet a Patre Cœlesti præceptum moriendi, quod non potuit ob suam impeccabilitatem transgredi. Respondetur enim negando in primis quoad damnatos, & dæmones, quod non habeant libertatem indifferentiæ ad ponendum, vel non ponendum similes actus; unde etiam exinde peccant, quamvis ipsis similes actus ad rationem demeriti, seu ad augmentum pœnæ non imputentur; cum non amplius in via sed jam existant in termino. Ita recte cum Doct. Subtil. P. Herincx part. 2. Disput. 6. q. 1. num. 9. Quoad meritum Christi autem in ordine ad mortem sibi à Patre suo præceptam, totum contigit ex speciali dispensatione Divina, uti notat Doct. Subtilis 4. Sent. Dist. 22. Q. unic. Art. 2. Qualis dispensatio non constat nobis data. Videatur Heuno Tract. de Incarnat. disput. 11. Q. 4.

17. Quarta propositio Jansenii duas continet partes. Quoad primam pronunciat Jansenius, P. Anac. Reiffenstuel Theol. Supplem. X. Se-

Semipelagianos admittere praevenientis gratiae initium fidei: Quoad secundam partem inquit, Semi-Pelagianos in hoc ipso fuisse haereticos, qui voluerint eam gratiam talem esse, cui posset voluntas humana resistere, vel obtemperare. Pars, utrum scilicet Semi-Pelagiani docuerint gratiam aliquam requiri etiam ad initium fidei spectat ad quaestionem facti; posterior veritas num per hoc assertum fuerint haeretici, pertinet ad quaestionem juris. Quoad primam partem Jansenius aperte falsum asserit; nam Semi-Pelagiani potius docuerunt contrarium, nempe ad initium fidei, & justificationis non requiri aliquam gratiam internam, etsi quoad continuationem eam admiserint contra Pelagianos, qui gratiam internam tam quoad initium, quam quoad continuationem operum meritoriorum negaverunt. Ita Divus Augustinus, tam Pelagianis, quam Semi-Pelagianis summe contrarius, testatur apud Amatum, praesertim Lib. praedestinat. Sanctorum cap. 2.

Quoad secundam partem, haeticum est dicere, quod Semi-Pelagiani exinde fuissent haeretici, posito, si tenuissent, ad initium fidei influere talem gratiam, cui posset voluntas humana resistere, vel obtemperare. Nam excludere gratiam internam, cui voluntas possit resistere vel obtemperare, est excludere gratiam internam sufficientem, quod utique juxta jam dictum est haeticum: Ipsissima enim Catholica docet

veritas, etiam in statu naturæ lapsæ aliam repetiri gratiam efficacem, qua possumus salutariter operari, & simul operabimur; & aliam sufficientem, qua possumus quidem salutariter operari, sed vitio voluntatis non operabimur, resistentes Spiritui sancto, & in vacuum Gratiam DEI recipientes. Concilium Trident. Sess. 6. de Justificatione. Can. 6. anathematizat illum, qui dixerit, liberum arbitrium NB. à Deo motum, & excitatum non posse dissentire, si velit: adeoque agnoscit aliquam Gratiam Divinam, cui tamen ex parte voluntatis creatæ non correspondet optatus effectus, quæ est ipsissima gratia sufficiens.

18. Quinta propositio Jansenii ait, Semi-Pelagianum esse dicere, quod Christus pro omnibus omnino hominibus mortuus fuerit, aut sanguinem fuderit. Ast falsissima est hæc Jansenii assertio: non enim alicujus Semi-Pelagianismi arguendi sunt illi, qui tenent id, quod ipsamet æterna Veritas docet, nimirum quod Christus dederit semetipsum Redemptionem pro omnibus. 1. Timoth. cap. 2. Potius hæretica est doctrina Jansenii Lib. 3. de gratia Salvatoris cap. 21. volentis, Christum pro solis Electis, non autem pro reprobis fuisse passum, quod ipsum tenuit Calvinus Lib. 3. Institut. in caput 17. Joannis. Cujus doctrinam damnat Concilium Trident. Sess. 6. de Justificatione. cap. 3. de Christo inquit: Ille pro omnibus mortuus est: ergo etiam pro infidelibus, ac reprobis. Vide dicta Cap. II. num. 165. & 180.

Profecto primus Adam peccato suo omni
 maculavit: ergo etiam secundus Adam
 stus sanguine suo omnes redemit: nam
 Apostolum Rom. cap. 5. v. 18. *Sicut per
 delictum in omnes homines in condemnationem;
 & per unius justitiam in omnes homines in ju-
 cationem vitae.* Judicabit aliquando Christus
 tum terrarum orbem, ostendendo etiam rep-
 bis, qualiter ipsis per sanguinem suum proce-
 verit gratiam sufficientem, quos apud Div-
 Augustinum Lib. 2. de Symbolo ad Catechu-
 nos cap. 8. sic alloquetur: *Ecce hominem, qui
 crucifixus: ecce DEUM, & hominem, in qui
 credere noluitis: videtis vulnera, quae inflixa
 agnoscitis latus, quod pupugistis; quoniam &
 vos, NB. & propter vos apertum est, & tamen
 intrare noluitis.* En! quam clare stet pro-
 ritate Catholica Divus Augustinus, qui pariter
 Psalmum 95. *Judicabit orbem terra in aequi-
 te, addit: non partem; quia non partem
 totum judicare habet Orbem, quia pro toto
 tium dedit; pretium nimirum sacratissimi
 Sanguinis.* Vide de hoc fusius Dominicum
 va Part. 3. *Trutina Theologica* apud me fol. 117
 ac seqq. & Franciscum Bonal. Parte 2. *Christi
 bujus temporis quasi per totum; praesertim
 capite 27.*

19. Corollarii loco ad intelligendam per-
 te hanc quintam propositionem damnatam,
 que solvendo nonnullus Sacrae Scripturae, &
 Patrum textus, qui primo aspectu videntur

omnino vere Jansenio, bene notabis, quod hæc Verba, Christus pro omnibus ad Patrem suum cœlestem oravit; pro omnibus est mortuus &c. &c. quod (inquam) hæc verba duplicem possint habere sensum. Primo sic, quasi Christus æquali prorsus modo respectu omnium Orationes suas, effusionem sanguinis, & mortem voluerit applicare. Secundo taliter, quod quidem pro omnibus id fecisse intelligatur, inæqualiter tamen, ita, ut intenderit, Orationes, Sanguinem suum, & mortem peculiari quodam affectu, & adhuc efficacius applicare pro Electis, seu prædestinatis, Ipsi non solum gratiam sufficientem, verum etiam singularia auxilia, seu gratiam efficacem procurando. In secundo sensu tenent Catholici, Christum pro omnibus orasse, & passum fuisse; primo autem sensu putant Semi-Pelagiani, Deum voluisse omnes salvos fieri, ac Christum pro omnibus Orationes, & passionem æqualiter applicasse. Contra quos S. Fulgentius Lib. de Incarnat. & grat. cap. 29. invehitur sequentibus verbis: *Illud Apostolicum, ubi dicitur de Deo; qui vult omnes homines salvos fieri, & ad agnitionem veritatis venire; non sicut oportet, intelligunt, qui hanc Dei voluntatem, sicut in vasis misericordie, sic & in vasis iræ accipiendam existimant.*

20. Ex hac distinctione de applicatione Orationum, atque Meritorum Christi respectu Prædestinatorum, & Reprobatorum (nimirum quod Christus quidem pro omnibus oraverit, ac omnibus

bus voluerit sanguinem, & mortem suam applicare, speciali tamen, & singulari quodam modo (Electis) ex hac, inquam, distinctione facile solvuntur textus Sacrae Scripturae, & SS. PP. qui in favorem Jansenistarum innuere videntur, Christus pro multis tantum non pro omnibus, sed tantum pro multis orasse, atque passum fuisse, uti habetur Joann. cap. 17. *Non pro mundo rogo, sed pro iis, quos dedisti mihi: id est, non pro reprobis, sed pro predestinatis*, uti explicat Sanctus Augustinus Tract. 107. in Joannem. Item Matth. cap. 20. *Filius hominis venit dare animam suam Redemptionem pro multis*. Nec non cap. 26. *Hic est sanguis meus novi Testamenti, qui pro multis effunditur*. Respondetur enim declarando similes reprobos. Christus pro multis, id est pro predestinatis, seu Electis tantum oravit, & passus est speciali quodam modo, hisce singularia, & extraordinaria procurando auxilia, Concedo. Taliter, ut absolute alios voluerit ab oratione, & Passione excludere, atque gratias sufficientes subtrahere, nego; nam Pater Coelestis proprio Filio suo non pepercit, sed NB. *pro nobis omnibus tradidit illum*. Ad Rom. Cap. 8. V. 32. Videantur dicta Num. 18.

§. VIII.

Quomodo Doctrina Jansenii, eo mortuo fuerit ulterius dilatata, maxime per Antonium Arnaldum, & per Paschasium Quenellium, ejusque Sectatores.

21. Sublato per mortem Cornelio Jansenio, ac in carcere detento Ejusdem Collega Joanne Vergerio, aut sublata, aut saltem, ne ulterius sese diffunderet, coarctata videri posset Secta Janseniana: contrarium tamen ostendit experientia non satis deploranda, dum subintroeuntes alii duo (nimirum Arnaldus, seu Arnaudus, & Paschasius Quesnellius) præcedentium suffulti principis, non minores in Ecclesia Catholica tumultus excitarunt. Erat Arnaudus anno 1612, nobili genere Parisiis natus, ibique absolutis humanioribus, & superioribus disciplinis Theologiæ Doctor creatus, vir acris quidem, sed simul tamen pertinacis ingenii, hincque successu temporis Societati Sorbonensi, cui anno 1643. fuit adscriptus, plurimum exosus. Cujus etiam librum, suppresso nomine, editum, atque *de magnitudine Ecclesiæ Romanæ, & Sanctorum Petri & Pauli supremo Pontificatu* inscriptum pariter Alexander VII. reprobavit, eo quod nullam inter hos duos Apostolos subordinationem, sed omnimodam in potestate æqualitatem defendere præsumperit, occulte exinde rejiciens Suprematum Romani Pontificis Divi Petri successoris. Compulsus tandem excedere Galliis, Belgium adiit, quem Bruxellis morantem Paschasius Quesnellius Congregationis Oratorii Presbyter, ac amantissimus Patriota, præcedentis (utpote pariter Parisiis anno 1634. genitus) inter mille gaudia invenit, ibique cum charissimo suo Arnaldo aliquot annis delituit, utpote cum nec Ipse Quesnellius in Galliis amplius securus fuisset, partim ob dissertationes in opera

Sancti Leonis Papæ, auctoritatem summi Pontificis non parum diminuentes; partim ob refractariam renitentiam, dum in comitiis Patrum Oratorii legitimorum suorum Superiorum Propositiones Jansenii in scholis suis severe prohibendum, assignatæ Doctrinæ formulæ noluit acquiescere, polthabitis non tantum horum Superiorum, sed & Archi-Episcopi Parisiensis, ac Regiis mandatis. Hoc igitur tempore exilii, ac Latibuli sui par nobile fratrum (si Superis placeat) furtivis typis in lucem protruserunt plurimos pestiferos Libros, famosos libellos, aliosque partus Sectæ Jansenianæ summopere faventes, utque dum à Marchione de Castagna Generali Gubernatore recogniti anno 1690. à totius Belgii Catholici ditionibus exire jussi fuerunt, quærentes refugium apud Batavos Acatholicos, atque ab his eadem promptitudine recepti, ac ipsi libri Jansenii, quos præcedenter Calvinistæ in Hollandia illico laborarunt in vulgarem Patriæ suæ linguam traducere, altum clamantes, nil aptius fore ad confirmanda fidei suæ dogmata. A Batavis, seu Hollandis migrarunt ad Leodieneses: deum Paschasius Quesnellius reversus est Bruxellas, & verosimilius cum eodem indivisibilis socius Arnaldus, qui anno 1694. ætatis suæ 82. annorum ex hac vita decessit, & huic agonizanti dicitur Prior adstitisse. Solus igitur tanquam principalis relictus Quesnellius non destitit plures undique sibi socios, ac fautores præsertim in Belgio, & Gallia conquirere, quorum etiam adiutorio anno 1693. & 1694. Parisiis in statu completo

pleto prodiit famosus ejusdem liber *Reflexiones morales in novum testamentum* &c. intitulatus, diversis Janenistarum scriptis publicis defensus. Erat in libro hoc in primis ipse textus sacer (teste Clemente XI.) in non paucis vitiat, à Vulgata editione multipliciter discrepans, ac versioni Montensi jam antea à Clemente IX. & Innocentio XI. rejectæ in multis conformis: deinde textus Scripturæ pluries in sensus alienos, & sæpe adeo noxios detortus, ut Clemens XI. anno 1708. 13. Julii non solum librum illum prohibuerit, sed etiam anno 1713. post maturissimum examen ex eo per Bullam *Unigenitus*, 101. propositiones variis censuris affecerit. Protestans Quesnellius à Papa ad futurum Generale Concilium (nescio quo tempore futurum) more Hæreticorum appellavit, huicque appellationi etiam brevi ante obitum suum conformiter jam dictis pertinaciter inhæsit, mortuus Amstelodami 1719. ætatis suæ 85. annorum.

§. IX.

22. Bulla Unigenitus, Clementis XI. qua damnantur 101. Propositiones Paschasii Quesnellii, refertur in principio Tomi primi.

§. X.

Damnata 101. propositiones Paschasii Quesnellii explicantur.

X 5

PRO-

PROPOSITIO. I.

23. *Quid aliud remanet animæ quæ DEUM
atque ipsius gratiam amisit, nisi peccatum, & pec-
cati consecutiones, superba paupertas, & segnis in-
digentia, hoc est, generalis impotentia ad laborem
& orationem, & ad omne opus bonum?*

DECLARATIO.

Docet in præsentī Quesnellius; primo, ho-
minem peccatorem cum gratia deperdere omnia
alia dona supernaturalia, nec remanere nisi pec-
catum, & peccati consecutiones &c. hoc tamen
falsum est; quia in tali peccatore E. G. deli-
beratam complacentiam veneream admittente ad-
huc tamdiu remanent fides, & spes, usque dum
talis peccatum committat his virtutibus directe
oppositum. Unde Conc. Trid. sess. 6. de justifi-
can. 28. damnat illos, qui dicunt, *amissa per pec-
catum gratia simul & fidem semper amitti.* Do-
cet Quesnellius secundo, hominem, deperdita per
peccatum mortale gratia, reddi impotentem ad
omne opus bonum. Hoc iterum est falsum;
quia alias, si exinde talis peccator fieret impo-
tens ad omne opus bonum, non haberet amplius
libertatem indifferentiæ ad ullum actum bonum,
mediante gratia Divina actuali incitante (non
necessitante) eliciendum, sicque à tali peccatore
tolleretur liberum arbitrium in ordine ad actus
bonos, quæ præter Jansenium etiam est ipsissi-
ma

ma Doctrina Lutheri, & Calvini damnata, & superiori Cap. II. jam sæpius reprobata.

PROPOSITIO II.

24. JESU Christi gratia, principium efficax boni cujuscunque generis, necessaria est ad omne opus bonum: absque illa non solum nihil fit, sed nec fieri potest.

DECLARATIO.

Ista propositio excludit ab homine gratiam sufficientem, solamque hic, ac alibi per decursum sæpius concedit gratiam efficacem; cum gratiam JESU Christi in Communi definiat, quod sit Principium NB. efficax cujuscunque boni, sine qua nec aliquod bonum fit, nec fieri potest.

Ast hæreticum est, sentire, gratiam efficacem ita ad omne opus bonum esse necessariam, ut sine ea ne quidem aliquid boni fieri possit; nam multa opera bona sunt, quæ etsi actualiter ab hominibus non peragantur, fieri tamen possent etiam meritorie cum sola gratia sufficiente, modo vellent homines cooperari: alias enim infideles, qui se non convertunt ad fidem, & Peccatores, ac reprobi, qui finalem non agunt poenitentiam, merito se excusare valerent; quoniam similia sine gratia efficaci in principiis

Ques-

Quesnellii ex una parte facere nequeunt; ex altera vero non est in ipsorum potestate habere gratiam efficacem, quam Deus non cuilibet homini largitur: alias enim quilibet semper stante gratia poneret effectum.

PROPOSITIO III.

25. *In vanum Domine præcipis, si tu ipse non das, quod præcipis.*

DECLARATIO.

Ut mens Paschasii Quesnellii circa hanc, & plures subsequentes propositiones recte penetratur: pro nunc & semper *Notandum est*. 1. in ordine ad opus bonum *meritorium* faciendum, sive illud sit opus de præcepto, sive tantum de consilio, in principiis Catholicorum semper necessariam esse aliquam gratiam actualem. *Notandum* 2. gratiam actualem interiorem à Catholicis dividi in sufficientem, & efficacem: prima est, cum qua posset quidem elici ab homine opus meritorium, sed vel ex Socordia aut malitia voluntatis humanæ, aliave ex causa actualiter non elicietur. Altera nimirum interna efficax vocatur illa, cum qua non solum potest, verum etiam actu ponetur certo opus meritorium cooperante cum Gratia Divina actualiter, & cum libertate indifferentiæ voluntate creata.

No-

Notandum 3. à Luthero, & Calvino gratiam sufficientem absolute negari. Quod si vero ipsis obijciatur, ex hoc sequi, legis implementum in statu naturæ lapsæ homini esse impossibile; Respondent concedendo totum; addunt tamen, hoc non obstante, hominem transgrediendo Legem, adhuc peccare, quoniam ad peccatum juxta præfatos sufficit libertas à coactione, & in sua causa ratione peccati originalis. *Notandum 4.* Pariter à Jansenio omnem gratiam sufficientem negari; hinc *Lib. 3. de gratia Christi*, gratiam sufficientem intulat *monstruosam*, & propositione inter damnatas II. ait generaliter, gratiam interiorē esse illam, cui nunquam resistitur, quæ in re ipsa est gratia efficax. *Notandum 5.* Paschasium Quesnellium in hoc puncto, uti in aliis presse insistere vestigiis Jansenii, & hinc in homine peccatore adstruere impotentiam generalem ad omne opus bonum, &c. ut colligitur ex præcedentibus.

His igitur prænotatis in principiis Quesnellii propositio ista tertia facit hunc sensum: *Domine si tu hominibus, quibus præcepta imponis, non das simul gratiam efficacem, in vanum ponis aliqua præcepta, cum homines sine gratia efficaci nullum opus bonum possint facere.* Quis non intelligit in tali sensu dictam propositionem Deo esse summe injuriosam? Nam cum Deus pluribus hominibus non det gratiam efficacem, & tamen ipsis præcepta imponat, hæc impositio apud Quesnellium foret actualiter vana, utpo-

te de re servatu actualiter impossibili. Econtra vero, si Quesnellius præter efficacem etiam admitteret gratiam sufficientem, mentionata propositio in ordine ad opus aliquod præceptum meritorium verissima existeret; utpote hunc sensum faciens. *Si tu Domine non dares simul aliquam gratiam in ordine ad opus quodpiam præscriptum, ac simul meritorium, frustraneum foret tuum præceptum, cum sine aliqua gratia (quam tamen saltem sufficientem Tu nulli denegas) non posset homo defacto aliquod opus NB. meritorium facere.*

PROPOSITIO IV.

26. *Ita Domine omnia possibilia sunt ei, cui omnia possibilia facis, eadem operando in illo.*

DECLARATIO.

Ista propositio alludit denuo ad gratiam efficacem, consequenter facit hunc sensum: *tunc omnia opera bona, ac præcepta sunt nobis possibilia, quando Tu Domine dando gratiam efficacem facis possibilia.* Ex quo sequeretur iterum, quod quamplures homines infideles, & fideles, quibus Deus non dat gratiam efficacem, haberent impotentiam sese ad fidem, vel ad salutarem poenitentiam convertendi. Ad quid ergo Deus omnibus præcipit impiis Ezech. cap. 33. *Convertimini à viis vestris pessimis, si illi, quibus deest gratia efficax, sunt impotentes sese convertendi?* Profecto Deus im-
pos-

*possibilia non jubet: uti sub anathemate docet
Concil. Trid. Sess. 6. de justificat. cap. 11.*

PROPOSITIO V.

27. Quando DEUS non emollit cor per interio-
riorem unctionem gratiæ suæ, exhortationes, & gra-
tiæ exteriores non inserviunt, nisi ad illud magis
obdurandum.

DECLARATIO.

Per unctionem interiorem gratiæ Divinæ in-
telligit Quesnellius conformiter præcedentibus di-
ctis gratiam efficacem, ita ut dicta propositio hunc
faciat sensum; *Nisi gratia interior efficax acce-
dat, exhortationes, & gratiæ exteriores non in-
serviunt, nisi ad magis cor hominis indurandum.*
At denuo falsum est, quod exhortationes, mira-
cula, aliæve gratiæ exteriores non inserviant, ni-
si ad cor hominis magis obdurandum, cum Cle-
mentissimus DEUS similia cum gratia interio-
ri saltem sufficienti conjuncta immittat ad cor
hominis emolliendum. Quod si quis, uti alter
Pharao per miracula Moysis, magis exinde ob-
duretur, malitia & culpa peccatoris est, non
ipsius misericordissimi DEI.

PROPOSITIO VI.

28. Discrimen inter fœdus Judaicum & Chri-
stianum est, quod in illo exigit DEUS fugam pec-
cati,

cati, & implementum Legis à peccatore, relinquendo illum in sua impotentia: in isto vero DEUS peccatori dat, quod jubet, illum sua gratia purificando.

DECLARATIO.

Propositio ista plura continet erronea. In primis enim falsum est, quod in fœdere Judæico DEUS exegerit Legis implementum, & tamen non dederit gratiam sufficientem, sed reliquit Judæos in sua impotentia: sic enim iterum tolleretur libertas indifferentiæ, & nihilominus Judæis imputaretur peccatum. Secundum falsum est, quod nulli existentes in antiquo testamento Legem adimpleverint: multi enim cum Abraham, Isaac, Jacob, & Moyse per circumcisionem, vel per fidem in Messiam venturum, aut per aliud remedium à DEO institutum à peccato originali mundati Legem taliter observaverunt, ut concurrente simul gratia efficaci finaliter absque actuali aliquo gravi peccato ex hac vita decesserint, nunc æterna fruenter beatitudine. Tertio commentitium est, quod DEUS in lege nova cuilibet peccatori tribuat gratiam efficacem, quam Jansenistæ juxta jam dicta num. 25. subintelligunt in illis verbis: *Dat, quod jubet.* Videmus enim etiam in Lege nova multos gravissimos peccatores impenitentes, vel subitanea morte præoccupatos ex hac vita abire.

PROPOSITIO VII. & VIII.

29. VII. *Quæ utilitas pro homine in veteri fœdere, in quo DEUS illum reliquit ejus propriæ infirmitati, imponendo ipsi suam legem? Quæ vero felicitas non est, admitti ad fœdus, in quo DEUS nobis donat, quod petit à nobis.*

VIII. *Nos non pertinemus ad novum fœdus, nisi in quantum participes sumus ipsius novæ gratiæ, quæ operatur in nobis id, quod DEUS nobis præcipit.*

DECLARATIO utriusque.

Duplex hæc propositio innititur iisdem falsis principiis, quibus præcedens; quasi nimirum in lege veteri nulla fuisset data gratia interior ad legem observandam; existentibus autem in lege nova tribuatur gratia efficax, atque per hoc Lex antiqua distinguatur à Lege nova, quæ vocatur Lex gratiæ. Falsum autem esse, quod exinde desumenda sit distinctio inter utramque Legem, jam patet ex dictis, cum utrobique tam gratia sufficiens, quam efficax à DEO fuerit clementissime concessa, cum hoc tamen discrimine, quod in Lege nova ob merita Christi actu exhibita DEUS nobis largiatur copiosiores, atque uberiores gratias, quam in lege veteri ob merita Christi præcise prævisa.

PROPOSITIO IX.

30. *Gratia Christi est gratia suprema, sine qua Christum confiteri nunquam possumus, & cum qua illum nunquam abnegamus.*

DECLARATIO.

Se denuo patefacit Quesnellius, quod nullam aliam gratiam internam per merita Christi nobis comparatam admittat, nisi efficacem, sive illam cum qua nunquam Christum abnegamus, quæ est ipsissima gratia efficax. Errat autem Quesnellius in hoc, quia vult, absque hac gratia nos Nihil neque posse Christum confiteri, quod est falsissimum; possemus enim id etiam facere cum gratia sufficiente, dummodo vellemus juxta jam sæpius dicta. Unde æque ista Quesnellij, ac illa intimi sui amici Arnaldi doctrina merito tanquam hæretica rejici debet, dum nempe ille alius docuit, Sanctum Petrum ex defectu gratiæ efficacis non potuisse non abnegare Christum.

PROPOSITIO X. & XI.

31. X. *Gratia est operatio manus omnipotentis DEI, quam nihil impedire potest, aut retardare.*

XI. *Gratia non est aliud, quam voluntas omnipotentis DEI, jubentis, & facientis, quod jubet.*

DE-

DECLARATIO.

In duplici hac propositione ad minus duplex gravissimus error contra sensum Catholicæ Ecclesiæ reperitur. *Primo*, quia Quesnellius tam hic, quam adhuc clarius propositione 19. constituit gratiam divinam generaliter in aliquo extrinseco, nimirum in omnipotente voluntate Divina jubente, & faciente, quod jubet; cum tamen Concilium Tridentinum contra Lutherum, & Calvinum gratiam æque ac charitatem habitualement. *Sess. 6. de Justificat. Can. 11.* agnoscat tanquam ens positivum animæ inhærens. *Secundo*, quia iterum ab hominibus excludit gratiam sufficientem, seu illam, cujus operatio potest à libero arbitrio impediri: cum tamen eandem agnoscat Apostolus 2. Corinth. cap. 6. exhortando suos Corinthios, *ne in vacuum gratiam DEI recipiant*; quæ admonitio foret ridicula, si non daretur aliqua gratia sufficiens, seu talis, cujus operatio per liberum arbitrium posset impediri: Gratia enim DEI in vacuum recipere nihil aliud est, quam gratiam quidem recipere, intentam tamen per gratiam operationem in effectum non deducere.

PROPOSITIO XII.

32. XII. Quando DEUS vult salvare animam quocunque tempore, quocunque loco, effectus indubitabilis sequitur voluntatem DEI.

DECLARATIO.

Ex hac propositione sequeretur, DEum non voluisse reprobos salvos facere; cum salvationis effectus apud hos non sequatur; quod equidem docuit Calvinus, & postea Jansenius, utriusque tamen hæresin jam superius refutavimus; cum DEus velit omnes salvos fieri, pro omnibus dederit in redemptionem, & pro omnibus sit mortuus, & consequenter etiam pro reprobis.

PROPOSITIONES XIII. XIV. XV. XVI.
XVII. XVIII. XIX. & XX.

33. XIII. Quando DEus vult animam salvam facere, & eam tangit interiori gratiæ suæ manuum nulla voluntas humana ei resistit.

XIV. Quantumcunque remotus à salute sit peccator obstinatus, quando JESUS se ei videndum exhibet lumine salutari suæ gratiæ, oportet, ut se dedat, accurrat, sese humiliet, & adoret salvatorem suum.

XV. Quando DEus mandatum suum, & suam eternam locutionem comitatur unctione sui spiritus, & interiori vi gratiæ suæ, operatur illa in corde obedientiam, quam petit.

XVI. Nulla sunt illicebra, quæ non cedant illi cebris gratiæ, quia nihil resistit omnipotenti.

XVII. Gratiæ est vox illa Patris, quæ hominibus interiorius docet, ac eos venire facit ad JESUM Christum suum.

*Sum. Quicumque ad Eum non venit, postquam
audivit vocem exteriorem Filii, nullatenus est doctus
à Patre.*

*XVIII. Semen Verbi, quod manus DEI irrigat,
semper affert fructum suum.*

*XIX. Dei gratia nihil aliud est, quam Ejus omni-
potens voluntas: hæc est idea, quam ipse nobis tra-
dit in omnibus suis Scripturis.*

*XX. Vera Gratiæ idea est, quod DEUS vult sibi
à nobis obediri, & obeditur; imperat, & omnia
sunt; loquitur tanquam Dominus, & omnia sibi
submissa sunt.*

DECLARATIO.

Omnes istæ propositiones denuo se fundant
in eo, quod non detur gratia, nisi efficax, cui in
statu naturæ lapsæ nunquam resistitur, uti docet
Jansenius Antesignanus Propositione II. & Ques-
nellius constanter erroneam hanc doctrinam pro-
sequitur. Quæro autem ego ex ipsis, utrum, dum
multi sunt vocati, pauci vero Electi, Matth. 20.
utrum, inquam, soli à DEO Electi, si aliquando
peccent, habeant gratiam internam in ordine ad
conversionem, vel non? Si soli Electi: ergo alii
frustra vocantur, cum in Jansenistarum Principiis
sint impotentes ad omne opus bonum, consequen-
ter etiam ad conversionem: profecto, si quis non
habens alas, vocaretur ad volandum, ridicula fo-

ret hæc vocatio, prout recte observat Viva hic. Quodsi vero præter Electos etiam reliqui vocati obtineant à DEO gratiam internam, talis gratia apud illos peccatores, qui vocem hanc Domini non sequuntur, erit sufficiens: nam si quoad omnes vocatos foret efficax; omnes illi vocati converterentur actualiter; cum tamen contra multos conqueratur DEus Proverb. cap. I. v. 24. *Vocavi & renuistis.*

PROPOSITIONES XXI. & XXII.

34. XXI. *Gratia Jesu Christi est gratia fortis, potens, suprema, invincibilis, utpote quæ est operatio voluntatis omnipotentis, sequela, & imitatio operationis Dei incarnantis, & resuscitantis Filium suum.*

XXII. *Concordia omnipotentis operationis Dei in corde hominis, cum libero ipsius voluntatis consensu demonstratur illico nobis in Incarnatione, veluti in fonte, atque archetypo omnium aliarum operationum misericordie, & gratie, quæ omnes ita gratuita, atque ita dependentes à DEO sunt, sicut ipsa originalis operatio.*

DECLARATIO.

Postquam Quesnellius mentem suam clarius adaperuit, quidnam proprie per interiorem Jesu Christi gratiam intelligat, dicendo, quod eadem nihil aliud sit, quam voluntas DEI omnipotentis, seu potius operatio voluntatis Divinæ jubentis, quod

quod vult, & dantis, seu efficientis, quod jubet: ulterius pergit, ut magis capiatur, instituendo aliquam paritatem inter Incarnationem, & Resurrectionem ex una, & inter gratiam Jesu Christi ex altera parte, ut sic concordet omnipotentis DEI operationem cum libero ipsius voluntatis consensu: ait enim, uti Incarnatio, & Resurrectio active sumendo est operatio omnipotentis voluntatis DEI, ita quoque Gratia Jesu Christi tanquam fortis, potens, suprema, & invincibilis est imitatio operationis DEI Incarnantis, & resuscitantis filium suum. Ast plane, si alias omnis similitudo claudicat, hæc omnino utroque caret pede, dum non solum gratiam sufficientem iterum excludit, verum etiam ipsum quoque conceptum formalem gratiæ efficacis destruit: nam, stante hac paritate, voluntas à libera cooperatione per gratiam efficacem omnino excluditur; cum tamen gratia efficax juxta Catholicos liberum arbitrium quoad cooperationem suam omnino admittat. Probatur hoc nostrum asserere taliter: Operatio DEI Incarnantis, seu producentis unionem hypostaticam inter Verbum Divinum, & humanam naturam: item operatio DEI Patris resuscitantis Filium suum, seu reproducentis unionem inter animam, & corpus ejusdem, est operatio solius voluntatis DEI omnipotentis, cui nihil ullatenus ex parte hominis potest reluctari: ergo si est utrobique paritas, etiam operatio DEI circa effectum salutarem erit operatio solius DEI, cui ex parte voluntatis hominis nihil potest reluctari. Subsumitur: atqui hoc pugnat expresse contra

Concilium Tridentinum, juxta superius dicta: estque expresse sententia Lutheri, atque Calvini negantium libertatem indifferentiæ in ordine ad bonum spirituale: ergo,

PROPOSITIONES XXIII. XXIV. & XXV.

35. XXIII. *DEus ipse nobis ideam tradidit omnipotentis operationis sue gratiæ, eam significans per illam, qua creaturas e nihilo producit, & mortuis reddit vitam.*

XXIV. *Iuxta ideam, quam centurio habet, de omnipotentia DEI, & JESU Christi in sanandis corporibus solo motu sue voluntatis, est imago ideæ, quæ haberi debet de omnipotentia sue gratiæ in sanandis animabus à cupiditate.*

XXV. *DEus illuminat animam, & eam sanatur æque ac corpus sola sua voluntate; jubet, & ipsa obtemperatur.*

DECLARATIO.

Ut Jansenistæ cum Quesnellio ideam gratiæ JESU Christi juxta suum conceptum hominibus magis imprimerent, adhuc duas instituunt paritates, sed æque infelici eventu. Prima paritas est de DEO hominem ex nihilo producente, vel mortuum resuscitante: altera vero de centurione solo motu omnipotentis Divinæ voluntatis corporaliter sanato: nam taliter etiam (inquiunt) DEUS

DEus per gratiam suam creat spiritualiter ex nihilo, & sanat morbos animæ humanæ. **Alt** contra est; quia ambæ præcedentes operationes ex integro non dependent ex cooperatione hominis; bene vero effectus, & operatio gratiæ etiam efficacis; etsi enim stante gratia efficaci infallibiliter, ac certo sequatur effectus; hoc tamen non provenit independenter à libera cooperatione hominis; cum talis homo ponatur à DEO in iis circumstantiis in quibus prævidet, eum libere suæ gratiæ cooperaturum. *Si quis dixerit, liberum hominis arbitrium à DEO motum, & excitatum nihil cooperari, assentiendo DEO excitanti, atque vocanti, quo ad obtinendam justificationis gratiam se disponat, ac præparet, neque posse dissentire, si velit &c. &c. anathema sit, inquit Concil. Trid. Sess. 6. de Justif. can. 4. toties jam Jansenistis inculcatum.*

**PROPOSITIONES XXVI. XXVII.
XXVIII. & XXIX.**

36. XXVI. *Nulle dantur gratiæ, nisi per fidem.*

XXVII. *Fides est prima gratia, & fons omnium aliarum.*

XXVIII. *Prima gratia, quam DEus concedit peccatori, est peccatorum remissio.*

XXIX. *Extra Ecclesiam nulla conceditur gratia.*

DECLARATIO.

Docet hic Paschasius Quesnellius, quod nullæ dantur gratiæ nisi per fidem, & quod ipsa fides sit prima gratia, ac consequenter cum extra veram Ecclesiam non sit vera fides, neque extra eandem existat aliqua gratia. Adjungit, quod respectu peccatoris, ut iterum fiat justus, sit prima gratia ipsa remissio peccatorum. At omnia ista apertam continent falsitatem: nam *in primis* datur gratia præveniens, & excitans adultos ad veram fidem amplectendam: ergo non omnes gratiæ dantur per fidem, sed potius debent aliquæ admitti præcedentes ipsam fidem. *Secundo* item nec Ethnici Turcæ, & Judæi carent gratia Divina excitante ad veram fidem &c. quamvis existant extra Ecclesiam: ergo datur aliqua gratia etiam extra Ecclesiam. *Tertio* per fidem, & spem, seu fiduciam in DEum &c. juxta Concilium Tridentinum *Sess. 6. de Justificat. cap. 6.* quis erigitur ad poenitentiam, & detestationem peccatorum, quæ præcedit actualem eorum remissionem: ergo ex parte peccatoris remissionem peccatorum præcedunt alii actus salutare mediante gratia Divina elicit, & consequenter ipsa remissio non est prima gratia peccatoris, ut iterum fiat justus.

PROPOSITIO XXX.

37. Omnes, quos DEus vult salvare per Christum, salvantur infallibiliter.

DE-

DECLARATIO.

Quesnellius, æque ac Jansenius constanter Inimicus gratiæ sufficientis per hæc ipsa verba iterum eandem rejicere, & solam interiorem efficacem adstruere tacite intendit; nam, cum juxta eum, quos DEus vult salvos facere, infallibiliter salventur, signum est, quod DEus velit solos Electos salvari: isti enim soli (non reprobi) infallibiliter actu salvantur; sicque DEus alios extra Electos non vellet salvare consequenter nec ipsis aliquod salvationis remedium, puta gratiam sufficientem procurare. Et ita plane sentiunt Jansenistæ, addentes propterea, quod Christus pro solis Electis voluerit sanguinem suum fundere, ac mortem obire, atque exinde solis Electis procurare gratiam, & quidem efficacem, ne voluntas DEI suo frustretur effectu. Ast contra hoc assertum pugnant Sacræ Scripturæ textus sæpius jam allegati: nimirum quod DEus velit omnes salvos fieri, Christus se voluerit dare in redemptionem pro omnibus, ac pro omnibus voluerit mori. Et licet hoc desiderium sæpius ex parte creaturæ suo frustretur effectu, ex parte tamen DEI adhuc est omnino efficax, quatenus simul procurat etiam pro reprobis talia remedia sufficientia, seu gratias, ut possent salvi fieri actualiter, dummodo vellent his remediis cooperari. Per dicta tamen nolo negare, quod voluntas Divina salvandi homines &c. respectu Electorum adhuc sit efficacior, quam respectu reproborum, utpote cum Electis ad hanc salutem æternam obtinendam decreverit dare

dare gratiam finalem non solum sufficientem, verum etiam efficacem, qua stante infallibiliter (absque tamen præjudicio libertatis indifferentiæ in voluntate creata ex parte actus primi proximi) sequeretur effectus. Utrum autem hæc gratia sit intrinsece, vel tantum extrinsece efficax, relinquitur discussioni ulteriori Theologorum, juxta jam dicta. Mihi ultimum (citra tamen præjudicium alterius sententiæ) longe præplacet; cum exinde facilius infallibilitas effectus, concilietur cum libertate humana ex una parte; ex altera vero adhuc salvetur profunditas Mysterii, uti consideranti patebit.

PROPOSITIONES XXXI. & XXXII.

38. XXXI. *Desideria Christi semper habent suum effectum; Pacem intimo cordium infert, quando eis illam optat.*

XXXII. *Jesus Christus se morti tradidit ad liberandum pro semper suo sanguine primogenitos, id est, electos de manu Angeli exterminatoris.*

DECLARATIO.

Manifestat se clarius in præsentī Quæsnellius, præsertim propositione 32. quod idem ac Jansenius propositione quinta circa Passionem Salvatoris sentiat: nimirum quod Christus desideraverit pro solis Electis sanguinem fundere, & per sanguinem suum his solis (non reprobis) gratiam aliquam in-

internam procurare. Id tamen falsum esse præcedenti numero, ac fufius numero 18. contra Jansenium ostendimus. Christus in cruce non solum pro omnibus mortuus est, verum etiam pro suis inimicis præsentibus ac futuris ibidem specialiter oravit, dicens Luc. c. 23. *Pater dimitte illis: & tamen non omnes, etsi multi, ex inimicis Christi salvantur: quis ergo credat, desiderium Christi per Orationem ad Patrem suum patefactum semper suum habuisse effectum? Sanctus Augustinus Serm. 4. de Sanctis, loquens de Oratione Christi pendens in cruce, inquit: Quando in cruce pendens orabat, videbat, & prævidebat omnes inimicos, sed multos ex illis futuros amicos prævidebat, & ideo NB. omnibus veniam postulabat. En! Christus ex numero inimicorum suorum tantummodo multos (NB. non omnes) futuros prævidit amicos, & tamen pro omnibus oravit, consequenter pro iis quoque, qui in inimicitia sunt perstituri, & sic pro reprobis, licet pro ultimis hæc oratio, & Passio Christi non habuerit desideratum salvationis effectum.*

PROPOSITIO XXXIII.

39. *Prob! quantum oportet bonis terrenis, & sibi ipse renuntiassè, ad hoc, ut quis fiduciam habeat sibi, ut ita dicam, appropriandi Christum Jesum, ejus amorem, mortem, & Mysteria, ut facit Sanctus Paulus, dicens: Qui dilexit me, & tradidit semetipsum pro me.*

DECLARATIO.

Ante declarationem nota, sibi metipsi renunciare idem esse, ac suæ propriæ utilitati alias ex actibus bonis capiendæ abdicare; ita ut nulla jam operatio fiat intuitu mercedis æternæ. Vult itaque Quesnellius, ut quis possit habere fiduciam appropriandi sibi mortem, & Mysteria Passionis Domini nostri Jesu Christi, debeat is, uti S. Paulus, renunciare omnibus terrenis, ac etiam propriæ utilitati ex bonis operibus per modum mercedis accipiendæ. Utrumque hoc assertum non fundatur in Sacra Scriptura: nam in primis renunciare omnibus bonis terrenis est quidem Consilium Evangelicum: non tamen præceptum. Operari autem intuitu mercedis æternæ neutiquam in Sacra Scriptura prohibetur quasi malum. Quinimo Conc. Trid. Sess. 6. de Justificat. c. 31. anathematizat illum, qui dixerit justificatum peccare, dum intuitu mercedis æternæ bene operatur.

PROPOSITIONES XXXIV. & XXXV.

40. XXXIV. *Gratia Adami non producebat nisi merita humana.*

XXXV. *Gratia Adami est sequela creationis, & erat debita naturæ sanæ, & integræ.*

DECLARATIO.

Collimat Auctor dictarum propositionum per hæc dicta iterum ad suam gratiam efficacem, faciens

ciens propterea aliquam distinctionem inter gratiam Adamo collatam in statu Innocentiæ, & inter gratiam nobis concessam. In statu Innocentiæ admittit quidem, quod gratia Adami non exclusit libertatem indifferentiæ ex parte hominis, additque hanc gratiam supposita creatione esse naturæ sanæ, & integræ debitam, nec tamen producere, nisi merita humana. Econtra vero in statu naturæ lapsæ vult gratiam esse ab intrinseco efficacem, quæ facit nos velle citra liberam nostram voluntatis electionem, & cooperationem, uti patet ex præcedenti propositione ejusdem 21. & tribus sequentibus. Ait autem hanc gratiam nobis per Christum comparatam producere talia opera supernaturalia, quæ proprie dici possunt merita gratiæ, & dona DEI. Sed contra est, quod in statu Innocentiæ præter vires, & perfectiones naturales ipsi naturæ puræ, ac integræ debitas DEUS protoparentibus concesserit multa alia privilegia naturæ indebita, quæ pariter in nos fuissent derivata, nisi Adam peccasset. Inter dicta privilegia principale erat gratia sanctificans, quæ dabat jus ad Beatitudinem supernaturalem, seu ad visionem ac fruitionem beatificam, naturæ puræ ex se consideratæ neutiquam debitam. Unde falsum est, quod gratia Adami fuerit sequela creationis, ac naturæ debita, & quod opera bona exinde producta fuissent merita mere humana; quoniam ad illa præter voluntatem concurrissent gratia tam habitualis, quam actualis, sicuti defacto; etsi fortassis actualis non fuisset utrobique collata in æquali gradu, cum defacto ob rebellionem

car-

carnis, & fomitem peccati indigeamus uberiori. Sanctus Augustinus in Enchiridio c. 100. de natura humana ante peccatum sic loquitur: *Sine gratia tunc NB. nec ullum meritum esse potuisset, quia etsi peccatum in solo arbitrio erat constitutum, non tamen iustitia habenda, vel retinenda sufficiebat liberum arbitrium, nisi participatione immutabilis boni Divinum adiutorium præberetur.*

PROPOSITIONES XXXVI. & XXXVII.

41. XXXVI. *Differentia essentialis inter gratiam Adami & statum innocentie, ac gratiam Christianam est, quod primam unusquisque in propria persona recepisset: ista vero non recipitur, nisi in persona Jesu Christi resuscitati, cui nos uniti sumus.*

XXXVII. *Gratia Adami sanctificando illum in semetipso, erat illi proportionata: Gratia Christiana nos sanctificando in Jesu Christo est omnipotens, & digna Filio DEI.*

DECLARATIO.

Duplicem differentiam, & quidem essentialem, statuit Quænellius inter gratiam Adami, in statu innocentie, & inter gratiam nostram in statu naturæ lapsæ. Prima est, quod gratia Adami recipiatur in persona propria; gratia vero in statu naturæ lapsæ in Persona Jesu Christi, cui nos moraliter sumus uniti. Secunda, quod gra-

gratia Adami fuerit resistibilis: gratia vero nostra irresistibilis, seu irrefragabilis. Hæc tamen explicatio Jansenistica tribus falsis laborat suppositis, 1. falsum est, quod gratia Adami, ac nostra essentialiter differant. Id quidem negari nequit, quod gratia Adami ad constituendam justitiam originalem completam habuerit aliqua annexa defacto per peccatum originale deperdita, præsertim subjectionem partis inferioris ad partem superiorem, ita, ut motus appetitus sensitivi subjicerentur appetitui rationali, nec ipso invito consurgerent, prout defacto caro rebellet adversus spiritum &c. ex hoc tamen necdum infertur, quod gratia Adami in se, & intrinsece distinguatur essentialiter à gratia in statu naturæ lapsæ. Falsum pariter est 2. quod gratia nobis collata non recipiatur vere in nobis; nam utraque tam actualis, quam habitualis animæ nostræ vere communicatur, cum hoc discrimine, quod gratia habitualis sanctificans ex sua natura sit qualitas permanens, animæ inhærens per modum habitus; actualis vero sit auxilium Dininum iterum transiens, de quo plura Theologi in Tractatu de Gratia. 3. Similiter falsum & toties jam refutatum est suppositum illud, quod in statu naturæ lapsæ omnis interior gratia sit irresistibilis; cum defacto detur sufficiens, cui resisti potest, imo actu resistitur ab hominibus.

Nota, quod si Jansenistæ velint per hæc sua dicta, Justitiam, ac gratiam nostram nullam esse
P. Anaclet. Reiffenst. Theol. Supplem. Z ali-

aliam, quam Justitiam, & gratiam Christi nobis in tantum imputatam, in quantum sumus membra Christo tanquam supremo Capiti moraliter conjuncta, quod (inquam) in tali sensu non multum abludant circa nostram justificationem à Doctrina Lutheri, & Calvini, quinimo iisdem innitantur principiis.

**PROPOSITIONES XXXVIII. XXXIX.
XL. XLI. & XLII.**

42. XXXVIII. *Peccator non est liber, nisi ad malum, sine gratia Liberatoris.*

XXXIX. *Voluntas, quam gratia non prævenit, nihil habet luminis, nisi ad aberrandum; auditus, nisi ad se precipitandum; virium, nisi ad se vulnerandum. Est capax omnis mali, & incapax ad omne bonum.*

XL. *Sine gratia nihil amare possumus, nisi ad nostram condemnationem.*

XLI. *Omnis cognitio DEI, etiam naturalis, etiam in Philosophis Ethnicis, non potest venire, nisi à DEO, & sine gratia non producit, nisi presumptionem, vanitatem, & oppositionem ad ipsum DEUM, loco affectuum adorationis, gratitudinis, & amoris.*

XLII. *Sola gratia Christi reddit hominem aptum ad sacrificium fidei, sine hoc nihil, nisi impuritas; nihil, nisi indignitas.*

DECLARATIO.

Patet absque ulteriori explicatione ex ipsis his

his propositionibus, quod Quesnellius per eas nihil aliud intendat, quam ab homine in statu naturæ lapsæ excludere omnem libertatem indifferentiæ in ordine ad bonum, indeque insinuare necessitatem gratiæ efficacis ad illud. Sed contra est primo, quod hæc sit ipsissima Doctrina Michaëlis Baji multis antea annis ab Ecclesia damnata, cui censuræ etiam Bajus humiliter se subjecit. Propositio Baji ordine 27. sic sonat: *Liberum arbitrium sine gratiæ adiutorio non nisi ad peccandum valet.* Contra est secundo, quod exinde sequeretur, omnia opera infidelium fore mera peccata, utpote in principiis Quesnellii destituta gratia: nam juxta ipsum propositione 27. *Fides est prima gratia, & fons omnium aliarum;* hincque juxta eundem propositione 29. *Extra Ecclesiam nulla conceditur gratia.* Subsumitur: atqui falsum est, quod E. G. largiri Eleemosynam, honorare parentes sint apud infideles mera peccata; ergo. Minor sumpta probatur: erat enim ista Doctrina Lutheri, Calvini, & Baji jam antecedenter ab Ecclesia reprobata; nam Lutherus in caput 4. Epistolæ ad Galatas sic habet: *Opera extra fidem facta, ut maxime in speciem sancta videantur, sub peccato, & maledicto sunt.* Idem tenet Calvinus Lib. 3. Instit. cap. 4. Propositio Bajana inter damnatas vigesima quinta taliter sonabat: *Omnia opera infidelium sunt peccata, & Philosophorum virtutes sunt vitia.*

PROPOSITIO XLIII.

43. *Primus effectus gratiæ baptismalis est facere, ut moriamur peccato; adeo, ut spiritus, consensus, non habeant plus vitæ pro peccato, quam homo mortuus habet pro rebus mundi.*

DECLARATIO.

Uti in prima propositione damnata tenuit Quæsnellius, deperdita per peccatum gratia nihil remanere in peccatore præter generalem impotentiam ad omne opus bonum; ita e contrario in præsentī docet, quod sublato per gratiam baptismalem peccato in iusto tali remaneat impotentia ad peccandum, ita ut in ordine ad exercendas actiones peccaminosas plus vitæ non habeat, quam aliquis mortuus ad res mundanas. At contra est *primo*, quod in principiis Catholicorum gratia baptismalis tanquam sanctificans equidem tollat actuale peccatum, non tamen potentiam peccandi, neque fomitem peccati; alias enim acquisita semel per baptismum gratia homines redderentur impeccabiles, qui error fuerat Joviniani, jam quarto sæculo ab Ecclesia reiecti. Videatur Joannes Sianda V. *Jovinianus*. Contra est *secundo*, quod baptizatus adhuc habeat potentiam amittendi gratiam baptismalem non solum per infidelitatem, sed etiam per alia gravia peccata; ergo homo baptizatus, non obstante gratia baptismali, habet magis potentiam liberam ad peccandum, quam mortuus ad exercendas operationes

nes mundanas, utpote cum mortuus omni care-
at potentia quoad operationes vitales. Anteced.
probatur ex Concil. Trident. Sess. 7. de Baptif.
Can. 6. anathematizantis illum, qui dixerit bapti-
zatum non posse, etiamsi velit, gratiam amittere,
quantumcumque peccet, nisi nolit credere.

PROPOSITIONES XLIV. XLV.
XLVI. XLVII. XLVIII. XLIX. L. LI.
LII. LIII. LIV. LV. LVI. LVII.
LVIII. & LIX.

44. XLIV. Non sunt, nisi duo amores, unde
volitiones, & actiones omnes nostræ nascuntur;
amor DEI, qui omnia agit propter DEUM,
quem DEUS remunerat; & amor, quo nos ipsos,
ac mundum diligimus, qui, quod ad DEUM re-
ferendum est, non refert, & propter hoc ipsum fit
malus.

XLV. Amore DEI in corde peccatorum non
amplius regnante, necesse est, ut in eo carnalis
regnet cupiditas omnesque actiones ejus corrumpat.

XLVI. Cupiditas, aut charitas, usum sensuum
bonum vel malum faciunt.

XLVII. Obedientia Legis profluere debet ex
fonte; & hic fons est charitas. Quando DEI
amor illius est principium interius, & DEI gloria
ejus finis, tunc purum est, quod apparet exterius;
alioquin non est, nisi hypocrisis, aut falsa justitia.

XLVIII. Quid aliud esse possumus, nisi tenebræ,
nisi aberratio, & nisi peccatum sine fidei lumine,
sine Christo, & sine Charitate.

XLIX. Ut nullum peccatum est sine amore
fri, ita nullum est opus bonum sine amore DEI.

L. Frustra clamamus ad DEum, Pater mi:
spiritus charitatis non est ille, qui clamat.

LI. Fides justificat, quando operatur; sed
non operatur, nisi per charitatem.

LII. Omnia alia salutis media continentur
fide, tanquam in suo germine, & semine; sed
fides non est absque amore, & fiducia.

LIII. Sola charitas Christiana modo facit (ad-
nes Christianas) per relationem ad DEum, & JESUM
Christum.

LIV. Sola charitas est, quæ DEO loquitur,
solum DEUS audit.

LV. DEUS non coronat, nisi charitatem.
currit ex alio impulsu, & ex alio motivo, in
num currit.

LVI. DEUS non remunerat, nisi charitatem.
quoniam charitas sola DEum bonorat.

LVII. Totum deest peccatori, quando ei de-
spes, & non est spes in DEO, ubi non est amor DEI.

LVIII. Nec DEUS est, nec Religio, ubi
est charitas.

LIX. Oratio impiorum est novum peccatum
& quod DEUS illis concedit, est novum in
judicium.

DECLARATIO.

Reassumit hic Quesnellius errores pridem
Ecclesia rejectos, docendo, quod inter amorem
Dir

Divinum, & inter amorem mundanum nihil mediet, ita quidem, ut omnia opera sint peccaminosa, nisi fiant ex motivo charitatis DEI, quatenus in se ipso infinite boni; consequenter si credo in DEUM, quia infinite verax est, si spero in ipsum intuitu mercedis, quia nobis bonus est, si abstineo à venereis ex motivo castitatis, vel si sustineo ærumnas absque ulla querela ex motivo patientiæ vel do pauperibus ex motivo misericordiæ, vel obtempero Legi ex motivo obedienciæ &c. omnes isti actus mali sunt, nisi fiant ex imperio, seu motivo charitatis, vel saltem habeant actum charitatis concomitantem.

45. Ast contra est primo, quod idem doceatur à Calvino in Antidoto ad Sess. 6. cap. 25. dicente: *DEI iudicio nihil est sincerum, nec probum, nisi quod ex perfecto ejusdem amore manat.* Contra est secundo, quod Concilium Tridentinum Sess. 6. de Justificat. Can. 31. anathematizet illos, qui dicunt peccatum esse operari intuitu mercedis. Formalia sic habent: *Si quis dixerit, justificatum peccare, dum intuitu mercedis operatur, anathema sit.* Contra est tertio, quod Sacra Scriptura ipsa met invitet sæpius ad exercitium bonorum operum intuitu mercedis, & præmii æterni: *Inclinavi cor meum ad faciendas justificationes tuas NB. propter retributionem,* inquit David. Psalm. 118. & S. August. in Psalm. 14. *Non faciamus aliquid, nisi spe cælestium præmiorum; ipsa est enim altitudo non hic querere mercedem, sed sursum.* Contra est quarto, quod ex hac doctrina, si inter cha-

ritatem, & vitia nihil mediarer, sequeretur, peccatorum gravium opera misericordiæ, & orationes ad DEUM esse nova peccata, quam sequelam Quesnellius propositione 59. ultro quidem cum Bajo propositione inter damnatas trigesima quinta admittit; Sacra tamen Scriptura contrarium clamat, volens, quod Eleemosyna potius resistat peccatis *Eccles. 3. v. 33.* nec non à morte liberet, & peccata purget, *Tob. c. 12. v. 9.* Item Orationes, Eleemosynæ procurarunt Cornelio Centurioni lumen veræ fidei, & sacrum Baptisma, ut testatur Angelus Domini, *Act. cap. 10. v. 4.* Contra est quinto, quod hæc opinio Quesnellii de Charitate fuerit ipsissima Doctrina Michaelis Baji jam centum annis, & ultra ante Quesnellium à summis Pontificibus S. Pio V. & Gregorio XIII. damnata. Sic enim Bajus propositione inter reprobata 16. docebat: *Non est vera Legis obedientia, quæ sit sine charitate.* Et propositione 38. *Omnis amor creature rationalis aut vitiosa est cupiditas, qua mundus diligitur, quæ à Joanne prohibetur: aut laudabilis illa charitas, quæ per Spiritum Sanctum in corde diffusa Deus amatur.*

PROPOSITIONES LX. LXI. LXII. LXIII.
LXIV. LXV. LXVI. & LXVII.

46. LX. *Si solus supplicii timor animat pœnitentiam, quo hæc est magis violenta, eo magis ducit ad desperationem.*

LXI. Timor non nisi manum cohibet, cor autem tamdiu peccato addicitur, quamdiu ab amore justitiæ non ducitur.

LXII. Qui à malo non abstinet, nisi timore pœnæ illud committit in corde suo, & jam est reus coram DEO.

LXIII. Baptizatus adhuc est sub lege, sicut Judeus, si legem non adimpleat, aut adimpleat ex solo timore.

LXIV. Sub maledicto legis nunquam fit bonum, quia peccatur sive faciendo malum, sive illud non nisi ob timorem evitando.

LXV. Moyses, Prophetæ, Sacerdotes, & Doctores Legis mortui sunt absque eo, quod ullum DEO dederint filium, cum non effecerint nisi mancipia per timorem.

LXVI. Qui vult DEO appropinquare, nec debet ad ipsum venire cum brutalibus passionibus, neque adduci per instinctum naturalem, aut per timorem sicuti bestia, sed per fidem & per amorem sicuti filii.

LXVII. Timor servilis non sibi representat DEUM, nisi ut Dominum durum imperiosum, injustum, intractabilem.

DECLARATIO.

Sensum harum octo propositionum facile capies, si principia Quesnellii, & Jansenistarum bene percipias. Itaque Is conformiter jam dictis pro-

positione I. & seqq. putat 1. Absque gratia efficaci homines omnes in statu naturæ lapsæ constitui in generali impotentia ad omne opus bonum, & consequenter etiam ad legis implementum. 2. Equidem non negare videtur, posse quospiam leges observari intuitu mercedis, vel ex timore pœnarum, addit tamen id ipsum non esse legis implementum, sed novum peccatum, quia hæc non fiunt ex vera charitate. 3. Existimat gratiam JESU Christi esse irresistibilem, ita quidem, ut si quis eam à DEO acquisierit, irresistibiliter debeat operari bene; hincque à S. Augustino appellari gratiam *Victoriosam* &c. &c. 4. Inquit, eandem gratiam in novo Testamento, tanquam in lege gratiæ, obtinere multos, non tamen omnes, prout etiam ipse Christus pro multis, sed non pro omnibus, (uti putat) sanguinem suum fudit. 5. Ait, in Legge Judaica, seu veteris Testamenti gratiam illam JESU Christi nondum fuisse concessam; unde 6. Israelitas vixisse sub maledictio legis, seu (ut asserit) sub peccato, & generali impotentia adimplendi legem; etsi enim aliqui eandem observarint, id tamen vel intuitu mercedis, vel timore pœnarum contigisse dicit, ita, ut semper peccaverint, tam faciendo malum, quam declinando illud ob merum pœnarum metum. Et hinc 7. (pergit Quesnellius) Moyse, Prophetæ, & Doctores legis antiquæ nullum dederunt DEO Filium, cum non effecerint nisi mancipia per timorem. 8. Pari modo manere sub maledictio Legis baptizatos, sicut Judæos, si legem adimpleant ex solo timore. Ita cum Jansenistis Quesnellius.

47. Hæc tamen doctrina pluribus laborat falsis suppositis ab Ecclesia, & summis Pontificibus pluribus abhinc annis reprobatis. *In primis* enim, quod etiam mediante gratia sufficienti quis constituitur in potentia proxima observandi legem meritorie, patet ex declaratione primæ propositionis, & alibi sæpius. *Secundo*, quod non sit peccatum observare legem intuitu mercedis, ostensum est numero antecedenti. Insuper servare Legem ex timore poenarum alias infligendarum, neutiquam esse peccaminosum, sed potius utile, & præparatorium ad gratiam (subintellige sanctificantem) sæpius decidit suprema Sedes: Nam Alexander VIII. sequentes duas confixit Theses Cap. IV. adhuc adducendas. Prima ordine 14. sic sonabat: *Timor Gehennæ non est supernaturalis: altera* Ordine 15. *Attritio, quæ ex Gehennæ, & poenarum metu concipitur, sine dilectione benevolentie DEI propter se, non est bonus motus, ac supernaturalis.* Prout etiam Concilium Tridentinum Sess. 6. de Justificat. Can. 8. anathematizavit quemlibet, qui dixerit *gehennæ metum* &c. peccatum esse, aut peccatores peiores facere. Item Can. 5. Sess. 14. de Pœnitentia fulmine Apostolica percussit illum, qui dixerit, eam contritionem, quæ paratur &c. in amaritudine animæ suæ, ponderando peccatorum suorum gravitatem, multitudinem, sceditatem, NB. amissionem æternæ beatitudinis & æternæ damnationis incursum, non esse verum, & utilem dolorem, nec præparare ad gratiam. Ubi principaliter intendit reprobare positionem Lutheri inter propositiones damnatas à Leone X. Ordine sextam cap. II.

§. 2. jam relatum, in qua propositione dictus hæresiarcha defendere nitebatur talem dolorem facere hominem hypocritam, & magis peccatorem, nisi processerit ex affectu charitatis, prout apud Dominicum Viva hic limitat in Epistola ad Salpitiū. Mirandum itaque est, quod Quesnellius mori cupiens ut Catholicus crambrem hanc hæreticam recoquere præsumpserit, etiam quasi in articulo mortis appellando ad futurum Generale Concilium. Experietur nunc hanc appellationem in supremo Tribunali DEI fuisse rejectam, tanquam illegitimam. *Tertio* Quesnellius supponit falsum, quasi gratia JESU CHRISTI semper esset irresistibilis, quam etiam propterea male vocat *Victoriosam*: nam gratia efficax à SS. PP. appellatur *Victrix*, non quasi libertatem vincat, eandem subjugando, sed quia superat tentationem, Diabolum, & concupiscentiam, uti recte notat noster Bona, *Part. 2. cap. 17. n. 17.* Item *quarto*, quod Christus sanguinem suum tantummodo pro multis fuderit, de quibus punctis videantur dicta partim propositione II. partim n. 18. & 38. *Quinto* falsum pariter est, quod in Lege veteri non fuerint à DEO intuitu meritorum Christi prævisorum concessæ gratiæ tam sufficientes quam efficaces: cum Christus juxta jam dicta antecedentia post perpetratum Adæ peccatum nullum à summo redemptionis beneficio exclusit. *Sexto* æque veritate Catholicæ consentaneum non est, quod omnes in veteri Testamento vixerint sub maledicto legis, seu sub peccato; In primis enim etiam in statu veteris Testamenti juxta formalia D. Thomæ p. 2. quæst.

quæst. 17. art. 1. ad 2. fuerunt aliqui habentes charitatem, & gratiam Spiritus Sancti: ergo nec ibidem præclusa fuit omnis via ad charitatem. Deinde quamvis legem servassent ex metu pœnarum, necdum per hoc conformiter dictis antecedentibus peccatum commisissent, dummodo non simul retinuerint conditionatum affectum ad peccandum, ita, ut parati fuissent illud perpetrare, nisi pœnæ absterrent. Exinde *septimo* patet, falsissimum quoque esse, quod Moyses, & Prophetæ nil nisi mancipia per timorem effecerint. Num mancipia dicenda sunt ex qualibet Tribu Filiorum Israël duodecim millia signati, quos vidit Joannes Apocalyps. cap. 7. *Stantes ante Thronum in conspectu Agni?* Ex eodem fundamento nec alicujus peccati arguendi sunt baptizati, qui ex timore pœnarum legem adimplent, dummodo non simul affectum retineant ad peccatum, quod bene pro semper notandum; Sancti Patres enim, qui timorem servilem tanquam peccaminosum rejiciunt, loquuntur de timore serviliter servili, seu illo, qui simul retinet amorem ad peccatum. Vid. *Cap. IV. num. 165. & seqq.*

PROPOSITIO LXVIII.

48. *DEI Bonitas abbreviavit viam salutis, claudendo totum in fide, & precibus.*

DE-

DECLARATIO.

Nisi Quesnellius velit doctrinæ suæ propriæ, aliis duabus propositionibus, nimirum § 1. & § 2. contentæ, luculenter contradicere, debet hanc intelligere de fide non nuda, sed formata charitate, ita, ut sensum faciat sequentem: DEI bonitas abbreviavit, seu in compendium redegit viam salutis, omnia claudendo inter duos terminos fidei nempe, charitate formatæ, ac precum. In hoc tamen Quesnellii asserto præcipuus error in eo consistit: quod, dum omnia quoad salutem æternam obtinendam præcise intra hos duos terminos concludit, alia media ad salutem conducentia, uti gratias actuales infidelem ad fidem amplectendam excitantes, virtutem spei, misericordiam erga pauperes, abstinentiam, Concilia Evangelica &c. excludere videatur. *Nec dicatur*, similes virtutes neutiquam excludi, dummodo ex imperio charitatis procedant, vel saltem eam virtutem supremam sibi conjunctam habeant. *Nam contra est*, quod etsi majus comparetur meritum, quando taliter ista fiunt, id tamen ad contrahendam bonitatem ex parte dictarum virtutum necessarium non sit; cum singulæ ab invicem specie distinctæ habeant proprium objectum formale moraliter bonum, nec desit gratia divina præveniens, & concomitans memoratos actus moraliter bonos. Videantur dicta *num. 44. & seqq.* Item *cap. IV. num. 154. & num. 158.*

PROPOSITIO LXIX.

49. *Fides, usus, augmentum, & præmium fidei, totum est donum puræ liberalitatis DEI.*

DECLARATIO.

Negare, quod fides, usus, & augmentum fidei, aut præmium per actus fidei obtentum sit liberalissimum donum misericordissimi DEI, foret summa ingratitudo, merito cum Doctrina Pelagianorum, & semi-Pelagianorum ab Ecclesia condemnanda; hi enim propterea fuere reprobati quia priores salutem nostram ex toto, posteriores vero saltem initium nostræ salutis, excluso supernaturali dono gratiæ, puris naturæ viribus adscribunt. In hoc tamen errat Quesnellius, quod asserat, similes actus fidei ex toto ita esse purum liberalitatis Divinæ donum, ut simul eosdem actus excludat à ratione meriti: etsi enim actus boni mediante Divina gratia libere à nobis elicit in radice sint pura DEI dona (quatenus nimirum DEUS primam gratiam tanquam radicem omnium meritorum nulli confert intuitu operum naturalium, sed præcisè gratuito) formaliter tamen habent etiam apud DEUM suo modo rationem meriti in ordine ad præmium cœleste vel proxime, vel saltem remote; quando nimirum dicti actus boni, cooperante simul gratia Divina, libere ab hominibus eliciuntur, ita quidem, ut post primam supernaturalem illumi-

na-

nationem elicitus actus fidei cujuspiam Catechumeni baptizari cupientis censeantur meritorii de congruo; dum vero memorati actus repetuntur post receptum baptisma ab homine justo, sine quoque quoad augmentum præmii æterni meritorii de condigno: hinc Concil. Trident. Sess. 6. de Justificat. Can. 32. loquens generaliter de omnibus actibus, & operibus bonis hominis per gratiam sanctificantem justificati, recte anathematizavit eum, qui dixerit, hominis justificati bona opera ita esse dona DEI, ut non sint etiam bona ipsius justificati merita.

PROPOSITIO LXX.

50. *Nunquam DEUS affligit innocentes, & afflictiones semper serviunt vel ad puniendum peccatum, vel ad purificandum peccatorem.*

DECLARATIO.

Verum quidem est, quod sæpe DEUS nos affligat propter nostra peccata &c. falsum tamen, quod hæc sola sit causa; cum DEUS etiam sanctis hominibus ob alios altissimos suæ Providentiæ fines, puta ad majorem spirituales profectum, ad æternæ gloriæ incrementum, similes afflictiones immittat. Quis Sanctior Christo Domino? Et quis majores illo sustinuit ærumnas? Quænam post Christum pu-

prior Dolorosissima Virgine MARIA? & quantas pertulit afflictiones, quamvis omni macula, etiam originali, caruerit? Suspicio, erroneam illam Quesnellii doctrinam esse desumptam ex Michaële Bajo, qui, ut similes instantias magis declinare posset, Beatissimam Virginem à Labe originali immunem negavit. Propositio ejusdem duplex inter damnatas 72. & 73. ita sonabat: Omnes omnino Justorum afflictiones sunt ultiones peccatorum ipsorum: unde Job, & Martyres, quæ passi sunt, propter sua peccata passi sunt. Item: Nemo præter Christum est absque peccato originali; hinc beata Virgo mortua est propter peccatum ex Adam contractum, omnesque ejus afflictiones in hac vita, sicut & aliorum justorum fuerunt ultiones peccati actualis, vel originalis.

PROPOSITIO LXXI.

51. Homo ob sui conservationem potest sese dispensare ab ea lege, quam DEUS condidit propter ejus utilitatem.

DECLARATIO.

Sunt alias Jansenistæ in Doctrina moralium & in absolutione Sacramentali valde rigidi, in præfenti autem valde laxi, dum universaliter absque distinctione præceptorum DEI à præceptis Ecclesiæ, Legum Juris naturalis à Legibus Juris positivi adstruunt, hominem ob sui conservationem posse secum ipso dispensare quoad eam legem, quam

P. Anach. Reiffenst. Theol. Suppl. Aa DEUS

DEus condidit propter ipsius utilitatem; Nam contra est, quod ex hac illimitata propositione sequeretur, hominem sæcularem, vel etiam Clericum voto solemnī castitatis adstrictum secum ipso posse dispensare, E. G. in præcepto naturali non fornicandi, seu nullam pollutionem voluntariam procurandi, si talis actus immunditiæ ex medicorum sententia conducirer ad conservandam sanitatem, vel ex eadem ratione, sive etiam ne diffametur, posse puellam gravidam secum dispensare ad procurandum abortum &c. & sic tandem ex principiis hujus doctrinæ excusari possent Acatolici Pastores ob datam à se Landgravio Hassiæ facultatem duas simul habendi uxores &c. Quæ & similia quam absurda sint, nemo non videt. Ex mea parte credo, Jansenistas ideo principaliter laxissimam hanc excogitasse sententiam, ut Censuras Ecclesiasticas, quibus alias compellerentur pingua dimittere beneficia, & Professuras, à se magis amoveant; de quo vide plura adhuc num. 59. & seqq.

PROPOSITIONES LXXII. LXXIII. LXXIV.
LXXV. LXXVI. LXXVII. & LXXVIII.

52. LXXII. *Nota Ecclesiæ Christianæ est, quod sit Catholica, comprehendens & omnes Angelos Cæli, & omnes electos, & justos terræ, & omnium sæculorum.*

LXXIII. *Quid est Ecclesia, nisi cætus Filiorum DEI manentium in ejus sinu, adoptatorum in Christo, sub-*

subistentium in ejus Persona, redemptorum ejus sanguine, viventium ejus spiritu, agentium per ejus gratiam, & expectantium gratiam futuri seculi.

LXXIV. *Ecclesia, sive integer Christus, Incarnatum Verbum habet ut caput, omnes vero Sanctos ut membra.*

LXXV. *Ecclesia est unus solus homo, compositus ex pluribus membris, quorum Christus est Caput, vita, subsistentia, & persona; unus solus Christus compositus ex pluribus sanctis, quorum est sanctificator.*

LXXVI. *Nihil spatiosius Ecclesia DEI, quia omnes Electi, & Justi omnium seculorum illam componunt.*

LXXVII. *Qui non ducit vitam dignam Filio DEI, & membro Christi, cessat interius habere Deum pro Patre, & Christum pro Capite.*

LXXVIII. *Separatur quis à populo electo, cujus figura fuit populus Judaicus, & Caput est Iesus Christus, tam non vivendo secundum Evangelium, quam non credendo Evangelio.*

DECLARATIO.

Ovum ovo similis esse vix potest, quam Doctrina Calvini, & Quesnellii ad invicem quoad hoc, quod uterque ab Ecclesia Christi excludat reprobos; Eamque ex solis prædestinatis, atque Electis constituat: addendo, quod pro his solis Christi

stus suum sanguinem fuderit &c. Cæterum Quæ
 nellius ultra Calvinum adhuc progredi videtur
 eo quod Ecclesiam non ex quibuscunque prædesti-
 natis (utpote ex quibus aliqui possunt pro num-
 esse inipis per finalem demum pœnitentiam, con-
 vertendi,) sed ex iis præcise componat Electis, qui
 manent in sinu Christi, aguntur per ejus gratiam, &
 vivunt ejus spiritu secundum Evangelium. Contra
 tamen est, quod conformiter Apostolo 2. Timotheo
 cap. 2. v. 20. juxta jam dicta contra Calvinum Ec-
 clesia sit illa magna Domus, in qua sunt vasa
 rea, & argentea, & lignea, & fictilia, quedam in
 gloriam, & quedam in contumeliam. Sic Jacobus
 proditor teste Divo Augustino *Lib. de unitate Ec-*
clesiæ cap. 13. fuit in Ecclesia, sicuti Petrus, & reliqui
 Apostoli, & tamen erat reprobis. Vide de hoc
 fusius Cap. II. agendo de Visibili Christi Ecclesia
 contra Lutheranos, & Calvinistas.

PROPOSITIONES LXXIX. LXXX. LXXXI.
 LXXXII. LXXXIII. LXXXIV.
 & LXXXV.

53. LXXIX. Utile, & necessarium est omni
 tempore, omni loco, & omni personarum generi
 credere, & cognoscere spiritum, pietatem, & Mystera
 Sacre Scripturæ.

LXXX. Lectio Sacre Scripturæ est pro omnibus

LXXXI. Obscuritas sancti Verbi DEI non
 Laicis ratio dispensandi seipsos ab ejus Lectione.

LXXXII.

LXXXII. Dies Dominicus à Christianis debet sanctificari Lectionibus pietatis, & super omnia sanctorum Scripturarum. Damnosum est, velle Christianum ab hac Lectione retrahere.

LXXXIII. Est illusio sibi persuadere, quod notitia Mysteriorum Religionis non debeat communicari feminis Lectione sacrorum Librorum. Non ex femininarum simplicitate, sed ex superba virorum scientia ortus est Scripturarum abusus, & natae sunt haereses.

LXXXIV. Abripere è Christianorum manibus novum Testamentum; seu illis clausum tenere, auferendo eis modum illud intelligendi, est illis Christi os obturare.

LXXXV. Interdicere Christianis Lectionem S. Scripturae, praesertim Evangelii, est interdicere usum luminis filiis lucis, & facere, ut patiantur speciem quandam excommunicationis.

DECLARATIO.

Sensus quidem harum propositionum videtur ex ipso textu satis clarus; Ecclesiae tamen Catholicae hic est summe injuriosus: Nam si Lectio Sacrae Scripturae est pro omnibus, atque insuper damnosum, velle Christianum ab hac lectione retrahere; tunc plane deberet Ecclesia (nisi velit esse noverca filiis suis pro in electu, ac captu faciliiori passim versiones linguae talis populi accommodatas procurare, & Lecti nem non solum concedere, verum etiam eandem cunctis, & quidem

dem sedulam efficaciter inculcare; Cum tamen Sacri Concilii Tridentini Patres Regula quarta indicis Librorum prohibitorum experientia longe aliter docti Lectionem aliam neutiquam passim admittant absque Consilio Parochi, aut Confessorii &c. Verba formalia loco cit. sunt sequentia: *Cum experimento manifestum sit, si Sacra Biblia in vulgari lingua passim sine descrimine permittantur, inde ob hominum temeritatem detrimenti, quam utilitatis oriri, hac in parte iudicio Episcopi, aut Confessoris stetur, ut cum Consilio Parochi, vel Confessorum Librorum à Catholicis Auctoribus versorum Lectionem in vulgari lingua eis concedere possint, quos intellexerint, ex huiusmodi Lectione non damnum fidei, atque pietatis augmentum capere posse, quo utique supponit Concilium Tridentinum, ac omnes ex hac lectione augmentum fidei, atque pietatis capere: ad quid enim alias Episcopis commisisset, ut ipsi primum discernant, utrum, quinam ex illa lectione prædictam hauriant utilitatem? Consequenter hæc prohibitio debet sumi rationabilis. Cur igitur Quesnellius in præfati repetit antiquam hæreticorum Cantilenam, eodem prorsus modo contra Ecclesiam Romanam Catholicam murmurare solent, ut eandem apostolicam simpliciores, plebejos, & curiosas mulierculas modo odiosam reddant?*

PROPOSITIO LXXXVI.

54. *Eripere simplici Populo hoc solatium, iungere vocem suam voci totius Ecclesie, est usus contrarius praxi Apostolica, & intentioni DEI.*

DECLARATIO.

Propositio ista mutuata est à Protestantibus, qui pariter volunt, ut officia Divina pro instructione, & consolatione simplicium peragantur lingua vulgari, quatenus exinde populus quoque suam valeat Sacerdoti adjungere vocem, atque *Filii intelligant* (prout subjungit Quesnellius in suis reflexionibus paulo ante hanc propositionem) *quod Mater facit, & postulat pro ipsis.* Ast duo contra hæc dicta occurrunt bene notanda. *In primis*, quod haud inficias eamus, Ecclesiam posse, si vult, officia in lingua vulgari permittere. Solummodo negamus ad id teneri, & agere contra praxin Apostolorum &c. si non concedat. *Secundo* notandum, quod finis primarius seu principalis Officii Divini tanquam alicujus actus Religionis sit ipsemet cultus DEI: & licet consolatio populi possit suo modo dici finis saltem secundarius; hic tamen exinde sufficienter obtinetur, quod devote præsentis Divinis officiis, præsertim Sacrosanctis Missæ Sacrificiis specialem fructum acquirant, quamvis sensum verborum in Divinis officiis non intelligant. *Nec dicat* Quesnellius cum hæreticis, Divinum officium esse quoque institutum, ad instructionem populi, quæ tamen deesset, si divinum officium non celebraretur in lingua vulgari: *Respondetur enim* negando illatum, loquendo de fine principali, conformiter jam dictis. Porro instructionem populi, si quæ ex officio Divino, vulgari lingua celebrando, speratur, abunde atque efficacius

supplevit Consilium Tridentinum Sess. 22. de Sacrificio Missæ Cap. 8. sequenti norabili decreto: *Etsi Missa magnam contineat populi fidelis eruditionem: non tamen expedire visum est Patribus, ut vulgari passim lingua celebraretur. Quam ob rem NB. retento ubique cujusque Ecclesiæ antiquo, & à Sancta Romana Ecclesiâ, omnium Ecclesiarum Matre, & Magistra, probato ritu, ne oves Christi esuriant, neque parvuli panem petant, & non sit, qui frangeret eis; mandat Sancta Synodus Pastoribus &c. ut frequenter inter Missarum celebrationem per se, vel per alios ex iis, quæ in Missa leguntur, aliquid exponant, atque inter cetera sanctissimi hujus Sacrificii Mysterium aliquod declarent, diebus præsertim Dominicis, & festis* Volui referre verba omnia, quia singula singulare pondus habent, eaque non solum ad Quænellianos, sed quoad executionem etiam ad alios diriguntur Catholicos.

PROPOSITIONES LXXXVII. &
LXXXVIII.

55. LXXXVII. *Modus plenus sapientia, lumine & charitate, est dare animabus tempus portandi spiritum pœnitentiæ, & contritionis, & incipiendi ad minus satisfacere justitiæ Dei, antequam reconcilientur.*

LXXXVIII.

LXXXVIII. Ignoramus, quid sit peccatum, & vera pœnitentia, quando volumus statim restitui possessioni bonorum illorum, quibus nos peccatum spoliavit, & detrectamus separationis istius ferre confusionem.

DECLARATIO.

Prior ex his duabus propositionibus confixis respicit directe ipsum Confessarium; altera vero directe pœnitentem. In priori Quesnellius docet spectare ad charitatem, Sapientiam, & lumen Confessarii, ut non illico pœnitenti largiatur absolutionem, sed potius præfato det spatium portandi cum humilitate, & sentiendi statum peccati, petendi insuper spiritum contritionis, & aliquatenus satisfaciendi iustitiæ, antequam DEO reconcilietur. In posteriori Propositione Quesnellius vult, ut ipsemet peccator non statim petat possessionem bonorum illorum, quibus eum antea peccatum spoliavit: ubi principale utique bonum, quo homo per peccatum grave privatur, est ipsamet gratia sanctificans; hanc itaque juxta Quesnellium peccator non debet statim perere. Ita ille; sed quam male, patebit illico.

§6. Itaque loquendo de propositione inter has duas prima, verum quidem est, Confessarium qua Iudicem, vel qua medicum spiritua-lem rectissime agere, si subinde, puta apud re-

cidivos, vel in occasione proxima constitutos & n
 absolutionem suspendat, quando, gravibus v
 cumstantiis simul confluentibus, plurimum d
 bitat de efficacia propositi; de quo vide int
 propositiones ab Innocentio XI. damnatas ord
 ne *sexagesimam capite quarto*. At communio
 absolutionem suspendere ex eo motivo, ut pe
 cator habeat spatium portandi, & sentiendi fl
 tum peccati, atque ut exinde jam ante recon
 ciliationem incipiat satisfacere justitiæ Divinæ
 est ordo præposterus, & doctrina ab Ecclesia r
 jecta, antequam Quesnellius suas Parisiis ant
 1693. & 1694. edidit reflexiones in novum t
 stamentum. Sic enim apud Cardinalem de L
 go *Disp. 12. de Pœnitentia* Petrus de Osimo d
 cens ex Christi lege, & præscriptione satisf
 ctionem debere præmitti absolutioni, fuit d
 mnatus pridem antea: Item Alexander VII.
 anno 1690. quorundam Jansenistarum proposi
 tiones reprobavit. Una ordine 16. taliter s
 nabat: *Ordinem præmittendi satisfactionem abs
 lutioni induxit Sc. ipsa Christi Lex, & præ
 ptio, natura rei id ipsum quodammodo dictant*
 Alia ordine 17. *Per illam praxim mox absolven
 di ordo pœnitentiæ est inversus*. Videsne, qua
 claris terminis hæc Quesnellii de Pœnitentia do
 ctрина fuerit jam antecederet ab Ecclesia reje
 ita ut mirari satis nequeam, quod Quesnellius
 hoc non obstante, eandem denuo reassumens
 & defendere ausus fuerit; cui neutiquam sul
 fragatur antiqua Ecclesiæ praxis, vi cujus se
 lummodo absolutio Canonica à censuris, & pœ
 nis

nis pro foro externo non dabatur statim; secus vera absolutio Sacramentalis à peccatis ordinarie loquendo, ac quando alias sufficienter fuerunt instructi in principiis fidei.

57. Circa alteram propositionem directe concernentem ipsum pœnitentem, debuisset Quesnellius potius assertere immediate suæ doctrinæ contrarium: nimirum quod ille ignoret, quid sit peccatum, & vera Pœnitentia, qui non quocitius, eo melius, se disponit, ut beneficio Sacramentalis absolutionis iterum recipiat possessionem bonorum deperditorum, præsertim gratiæ sanctificantis, qua erat per grave peccatum privatus. Talis enim peccator, quamdiu cum Deo non reconciliatur; manet miserum diaboli mancipium, ruitque communiter loquendo de uno scelere in aliud: nam teste D. Gregorio Homil. 11. in Ezech. *Peccatum, quod per pœnitentiam non deletur, suo pondere trahit ad aliud.* Insuper intra illud temporis spatium omnia ejusdem opera, quantumcunque moraliter bona, juxta Theologos sunt mortua, id est, nullatenus de condigno meritoria vitæ æternæ, ubi alias si citius adeptus fuisset gratiam sanctificantem, potuisset intra illud temporis spatium ingentem sibi per eadem comparare thesaurum. Adhuc infelicior, imo omnium infelicissimus dicendus foret gravis ille peccator, qui noxiam sequens Quesnellii Doctrinam differret reconciliationem cum Deo, & interim vel usu rationis privaretur, aut ex infortunio aliquo, vel apoplexia, aliove acciden-

denti subito mortem oppeteret. Neque isti casus forent valde rari, si ordinarie à peccatoribus deberet differri reconciliatio cum DEO, & propterea Confessarii communiter suspendere absolutionem, ut antea incipiant peccatores satisfacere. Longe aliter, ac Quesnellius suavit Spiritus Sanctus *Ecclesiastici capite quinto* quemlibet admonens peccatorem, sequentibus verbis notat dignissimis: *Non tardes converti ad Dominum, & ne differas de die in diem; subito enim veniet ira illius, & in tempore vindictæ disperdet te.*

PROPOSITIO LXXXIX.

58. LXXXIX. *Quartus decimus gradus conversionis peccatoris est, quod, cum sit jam reconciliatus, habet Jus assistendi Sacrificio Ecclesiæ.*

DECLARATIO.

Dum propositio ista peccatori reconciliato concedit jus assistendi sacrificio, eo ipso supponit, quod ante reconciliationem, mediante absolutione obtinendam, prædictum jus neutiquam habeat, sicque ab audienda Missa, uti excommunicatus abstinere debeat; cum tamen Ecclesiæ generaliter diebus Dominicis, & festivis auditionem Missæ præcipiat, neque peccatores, nisi fuerint specialiter excommunicati, atque exclusi, excipiat. Et profecto, si peregrina illa Quesnellii doctrina vera esset, templa sæpius diebus festivis plurimum evacuarentur, atque facile ex
in-

intermissione Missæ dignosci posset, quinam sint graves peccatores; item homines ad audiendas Missas à potestate Ecclesiastica diebus præceptis cogi nequirent, si, suspensa ad certum tempus absolutione, abstinere à Missis forent obligati.

PROPOSITIONES XC. XCI. XCII.
& XCIII.

59. XC. Ecclesia auctoritatem excommunicandi habet, ut eam exerceat per primos Pastores de consensu saltem præsumpto totius corporis.

XCI. Excommunicationis injustæ metus nunquam debet nos impedire ab implendo debito nostro: nunquam eximus ab Ecclesia, etiam quando hominum nequitia videmur ab ea expulsi, quando Deo, JESU Christo, atque ipsi Ecclesiæ per charitatem affixi sumus.

XCII. Pati potius in pace excommunicationem, & anathema injustum, quam prodere veritatem est imitari Sanctum Paulum: tantum abest, ut sit erigere se contra auctoritatem, aut scindere unitatem.

XCIII. JESUS quandoque sanat vulnera, quæ præceptis primorum Pastorum festinatio infligit, sine ipsius Mandato: JESUS restituit, quod ipsi inconsiderato Zelo rescindunt.

DECLARATIO.

Ut intentum Quæsnellii circa dictas quatuor propositiones magis penetretur, recolligendum, & notandum est ex dictis §. V. In primis Innocentium X. prævia maturissima deliberatione damnasse quinque propositiones ex Jansenii Libro quodam, quem *Augustinum* appellavit, excerptas. Notandum secundo, non obstante hac damnatione quamplures adhuc maxime in Gallia, & Belgio exstitisse, hæresi Jansenisticæ, præsertim in occulto, adhærentes, qui etiam hanc suam congregationem vocarunt *Ordinem Jansenistarum*, constituentes in ea unum *Abbatem*, alterum *Priorem*, Generales, quo officio ultimo Quæsnellius longo temporeungebatur. Notandum tertio, ut præfati, hucusque sub pelle ovina adhuc latitantes, magis dignoscerentur, ad instantiam Regis Christianissimi ab Alexandro VII. summo Pontifice præscriptam fuisse certam formulam, cui omnes Galliæ Archi-Episcopi, & quicumque Ecclesiastici Ordinis tam sæcularium, quam Regularium sese subscribere debuerunt, ac cum juramento affirmare, quod quinque propositiones ex Cornelii Jansenii libro, cui nomen *Augustinus*, excerptas, sincero animo, etiam in sensu ab Auctore intento, rejiciant. Fuit insuper annexa à Summis Pontificibus excommunicatio lætæ sententiæ, incurrenda ab aliis, qui aliquam ex his quinque propositionibus, quæ fuerunt damnatæ tanquam hæreticæ, docere, vel defendere ulatenus præsumperint. Notandum quarto, Janse-

senistas exinde in magnas fuisse redactos angustias, utrum salva conscientia cum juramento sese huic formulæ subscribere, ac nihilominus adhuc interne possint tenere, & etiam, in occulto saltem, & clanculo doctrinam illam Jansenisticam dilatare, nec non verbis, & scriptis defendere, quin coram DEO aliquam incurrant excommunicationem? Inde notandum *quinto*, quod pro solvendo dubio recurrerint verosimiliter ad eorum Priorem Generalem Paschasium Quesnellium: Saltem is in allegatis supra propositionibus damnatis talia suggessit ipsis principia, ex quibus deducere potuerunt, se cum certa interna restrictione, seu æquivocatione posse, ne cathedras, & beneficia sua deperdant &c. formulæ subscribere; nec teneri veritatem, quam interne in doctrina Jansenii quasi pure Augustiniana inveniunt, exterius prodere, neque excommunicationem propterea coram DEO incurrere, si eandem adhuc manuteneant, & in occulto defendant &c. nam (uti propositione 90. inquit Prior iste Generalis) ad valorem excommunicationis requiritur consensus Ecclesiæ, saltem præsumptus, qualis in præsentī non adest; cum præter aliquot Episcopos expresse non pauci contradicant Ordinis Ecclesiastici &c. &c. ubi autem excommunicatio est invalida, taliter excommunicatus coram DEO juxta *propositionem* 91. non excluditur ab Ecclesia; quin potius conformiter *propositioni* 92. stans pro veritate imitatur Sanctum Paulum optantem pro Fratribus suis *anathema* esse, ad Romanos c. 9. Sanabit JESUS vul-

vulnera illa, quæ per excommunicationem præcæps primorum Pastorum Festinatio inflixit line ipsius mandato. Ita in substantia Quænellius, ex quibus facile benignus Lector harum propositionum sensum intelliget.

60. Sed contra est 1. quod DEUS Matth. cap. 16. & cap. 18. per illa verba: *Quodcunque ligaveris super terram, erit ligatum & in cælis*, dedecrit Petro, & Successoribus potestatem excommunicandi independentem ab Ecclesiæ consensu. Contra est 2. quod, dum Jansenistæ semper ad Concilia Generalia appellant, ipsum Concilium Tridentinæ Sess. 25. de Reform. c. 3. loquens de excommunicationibus: quæ ab Episcopo feruntur, eam potestatem huic independentem à consensu Capituli vel Parochorum adscribat. Formalia sic habent: *Totum hoc in ejus arbitrio & conscientia sit potestatem, quando ipse pro re, loco, persona, aut tempore eas decernendas esse judicaverit*: ergo à fortiori idem erit dicendum de Papa tanquam Episcopo Episcoporum: Contra est 3. quod in emergentia talium casuum præsumi debeat pro Superiore excommunicationem statuente, nisi certo constet contrarium: nam (ut inquit Bernardus de Præcept. & Dispensat. cap. 9.) *Quidquid præcipit DEUS, haud secus accipiendum est, quam si præcipiat DEUS*: atqui in æternum nobis Jansenistæ non ostendent, excommunicationem maturissimo prævio examine latam in eos, qui tenent & defendunt quinque propositiones damnatas Jansenii, certo di-

applicere DEO, ergo. Contra est 4. quod per hanc Quesnellii Doctrinam lata quibuscumque hareticis, vel malevolis aperiretur porta ob excogitatas tales umbratiles rationes passim contemnendi fulminatam in eos excommunicationem, uti consideranti patet. Unde Jansenistæ per similia effugia Potestatem Ecclesiasticam eludere, atque quoad effectum frustrare allaborantes, non Paulum Apostolum, sed adhuc Saulum spirantem minas, & persequentem Ecclesiam imitantur.

PROPOSITIONES XCIV. XCV. XCVI.
XCVII. XCVIII. XCIX. C. CI.

61. XCIV. Nihil pejorem de Ecclesia opinionem ingerit ejus inimicis, quam videre illic dominatum exerceri supra fidem fidelium, & foveri divisiones propter res, quæ nec fidem lædunt, nec mores.

XCV. Veritates eo devenerunt, ut sint lingua quasi peregrina plerisque Christianis, & modus eas prædicandi est veluti idioma ignotum: adeo remotus est a simplicitate Apostolorum, & supra communem captum fidelium; neque satis advertitur, quod hic defectus sit unum ex signis maxime sensibilibus senectutis Ecclesie, & iræ Dei in Filios suos.

XCVI. DEUS permittit, ut omnes potestates sint contrariæ prædicatoribus veritatis, ut ejus gloria attribui non possit, nisi Divina gratia.

P. Anac. Reiffenst. Theol. Supplem. Bb XCVII.

XCVII. Nimis sæpe contingit membra illa, quæ magis stricte unita Ecclesiæ sunt, despici, atque tractari tanquam indigna, ut sint in Ecclesia, vel tamquam ab ea separata; sed justus vivit ex fide, non ex opinione hominum.

XCVIII. Status persecutionis, & pœnarum quibus quis tolerat tanquam hæreticus, flagitiosus, & impius, ultima plerumque probatio est: & maxime meritoria utpote quæ facit hominem magis conformem JESU Christo.

XCIX. Pervicacia, præventio, obstinatio in credendo, aut aliquid examinare, aut cognoscere, fuisse deceptum, mutant quotidie quoad multos odorem mortis id, quod DEUS in sua Ecclesia præstitit, ut in ea esset odor vite, V. G. bonos libros, instructiones, sancta exempla &c.

C. Tempus deplorabile, quo creditur honorari DEUS, persequendo veritatem, ejusque discipulos. Tempus hoc advenit . . . haberi, & tractari à Religionis Ministris tanquam impium, & indignum omni commercio cum DEO, tanquam membrum putridum, capax corrumpendi omnia in Societate Sanctorum, est hominibus piis morte corporis mors terribilior. Frustra quis sibi blanditur de suarum intentionum puritate, & Zelo quodam Religionis, persequendo flamma, ferroque viros probos, si propria passione est excæcatus, aut abreptus aliena; propterea, quod nihil vult examinare. Frequenter creditur sacrificare DEO impium, & sacrificamus diabolo DEI servum.

CI. *Nihil spiritui DEI, & Doctrinae JESU Christi magis opponitur, quam communia facere juramenta in Ecclesia, quia hoc est multiplicare occasiones pejerandi, laqueos tendere infirmis, & Idiotis, & efficere, ut nomen, & veritas DEI aliquando deserviat consilio impiorum.*

DECLARATIO.

Immerito in istis propositionibus conqueritur Quesnellius, falsissime imponendo Ecclesiæ, quasi abusive dominatum exerceret supra fidem fidelium, divisiones foveret, modos prædicandi antiquæ Ecclesiæ abrogaret, ipsos veritatis Prædicatores (Jansenistas nempe, & Quesnellii Sectatores;) injuste persequeretur, membra Ecclesiæ strictius unita (nimirum denuo Jansenistas) gladio excommunicationis peccaminose separaret, bonos libros, instructiones, & sancta exempla (Jansenistarum) obstinate rejiceret, ac examinare negligeret, sicque ea, quæ à Deo sunt posita in odorem vitæ, converteret in odorem mortis, nec non contra spiritum DEI, & Doctrinam JESU Christi communia exquireret juramenta (puta præscribendo formulam abjurandi quinque propositiones Jansenii) sicque occasiones multiplicaret pejerandi, laqueos tenderet infirmis, & efficere, ut nomen & veritas Dei aliquando deserviant consilio impiorum. Nescio sane, quomodo immaculatam Christi Sponsam veritatis fulgore nitentem, vel ipse Lutherus, aut Calvinus magis denigrare, & obfuscare potuissent.

Calumniæ hæ sunt hæreticorum, non effata eorum, qui Catholici audiri, & in sinu Matris suæ, Catholicæ videlicet Ecclesiæ, mori cupiunt. Videantur occurrente aliqua speciali difficultate præter plures alios Dominicus Viva *Tom. 2. Tractatæ Theologicæ*, & Crescentius Krisper in suo speciali Tractatu, *Nubila Jansenismi, & Quesnellianismi &c. dispulsa*, intitulo: vel si succinctum desideretur declarationis harum propositionum compendium; illud, & quidem satis clarum adducit Felix Potestas in *Examine Ecclesiastico* *Tomum tertium in appendice.*

§. Ultimus.

An Bajanistæ, Jansenistæ, & Quesnelliani in suis principiis quoad substantiam convenient cum Lutheranis, & maxime cum Calvinistis, præsertim quoad Gratiam, & Liberum arbitrium.

Item.

Annectitur ad Finem succinctus modus disputandi cum ipsis.

62. Respondetur I. Quamvis prædicti non semper quoad terminos, ac phrasas, item quoad accidentia convenient cum Lutheranis, ac Calvinistis, concordant tamen cum ipsis sæpius quoad materiam de Gratia, & Libero arbitrio. Responsio etsi erui queat ex jam dictis in declar-

rationib
li, sing
tia, &
ubi ex
therum
divina
quale
tem a
ferentia
num h
rum ar
de solo
tas à I
ro Cal
vum h
ut volu
menti,
pedire
turæ l
tem a
dentim
tibus

Si
motu
neque
reque
S
Ad

rationibus Propositionum Jansenii, & Quesnellii, singulariter tamen quoad materiam de Gratia, & Libero arbitrio adhuc succincte probatur; ubi ex cap. 2. Recolligendum venit, tam Lutherum, quam Calvinum negasse, quod gratia divina coherere queat cum libero arbitrio tali, quale sibi annexam haberet non solum libertatem à coactione, verum etiam libertatem indifferentiæ: erat tamen Lutherum inter, & Calvinum hoc discrimen, quod Lutherus teneat, liberum arbitrium se habere mere passive seu esse rem de solo titulo, juxta propositionem inter damnatas à Leone X. *trigesimam sextam*. Econtra vero Calvinus equidem admittat concursum activum liberi arbitrii cum gratia; taliter tamen, ut voluntas præcise se habeat per modum instrumenti, quod ab artifice motum operationem impedire nequit; hinc uterque vult, in statu naturæ lapsæ ad rationem peccati sufficere libertatem à coactione. Errorem hunc Concilium Tridentinum sess. 6. de justificatione reprobat sequentibus formalibus.

Canone IV.

Si quis dixerit, liberum arbitrium à Deo motum, & excitatum nihil cooperari &c. neque NB. posse dissentire, si velit &c. merere passive se habere; anathema sit.

Canone V.

Si quis liberum hominis arbitrium post Ad. peccatum amissum, & extinctum esse dixerit,

xerit, aut rem esse de solo titulo &c. anathema sit. His præsuppositis.

63. Probatur Responsio: Tam Bajus, quam Jansenius, ac Quesnellius docuerunt, ad rationem meriti, & demeriti sufficere libertatem à coactione, nec requiri libertatem à necessitate in statu naturæ lapsæ: ergo in substantia conveniunt cum Luthero, & Calvino, qui neutiquam negantes libertatem à coactione, circa alteram libertatem indifferentiæ idem, ac præcedentes sentiebant, & exinde à Concilio Tridentino allegato duplici Canone fuerunt rejecti. Antecedens probatur allegando ex quolibet eorum duas propositiones damnatas:

Inter rejectas Michaëlis Baji duæ sic sonabant

XXVIII.

Pelagianus error est, quod liberum arbitrium valet ad ullum peccatum vitandum.

LXV.

Non nisi Pelagiano errore admitti potest aliquis usus liberi arbitrii bonus, si ve non malus, & gratiæ Christi injuriam facit, qui sentit.

Inter Propositiones Jansenii.

I.

Aliqua DEI præcepta hominibus juri

volentibus, & conantibus secundum præsentes, quas habent vires, sunt impossibilia; deest quoque illis gratia, qua possibilia fiant.

III.

Ad merendum, & demerendum in statu naturæ lapsæ non requiritur in homine libertas ac necessitate, sed sufficit libertas à coactione.

Inter Propositiones Quesnellii.

I.

Quid aliud remanet animæ, quæ Deum, ac ipsius gratiam amisit, nisi peccatum &c. & generalis impotentia &c. ad omne opus bonum?

II.

JESU Christi gratia, principium efficax boni cujuscumque generis, necessaria est ad omne opus bonum; absque illa non solum nihil fit, sed nec fieri potest.

Nota hic I. quod ab istis nulla concedatur gratia interna sufficiens, sed solummodo efficax, quæ non omnibus datur, & consequenter illi, qui ea gratia carent, carent quoque libertate indifferentiæ ad servanda mandata Decalogi. Nota II. benigne L. Etor, quomodo in suis principiis, & quoad substantialia Bajus, Janſenius, & Quesnellius ad invi-

cem cohæreant tam inter se, quam cum tertio, nimirum Calvino.

64. Respondetur II. Etiam ipsimet moderni Calvinistæ agnoscunt, sibi que gratulantur, quod Jansenistæ in Substantialibus cum eorum doctrina convenient, id unice optantes, ut quoque cum ipsis Romanæ Ecclesiæ aperta fronte renuncient: ad hoc ultimum apud Antonium Mayr in suo Augustino Doctore gratiæ parte 2. Num. 101. eosdem animat Labadius primo Catholicus, inde Jansenista, & deum Calvinianæ Hæresis Genevæ minister, qui suis antea referipit, non posse negari, quod circa grandia prædestinationis, & gratiæ dogmata eadem fides sit Calvinistarum, ac Jansenistarum. Optime noscunt Jansenistæ (inquit Jurieu apud Mayr loc. cit. n. 103.) quod gratia invincibilis in sensu Calvinii, & efficax in sensu Jansenii, eadem sit, quodque nulli gratiæ interiori aliter resistatur in Systemate Janseniano, quam Calviniano. Sic pariter Grotius cordate asseruit apud Mayr loc. cit. num. 68. si Catholici Jansenianas opiniones reciperent, duas Ecclesias, Romanam scilicet, & Calvinianam mox in unam coalituras. Et hinc Præcones Calvinianæ Sectæ in Hollandia librum Jansenii, cui nomen Augustinus, mox in vulgarem Patriæ suæ linguam traducentes alte clamarunt, nihil hoc libro aptius fore ad confirmanda fidei suæ dogmata. Nec videntur ipsimet Jansenistæ defacto circa materiam de gratia inficias ire; *Super materiam de gratia non est amplius solidum dissidium inter Catholicos, & Calvinistas*, inquit auctor Traditionis Ecclesiæ Romanæ, quem

quem Auctorem Illustrissimus Archi-Episcopus Cameracensis apud Mayr *loc. cit.* asserit, fuisse ipsum-
met Quesnellium.

65. Quæres finaliter, quidnam sit observandum, si occurrat aliqua occasio disputandi cum Jansenistis? ubi per Jansenistas æque Michaëlis Baji, ac Jansenii, & Quesnellii Sectatores in principiis suis omnino convenientes intelligimus. Respondetur eodem ferme modo, quo præcedenti Capite circa Acatholicos. *In primis*, non facile digressionem esse faciendam ad materias particulares, sed sistendum in principiis generalibus, in Quæstionibus prolegomenicis, & hinc inde per discursum jam allegatis. *Secundo* principaliter inhærendum, quod Pontifex in materia fidei, ac morum loquens ex Cathedra sit regula infallibilis, non solum in materia Juris, sed etiam in materia facti talis, quod habet connexionem cum Quæstione juris. *Tertio* quod si multum contenderent, ad constituendam aliquam doctrinam in materia fidei infallibilem præter decisionem Pontificis requiri etiam consensum Ecclesiæ; dato etiam hoc (nunquam concessum) talis consensus in præsentem adest, cum Bullam Innocentii X. contra Jansenium, & alteram Unigenitus Clementis XI. contra Quesnellium omnes ferme Episcopi totius mundi (paucissimis respectivè exceptis, qui attendendi non sunt) omni cum submissione receperint. *Quarto*, Si ulterius velent Jansenistæ, consensum hunc Ecclesiæ debere exprimi in aliquo Concilio generali, id esse falsissimum non solum in Quæstionibus prolegomenicis,

B b 5 fed

sed etiam superius §. I. Num. 3. & seqq. demonstratum jam fuit. Audiatur desuper S. Augustinus, quo potissimum, etsi falso, gloriantur Jansenistæ. Hic itaque Sanctus Antistes *Lib. 4. cap. 12.* contra duas Epistolas Pelagianorum sequentia habet formalia: *Aut vero Congregatione Synodi operat, ut aperta perniciēs damnaretur, quasi NB. nulla hæresis aliquando nisi Synodi congregatione damnata sit; cum potius rarissime inveniantur, propter quas damnandas necessitas talis extiterit &c. Verum istorum superbia &c. tantum se extollit &c. ut propter illos Orientis, & Occidentis Synodus congregetur.* Quinto accedit, quod eorum quoque doctrina in Concilio Generali Tridentino quoad plura puncta fuerit damnata, uti in declarandis propositionibus sæpius per decursum ostendimus. Sexto dum non raro ex ipsis querelam percipies, se nil unquam aliud tenuisse, quam doctrinam puram, quin sæpius formalia verba Divi Augustini, ut Augustinianos se vivere, & mori velle; cum Magnum Augustinum ipsamet Ecclesia antiqua cum Prædecessoribus Pontificibus, & SS. PP. unanimi voce maximis honorum, ac Laudum titulis semper extrulerit. Tu Catholice ad hæc Jansenistis reponere, neminem, nisi invidum, vel Sanctissimi hujus Antistitis eximia in Ecclesiam merita ignorantem aliofatto memorata laudum prædicata abnegare posse. Ast, ut cum Summorum Pontificum Oraculis, & Generalium Conciliorum Decretis par Eidem adscribatur infallibilitas, hoc nec ipse hic humillimus Ecclesiæ filius, si adhuc in terris existeret, pateretur, nec verus Catholicus manutenere præ-

præsumeret, præsertim postquam Alexander VIII. simile assertum *propositione 30. juxta dicenda cap. IV.* reproboavit. Verum quidem est, quod Jansenistæ sæpius verba etiam adducant formalia, D. Augustini, non tamen juxta sensum & mentem ejusdem, quæ longe alia foret, si textus integros proferrent, & simul antecedentia cum subsequentibus connecterent. Notandum insuper est ex D. Thoma *Lect. 7. in caput. 1. Joannis*, quod Divus Augustinus, dum oppugnat Pelagianos, omnia puris naturæ viribus adscribentes, videatur in modo loquendi prima fronte omnia attribuire soli gratiæ, sicut econtra, dum certat contra Manichæos, nullum liberum arbitrium agnoscens, crederetur in modo scribendi favere Pelagianis.

CAPUT IV.

Declarans

Propositiones damnatas, à potiori pertinentes ad materiam morum, seu ad Theologiam moralem.

Theologia moralis est illa facultas, quæ principaliter ordinatur ad actus humanos laudabiliter dirigendos, & ad casus conscientie occurrentes recte resolvendos. Ne autem utilissimæ, & ad excipiendas Confessiones necessariae hujus facultatis limites sive per excessum, sive per defectum excedantur, proscripserunt summi Pontifices ex ejusdem finibus varias propositiones, quæ vel nimiam laxitatem,

tem, vel excessivum rigorem continebant. In
præsenti ambæ declarabuntur succinctæ, & Lecto-
res pro majori notitia sapius ad Theologiam mo-
ralem Patris Reiffenstuel remittentur.

§. I.

*Viginti octo Propositiones damnatæ ab
Alexandro VII. cum Decreto eas damnan-
te legi possunt in principio Tomi primi.*

§. II.

*Damatæ viginti octo Propositiones de-
clarantur.*

PROPOSITIO I.

2. Homo nullo unquam vitæ suæ tempore te-
netur elicere actum Fidei, & Spei, & Charitatis, ex
vi præceptorum Divinorum ad eas virtutes perti-
nentium.

DECLARATIO.

Non defuerunt Doctores Catholici, qui cum
Bannez, Serra, & Sancio docuerunt, memoratas
virtutes Theologicas quoad exercitium suorum
actuum nunquam obligare per se, ac directe, sed
tantum per accidens, & indirecte, nimirum præcise
pro tunc, quando alia quædam, quæ sine his vir-
tutibus subsistere nequeunt peragere tenemur.
Exemplificant hanc suam indirectam obligationem
in

in aliquo peccatore gravi; qui abstringitur suo tempore amissam per peccatum mortale gratiam iterum vel per contritionem perfectam, vel per Sacramentum Pœnitentiæ cum attritione recuperare; talis enim peccator indirecte, & per accidens etiam tenetur elicere actum fidei; quoniam nequit hanc contritionem vel attritionem tanquam iterum reconciliativam cum DEO elicere, nisi simul credat in DEUM, atque confidat, ab Ejus infinita Bonitate sibi peccatum denuo remittendum. *Est contra est*, quod Sacra Scriptura non solum per accidens, ac in ordine ad alias virtutes, sed absolute, & immediate quoque, uti alia præcepta Decalogi, injungat exercitium harum virtutum: Nam qui non crediderit, condemnabitur. Marc. cap. ult. v. 16. Et qui non diligit, manet in morte. 1. Joan. c. 3. v. 14. Unde etiam dilectio DEI Matth. cap. 22. dicitur primum, & maximum mandatum. Vide de hoc fusius Reiffenstuel Tract. 4. Dist. 2. n. 27. ac Dist. 5. n. 9. & Dist. 6. post Num. 9. in Additione.

PROPOSITIO II.

3. *Vir equestris ad duellum provocatus potest illud acceptare, ne timiditatis notam apud alios incurrat.*

DECLARATIO.

Quoniam in Ordine Equestri Divi Jacobi à Sancta Sede Apostolica approbato Candidatus assu-
men-

mendus jurare debet, se nunquam recusasse duellum, ad quod fuerit provocatus; exinde aliqui Theologi intulerunt, licitum esse acceptare duellum provocato, ne recusans notam timiditatis apud alios incurreret: alias enim circa hoc punctum Regulam dicti Ordinis Sacra Sedes magis im quam approbasset. Hoc tamen ipsum fundamentum, cui propositio à Summo Pontifice damnata innicitur, laborat falso supposito: non enim Candidatus Ordinis hujus Equestris ab eodem repellitur, si recusaverit acceptare duellum, *ne DEUM duellando graviter offendat*, quamvis exinde forsan per accidens apud homines improbos, & vulgares incurrat aliquam notam timiditatis, quæ tamen nota curanda non est; dum econtra apud alios, Mandata Dei, & Ecclesiæ timentes, duellum acceptans judicatur potius imprudens, utpote vitæ propriæ non minus, quam alienæ cum maximo Reipublicæ detrimento valde prodigus. Fugere invalorem provocantem ex mera timiditate, videtur Virò Equestri equidem ignominiosum, non autem recusare duellum, ne Deum graviter offendat; unde primum, non secundum teste Mendo apud Viva hic exigitur à Candidato Ordinis Equestris Divi Jacobi. Videatur Reiffenstuel Tract. 9. Dist. 3. num. 45. & seqq. Additionibus.

PROPOSITIO III.

4. *Sententia asserens, Bullam Cœnæ solum prohibere absolutionem hæresis, & aliorum criminum, quan-*

quando publica sunt; & id non derogare facultati Tridentini, in qua de occultis criminibus sermo est, anno 1629. 18. *Fulii in Consistorio Sacræ Congregationis Eminentissimorum Cardinalium, visa & tolerata est.*

DECLARATIO.

Duplex Quæstio moveri posset: *Prima*, utrum de facto sit vere probabile, Episcopum extra specialem aliquam facultatem posse absolvere ab hæresi occulta, & ab aliis Casibus Bullæ Cœnæ Domini necdum publicis? *Secunda* an sententia affirmans fuerit in Consistorio Sacræ Congregationis Eminentissimorum Cardinalium visa, & tolerata? Ultima quæstio facile resolvitur, dicendo, quod testante Ipsomet Summo Pontifice in præsentī falsum sit, illam Doctrinam fuisse aliquando à Cardinalibus ad Trucinam revocatam, & toleratam. Utrum autem per hanc ipsam propositionem saltem indirecte quoque damnata fuerit Sententia Ledesmæ, Cordubæ, Vegæ, & Emanuelis Sa &c. volentium, Episcopum posse absolvere à Casibus Bullæ Cœnæ occultis, eo quod Concilium Tridentinum *Sess. 24. de Reform. cap. 6.* tribuerit Episcopis facultatem absolvendi in foro conscientię ab omnibus Casibus occultis, etiam Sedi Apostolicę reservatis, adhuc dubitatur? Ad quod Respondeo, quod opinio illorum Auctorum, qui Episcopis quidem tribuunt hanc

hanc facultatem; non tamen addunt, *quod præ-
ta sententia fuerit à Consistorio Cardinalium tolera-
ta* &c. quod (inquam) illa opinio in præsentibus præ-
riter fuerit damnata, ex ipsis verbis formalibus
tam clare non constat; videtur tamen eadem jam
aliunde carere solida probabilitate; quoniam Bule-
la Cœnæ Domini extra Romanum Pontificem
omnibus adimit potestatem absolvendi à Casibus
eisdem contentis, idque cum clausula: *non obstantibus NB. cujusvis Concilii Decretis.* Accedit, quod
apud Viva hic sæpe Pontifices S. Pius V. Grego-
rius XIII. & Clemens VIII. declararint, non posse
amplius Episcopos uti ea facultate à Tridentino
concessa. Quam declarationem, & quidem diver-
forum Pontificum ab omni suspitione falsitatis esse
immunem ex eo liquet, partim, quia ea reperitur
in gravissimis Auctoribus; partim, quia eandem
in suis responsionibus secutæ sunt tam sacra Con-
gregatio Cardinalium Concilii Tridentini Interpre-
tum, quam Suprema Inquisitio quoad factas in hoc
sacro Tribunali Decisiones, prout videri poterunt
apud Eminent. Cardinal. Vincentium Petra in suis
Commentariis Tom. 3. *Constitut. 18. Innocentii IV.
num. 19. & seqq.* Et quis credet, tot responsiones
& Decisiones in causa tam ardua semper contigisse
inconsulto aliquo Pontifice? unde à primo ad ultimum
admisso, quod Episcopis à Concilio Tridentino ante
Bullam Cœnæ Domini hæc fuerit potestas etiam quoad
hæresin occultam concessa: defacto tamen per Bullam
Cœnæ Domini eadem de jure Ordinario fuit sublata; quamvis de speciali
pri-

privilegio soleat Episcopis Germaniæ indulgeri ad eorum instantiam facultas absolvendi ab omnibus casibus reservatis etiam Bullæ Cœnæ; in locis tamen, ubi impune grassantur hæreses. Videatur Reiffenstuel in *Jure Canonico Lib. 5. tit. 7. §. 7. n. 367. & in Theologia morali Tract. 4. dist. 4. n. 29. & 30.* Videri quoque poterit P. Pichler *Lib. 5. Decret. Tit. 7.* defendens, in Germania Episcopis etiamnum de jure ordinario competere potestatem absolvendi ab Hæresi occulta non obstante Bulla Cœnæ, cui tamen sententiæ ob tot Declarationes, & Decisiones Supremorum Tribunalium contrarias adstipulari nequeo. Et quamvis in Germania inferiori, seu Belgio juxta aliquot AA. tam Episcopi, quam deputati ab his alii Sacerdotes soleant absque ullo scrupulo ab Hæresi occulta, imo etiam publica absolvere, id tamen si contingat, non fit de jure ordinario, sed teste Henno ex speciali privilegio ipsis à Gregorio XIII. ad instantiam Philippi II. Hispaniarum Regis concessio.

§. Quæres I. An Episcopi ab hæresi, & aliis Casibus Bullæ Cœnæ Domini queant saltem in aliquibus casibus extraordinariis per se, vel per deputatos absolvere, quamvis non habeant illud speciale privilegium? *Respond.* Eisdem & jam non specialiter privilegiatos posse sic absolvere non solum in articulo, vel periculo mortis; verum etiam quando ex parte eorum, qui tale peccatum perpetrarunt, intercedit perpetuum, aut saltem longum.

P. Anacl. Reiffenstuel Theol. Supplem. C c tem

tempore durans impedimentum, personaliter accedendi Summum Pontificem, vel Nuntium Apostolicum, aliumve Delegatum hac facultate absolventi præditum. Ubi tamen inter Episcopum Germaniæ habentem singularem potestatem superiori numero declaratam, & inter alium, hac singulari potestate non præditum, sequens intercedit discrimen, quod posterior in simili casu apud laborantes impedimento longiori quidem tempore, non tamen in perpetuum durante, debeat exigere cautionem juratoriam de se sistendo in loco debito cessante impedimento: quale iuramentum non requiritur, si Episcopus obtinuerit hanc singularem facultatem absolventi specialiter. Ita commississima contra nonnullos; & ratio est, quia juxta Regulam communiter à Theologis receptam ob longius impedimentum intercedens personaliter accedendi Summum Pontificem Casus Papalis fit Episcopalis ne alias intra tantum temporis spatium suspendendo absolutionem pro dilatione Pœnitentiæ periculum immineat animarum, uti loquitur Papa cap. *Mulier*. cap. *Quamvis*. & cap. *de cætero, de sententia Excommunicationis*. Item cap. *eos qui de sententia Excommunicationis in 6*. Et quamvis ibidem solummodo fiat sermo de incurrente excommunicationem reservatam ob percussione Clerici; quia tamen ratio periculi animarum illic allegata pugnat etiam pro aliis excommunicationibus reservatis, pariformiter de illis erit discurrendum, nam ubi eadem est ratio, eadem est Juris dispositio. Leg. ideo 27. ff. de Legibus. Et de similibus idem est habendum judicium. cap. 2. de Translatione Episcopi. Quod

Quod maxime verum est quoad Leges, & Canones
respicientes salutem animarum, & ubi ratio Legis
est contenta in ipsa Lege, prout in præsentibus; ete-
nim ratio in Lege expressa est anima Legis. *Can.*
consuetudo. Dist. 1. § L. 7. ff. de Portion. quæ Li-
beris &c.

6. Quæres II. Quinam censeantur perpetuo,
vel saltem longiori impedimento laborare, ut ex-
cusaliter delegatos à Summo Pontifice, quoad casus
Bullæ Cœnæ? *Respond.* Eosdem communiter re-
censeri infirmos, valetudinarios, decrepitos, Reli-
giosos, mulieres, alterius potestati subiectos (uti
sunt filiifamilias &c.) & inopes tanta paupertate
pressos, ut ad Curiam ire nequeant: nam hi omnes,
præsertim, si summus Pontifex, vel Nuntius Apo-
stolicus sint in valde notabili distantia remoti, cen-
sentur habere moralem saltem impotentiam ade-
undi; cum vel absolute non nisi cum maxima dif-
ficultate possint accedere. Porro taliter impediti
personaliter adire Papam, possunt hoc beneficio ab-
solutionis Episcopalis cum cautela superiori nume-
ro adjuncta uti, quin teneantur Romam mittere
Procuratorem aliquem, vel supplicam scribere illuc
ad S. Pœnitentiariam pro obtinenda absolutione à
censuris Papæ reservatis: nam Jura solummodo
exigunt personalem accessum, quando Reus accede-
re potest, atqui in simili casu non potest: ergo.
Videantur Reiffenstuel in Jure Canonico cit. lib. 5.
tit. 7. § 7. 8. & 9. ac Dominicus Viva hic.

7. Quæres III. Quanto tempore debeat impedimentum aliquod, quod alias non est perpetuum durare, ut censeatur per illud quis excusatus à personali accessu ad summum Pontificem, Nuntium Bæ pro absolutione hæresis, vel aliorum Casuum Bullæ Cœnæ? *Respond. I.* Si impedimentum illud v. g. infirmitas, alias non habens simul annexum periculum mortis, duret solummodo per aliquos dies, vel menses exinde quis non excusatur à personali accessu, sed tenetur expectare, usque dum convalescat, nisi velit per litteras Romæ procurare dispensationem, ut ab aliis cæteroquin non prædicta hac facultate à simili censura absolvi queat. Ratio est, quia alias passim posset eludi vigor Bullæ Cœnæ, & damnationis propositionis tertiæ, ut consideranti patet. *Respond. II.* Si tale impedimentum prudenter credatur duraturum pluribus annis, per quinquennium, vel decennium, censeatur excusari multiplicatus censuris Bullæ Cœnæ à personali accessu Curiam &c. Ita communis: & ratio est; quod tale impedimentum vere censeatur longo tempore durare. In dubio, prudentis iudicio, ac perpendendo simul circumstantiis spectanda est moræ hæc longitudo, ratione cuius possit Episcopus cæteroquin speciali facultate non præditus per se, & per Deputatum à talibus Casibus, & Censuris Bullæ Cœnæ absolvere cum onere se suscipere cessante impedimento. Videatur Viva hic & simul reflectatur, quod in Germania eo magis non sit difficultas, quo Episcopi maiorem habent facultatem absolvendi per se, & per alios.

PROPOSITIO IV.

8. Prælati Regulares possunt in foro conscientie absolvere quoscunque sæculares ab hæresi occulta, & ab excommunicatione propter eam incursa.

DECLARATIO.

Quod Prælati Regulares post Bullam Cœnæ Domini non habeant amplius facultatem in foro conscientie absolvendi sæculares ab hæresi occulta, clare patet ex terminis propositionis damnatæ; Utrum vero idem de aliis casibus Bullæ Cœnæ sentiendum sit, adhuc dubitari possit. Ratio dubitandi est; quia propositio ista damnata præcise illis adimit potestatem absolvendi ab hæresi occulta quoad sæculares; ergo quoad alios casus videtur eandem adhuc concedere. Respondetur tamen, hanc facultatem etiam quoad alios casus Bullæ Cœnæ, quamvis non per hanc propositionem, attamen per ipsam Bullam Cœnæ, Prælati Regularibus, æque ac Episcopis adimi; quia memorata Bulla §. finali expresse abrogat omnia indulta, & Privilegia Regularium quoad hanc absolutionem, uti recte notat noster Sabinus Bononiensis in suæ Lucis moralis appendice, seu brevi noticia &c. *Quæsito 4. n. 4.* Videatur Reiffenstuel *Tract. 13. Theolog. Moral. Dist. 2. post n. 75. Addit. VI.*

9. Quæres, An Prælati Regulares saltem non habeant facultatem per se, vel per suos subditos absolvendi sæculares in foro interno ab hæresi occulta, aliove peccato in Bulla Cœnæ reservato, si talis Casus ob interveniens impedimentum conformiter dictis num. 5. & seqq. Papali fiat Episcopalis? *Respondeo*, extra innuens periculum mortis negative: quamvis non defint Doctores affirmativam tenentes. Ratio mea principalis est; quia in casu intervenientis impedimenti summus Pontifex *c. de cætero*, & *cap. Ea noscitur*, ac alibi *de sententia excommunicationis* solummodo Episcopis quoad suos subditos dat hanc facultatem: ergo non Regularibus quoad sæculares extraneos. *Videatur* Reiffenstuel *Lib. 5. Decretal. Tit. 7. §. 8. n. 300.* qui tamen *n. 97.* adjungit, quod, si adesset impedimentum adeundi non tantum Pontificem, verum etiam Episcopum, seu alios speciali hac facultate præditos, possit talis habens casum Bullæ Cœnæ à quovis Confessario approbato absolvi.

10. Insuper pro praxi Confessariis specialiter hac facultate absolvendi equidem non præditis adhuc deservire poterit, diversas posse influere circumstantias, propter quas talis hæresis, vel alius casus ne quidem amplius censeatur comprehendendi sub casibus Bullæ Cœnæ, & sic consequenter possit absolvi quoque ab aliis. Emerantur utilissime dictæ circumstantiæ à *Videatur* hic num. IX. in primis, si hæresis, vel alius casus

sus in Bullæ Cœnæ reservatus fuerit tantum in-
 ternus: nam Ecclesia defacto mere interna, præ-
 sertim cum annexa excommunicatione, non so-
 let reservare. *Secundo*, si peccatum tale exte-
 rius positum sit tantummodo leve, quamvis in-
 ternum foret grave. Sic à pari juxta Cardinalem
 de Lugo, Suarez, & alios, si percussio Clerici
 consideratis, omnibus circumstantiis adhuc fue-
 rit revera levis non incurreretur excommunicatio
 lata in percussores Clericorum, quamvis talis
 habuisset intentionem data opportuna occasione
 graviter percutiendi, adeoque talis percussor pos-
 set absolvi à quolibet Sacerdote. *Tertio*. Si
 prudens foret dubium, utrum peccatum com-
 missum comprehenderetur sub Casibus Bullæ Cœ-
 næ: nam *Odia sunt restringenda, & favores am-
 pliandi. Regula 16. Juris in 6.* *Quarto*. Si igno-
 rantia non crassa, aut supina à committente pec-
 catum, ignoretur excommunicatio peccato an-
 nexa: nam stante hac ignorantia peccans non
 censetur contumax, sicque excusatur à censura,
 propter quam talis casus in Bulla Cœnæ refer-
 vatur. *Quinto*. Si e. g. hæresis, alias in Bul-
 la Cœnæ reservata, fuerit præcise externa, non
 tamen interna, puta, si quis ex metu, vel ve-
 hementi ira quædam verba hæretica protulerit,
 licet interne in intellectu non sic crediderit:
 nam quamvis talis in foro externo præsumere-
 tur hæreticus; in foro tamen conscientie non
 esset talis, sicque juxta Toletum, Suarez, San-
 chez, nostrum Matthæuccium, & alios non in-
 curreret Casum reservatum in Bulla Cœnæ licet

cœteroquin graviter peccaret, contra confessionem externam fidei. Plura adhuc circa hanc materiam vide apud Reiffenstuel *Tract. 4. Dist. 4. Quest. 3.*

PROPOSITIO V.

II. Quamvis evidenter tibi constet, Petrum esse hereticum, non teneris denunciare, si probare non possis.

DECLARATIO.

Ratio, cur hæc propositio fuerit damnata, est, quia talis denunciator ab omni periculo peccati talionis, aliave immunis est; quoniam coram tribunali sacre Inquisitionis (apud quod, ubi viget, illa denuntiatio fieri debet) hoc crimen non tenetur probare tanquam actor, sed tantum deponere, quod audivit veluti testis, ac sufficit præfato sacro Tribunali hæc denuntiatio saltem ad diligentiam adhibendam pro ulteriori inquisitione, & ponendis Cautelis. Ita Felix Potestas *Tom. 2. n. 595.* & Viva hic, ambo Itali.

An autem etiam in Germania, ubi non viget sacra Inquisitio, & ubi hæretici cum Catholicis permixti vivunt, sit facienda denuntiatio Episcopis cum tanto rigore, & quando crimen hæ-

hæresis probari nequit, examinat la Croix, *Lib. 2. num. 215.* atque inclinat in negativam quando exinde non imminet periculum grave seductionis aliorum &c. dum autem ipsi objicitur allegata propositio damnata, ait, illam esse intelligendam tantummodo quoad loca, in quibus viget officium Inquisitionis, seu ubi Bullæ in tanto rigore usu receptæ sunt; non autem quoad Germaniam fuisse cum tanto rigore receptas, testantur plures Viri eximie docti.

12. Dixi autem notanter: *La Croix inclinat in negativam, quando NB. exinde non imminet periculum grave seductionis aliorum &c.* nam stante gravi periculo perversionis aliorum, quis non solum jure positivo, sed etiam ex Lege naturali obligatus esset ad talem denuntiationem, cum quodlibet membrum teneatur sub gravi avertere notabile damnum, vel grave periculum notabilis damni Reipublicæ, quantum potest, etiam cum aliquo incommodo proprio. Censetur autem tale grave periculum seductionis semper adesse, si similes hæretici fuerint Pastores, vel alii Emissarii in terris Catholicis Romani Imperii occulte latentes, & nescio quos libellos venenatos in abscondito in populum spargentes, prout misera sæpius, & quidem novissime docuit experientia.

13. Quæres I. An apud talem Hæreticum, respectu cujus imminet periculum seductionis aliorum, teneatur quis ante denuntiationem præmittere aliquam correctionem Fraternali? Ratio du-

bitandi est; quia ipsemet Christus hunc ordinem correctionis præscripsisse videtur. Matth. cap. 18. v. 15. & seqq. *Si peccaverit in te Frater tuus, vade, & corripe eum inter te, & ipsum solum* &c. Si autem te non audierit, adhibe tecum adhuc unum vel duos &c. quod si non audierit eos, dic Ecclesie. Hoc tamen non obstante, Respondeo cum nobis Matthæuccio in *Cautela Confessarii Lib. 1. cap. 1. num. 3.* absque prævia hac fraterna correctione faciendam esse denuntiationem talis periculosi hæretici, partim quia præmissa etiã hac privata correctione remaneret gravis formido, atque prædens dubium, utrum exinde se emendet, & non potius cum majori deinceps cautela venenum hæreticum ulterius in occulto diffundat non sine gravi Reipublicæ Catholicæ detrimento; quo stante prædicto dubio semper magis ad bonum totius communis, quam ad particulare ejusdem municipii respici debet: partim quia ordo correctionis singularis præmittendæ non concernit criminis Reipublicæ noxia, sed particularia, seu privata, ut apud Matthæuccium *loc. cit.* in terminis docet Dominus Thomas c. 2. qu. 33. art. 1. in corpore ad 3. ubi taliter loquitur: *Quando imminet periculum multitudini, non habent ibi locum hæc verba Domini* (nimirum: si peccaverit in te Frater tuus &c.) *quia tunc frater peccans non peccat in te tantum, &c.*

14. Quæres II. An similem hæreticum qui teneatur denunciare, si non certo sciat, eum periculose dilatare hoc venenum, sed id tantummodo

modo ab alias audierit? Ratio dubitandi est; quia in hac propositione damnata solummodo fit mentio de illis, qui *evidenter* sciunt, talem esse hæreticum, & tamen non denuntiant; eo quod non possint probare; atqui ille, qui tantum ab aliis audit, exinde non evidenter scit, utrum dicta hæc aliorum à parte rei sint vera, nec ne? ergo. Respondeo ad hoc dubium. Quamvis talis intermittens denuntiationem non incideret in hanc propositionem damnatam ob causam in ratione dubitandi allatam; tenetur nihilominus, si à Viris fide dignis intellexerit, similem periculosum hæreticum (nihil tamen augendo; vel minuendo ex propriis) denuntiare. Ratio est partim, quia si manifestantes sunt viri fide digni, manet adhuc grave periculum notabilis damni à quadam communitate Catholica incurrendi, ubi etiam ex lege naturali Charitatis vel justitiæ, præscindendo à particularibus constitutionibus, bonum commune præponendum est bono privato; partim, quia in Edicto apud Dianam *Part. 4. Tract. 5. Resolut. 29.* videndo, præcipitur denuntiatio, si quis *sciverit, vel audierit ea delicta*. Et ita sentiunt apud Dianam *loc. cit.* Fagundez, Thomas à JESU, Rodriquez, Portell. &c. Quinimo Diana *loc. cit.* quoad simile vitium Reipublicæ summe noxium vult, ut debito loco indicetur, quamvis nesciatur positive, utrum manifestantes sint fide digni, nec ne, ubi tamen nil addi debet, per aliquam auxesin, nec positive credi, quod E. G. in simili casu quis sit talis Emissarius; utpote cum necdum habeatur grave fundamentum id

id asserendi; proderit tamen similis denuntiatio ad ulteriorem indagationem in re ista præ aliis Reipublicæ noxia cum summa prudentia, cautela, & circumspeditione taliter instituendam, ut tamen exinde indicatus apud alios, qui juvare nequeunt, non diffametur, antequam in maiorem notitiam criminis per fundameanta graviora deveniatur.

PROPOSITIO VI. & VII.

15. VI. Confessarius, qui in Sacramentali Confessione tribuit pœnitenti Chartam postea legendam in qua ad venerem invitat, non censetur sollicitasse in Confessione, ac proinde non est denuntiandus.

VII. Modus evadendi obligationem denuntiandæ sollicitationis est, si sollicitatus confiteatur cum sollicitante, hic potest ipsum absolvere absque onere denuntiandi.

DECLARATIO.

Pro faciliiori utriusque damnatæ propositionis intellectu tria occurrunt notanda, quorum primum est, quod Gregorius XV. sapientissime perpendens, quanta mala ex sollicitatione ad turpia in confessionali sequantur, severissimam contra tales Sollicitantes emanare fecerit Bullam, incipientem,

tem, *Universis Dominici Gregis*, & anno 1623. 30. Aprilis editam. In hoc omnes Sacerdotes Sæculares, & Regulares denunciari mandat. I. Qui (sunt formalia Bullæ) personas, quæcunque illæ sint ad inhonesta sive inter se, sive cum aliis quomolibet perpetranda in actu Sacramentali Confessionis. II. Sive ante, vel post immediate, seu III. occasione, vel pretextu confessionis hujusmodi, etiam Sacramentali Confessione non secuta sive IV. e. erra occasionem Confessionis in Confessario (seu Confessionali) aut loco quocunque, ubi Confessiones Sacramentales audiuntur, seu ad Confessionem audiendam electo, simulantes ibidem confessiones audire, sollicitare, vel procurare tentaverint, aut cum eis illicitos, & inhonestos sermones, sive tractatus habuerint.

16. Notandum II. Quod hæc denunciandi obligatio sollicitatis ideo tam exacte fuerit imposita, partim ut similia enormia delicta, si quæ fiant, rigidissimis castigentur pœnis: partim ut ea perpetrantes non solum emendantur, verum quoque alii, videntes indeclinabilem talium delictorum denuntiationem, in futurum à gravissimo hoc peccato coerceantur, & deterreantur: partim ut periculo prostitutionis alicujus sacræ communitatis, aut vilipensionis Sanctissimi Sacramenti Pœnitentiæ efficacius in futurum præcaveatur. Et licet dicta Bulla Gregoriana in Germania, ubi non viget Tribunal Inquisitionis, dicatur non ubique recepta; adhuc tamen tales ibidem in Confessionali sollicitatæ personæ, si non vi bu-
jus

jus Constitutionis, ad minus ex *Lege Charitatis* renentur ad denuntiationem, saltem in illis circumstantiis, in quibus denuntianti ex una parte non imminet prudens periculum gravis exinde damni; ex altera vero ex omissione denuntiationis bonum publicum subit periculum prostitutionis ob tale membrum putridum alias incurrendæ: nam, si obligor ex fraterna Charitate, dum facile possum avertere vere grave periculum, notabilis damni a privato, multo magis id procedit respectu alicujus integræ Communitatis: ordinata enim Charitas exigit, ut bonum commune præferatur bono privato, præsertim respectu talis membri putridi, apud quod privata correctio non proficit *ordinarie* loquendo; ubi in dubio secundum *ordinarie* contingentia judicari debet, maxime quando agitur simul de periculo boni publici. Caterum redeundo iterum ad Bullam Gregorianam, ut vim, & efficaciam sanctissimi Intenti Summi Pontificis elidant, & eludant, varii varia excogitarunt, inter alia dicendo, cessare hujusmodi obligationem denuntiandi, quando sollicitans penitenti dat schedam ad turpia allicientem primum postea legendam; vel si ex parte post persona sollicitata ipsimet huic sollicitanti confiteatur &c. quam utramque evadendi viam Alexander VII. præcluserit damnando antedictas duas propositiones.

17. Notandum III. Ex hac ipsa Constitutione Gregoniana, uti etiam ex præced. num. 13. & 14. luculenter erui, quod præmissa correctio Fraterna privata non sit semper de præcepto Divino, quoad

quoad delicta communitati valde noxia; nam alias neque Summi Pontifices immediatam denuntiationem Superiori, intermisso illo ordine faciendam, potuissent præcipere; cum nec ipsi aliquid agere queant contra præcepta Divina. Porro in dubio, quænam crimina communitati sint valde noxia, Superiorum est, ea declarare, & subditorum sese humiliter eorum iudicio submittere, nisi evidenter constet de injustitia Legis, quæ præsumi nequitiam debet, præsertim quando aliunde de scientia, prudentia, & pietate legislatorum constat: alias profecto brevi bonus Ordo laudabilis Gubernationis, & rectæ subordinationis Caput inter & membra in aliqua Republica subverteretur, uti recte observant melioris notæ Doctores, Canonistæ, Theologi, & ex parte etiam Ascetæ tractando de obedientia. Nec credant subditi similis communitatis suggestioni diabolicæ; quasi nimirum illico denuntiationibus adhibeatur fides, & ad executionem poenæ etiam coram DEO Innocens trahatur. Absit hoc præsumere de prudentia Superiorum, qui prævie omnes circumstantias denunciati, ipsius modi denuntiandi &c. bene perpendere, ac potius conservationem boni publici, & evitacionem delicti, quam confusionem delinquentis respicere debent. Ulteriora adhuc circa hanc materiam vide in Theologia Morali P. Reiffenstuel *Tract. 14. Dist. 8. Qu. 5.* Vel in casu aliquo extraordinario apud nostrum Felicem Potest. in suo *Examine Ecclesiastico Tom. 2. per totum.*

PROPOSITIONES VIII.

18. VIII. *Duplicatum stipendium potest Sacerdos pro eadem Missa licite accipere, applicando petenti partem etiam specialissimam fructus ipsius celebranti correspondentem, idque post decretum Urbani VIII.*

DECLARATIO.

Urbanus VIII. in suo Decreto: *Cum sepe contingat &c. de celebratione Missarum* §. 2. mandavit, & præcepit sub obtestatione Divini iudicii, ut absolute tot NB. Missæ celebrentur, quot ad rationem attributæ Eleemosynæ præscripta fuerint, ita, ut alioquin ii, ad quos pertinet, sue obligationi non satisfaciant; quin imo graviter peccent, & ad restitutionem teneantur. Ex quo confectaneum videtur, non posse pro una Missa duplex stipendium recipi, sed esse obligatorium danti, E. G. stipendium proportionatum pro una Missa omnes ejusdem fructus applicare. Ast non defuerunt Theologi, etiam post dictum decretum cum Molfesio, & Bartholomæo de Angelis, distinguentes inter fructum specialem, & specialissimum; quoad primum concedunt conformiter Decreto Urbani VIII. eundem applicari debere ex integro ad intentionem dantis stipendium; negant autem quoad

fructum specialissimum, quem putant posse in eadem Missa attribui alteri, & novum desuper recipi stipendium. Ubi nota, quod fructus *specialis*, seu medius is dicatur, qui cedit in bonum illius, pro quo sacrificium offertur. *Specialissimus* autem, qui cedit in bonum celebrantis, unde etiam a nonnullis vocatur fructus personalis. Utrum autem hic ultimus possit etiam pro altero applicari, valde dubium, & inter Theologos controversum est. Insuper nescitur determinate an fructus specialissimus in suo valore sit æquivalens fructui speciali; ubi Fill. & Nav. apud Viva hic existimarunt, fructum specialissimum trium Missarum æquivalere fructui medii unius Missæ. In hac itaque sententiarum incertitudine merito damnata fuit opinio eorum, qui in non leve præjudicium petentium pro stipendiis certas Missas putarunt, posse pro una Missa duplicatum recipi stipendium, unum pro medio, & alterum pro fructu specialissimo. Vide Reiffenstuel *Tract. 14. Dist. 5. num. 52. & seqq.*

PROPOSITIO IX.

19. Post Decretum Urbani potest Sacerdos, cui Missæ celebrandæ traduntur, per alium satisfacere, collato illi minore stipendio, alia parte stipendii sibi retenta.

DECLARATIO.

Summus Pontifex Urbanus VIII. loco superius allegato §. 4. *Omne damnabile lucrum ab Ecclesia remove volens, prohibuit Sacerdoti, qui Missam suscepit celebrandam cum certa Eleemosyna, ne eandem Missam alteri, parte ejusdem Eleemosynæ sibi retenta, celebrandam committat.* Merito itaque damnata est Doctrina eorum, qui hanc ipsam sententiam adhuc post dictum Urbani VIII. defendere præsumpserunt; cum tamen ordinarie loquendo dantes stipendium habeant intentionem, ut illud celebranti Missam, prout datum est, attribuat, non autem alteri, respectu cujus singularem non habent obligationem. Videatur desuper cum suis exceptionibus Reiffenstuel *Tract. 14. Dist. 15. n. 95. & seqq.*

PROPOSITIO X.

20. *Non est contra justitiam pro pluribus Sacrificiis stipendium accipere, & Sacrificium unum offerre; neque etiam est contra fidelitatem, etiam si promittam, promissione etiam juramento firmata, danti stipendium, quod pro nullo alio offeram.*

DECLARATIO.

Ex infinito valore Sacrificii Missæ Thomæ Hurtadus apud Viva hic, & nonnulli alii apud Men-

Mendo *Dissert. 13. Quest. 5.* deduxerunt, non esse contra Iustitiam, pro pluribus stipendiis etiam congruis, unicam tantummodo offerre Missam; quia ob infinitatem Valoris Sacrificii nullus ex aliorum consortio patitur detrimentum, sed tantundem accipit, quantum accepisset, si pro se solo fuisset oblatum Sacrificium; quoniam exinde Thesaurus ille infinitus non exhauritur. Sed contra est primo quod etsi Sacrificium sit suo modo infiniti Valoris, quantum est in se, & sic in actu primo, non autem sit tale in ordine ad nos, & in actu secundo, id est DEus non voluit nobis infinito modo applicare. Simili distinctione expediuntur Hæretici, quando Catholicis obijciunt, quod merita Christi sint infiniti valoris, adeoque merita nostra nihil amplius, contribuere possint in ordine ad vitam æternam consequendam. Contra est secundo, quod Urbanus VIII. juxta formalia n. 18. allegata expresse dicat, talem graviter peccare, & ad restitutionem teneri: ergo signum est, quod peccaverit contra iustitiam; quomodo enim alias teneretur ad restitutionem? Vides igitur, quam merito hæc propositio fuerit damnata.

PROPOSITIO XI.

21. *Peccata in confessione omissa, seu oblita ob instans periculum vite, aut ob aliam causam non tenemur in sequenti confessione exprimere.*

DECLARATIO.

Hanc reperies apud Reiffenstuel *Tract. 14. Disput. 7. n. 45.* Illud insuper pro aliquo peccatore gravi pluribus, E. g. annis vel omnino non, vel sacrilege confitente superaddo consolatorium, quod mirum, si nunc serio poenitentiam, agat, omnia gravia peccata necdum directe remissa, quantum memoriae occurrunt, clavibus Ecclesiae subijciuntur & nihilominus nonnulla ex oblivione ob multitudinem intermittat, quod (inquam) eadem sint indirecte remissa, ut juxta communiorum cum Suarez, Victoria, Dominico Viva, & aliorum non teneatur statim postea, quam primum memoriae occurrunt, confiteri, sed sufficiat intentione eadem suo tempore clavibus Ecclesiae subijciendi adeo quidem, ut, si intra illud spatium subitanea morte praecipuus absque novo aliquo dolore obiret, adhuc salvaretur; supposito tamen, quod non commiserit nova gravia peccata, nunquam adhuc indirecte remissa. Exinde Confessarius ad infirmum gravissimis subjectum peccatis vocatus, facile cognoscit, quidnam responderi debeat, si E. G. talis aegrotus deposita dolorosa peccatorum suorum confessione eundem taliter alloquatur: *Pater Reverende, quid mihi agendum, si in vestra absentia adhuc aliqua mihi incidunt gravia peccata, ex oblivione pro nunc necdum confessa? Et quorsum venirem, si, postquam similia delicta memoriae occurrunt, subito praesens correptus, aut propter febrem acutam ratione privatus in tali statu in longam abirem aeternitatem? Tali gravi peccatori*

ita-

itaque, ne ex suggestione diaboli fiat pusillanimis, aut omnino in desperationem incidat, Confessarius confidenter reponat, eundem propter illa peccata jam indirecte remissa neutiquam fore filium perditionis, quamvis subitanea morte præoccupatus exspiraret, dummodo defacto habeat voluntatem seriam eadem, si quæ occurrerent adhuc ante mortem suam quantum moraliter potest, confitendi, suadeat insuper anxio simili pœnitenti ægroto, ut, dum incidunt de novo similia gravia peccata oblita, conetur elicere contritionem, & vocare Confessarium: posito autem, quod accelerata mors hos omnes bonos conatus in effectu impediret, pro consolatione subjungat, se neutiquam propter eadem tanquam jam indirecte remissa fore damnandum.

PROPOSITIO XII.

22. *Mendicantes possunt absolvere à Casibus Episcopis reservatis, non obtenta ad id Episcoporum facultate.*

DECLARATIO.

Concessa olim dicebatur Regularibus mendicantibus &c. vel immediate, vel per communicationem Privilegiorum potestas absolvendi à Casibus reservatis Episcopalibus, uti inter alias deducunt ex Bulla Pauli III. *Cum inter edita anno*

1545. Et quamvis multi Locorum Ordines contenderent, hanc facultatem à Gregorio XII. fuisse iterum sublatam, atefatus tamen Summus Pontifex apud Viva hic anno 1583. Ipsemet declaravit contrarium. Successu autem temporis Urbanus VIII. expresse prohibuit, ne Regulares in inceptis virtute suorum Privilegiorum absolverent Casibus Episcopo Reservatis.

Hoc tamen Decretum aliqui Regulares ex aliis Rationibus non satis solidis quoad suum finem revocarunt in dubium, sustinentes, illam facultatem absolvendi adhuc subsistere, quam etiam in doctrinam in præsentem reprobavit Alexander VII. & denuo Clemens X. per Bullam *perna* &c. editam 21. Junii anno 1670. Videatur de Casibus Episcopo reservatis plura apud Reiffenstuel. *Tract. 14. Dist. 7. Quest. 2.*

PROPOSITIO XIII.

23. *Satisfacit præcepto annuæ Confessionis, si confitetur Regulari, Episcopo præsentato, sed ab injuste reprobato.*

DECLARATIO.

Dato etiam, quod ante Concilium Tridentinum Bonifacius VIII. in Bulla *Super Cathedra* & Clemens V. in Clementina *Dudum de Sepultis*

concessissent, uti plurimi volunt, quod Regulares Ordinariis præsentati, & ab ipsis injuste reprobati, habeantur eo ipso pro approbatis, Pontifice eosdem pro tunc admittente; hæc tamen sententia videbatur correctæ per Concilium Tridentinum Sess. 23. de Reformat. c. 15. ubi ad evitanda varia incommoda absolute statuit, ut nullus Regularium deinceps Confessiones secularium absque Episcopi approbatione excipere queat, Privilegiis & consuetudine quacunque etiam immemorabili non obstantibus; quod ipsum Decretum cum expressa annullatione omnium, & singulorum privilegiorum roboravit Urbanus XIII. Bulla *Cum sicut accepimus* &c. Quoniam igitur tanquam necessarium quodpiam requisitum desideratur approbatio Episcopi, eadem absente, etsi injuste denegata absolvi non poterunt sæculares, quamvis Episcopus injuste regens peccaret. Videatur Reiffenstuel *Tract. 14. List. 8. Quest. 1. cum appendice.*

PROPOSITIO XIV.

24. *Qui facit Confessionem voluntarie nullam; satisfacit præcepto Ecclesie.*

DECLARATIO.

Explicatio hujus propositionis jam invenitur apud Reiffenstuel. *Tract. 10. Dist. 3. n. 10.* Solummodo adhuc quæri posset, an supposita probabilitate illius sententiæ, quod Sacramentum Pœnitentiæ possit esse validum, & informe, an (inquam)

quam) stante probabilitate hujus sententiæ satisfaciatur præcepto annuæ Confessionis, qui recepit hoc Sacramentum tanquam validum, sed informem? ubi Suarez, Dicastillo, Medina, ac Sotus respondent affirmative, ex ratione; quia Ecclesia injungens receptionem annuam hujus Sacramenti videtur præcipere tantum ejusdem valorem, non autem fructum. Saltem hæc Responsio non videtur comprehendi sub Propositione damnata.

PROPOSITIO. XV.

25. *Pœnitens propria auctoritate substituere sibi alium potest, qui loco ipsius Pœnitentiam adimpleat.*

DECLARATIO.

Regula illa 68. Juris 6. *Post quis per alium quod potest facere per se ipsum*, non procedit in iis, in quibus ex speciali ratione exigitur industria personæ, seu actio personalis, uti fit regulariter in satisfactione Sacramentali imposita partim ad novæ vitæ custodiam, partim ad præceptorum peccatorum vindictam, atque Castigationem. Sic etiam in multis aliis, puta in jejunio, recitatione Horarum Canoniarum, vel auditione Missæ nequit substitui alius, qui pro nobis his præceptis satisfaceret. Vide Reiffenstuel. *Tract. 14. Dist. 10. n. 15.*

PRO-

PROPOSITIO XVI.

26. Qui Beneficium curatum habent, possunt
sibi eligere in Confessarium simplicem Sacerdotem,
non approbatum ab Ordinario.

DECLARATIO.

Ut quis agere queat Confessarium juxta Con-
cilium Tridentinum Sess. 23. cap. 15. Unum ex
his tribus necessario requiritur, nimirum, ut vel
curatum Beneficium obtineat, quo concesso, cen-
setur eo ipso etiam concessa cum approbatione
jurisdictio in concreditas oves, vel ut ab Episco-
po per examen, vel si hoc non videbitur neces-
sarium, alias idoneus judicetur, sicque approba-
tionem, quæ gratis deberur, obtineat: ergo cu-
ratus non poterit sibi eligere pro Confessario ali-
quem simplicem Sacerdotem; cum ille simplex
Sacerdos nec habeat curatum Beneficium, nec sit
pro excipiendis Confessionibus ab Ordinario ap-
probarus. Videatur Reiffenstuel Tract. 14. Dist. 8.
n. 14. § 15.

PROPOSITIO XVII.

27. Est licitum Religioso, vel Clerico calumnia-
torem gravia crimina de se, vel de sua Religio-
ne spargere minantem occidere; quando alius mo-
dus defendendi non suppetit: uti suppetere non
D d 5 vi-

videtur. si calumniator sit paratus vel ipsi Religioso, vel ejus Religioni publice, & coram gravissimis viris predicta impingere, nisi occidatur.

DECLARATIO.

Juxta dicenda, ne Laicis quidem est licitum occidere calumniatorem; nam inter damnatas ab Innocentio XI. Propositiones ordine trigesima sic sonat: *Fas est viro honorato occidere in vasorem, qui nititur calumniam inferre, si aliter hac ignominia vitari nequit*: ergo multo minus id licebit Religiosis, vel aliis Clericis, qui honoribus mundanis nuntium remiserunt, ut vestigiis Christi inhærentes Ejusdem mansuetudinem, & lenitatem imitarentur: Unde falsum adeo est, quod Clerici occidendo defendant proprium, vel Religionis suæ honorem; quia potius è contrario eundem apud viros prudentes, & DEUM timentes exinde deperdant. Exhibuisset Filio Pater Cœlestis ad defendendum honorem suum plus quam duodecim Legiones Angelorum, si rogasset, Matth. c. 26. v. 53. Alii noluit; & nunquid propterea honor Ejusdem fuit diminutus? Absit. Dantur longe alia remedia honorem hunc defendendi; quare propositio ista merito fuit damnata, utpote laborans falsissimo supposito. Vid. Reiffenstuel Tract. 9. Dist. 3. n. 23. & seqq. cum quinque additionibus.

PROPOSITIO XVIII.

28. *Licet interficere falsum accusatorem, falsos testes, ac etiam Judicem, à quo iniqua certo imminet sententia, si alia via non potest innocens damnum vitare.*

DECLARATIO.

Non apparet ullum solidum fundamentum, cur talis accusatus possit occidere accusatorem, aut testes, vel judicem: nam vel talis accusatus probare potest iniquitatem accusantis, aut testium productorum, seu Judicis, vel non potest probare? Si *primum*: dantur alia Juris remedia, puta exceptionis, oppositionis aliorum testium pro se, appellationis &c. Quod si nequeat probare iniquitatem, ipsemet occidendo gravius incurreret periculum suæ propriæ vitæ per carnificem deperdendæ, cum similia homicidia ordinarie fiant palam saltem successu temporis. Accedit, quod, si illico liceret delatorem, testes, vel judicem occidere ideo, quia delati judicant, sibi imminere periculum sententiæ sua opinione certo injustæ pauci invenirentur, qui cum tanto vitæ peticulo veridicos testes, vel indifferentes Judices agere vellent non sine magno justitiæ vindictivæ, & ex consequenti Reipublicæ detrimento; cum facile homini in jure non perito, vel passione amoris proprii excæcato sententia possit apparere certo ini-

iniqua, dum aliis apparet eadem valde probabilis, vel etiam certo iustissima. Videatur Reiffenstuel loco superius citato.

PROPOSITIO XIX.

29. *Non peccat maritus propria auctoritate occidens uxorem in adulterio deprehensam.*

DECLARATIO.

Ratio hujus damnationis est; quia talis occisio non tam se haberet per modum moderatæ inculpatae tutelæ, quam vindictæ, quæ privatis personis est interdicta juxta communem, & juxta illud Levitici cap. 19. v. 18. *Non quaras ultionem &c.* idque maxime verum, si ex tali vindicta imminet periculum æternæ damnationis, uti in casu præsentis respectu uxoris adulteræ, si deprehensa in adulterio occideretur. Unde jam pridem ante dictam propositionem Nicolaus Papa *Can. Inter hæc 6. caus. 33. quest. 2.* talem occisionem prohibuit, utpote quæ suspiciosis, & Zelotypis maritis portam aperiret contra omnem juris ordinem inauditas maestandi uxores. Neque Leges, quæ in contrarium solent allegari, tribuunt simili marito auctoritatem occidendi adulteram, sed tantummodo in foro externo admittunt remissionem illius poenæ, quæ aliis homicidiis juxta jura esset infligenda, &c. Vide Reiffenstuel, *loc. cit.*

PRO-

PROPOSITIO XX.

30. *Restitutio à Pio V. imposita Beneficiatis non recitantibus, non debetur in conscientia ante sententiam declaratoriam Judicis, eo quod sit pœna.*

DECLARATIO.

Jam eadem fufius data est à Patre Reiffenstuel Tract. 2. Dist. 2. additione post n. 43. Item Tract. 6. Dist. 1. n. 34. ac seqq. additionibus, quorū sum Lectorem Brevitatis gratia remitto.

PROPOSITIO XXI.

31. *Habens Capellaniā collativā, aut quodvis aliud Beneficiū Ecclesiasticū, si studio litterarū vacet, satisfacit suæ obligationi, si officium per alium recitet.*

DECLARATIO.

Rosella, Lopez, Angelus & alii apud Sanchez Lib. 2. Conf. cap. 2. dub. 62. docuerunt, posse in actualibus studiis à Beneficiatis studentibus satisfieri per alios recitationi Horarum Canonicarum: quia ob paritatem rationis potest quodque in simili casu satisfieri per alios obligationi

re-

residendi in loco Beneficii, *cap. fin. de Magistris*. Item pariformiter quoad Capellaniam collativam oneri Missarum: Sed contra est, quod obligatio recitandi officium Divinum sit onus personale, sicut auditio Missæ, nec detur Beneficium, nisi propter officium: prout etiam Concilium Trident. Sess. 24. de Reform. cap. 12. vult, *ut omnes Divina per se, & non per alios compellantur obire officia*. Nec est paritas cum residentia; nam dum studia sunt incompatibilia cum residentia ordinarie loquendo, etiam leges quæ attendunt ad ordinarie contingentia, nolunt studentes ad residentiam obligare: è contra vero ordinarie non est incompatibilis cum studiis recitatio Horarum Canonicarum. Quod autem in Capellania collativa possit oneribus Missarum satisfieri per alios, provenit ex præsumpta voluntate fundatoris; ubi tamen quoad recitationem Horarum potius ex Concilio Tridentino, & consuetudine eruitur voluntas contraria: Unum adhuc adverte in præsentem, quod Capellania collativa, de qua mentionem facit propositio damnata, sit illa, quæ erigitur auctoritate Prælati Ecclesiastici: Quando vero relinquunt præcise Laici absque auctoritate Ecclesiastica bona sua cum eo onere, ut quot annis certa pensio detur alicui Clerico pro tot Missis celebrandis &c. vocatur Capellania non collativa, quæ nec proprie est Beneficium: unde obtinens talem Capellaniam non collativam non tenetur ad Horas Canonicas, nisi alias jam fuerit Subdiaconus, vel id singulariter in litteris foundationis exigatur.

PROPOSITIO XXII.

32. Non est contra justitiam Beneficia Ecclesiastica non conferre gratis, quia Collator conferens illa Beneficia Ecclesiastica pecunia interveniente non exigit illam pro collatione Beneficii, sed veluti pro emolumento temporali, quod tibi conferre non tenebatur.

DECLARATIO.

Loquitur hæc Thesis confixa de illis Beneficiis, respectu quorum Collator non est adstrictus ad unum certum, sed spectat ad liberum arbitrium ejusdem, utrum hunc velit alteri præferre. Itaque pro ipsa electione, seu determinatione unius præ altero volunt Auctores thesise confixæ cum Vincentio Candido *Tract. 1. de Benefic. Disquisit. 18. Art. 39.* citra læsionem justitiæ aliquid exigi posse; cum id non petatur pro Beneficio, sed potius pro libera hujus præ altero electione, quæ electio utique pretio est æstimabilis, partim quia Collator se privat illa libertate, quam ante determinationem habuit: partim quia præ alio electus exinde magnum capit emolumentum, neque neglecto per hoc sit injuria, si præcedens interveniente pecunia præ ipso ad dictum temporale emolumentum ex electione proveniens determinetur: etenim eo ipso, quia libera est electio, nulli ex justitia quidquam de-

debetur. Ita illi. Sed contra est, quod à parte rei prætextus iste sit palliata Simonia; cum in effectum detur, & accipiatur pecunia pro ipso Beneficio. Insuper per illam sententiam, lata aperitur porta sæpius excedenti terminos iustitiæ distributiæ ac intromittendi cum maximo Ecclesiæ detrimento in Ecclesiastica Beneficia minus dignos & divites, exclusis dignioribus, & pauperibus. Falsum præterea est suppositum, quod electio illa unius præ alio sit pretio æstimabilis; cum Collator alicui, indeterminato saltem, debeat conferre Beneficium ex officio; & licet nullus ex determinatis habeat in dato casu ius ad ipsum Beneficium, habet tamen quilibet Jus, ut non petatur ab eo pecunia propter determinationem ad Beneficium. Nec dicatur, pecuniam à determinato dari sponte: Respondetur enim dari sponte coacte. Accedit adhuc, quod Ecclesia pariter habeat ius, ut à simili Collatore nullum temporale pro ipsa determinatione in maximum prædictæ Ecclesiæ detrimentum exigatur. Et plane, si ex eo, quod quis habeat liberum arbitrium determinandi unum præ alio, inferri possit, quod pro illa determinatione ad unum pecunias accipere valeat, tunc in casu, quo quis ex officio tenetur alicui pauperi nobili puellæ ad augendam dotem dare mille florenos, posset licite à Titia, quam eligit præ aliis in ordine ad dotem accipere quingentos florenos; quia Titia mavult adhuc habere residuos quingentos, quam ut hæc summa non ipsi, sed alteri puellæ conferatur. Vide Reiffenstuel *Tr. §. Dist. 3. n. 45.*

PRO.

PROPOSITIO XXIII.

33. *Frangens jejunium Ecclesiæ, ad quod tenetur, non peccat mortaliter, nisi ex contemptu, vel inobedientia hoc faciat; puta quia non vult se subicere præcepto.*

DECLARATIO.

Quod Ecclesia nequeat extra præcepta Divina quidpiam de novo sub peccato gravi præcipere, inquit quidem A catholici *Cap. II.* jam resurati; at nullus Catholicorum id asserere audet, apud quos in confesso est, Ecclesiam posse sub gravi obligare, si velit; quæstio solummodo à nonnullis movebatur, utrum voluerit actu sub gravi peccato fideles ad jejunium servandum adstringere, nec ne? Ubi, quod fuerit Summorum Pontificum voluntas quoad jejunium æque, ac quoad reliqua Ecclesiæ præcepta, graviter obligandi, patet tum ex Canone: *non liceat, de consecrat. Dist. 3. & Can. Quadragesima Dist. 5.* tum ex ipsa damnatione hujus propositionis, quam non reprobasset, si non intendisset graviter obligare ad observantiam jejunii. Vide Reiffenstuel *Tract. 10. Dist. 2. n. 39.*

PROPOSITIO XXIV.

34. *Mollities, Sodomia, Bestialitas sunt peccata ejusdem speciei infimæ, ideoque sufficit dicere in confessione, se procurasse pollutionem.*

DECLARATIO.

Adscribitur à Dominico Viva hic sententia illa, sub ista propositione contenta, Caramueli in sua Theologia fundamentali num. 1199. cui præter Armillam, & Canum adstipulatur Grassis cum decem Doctoribus Lovaniensibus. Contra tamen est, quod licet hæc tria turpissima sint contra unicam virtutem Castitatis, ipsi tamen opponantur secundum specie morali diversas ad invicem rectitudines. Vide Reiffenstuel *Tract. 9. Dist. 4. num. 67. § 68.*

PROPOSITIO XXV.

35. *Qui habet copulam cum soluta, satisfacit Confessionis præcepto dicens: commisi cum soluta grave peccatum contra castitatem, non explicando copulam.*

DECLARATIO.

Nonnulli, qui tenent circumstantias præcise aggravantes non necessario exprimi debere in confessione, exinde intulerunt, intra speciem simplicis fornicationis non esse necessario indicandum, utrum fuerit exercita actualis copula cum soluta, vel solummodo intervenerint impuri aspectus, aut impudici tactus, vel etiam præcise impura desideria: etenim (uti sentiebant) tactus, aspe-

aspectus, & ipsa copula, uti etiam desiderium respectu alicujus solutæ solummodo intra speciem fornicationis distinguuntur ad invicem secundum magis & minus, ac consequenter se habent per modum circumstantiarum aggravantium, quas juxta probabilem sententiam necesse non est confiteri: sicque sufficiet in Confessione dicere, E. G. *commisi cum soluta grave peccatum contra castitatem semel*; cum sic explicaretur species, & numerus: sicuti à pari in peccato furti ob eandem rationem sufficeret in Confessione se accusare: *abstuli summam gravem semel*, non addendo, utrum fuerint centum vel mille floreni, quia hæc tantum sunt circumstantiæ aggravantes. Et ita docuerunt cum Caramuele in Theologia fundamentali *fundamento 25. num. 45.* nonnulli Recentiores Complutenses apud Turrianum *de Pœnit. Quest. 9. Art. 2. Disp. 29.*

36. Ast contra est, quod in primis Scotistæ illi, qui cum Reiffenstuel *Tract. 1. Dist. 2. q. 4.* actui externo adscribunt propriam aliquam bonitatem, vel malitiam, negent, actum internum, & externum fornicationis &c. non distingui ab invicem specie, quamvis ultro fateantur, has species adinvicem esse subordinatas, ita, ut actualem copulam præter impura desideria ordinarie etiam oscula, tactus impudici &c. præcedere, vel comitari, aut saltem brevi subsequi soleant; adeoque exprimens in Confessionali ipsam copulam sufficienter censeatur implicite exprimere desiderium, & tactus impudicos: quamvis econtra per alia

verba in propositione damnata contenta: *peccavi contra castitatem cum soluta*, non sufficienter indicetur; utrum peccaverit vel solo impuro desiderio absque aliquo tactu impudico, vel præcise tactu impudico absque copula, vel demum per ipsam perfectam copulam fornicariam. Contra est *secundo*, quod etsi cum Viva hic, & plurimis aliis propugnetur in actu externo alicujus tactus impudici, vel actualis copulæ non relucere malitiam moralem specialem, & distinctam ab actu interno; adhuc tamen juxta præfatos Doctores exponi debeat à penitente, utrum solo desiderio, vel tactu impudico, aut etiam per ipsam copulam fornicariam peccaverit; quia alias non manifestaretur entitas actus, seu ipsum individuum peccati commissi: Tenemur enim (inquit Viva ferme in formalibus) numerum peccatorum taliter explicare, ut unumquodque simul explicetur secundum individuationem suam, supposito, quod illa individuatō speciali alio, & alio modo (prout contingit in præfenti) participet ipsam malitiam specificam peccati. E. G. licet non teneamur aperire, num peccatum commissum contra Castitatem diu duraverit, vel qualiter fuerit intensum, eo quod hæc spectent ad circumstantias, non ad entitatem, seu substantiam actus: explicanda tamen est diversitas actuum eorum, qui diversimode peccati speciem participant; atque adeo explicandum est, num peccatum patratum cum soluta contra Castitatem fuerit merus tactus, vel an fuerit copula: cum hujusmodi duo actus in estimatione moraliter per diversos mo-

modos individuandi contrabant eandem speciem luxuriae. Ita Dominicus Viva.

PROPOSITIO XXVI.

37. Quando litigantes habent pro se opiniones æque probabiles, potest Judex pecuniam accipere pro ferenda sententia in favorem unius præ alio.

DECLARATIO.

Expositum jam fuit propositione XXII. quod obligatus ad aliquid agendum, seu conferendum nequeat propter liberam determinationem unius præ alio pecunias exigere, idque fortissime stringit apud Judicem, qui, si stante utrinque paritate rationum posset inclinare in plus offerentem, eo ipso redderet sententiam venalem, quod in omni jure prohibetur, conformiter Baldo in cap. super eo de Transact. Item posset licite esse acceptator personarum; cum tamen in judiciis non sit acceptio personarum habenda. Juxta Reg. 12. Juris in 6. Quare in simili casu si nullus litigantium existat in possessione, & cæteroquin attentis omnibus circumstantiis rationes utrobique sint quasi æquales, Judex debet pro æqualitate dubii rem litigiosam inter litigantes dividere, vel si indivisibilis est, & uni datur, alteram medietatem saltem in æquivalenti secundo reddere, vel consensu partium arbitros statuere, aut alio modo inter

litigantes (nisi ipsimet ad invicem amicabiliter componere velint) transactionem proponere, uti recte Suarez, Herincx, Layman, Bannez, & Sporer, ac communior contra nonnullos apud Dianam *Part. 2. Tract. 2. Resolut. 3.* tenentes in tali casu posse judicem adjudicare causam, cui voluerit. Vide Reiffenstuel *Tract. 1. Dist. 3. n. 61. & seqq.*

PROPOSITIO XXVII.

38. *Si liber sit alicujus junioris, & moderni: debet opinio censerī probabilis, dum non constat rejectam esse à Sede Apostolica tamquam improbabilem.*

DECLARATIO.

Non hic reprobat̃ illa sententia, quæ defendit unum Auctorem omni exceptione majorem posse reddere aliquam opinionem extrinsecè vere probabilem, cum Auctor omni exceptione major censeatur ille, qui est valde peritus tum juris naturalis, tum positivi, qui insuper ordinarie suas conclusiones solet gravibus firmare rationibus; & præterea fundamenta contraria bene discutere, atque veritatem potius, quam novitatem amare. Econtra vero illico, & absque ulteriori discussione censere aliquam opinionem vere probabilem præcise ex eo, quia liber est alicujus Junioris, & moderni, idem est, ac aperire januam omnibus
laxi-

laxitatibus. Quot enim sunt Auctores moderni novitatum potius, quam veritatum amatores! quot rationum pondera pro & contra adducta non æqua lance perpendunt! quot apud modernos scribendi libros pruritus, dum aliquam umbratilem, & mere speculative, non practice probabilem adveniunt favorabilem rationem, ideo absque ulteriori hæsitatione actionem licitam pronuntiant! Ipsæmet propositiones à modernis Pontificibus damnatæ, quæ continebant sæpius doctrinam aliquot Juniorum Auctorum, testes nostri effati agere possunt. Revolve modernos Catalogos Librorum prohibitorum jussu Sacræ Congregationis Indicis impressos, ibique non solum antiquos, sed quoque Juniores reperies reprobatos. Nec refert, quod libri moderni defacto ordinarie non soleant vulgari Typis, nisi antea à Censoribus approbati: nam contra est, quod etiam defacto non raro ex culpabili negligentia superficialiter tantum similes libri, præsertim si fuerint grandiores, à Censoribus relegantur, vel ex humano respectu erga Auctores, & ex conniventia absque ulteriori rationum examine quædam dissimulentur. *O! si libri transirent per ignem rigorosi examinis, antequam imprimerentur, non haberemus tot propositiones damnatas, neque tot libros prohibitos!* Exclamat noster Sabinus Bononiensis in sua Luce morali Part. 2. ad finem scribens in dictam propositionem damnatam.

PROPOSITIO XXVIII.

39. *Populus non peccat, etiamsi absque ulla causa non recipiat Legem à Principe promulgatam.*

DECLARATIO.

Teste Dominico Viva hic num. II. Cajecanus, Valencia, Filiucius, Lessius, Navarrus, & Sa contra Suarez, Vasquez, & alios docuerunt, acceptionem, & consensum populi esse essenziale requisitum ad Legis validitatem; ex quo haud dubie alii intulerunt, consequenter nec peccat populum, si absque ulla causa Legem Principi non recipiat, dummodo ceteroquin Auctoritatem ejusdem non contemnat. Ego quidem quoad Leges Civiles in Statu Democratico, in quo potestas ferendi Leges residebat penes populum, facile id admitto, conformiter Legi 32. *de quibus ff. de Legibus &c.* Quoad Leges vero Ecclesiasticas & quoad Civiles in Statu Monarchico, & Aristocratico, ubi potestas ferendi Leges competit Principi, vel certis optimatibus, omnino negandum existimo. Ratio est: quia loquendo de Constitutionibus Ecclesiasticis Christus Superioribus Ecclesiasticis dedit hanc potestatem independentem à consensu populi; quoad Leges autem Civiles in Statu Monarchico Populus Lege aurea in Imperatorem omne suum Dominium, & Potestatem contulit *L. 1. ff. de Const. Princip.* quod idem suo modo dici poterit in statu Aristocratico in ordine ad

ad Ducem, & primarios optimates &c. juxta
diversitatem Regiminis in tali Republica. Videatur
Reiffenstuel *Tract. 2. Dist. 1. num. 36.* & in Jure Can.
Lib. 1. Decret. Tit. 2. §. 6.

§. III. & IV.

40. *Damnata quindecim Propositiones expli-
cantur.*

PROPOSITIO XXIX.

41. *In die jejunii qui sæpius modicum quid
comedit, etsi notabilem quantitatem in fine come-
derit, non frangit jejunium.*

DECLARATIO.

Uti plura furta minuta unam summam gra-
vem, ita plures modicæ comestiones constituunt
unam notabilem quantitatem. Ratio est, quia
in similibus moralibus, quæ parvitatem materiæ
admittunt, datur inter partes aliqua unio mora-
lis, ad complendum aliquod totum notabile gra-
viter prohibitum; Sic E. G. plures partes non
notabiles Officii Divini intra unum diem inter-
missæ faciunt tandem unam notabilem partem
ejusdem, uti similiter plura opera servilia modica
eodem festo sæpius replicata conficiunt tempus
notabile. Duo tamen hic bene observanda oc-
currunt. *In primis*, quod quantitas, ut dicatur
notabilis, major debeat esse, si ponatur per plu-
res actus interpolatos, quam si fiat simul unico
E c s actu;

actu; uti patet in materia de furtis. *Secundo*, quod debeat adverti per similia minuta deveniri tandem ad quoddam notabile. Vid. Reiffenstuel *Tr. 10. Dist. 2. num. 7. & post num. 37. Additione 11.*

PROPOSITIO XXX.

42. *Omnes Officiales, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio.*

DECLARATIO.

Eugenius IV. apud Silvestrum, Navarrum, & Tabiennam quoad præsens dubium sibi propositum expresse declaravit, eos duntaxat officiales à jejunio excusari, qui laboriosa opera exercent: ergo non omnes indifferenter, qui corporaliter laborant, erunt exempti ab observatione jejunii. Censentur autem laboriosa opera exercere Fabri lignarii, Ferrarii, Fossore, Agricola opera ruralia exercentes, Textores pannorum, Finguli Lapidum, vel Fœni Sectors, Trituratores, & omnes alii laborantes cum magna agitatione membrorum, in qua multi spiritus vitales consumuntur: non autem Pictores, Scriba, Sartores, aliive, apud quos, ut artem suam exercent, notabilis membrorum agitatio haud requiritur. In dubio inquiri poterit apud Tamburinum *Lib. 4. in Decalo-*

um c. 5. §. 7. vel apud Sporer in Præcepta
 calogi Tract. 3. in Appendice Sect. 4. num. 57.
 §. seqq. aut apud Reiffenstuel Tract. 10. Dist. 2.
 68. §. seqq.

PROPOSITIO XXXI.

43. Excusantur absolute à præcepto jejunii omnes
 illi, qui iter agunt equitando, utcunque iter agant,
 etiamsi iter necessarium non sit, §. etiamsi iter unius
 diei conficiant.

DECLARATIO.

Quoniam juxta proxime dicta ad jejunium
 obligantur opifices illi, qui non exercent labo-
 riosam artem; à fortiori pariter adstringentur
 illi, qui iter breve instituunt ex oblectamento,
 & sine notabili defatigatione &c. Vid. Reiffen-
 stuel Tract. 19. Dist. 2. n. 70. §. 71. cum Additio-
 ne sequenti.

PROPOSITIO XXXII.

44. Non est evidens, quod consuetudo non co-
 medendi ova, §. lacticia in Quadragesima, obliget.

DECLARATIO.

Merito hæc propositio rejecta fuit, cum obli-
 gationem in Quadragesima abstinendi ab ovis,
 & lacticiniis Jura satis insinuent. Sic enim
 Can.

Can. Denique Dist. 4. D. Gregorius Papa inquit: Par est, ut qui his diebus à carnibus animalium abstinemus, ab omnibus quoque, quæ sementinam trahunt originem Carnis, jejunemus: à lacte vitæ, delicet, Caseo, & ovis. Item Can. 56. sextæ Synodi Trullanæ edentes in Quadragesima Laticinia excommunicationi subjiuntur. Intellege tamen id totum quoad loca, in quibus ex defectu ciborum jejunalium legitimus usus contrarius non fuit introductus. Reiffenstuel loc. cit. n. 9. & 10.

PROPOSITIO XXXIII.

45. Restitutio fructuum ob omissionem horarum suppleri potest per quascunque eleemosynas, quas interea Beneficiarius de fructibus sui Beneficii fecerit.

DECLARATIO.

Ratio damnationis est, quia donatio, ipsam omissionem Horarum præcedens, fuit omnino liberalis, per quam res absolute donata transit in dominium pauperis donatarii, adeoque per eandem non poterit satisfieri obligationi novæ, prædictæ post hanc donationem supervenienti. Reiffenstuel Tract. 6. Dist. 1. n. 34. & seqq. Additionibus.

PROPOSITIO XXXIV.

46. In die Palmarum recitans officium Paschale satisfacit precepto.

DECLARATIO.

Cum S. Pius V. in Bulla sua, ordinarie Breviarii præfixa, in virtute S. Obedientiæ injungat, ut non aliter Horæ Canonicae recitentur, quam juxta ritum in Breviario præscriptum; con-
sequens est, graviter peccari, si die Palmarum recitetur brevissimum Officium Paschale; quoniam sic plane notabiliter deflectitur à ritu Breviarii, & alias singulis diebus per totum annum absque gravi peccato possent dici brevissime Vesperæ Sab-
bati Sancti, & Matutinum succinctum Paschatis.
Reiffenstuel Tract. 6. Dist. 1. n. 60.

PROPOSITIO XXXV.

47. *Unico Officio potest quis satisfacere duplici præcepto pro die præsentis, & crastino.*

DECLARATIO.

Ex eo, quod in aliquibus Casibus per unicum actum satisfieri possit duplici præcepto, intulerunt nonnulli, quod etiam unico officio aliquis satisfacere queat duplici præcepto recitandi Horas, nimirum pro die præsentis, & crastino. Si quis enim auditione unius Missæ satisfacit, dum in Dominicam incidit simul Festum SS. Apostolorum Petri, & Pauli, quamvis in eo casu occurrat duplex præceptum, nempe ratione Dominicæ, & ratione diei Festivi SS. Apostolorum, cur non pa-
ri-

riformiter recitatione unius officii possit satisfieri duobus præceptis Ecclesiasticis, uni pro hodierno & alteri pro castino obligantibus? Sed contra est, quod dentur quoque non pauca, quibus non satisfiat per unicum actum; sic enim unica solutione non extinguit duplex debitum, nec tempore Quadragesimæ unico jejunio satisfacio duplici præcepto jejunandi pro hodierno, & castino die. Ratio est, quia nonnulla præcepta sunt adeo affixa certo diei, ut quilibet dies habeat sibi annexam suam distinctam obligationem cum ipso die expirantem, nec in alium diem transferibilem: talia sunt præcepta jejunandi, & Horas Canonicas recitandi. Vid. Reiffenstuel. *Traët. 6. Dist. 1. n. 74.*

PROPOSITIO XXXVI.

48. *Regulares possunt in foro conscientie uti Privilegiis suis, quæ sunt expresse revocata per Concilium Tridentinum.*

DECLARATIO.

Non defuerunt Theologi, qui cum Henriquez, Virginio Alviser, & Brunone Chassaign censuerunt, Regulares Privilegiis suis, etiam explicite per clausulam *non obstantibus Privilegiis* Concilii Tridentini revocatis, adhuc uti possent non quidem in foro externo; cum id verum fuerit

fuerit à Gregorio XIII. ad vitanda inter Episcopos, & Regulares dissidia, sed præcise in foro interno, & conscientia. At hæc doctrina quoad Privilegia à Tridentino per clausulas derogatorias cassata (secus dic quoad alia) merito in præsentisuit reprobata; cum Concilium Tridentinum, approbante Summo Pontifice, quædam Privilegia Regularium per clausulas derogatorias absolute, & indistincte revocaverit, ideoque non solum pro foro externo, sed etiam interno. Inter hæc per clausulas derogatorias specialiter revocata numerantur illa, quæ continentur *Sess. 23. de Reform. cap. 12.* de promotione ad Presbyteratum ante inchoatum annum vigesimum quintum. Item ibidem *cap. 13.* de recipiendis duobus Sacris Ordinibus eodem die. Item *cap. 15.* de Confessionibus sæcularium excipiendis independentem ab approbatione Ordinarii &c. quæ omnia defacto nequeunt amplius à Regularibus etiam in foro interno praticari. Eodem modo cuncta Privilegia, quæ opponuntur dispositioni Concilii Tridentini quoad integram *sessionem vigesimam quintam de Regularibus*, censentur defacto abrogata, eo quod Concilium Tidentinum capite ultimo, seu *vigesimo dictæ sessionis 25.* expresse præceperit, ut omnia, & singula in superioribus decretis contenta observentur non obstantibus eorum omnium, & singulorum Privilegiis, sub quibuscunque verborum formulis conceptis &c. Videatur utilissime Reifensstuel in Jure Canon. *Lib. 5. Decret. tit. 33 præsertim §. 6.*

PROPOSITIO XXXVII.

49. *Indulgentiæ concessæ Regularibus, & revocata à Paulo V. hodie sunt revalidatæ.*

DECLARATIO.

Quod Paulus Quintus Pontifex anno 1606 die 23. Maji per Bullam: *Romanus Pontifex*, omnes & singulas indulgentias quibuscunque Institutiis & Personis Regularibus antecederet directe, ac immediate concessas revocaverit, ac nonnullas novas substituerit, patet ex Theologia morali Patris Reiffenstuel *Tract. 12. Dist. 3. Quest. 6.* Putarunt tamen nonnulli Academiæ Salmanticensis Doctores cum Rodriguez *Resol. 77. n. 45.* eas omnes indulgentias successu temporis iterum fuisse revalidatas, quam sententiam Alexander VII. in præfenti damnavit; cum nulla queat afferri Bulla nova, hanc generalem revalidationem clare, ac solide demonstrans.

50. Hoc tamen non obstante verum est, quod nonnullæ indulgentiæ post revocationem istam fuerint de novo vel à Paulo V. ipsomet, vel à Successoribus revalidatæ. Sic enim ob hanc rationem adhuc valet indulgentia plenaria concessa per Leonem X. Pauli V. Antecessorem tam Franciscanis, quam per communicationem Monialibus, Tertiariis, ac Cordigeris sub potestate, seu directione Generalis nostri constitutis, si Rosarium Franciscanorum septemplici decade constans recitaverint.

tint. Uti Paulus V. anno 1609. apud Lantusca V. *Indulgentia*, & in Rubricis nostris particularibus num. 89. (apud alios num. 90.) post suam revocationem generalem de novo concessit, & Innocentius X. in Brevi: *Exponi nobis*, edito 15. Maji anno 1688. confirmavit. Eodem modo respectu superius memoratorum adhuc subsistunt maximæ illæ indulgentiæ Stationis Sanctissimi Sacramenti, vi quarum Fratres Minores (idem dic de Monialibus, Tertiariis & Cordigeris superius indicatis) possunt teste Dominico Viva hic n. 8. lucrari ex concessione Leonis X. omnes indulgentias concessas Ecclesiis Romanis, Hierusalem, Compstellæ, & Portiunculæ, dummodo coram Sanctissimo Sacramento *sex Pater*, & *Ave cum totidem Gloria Patri* &c. & ultimum quidem pro Sanct. Papa recitaverint, quem ingentem thesaurum per Paulum V. vel non fuisse revocatum, vel per Urbanum VIII. iterum revalidatum, testantur cum communi nostrorum Theologorum Rodriquez, & Quintanad. apud Viva hic. Idem tenent Rubricæ nostræ particulares n. 88. & 89. referentes singulare quoddam Breve Apostolicum Innocentii XII. die 19. Maji anno 1694. emanatum, quod incipit: *Debitum Pastorale*. Nec dictis contrarium existit Breve quodpiam aliud Innocentii XI. relatum à Patre Reiffenstuel Tract. XII. Dist. 3. Quæst. 7. in quo Summus Pontifex §. ac denum, declarat, omnes indulgentias concessas ante Breve Pauli V. editum 23. Maji anno 1606. Personis Regularibus quarumcunque Religionum, & Ordinum etiam Mendicant. P. Anaclet. Reiffenstuel Theol. Supplem. F f tium

tium esse nullius roboris & momenti. Etenim al-
 tefatus expresse subjungit: *nisi fuerint deinde Ro-*
mani Pontificis auctoritate innovata, aut confir-
mata; inter quas computantur indulgentiæ supe-
 rius adductæ. Cæteroquin tamen nequit ex dictis
 adhuc inferri sub terminis generalibus, *indulgentias*
à Paulo V. revocatas hodie esse revalidatas.

PROPOSITIO XXXVIII.

§ 1. *Mandatum Tridentini factum Sacerdoti sa-*
crificanti ex necessitate cum peccato mortali, confi-
tendi quamprimum, est consilium, non præceptum.

DECLARATIO.

Concilium Tridentinum Sess. 13. de Eucharistia
 cap. 7. quoad Sacerdotes in Specialem Reveren-
 tiam tremendi Missæ Sacrificii hæc ponit forma-
 lia: *Si necessitate urgente Sacerdos absque prævia*
confessione celebraverit NB. quamprimum confitea-
tur. Cum autem *h* confiteatur non necessario
 videatur involvere præceptum, quin possit quo-
 que importare præcisè consilium; Villalobos, Ma-
 chado, & Ledesma inclinabant potius ad con-
 silium, quoniam juxta notam Regulam Juris,
 odia oportet potius restringere, quam ampliare.
 Sed contra est quod communis usus, & DD.
 consensus magis per allegata verba indicet im-
 por-

portari præceptum, quam consilium, ut idipsum similiter Rubricæ Missalis clarius per verbum debet insinuare videntur, dum Tit. de defectibus dispositionis animæ ita legitur: *Si quis in casu necessitatis non habens copiam Confessoris in peccato mortali absque contritione celebret, graviter peccat. Secus, si conteratur: debet tamen, cum primum poterit, confiteri.* Vide Reiffenstuel Tract. 14. Dist. 2. n. 33. & seqq.

PROPOSITIO XXXIX.

§ 2. *illa particula quamprimum intelligitur, cum Sacerdos suo tempore confitebitur.*

DECLARATIO.

Agnoscentes alii in illis verbis Concilii Tridentini *ly quamprimum confiteatur*, contineri quodpiam præceptum, id adeo laxè explicarunt, ut in effectu non sit præceptum, sicque in re ipsa cum prioribus coincidunt. Inquiunt enim præfatam particulam *quamprimum* intelligi, quando alias Sacerdos confitebitur suo tempore, puta dum iterum celebrabit Missam de novo. Sed contra est, quia taliter contra communem sensum Ecclesiæ hoc non esset speciale præceptum quoad Sacerdotes: quia etiam Laici habentes grave peccatum tenentur confiteri, quando suo tempore communicabunt; hinc stante hac laxa declaratione æque parum Sacerdos, ac Laicus peccaret, si in simili

casu, nimirum post tres menses à sumptione Eucharistiæ, cum sola contritione peracta computandos, confiteretur, posito nimirum, quod de novo post trimestre sacrificare, & communicare vellet. Vide Reiffenstuel *loc. superius cit.*

PROPOSITIO XL.

53. Est probabilis opinio, quæ dicit, esse tantum veniale, osculum habitum ob delectationem carnalem, & sensibilem, quæ ex osculo oritur, secluso periculo consensus ulterioris, & pollutionis.

DECLARATIO.

Distinctio est facienda inter oscula causa amicitiae juxta morem Patriæ contingentia, & inter ea, quæ obiter fiunt ex levitate animi absque delectatione aliqua. Item supposito etiam, quod oscula imprimantur ex aliqua delectatione, iterum attendendum, num delectatio fuerit pure sensibilis, vel simul carnalis? Oscula amicitiae juxta morem Patriæ possunt carere omni culpa. Oscula ex levitate animi plerumque sunt venialia, uti pariter oscula ex sola delectatione sensibili. Quodsi vero pariter accedat delectatio Carnalis, delibere impressa erunt mortalia; quia æque, imo magis disponunt ad copulam, quam sola delectatio morosa. Unde Summi Pontifices Clemens VIII. & Paulus V. apud Viva hic *num. 1.* jubent

Inquisitoribus Fidei denuntiari illos, qui asserunt, similia oscula, amplexus, aut tactus non esse peccata mortalia. Vid. Reiffenstuel *Tract. 4. Dist. 4. num. 71. & sequentibus ac præsertim Additionibus post. numerum 78.*

PROPOSITIO XLI.

54. Non est obligandus concubinarium ad ejiciendam concubinam, si hæc nimis utilis esset ad oblectamentum concubinarium, vulgo regalo, dum deficiente illa nimis ægre ageret vitam, & aliæ epulæ tædio magno concubinarium afficerent, & alia famula nimis difficile inveniretur.

DECLARATIO.

Quod gravis peccator absolvi nequeat, nisi verum habeat propositum evitandi gravia peccata in futurum, extra controversiam est: nam dolor, seu detestatio de peccato commisso cum proposito non peccandi de cætero, est ex necessariis requisitis ad valorem Sacramenti Pœnitentiæ juxta Concilium Trident. Sess. 14. de Pœnitent. cap. 3. & 4. Alia autem quæstio est, utrum concubinarium censeatur habere verum tale propositum necessario ad valorem Sacramenti Pœnitentiæ requisitum, quando equidem Confessario promittit, quod nolit amplius peccare cum sua concubina, non tamen

eandem vult dimittere ex sequentibus motivis; quia nimirum nimis utilis est ad oblectamentum, vel quia alia famula nimis difficulter invenitur, vel quia epulæ ab alia famula præparatæ magno rædior ipsum afficerent, vel demum, quia ex absentia nimis ægre vitam ageret. In quibus, & similibus casibus Joannes Sancius cum Vivaldo apud Dianam *Part. 2. Tract. 6. Resolut. 45.* putat adesse adhuc verum propositum, & quod consequenter talis sit absolvendus toties quoties &c. quamvis etiam (quod mirari satis nequeo) nullus profectus appareat. Sed contra est, quod motiva similia necdum hominem talem carnalem constituunt physice, vel moraliter impotentem ad dimittendam concubinam, sed potius sint vanæ excusationes, quas caro, & sanguis, ac cæcus amor subministrant. Unde nec signum prudenter credibile apud tales apparet, alicujus efficacis propositi, dum cælum, & æternam salutem, cujus amittendæ periculo manifeste se exponunt, talibus oblectamentis posthabere videntur. Dico *oblectamentis*; nam *ly Regalo* quod in propositione damnata pro excusatione proponitur, est teste Sabino Bononiensi hic nomen Hispanum, & latine sonat *blandimentum, delictum, seu suavitas epularum*. Vim inferant Venerei illi circa dimissionem Concubinæ effrœnatæ suæ passioni, & palpabiliter experientur assistentem sibi gratiam Divinam; nam *Regnum Cælorum vim patitur, & violenti rapiunt illud*. Matth. cap. 11. v. 12. Vide Reiffenstuel fusius de hac materia agentem. *Tract. 14. Dist. 8. Quest. 4. cum Additionibus.*

PROPOSITIO XLII.

55. *Licitum est mutuanti aliquid ultra sortem exigere, si se obliget ad non repetendam sortem usque ad certum tempus.*

DECLARATIO.

Ipsimet contractui mutui intrinsece inest, se in gratiam mutuatarii ad tempus dominio, & usu pecuniæ mutuatae privare: ergo præcise propter ipsum certum tempus exigere plus ultra sortem idem est in re, ac propter hunc contractum, seu intuitu talis mutui aliquid petere ultra sortem, quod tamen ultimum juxta omnes apertam continet usuram, nisi lucrum cessans, aut damnum emergens, vel periculum, consideratis circumstantiis amittendi capitale, seu sortem, aliusve justus titulus excuset. Viderint ergo illi, qui commune interesse quinque florenorum per annum pro centum mutuatis excedentes, singulis mensibus pro unico floreno mutuato exigunt denarium; ita ut interesse unius floreni, superet ad finem anni medietatem ejusdem floreni, utpote ad duodecim denarios ascendens. Aperta hæc est usura, plus quam Judaica, & neutiquam in aliqua Republica toleranda. Vide Reiffenstuel *Tract. 8. Dist. 4. num. 40. & 41.*

PROPOSITIO XLIII.

56. *Annuum legatum pro anima relictum non durat plus, quam per decem annos.*

DECLARATIO.

Ratio damnationis dictæ propositionis est: quod annuum illud legatum pingue E. G. & proportionatum stipendio potuit esse factum absque restrictione ad certum tempus; ergo non debet annuum legatum indefinite factum illico restringi ad decennium. *Dices:* Juxta Sorum, & alios Doctores nulla anima ultra decennium detinetur in purgatorio: ergo nec præsumendum est, quod fundator ultra decennium petierit persolvi contenta in literis foundationis. *Respond.* Inprimis antecedens gratis asseri, atque esse falsum, & contra communem persuasionem fidelium, ac contrarium apud Dominicum Viva hic patere ex Historiis Ecclesiasticis, quarum plures animæ longe ultra decennium in hoc ergastulo sunt detentæ. Deinde dato etiam quod ex revelationibus in uno, alterove casu constaret, animam fundatoris certo jam frui beatitudine, adhuc hæredes tenerentur satisfacere legato annuo perpetuo; quia ex Ecclesiæ communi præsumitur voluntas fundatoris, ut suffragium illud non sibi, saltem aliis de familia proficit.

PROPOSITIO XLIV.

57. *Quoad forum conscientie reo correcto, ejusque contumacia cessante cessant censura.*

DECLARATIO.

Non est quæstio de foro externo, in quo etiam mortuus indiget absolutione, si decesserit cum censura publica, etsi obierit vere contritus juxta Capitulum, à nobis, & Cap. Sacris, de sentent. Excommunicat. Item cap. Is, cui, eodem in 6. Sermo itaque solummodo instituitur quoad forum conscientia, in ordine ad quod nonnulli putarunt, reo correcto, & cessante contumacia eo ipso statim cessare censuras absque ulteriori absolutione. Ratio esse potuit; quia censura se habet juxta communem instar medicina; curato autem infirmo non amplius Medicus applicat temporalem Medicinam; adeoque nec Judex Ecclesiasticus spiritualem: nam cessante causa motiva cessat Effectus. Sed contra est, quod censura non solum sit medicina verum etiam pœna; unde etiam pœna medicinalis vocatur. Subsumitur: atqui pœna stat etiam in contrito; ergo pariter censura, nisi tollatur aliunde à potestatem habente. Vide Reiffenstuel. Tract. 13. Dist. 1. num. 42.

PROPOSITIO XLV.

§8. Libri prohibiti, donec expurgentur, possunt retineri, usque dum adhibita diligentia corrigantur.

DECLARATIO.

Notandum ex Viva hic, quod Libri Hæreticorum hæresin continentes, vel de Religione tractantes,

tes, in Bulla Cœnæ prohibeantur absolute sub ex-
communicatione reservata; alii vero passim pro-
hiberi soleant sub clausula: *Donec Corrigan- tur*. De
his itaque ultimis aliqui Theologi docuerunt, reti-
neri posse, donec opportune eorum correctio aut
expunctio fuerit inducta, cui tamen Doctrinæ
repugnant Regulæ Indicis præscriptæ in Concilio
Tridentino, in quibus absolute prohibetur à Pon-
tifici, ne quis apud se habeat, vel retineat Libros
quovis titulo interdictos, & consequenter paren-
dum est Pontifici mandanti, ut dicti Libri deferan-
tur Inquisitori S. Officii, ubi id viget, ut recte ob-
servat Sabinus Bononiensis, dum scribit in dictas
propositiones damnatas. Quid in Germania quoad
libros prohibitos secundæ classis sit sentiendum.
Vide Reiffenstuel *Tract. 4. Dist. 4. num. 42.*

§. V.

59. *Damnatio Sexaginta quinque Propositionum
per Decretum I. Innocentii XI. Videatur in princi-
pio Tomi primi.*

§. VI.

Declaratio prædictorum 65. Propositionum.

PROPOSITIO I.

60. *Non est illicitum in Sacramentis conferen-
dis sequi opinionem probabilem de valore Sacramen-
ti.*

relicta tutiore, nisi id vetet lex, conventio, aut
 periculum gravis damni incurrendi. Hinc senten-
 tia probabilis tantum utendum non est in collatione
 Baptismi, Ordinis Sacerdotalis, aut Episcopalis.

DECLARATIO.

Doctrina, quæ in hac propositione damnata
 continetur primarium fundamentum suum de-
 sumpsit ex illo probabilistarum principio: *Qui-
 cunque probabiliter operatur, prudenter operatur;
 quia operatur ex ratione gravi.* Ita recte adver-
 tit Dominicus Viva hic num. 11. Quare Theologi
 illius Doctrinæ (inter quos à Diana Part. 1. Tract. 13.
 Resol. 2. numerantur Lorca, Serra, Ledesma &c.)
 taliter secum discurrebant: operatio directa per
 actum prudentiæ utique non est peccaminosa, quo-
 niam vitia non diriguntur per virtutes, inter
 quas numeratur prudentia; atqui collatio sacra-
 menti cum opinione probabilis de valore ejus-
 dem, est operatio directa per actum prudentiæ:
 nam qui probabiliter operatur, prudenter opera-
 tur, ergo. Sed contra est primo, quod ex hoc
 discursu sequeretur, licere etiam in collatione
 Baptismi, & Sacramenti Ordinis sequi senten-
 tiam probabilem relicta tutiore; quod tamen nec
 ipsi hi Theologi asserere ausi fuerunt. Contra
 est secundo, quod pariter sequeretur, licitum fore
 in collatione Sacramentorum sequi sententiam mi-
 nus tutam, non solum quando ista est probabi-
 lior;

lior; verum etiam, si simul est minus probabile, uti consideranti patet. Igitur negatur suppositum, quod ubi agitur de valore alicujus Sacramenti, operatio directa per opinionem probabilem relicta tutiori sit operatio directa à virtute prudentiæ; etenim transmissio etiam, quod in materia honestatis, & ubi agitur præcise de licetitate, seu licentia actionis, *prudenter operetur, quicumque probabiliter operatur*, id tamen falsum est in questionibus de valore Sacramentorum, in quibus ex una parte dictus valor non dependet ex determinatione collatoris, sed potius ex voluntate institutoris Sacramentorum, ex altera vero parte collator sequendo opinionem præcise probabilem relicta tutiori exponit recipientem tale Sacramentum gravi periculo, ne frustretur gratia sanctificante, alias moraliter certo acquirenda, si collator secutus fuisset sententiam tutiorem. Accedit, quod etiam loquendo in materia honestatis axioma illud: *Quicumque probabiliter operatur, prudenter operatur*, multis sit subjectum difficultatibus, explicationibus, & distinctionibus; ita, ut non pauci ex Theologis nolint in hoc fundare suum ultimum dictamen de formali honestate actus, uti adverti in libello quodam *Disquisitio Theologica* intitulato *Qu. 2. §. 3. num. 58 & seqq.* ac fusius per integrum tomum examinat Christophorus Ralsler in sua *Norma recti*. Vid. Reiffenstuel *Tract. 1. Dist. 3. num. 58. & seqq.*

61. Quæres I. An in materia Valorem concernente collator Sacramentorum possit libere, relicta tutiore, sequi sententiam probabilem, si eadem non solum æque probabilis, sed etiam probabilior appareat tutiore? E. G. controversatur inter Theologos in Tractatu de Pœnitentia, utrum ad essentiam formulæ absolutoriæ pertineant sola illa Verba *absolve te*, vel etiam alia tria, *à peccatis tuis*? Ubi Scotistæ cum pluribus RR. defendunt tanquam probabilius, sola priora duo *absolve te* essentialiter requiri. Quæritur ergo, an in praxi Confessarius possit licite sequi hanc sententiam probabiliorē, uti supponimus, vel utrum obligetur addere *à peccatis tuis*, sequendo sententiam tutiorem? Respond. Confessarium obligari in praxi ad sententiam tutiorem addendo formulæ absolutoriæ etiam illa verba: *à peccatis tuis*. Probatur primo; quia alias pœnitentem exponeret Confessarius probabili periculo, ne invalide reciperet hoc Sacramentum cum ingenti suo detrimento: eo ipso enim, quod sententia requirens ad valorem etiam expressionem verborum *à peccatis tuis*, sit probabilis, adest ratio gravis pro eadem, etsi minoris ponderis, & sic pariter adest periculum grave proportionatum ponderi rationum. Probatur secundo; quia in propositione damnata indefinite dicitur, in Sacramentis Collatorem non posse sequi sententiam probabilem relicta tutiore; atqui sententia probabilior adhuc continetur sub genere probabili, sicut album sub genere albi: ergo.

63. Quæ-

62. *Quæres II.* An saltem recipiens Sacramenta non possit in quæstionibus, valorem concernentibus, eligere sibi sententiam æque probabilem, vel etiam probabiliorem, minus tamen tutam, relicta tutiore, simul & adhuc vere probabili? Respond. Imprimis quoad Sacramentum *Baptismi, Ordinis Presbyteratus, vel Episcopalis* &c. omnino negative: incurreret enim taliter recipiens grave periculum maximi damni tam ex parte sui, quam aliorum: quia posito, quod a parte rei non esset valide baptizatus (uti adlunt graves id afferendi rationes, licet minus probabiles) exinde confectaneum foret, quod invalide quoque reciperet alia Sacramenta non sine gravi irreverentia, item talis, vel etiam invalide ordinatus in Presbyterum, quoque invalide celebraret, & absolveret, seque ipsum in grave periculum conjiceret, an valide a suis peccatis absolvetur. Respond. *secundo* quoad Sacramenta vivorum augmentum gratiæ causantia, an recipiens ea possit sibi eligere sententiam probabiliorem minus tutam relicta tutiori, simulque vere adhuc probabili, majus est dubium, ac dependet ab alia quæstione circa collatorem Sacramenti, utrum is ad tutiorem vere probabilem relicta probabilius minus tuta obligetur præcise ex charitate et erga proximum &c. vel an etiam ex virtute Religionis erga Sacramenta, ne eadem periculo invaliditatis, & sic irreverentiæ exponatur? Si prius, tunc eo ipso recipiens, si ipsemet sponte velit eligere probabiliorem minus tutam, videtur non graviter peccare! quia sponte cedit juri suo

circa
porib
etfi e
lator
confe
ex rev
steria
absqu
invali
tiorer
nus t
Soto,
a. par
Mach
hoc l
dens
hecdu
nis,
te lo

6
tram
quam
sicqu
tior?
Pœni
utru
inter
mi B
logi
tra u
men

circum augmentum gratiæ, prout etiam certis temporibus potest licite intermittere Communionem, etsi exinde gratia augetur. Quodsi vero collator Sacramentorum obligetur conficere, & aliis conferre Sacramenta ex virtute Religionis (puta ex reverentia erga ipsamet hæc Sacratissima Mysteria) patet, quod ex tunc neque recipiens se absque ulla necessitate exponere queat periculo invaliditatis, relinquendo in praxi sententiam tutiorem verè adhuc probabilem, & sequendo minus tutam Probabiliorem. Et hoc ultimum cum Soto, Valentia, & aliis tenet Suarez, *Tom. 3. in 2. part. Disp. 16. Sect. 2.* contra Pontium, Salas, Machado, Salonium &c. Quidquid tamen de hoc sit, illud mihi certum videtur, quod defendens recipientem, non obligari ad tutiorem &c. necdum incurrat damnationem hujus propositionis, utpote quæ de conferente, non de recipiente loquitur.

64. Quæres III. An in materia Valorem Sacramentorum concernente possint, tam conferens quam recipiens sequi sententiam moraliter certam, sique absolute tutam, etsi contraria adhuc sit tutior? Exemplum ponamus denuo de Sacramento Pœnitentiæ, ubi inter Doctores movetur quæstio, utrum ad attritionem necessario requisitam debeat intervenire aliquis actus dilectionis DEI, ut summi Boni in se, vel non? Et licet non pauci Theologi talem dilectionem exigant, nobis tamen citra ullam censuram hujus sententiæ in Supplemento Patris Reiffenstuel *Tract. 24. Dist. 6. n. 47.* sen.

sententia negativa post Concilium Tridentinum videbatur moraliter certa. Data ergo hac hypothesis, quaeritur, utrum non obstante ista morali certitudine adhuc sit obligatio eliciendi cum attritione aliquem actum Dilectionis Dei super omnia, vel non? Respond. quamvis eliciens hunc actum dilectionis Dei haud dubie magis merito-rie operetur non tamen datur obligatio eundem eliciendi. Ratio est quia concesso illo supposito (de quo latius in supplemento, & adhuc suo loco) sententia negans requiri hanc dilectionem, jam est satis tuta, utpote moraliter certa, sicque practice excludens omnem formidinem, NB. fundatam in gravi ratione: ergo non datur obligatio sequendi adhuc tutiorem, uti recte cum Viva tenet Matthæuccius in cautela Confessarii *Lib. 2. cap. 1. n. 6.* & plane alias omnes deberent exire ex hoc mundo; quoniam tutius est, in aliqua Religione vivere, ubi viridis floret observantia, quam in mundo; quippe in Religione juxta S. Bernardum: *Homo vivit purius, cadit rarius, surgit velocius, incedit cautius, irrigatur frequentius, securius quiescit, moritur fiducius, purgatur citius, premiatur copiosius.*

PROPOSITIO II.

64. Probabiliter existimo, Judicem posse judicare juxta opinionem etiam minus probabilem.

DECLARATIO.

Quod in causis criminalibus, præsertim capitalibus, debeat Judex favere Reo, etsi ipsi rationes allegatæ pro Reo quoad principia directæ appareant minus probabiles præ oppositis, Doctores teste Viva hic communiter adstruunt cum Reiffenstuel *Tract. 1. Dist. 3. addit. post num. 62.* Neque id intendit summus Pontifex in præsentî damnare, sed tantummodo illorum doctrinam improbat, qui admiserunt, etiam in causis civilibus posse Judicem pro suo beneplacito ferre sententiam secundum opinionem suam minus probabilem, quando aliqua dubietas ex diversitate opinionum circa jus exoritur. Taliter quidem Salomius, Ledesma, Delrio, Lorca, ac alii plures apud Dianam *Part. 1. Tract. 13. Resol. 3. & Part. 1. Tract. 2. Resolut. 60.* voluerunt ex ea ratione; quia Judex in simili casu se determinans ad minus probabilem adhuc prudenter operatur; nam qui probabiliter agit, prudenter agit. *Sed falsum est,* quod Judex in eo casu prudenter agat, eo quod Jura in casu, quo nulla pars litigantium existit in quietâ possessione rei litigiosæ: expresse eundem obligent, ut sententiam pronuntiet juxta opinionem, quæ omnibus considerandis consideratis ipsi videtur probabilior. Ita enim *L. ob carnem §. 3. ff. de testibus.* Et si testes 4. *Quest. 2. & 3.* expresse habetur confirmabit Judex motum animi sui ex argumentis & testimoniis, quæ rei aptiora, & vero proximiora esse compererit. Item cum moveretur quæstio de ætate hominis, Legis-

P. Anac. Reiffenstuel Theol. Supplem. Gg la-

lator L. 13. ff. de probationibus respondit: *Causa cognita veritatem excuti oportere, & ex eo potissimum annos computari, ex quo precipuam fidem in ea re constare NB. credibilis videtur.* Similiter C. Capellanus de feriis, juncta glossa eligitur sententia, quæ validiore, & meliore nititur ratione. Ex quo patet, quam merito propositio his Legibus è diametro contraria fuerit damnata. Videatur Reiffenstuel Tract. 1. Dist. 3. n. 61. & seqq.

65. Dices: Si Judex videat, quod una pars litigantium afferat quidem pro se rationes probabiliores; altera vero præter rationes minus quidem, vere tamen adhuc probabiles, adducat in sui favorem Regulam possessoriam, licite Judex pronuntiat in favorem possidentis, uti tenet Filguera apud Kugler in sua Crisi hic: ergo licite potest Judex sequi sententiam minus probabilem. Respondeo in primis, Antecedens non esse omnino certum: Legitur quidem in Jure Reg. 95. juris in 6. *in pari casu potior est conditio possidentis*; nulla autem fit ibidem mentio, si alterius causa sit notabiliter melior, seu probabilior: admittamus tamen Antecedens, supposito, quod allegans pro se regulam possessoriam habeat possessionem legitimam, certam, seu cum justo titulo. Negatur tamen consequentia, quod nimirum Judex statim pro libitu suo possit sequi sententiam minus probabilem, vel majoris claritatis causa distinguatur consequens: Potest Judex sequi sententiam minus probabilem, supposito, quod alter allegans rationes speculativas probabiles simul existat in cer-

ta legitima possessione, conced. consequentia. Si nullus ex litigantibus existat in tali possessione, negatur consequentia. Sive adhuc aliter: potest iudex sequi sententiam, quæ sit minus probabilis attendendo præcise ad principia directa, & speculativa, conced. consequentia, quæ sit & maneat minus probabilis respiciendo pariter ad principia practica, & reflexa, negat. consequent. Instantia dari potest in causis criminalibus, in quibus eodem modo discurretur. Vid. Reiffenstuel *Tract. 1. Dist. 3. Addit. post num. 26.*

PROPOSITIO III.

66. *Generatim dum probabilitate sive intrinseca, sive extrinseca, quantumvis tenui, modo à probabilitatis finibus non exeatur, consisti aliquid agimus, semper prudenter agimus.*

DECLARATIO.

Quænam dicatur tenuis probabilitas, fusius explicat Reiffenstuel *Tract. 1. Dist. 3. num. 45. § 46.* Ego puto, inter terminos tenuis probabilitatis comprehendi quoque eam, quæ quidem aliquibus Auctoribus apparet gravis, pluribus autem non; ita ut neque per auctoritatem extrinsecam, neque per rationem intrinsecam intellectus meus aliquo

modo alliciatur, seu moveatur ad assensum, E. G. judicant aliqui Auctores apud la Croix *Lib. 6. part. 1. num. 260.* aquam rosaceam, & similes succos distillatos esse materiam validam Baptismi; communissima tamen Doctorum id negat, eo quod hic humor per distillationem extractus non amplius existat vera aqua elementaris, sed potius succus rosaceus, in quem aqua naturalis affusa, seu attracta per nutritionem plantæ, fuerat conversa, sicut à pari vinum adustum per distillationem ex aliquo vino extractum non amplius est verum vinum, sicque nec materia consecrabilis: quia tamen aliqui Auctores defendunt, succum illum rosaceum extractum esse substantialiter adhuc aquam naturalem, licet nonnullis qualitatibus permixtam, poterit illorum Theologorum sententia mihi apparere tenuiter probabilis. Vi autem hujus propositionis damnatæ non possumus sequi sententiam tenuiter probabilem, generaliter, seu regulariter, loquendo: interim tamen in casu necessitatis etiam in collatione Sacramentorum id non censetur prohibitum, dummodo fiat sub conditione, qua posita valor Sacramenti periculo irreverentiæ ex una parte non exponitur; ex altera vero recipienti accrescere potest notabilis utilitas, nec aliunde aliquod (uti suppono) sequitur absurdum. Et hinc in defectu alterius aquæ apud infantem necdum baptizatum, & morti proximum recte (Charitate proximi id volente) adhibetur aqua rosacea, vel idem infans, si aliter fieri nequeat, in minima parte corporis, E. G. digiti baptizatur, cum condi-

ditione
qui C
bund
tiona
tione
lis.
ille,
tiona
babil
Cath
nate
n. 69

67
dens,

T
thau
nes S
scrib
præc
nion
cred
fidel
nus
de v

ditione tamen, si valeat. Inde miror, quod aliqui Confessarii in praxi sint adeo difficiles moribundum Catholicum sensibus destitutum conditionate absolvere, cum sententia talem Absolutionem admittens sit saltem tenuiter probabilis. Absque dubio censeretur prudenter agere ille, qui infantem necdum baptizatum conditionate baptizaret, etsi tantum foret tenuiter probabile, quod adhuc vivat: cur igitur moribundus Catholicus non possit in allegato casu conditionate absolvi? Vid. Reiffenstuel *Tract. 14. Dist. 7. n. 69. & seqq.*

PROPOSITIO. IV.

67. *Ab infidelitate excusabitur infidelis non credens, ductus opinione minus probabili.*

DECLARATIO.

Testibus Dominico Viva, & Augustino Matthæuccio Auctor hujus Thesis confixæ erat Joannes Sanctius in suis *Selectis Disp. 19. num. 7. & 9.* scribens, quod sicut homo in aliis materiis, & præceptis excusatur à peccato, si sequatur opinionem minus probabilem, ita etiam in præcepto credendi veritates Fidei Catholicæ excusabitur infidelis à peccato infidelitatis ductus opinione minus probabili. *Sed contra est*, quod tractando de vera Religione agatur de summo puncto, à

quo pendet æterna nostra felicitas: nam deficiente Religione deficiunt vera Sacramenta, & consequenter etiam illa facilia remedia, quibus gratiam sanctificantem deperditam iterum recuperare, & recuperatam augere possumus. Si itaque in ipsis Sacramentis juxta jam dicta nequimus sequi sententiam minus probabilem, multo minus in puncto veræ Religionis, ubi variaz quæstiones circa numerum, & valorem Sacramentorum solent intervenire. Agitur enim hic de gravissimo præjudicio, V. G. an Pastores sint legitime ordinati; an valide absolvant suos pœnitentes; an sola fides justificet; an in illa Religione habeatur, & oviculis præscribatur id, quod est necessarium necessitate medii ad salutem &c.? Quis igitur sibi persuadeat, in his maximi momenti quæstionibus, in quibus agitur de gravissimo præjudicio, & ubi veritas rei non dependet ex determinatione nostri intellectus; posse quempiam sequi opinionem minus probabilem? Potius talis infidelis, seu Hæreticus, cui videtur sua Religio probabilius falsa, tenetur implorato Divino auxilio in puncto hoc maximi momenti sedulo ulteriorem indagare veritatem, quæ certo eidem præstet, si in inquirendo non fuerit culpabiliter negligens. Imo (uti tenent duo Scholarum Principes Doctores Angelicus, & subtilis) si quis infidelium in sylvis enutritus ea, quæ sibi lumine naturæ nota sunt recte observet, DEUS, qui non deficit in necessariis ad salutem, tali etiam Angelum, vel Missionarium Apostolicum mitteret, qui ipsum Mysteriis credendis imbueret, uti Petrum de-

destina
suel 7

PR

68.

DEI
non au

VI.

quenni
DEUM

VI.

ficari,
possum

Ha

xandre
Docto

illam

Ulteri
ac ap

dition

P

69

tem
de-

destinavit ad Cornelium *Ad. cap. 10.* Vid. Reiffenstuel *Tract. 4. Dist. 2. n. 30. § 31.*

PROPOSITIONES V. VI & VII.

68. V. *An peccet mortaliter, qui actum dilectionis DEI semel tantum in vita eliceret, condemnare non audemus.*

VI. *Probabile est, ne singulis quidem rigose quinquennis per se obligare præceptum Charitatis erga Deum.*

VII. *Tunc solum obligat, quando tenemur justificari, & non habemus aliam viam, qua justificari possimus.*

DECLARATIO.

Has propositiones rejectas jam cernes ab Alexandro VII. unde mirum, quod adhuc Catholici Doctores inventi fuerint, qui easdem etiam post illam reprobationem manutenere præsumperint. Ulteriore explicationem vide supra §. 1. num. 2. ac apud Reiffenstuel *Tract. 4. Dist. 6. n. 9. § Ad- ditione sequenti.*

PROPOSITIONES VIII & IX.

69. VIII. *Comedere, & bibere usque ad satietatem ob solam voluptatem non est peccatum, modo*

non obſt valetudini; quia licite poteſt appetitus naturalis ſuis actibus frui.

IX. Opus conjugii ob ſolam voluptatem exercitum omni penitus caret culpa, ac defectu veniali.

DECLARATIO.

Diſtæ duæ propoſitiones apud Reiffenſtuel Tr. 1. Diſtinct. 2. Queſt. 5. præſertim additione poſt num. 36. taliter explicantur, ut tamen nullatenus obſint Doctorinæ plurimorum Theologorum, actus indifferentes in individuo admittentium: nam utique omittere auditionem Miſſæ die, quo nullum adeſt præceptum audiendi, non erit peccatum; cum talis omiſſio non ſit contra præceptum, ſed tantummodo contra conſilium; ſed neque eadem omiſſio Miſſæ erit bona, uti conſideranti patet, conſequenter eſt indifferens. Econtra vero quia delectabilitas illa, quæ intervenit in comeſtione, & copula, per naturam ordinatur quaſi medium ad conſervationem individui, & ſpeciei humane tanquam ad ſuum finem, deordinate agit, qui cibo vel copula utitur propter ſolam delectabilitatem, cum hoc habeat pro fine actionis ſuæ, quod potius deberet eſſe medium ejusdem: ſicque ſaltem venialiter peccat. *Conjugalis concubitus generandi cauſa non habet culpam: concupiſcentiæ vero ſatianda tantum venialem*, inquit Auguſtinus Lib. de Bono conjugali cap. 6. prout allegatur à Matthæuccio in Cautela Confessariorum, quem vide Lib. 2. cap. 6. § 7.

70. Quæres incidentaliter, an, si non obstante damnatione hujus utriusque propositionis adhuc admitti possint alii actus indifferentes in individuo, an (inquam) tales actus debeant censeri ita indifferentes, ut etiam excludant omnem imperfectionem? Ante Responsionem nota, quod imperfectio, prout distinguitur ab omni peccato etiam veniali, definiatur, quod sit *actio; vel omissio repugnans consilio in re ad mores spectante*. H. N.

Respond. Actus indifferentes in individuo non necessario excludunt imperfectionem, quin cum ea stare possint. Probatum exemplis: sic enim conformiter jam dictis intermittere Missæ auditionem die non festo: item non sequi inspirationes Divinas ad opera de consilio tendentes, communiter censentur aliqua indifferentia, utpote omissiones rei nec præceptæ, nec prohibitæ, & tamen similes intermissiones reputantur passim imperfectiones (quid enim alias esset imperfectio?) ergo indifferentia aliqua non necessario imperfectionem, sed tantummodo rationem veri alicujus peccati excludit. Quare pro actibus indifferentibus posset adhuc formari sequens probatio; imperfectio est aliquid, quod nec est moraliter in individuo bonum, nec moraliter aliquod peccatum; utpote cum non sit materia sufficiens pro Sacramentali absolutione; sed non potest sufficienter explicari talis imperfectio, nisi admittatur actus inter moraliter bonum, ac peccaminosum

medius per quem intelligimus actum indifferen-
tem: ergo.

PROPOSITIONES X. & XI.

71. X. *Non tenemur proximum diligere actu in-
terno, & formali.*

XI. *Præcepto proximum diligendi satisfacere pos-
sumus solis actibus externis.*

DECLARATIO.

Inter omnium prima mandata DEus nobis hæc
duo Matth. cap. 22. v. 37. & 39. posuit; *Diliges
Dominum DEum tuum ex toto corde tuo, & in
tota anima tua; & in tota mente tua, & diliges
proximum tuum sicut te ipsam: ergo sicut DEum
tenemur diligere non solum externe, verum etiam
interne, ita pariter proximum: nam proximus di-
ligendus est propter DEum. Item solemus nos
iplos diligere actibus non solum externis; verum
etiam in mente nostra actibus internis; cur igitur
non pariformiter proximum, cum eundem diligere
teneamur sicut nosmetipsos. Vide Reiffenstuel
Tract. 4. Dist. 6. num. 12.*

PROPOSITIO XII.

72. *Vix in secularibus invenies, etiam in Regibus
superfluum statui, & ita vix aliquis tenetur ad Elec-
mosynam, quando tenetur tantum ex superfluo statui.*

DE-

DECLARATIO.

Scandalosa hæc sententia divitibus avaris latam aperit portam, quam pauperibus immiseri-corditer claudit. Quis enim non videt, exinde facile eludi posse omnem obligationem succur-rendi pauperibus, quam tamen sacra Scriptura sæpius tam efficaciter inculcat? *Quod superest, date Eleemosynam*, inquit Christus Luc. cap. 11. & 1. Timoth. cap. 6. *Divitibus hujus sæculi præcipe, facile tribuere* &c. ac alibi sæpius. Ast avari, si vera foret propositio damnata, illico respondere possent, nihil superflui sibi superesse, consequenter ad præceptum pauperibus etiam gravi necessitate pressis de superfluis statui erogandi se neutiquam fore obstrictos; cum defacto in sæcularibus, etiam Regibus, vix inveniatur superfluum statui. En fructum pessimum ex mala arbore! O si cessaret nimius luxus in Christianis, quam multa superflua statui restarent applicanda pauperibus! Vide Reiffenstuel *Tract. 4. Dist. 6. n. 42. & Additione sequenti.*

PROPOSITIONES XIII. XIV. & XV.

73. XIII. *Si cum debita moderatione facias, potes absque peccato mortali de vita alicujus tristiari, & de illius morte naturali gaudere, illam inefficaci affectu petere, & desiderare, non quidem ex displicentia personæ, sed ob aliquod temporale emolumentum.*

XIV.

XIV. *Licitum est absoluto desiderio cupere mortem Patris; non quidem ut malum Patris, sed ut bonum cupientis; quia nimirum ei obventura est pinguis hereditas.*

XV. *Licitum est filio gaudere de Patricidio parentis, à se in ebrietate perpetrato, propter ingentes divitias, inde ex hereditate consecutas.*

DECLARATIO.

Quod non liceat generaliter ob quaecunque etiam leve emolumentum proprium gaudere de morte alterius, vel econtrario ob quaecunque damnum exiguum proprium de proximi vita tristari, clare eruitur ex tribus allegatis propositionibus damnatis. Et ratio hujus est; quia, uti recte observat noster Sabinus Bononiensis hic, similibus affectibus gaudii, vel tristitiæ deliberate volitis nostrum emolumentum temporale in affectu præfertur vitæ proximi, quæ tamen est Ordinis longe altioris, quam bona temporalia: consequenter sic præponendo bona temporalia vitæ alterius, notabiliter læderetur Ordo Charitatis erga proximum. Confirmatur, juxta Mandatum Christi *Matth. cap. 22.* tenemur proximum diligere sicut nosmetipsos: atqui nemo prudenter bonum inferioris Ordinis per malum superioris Ordinis sibi obtinendum exoptat, E. G. divitias per mortem propriam; quid enim sibi mortuo prodesse divitiæ? ergo. His tamen non

non obstantibus multos apud Moralistas reperies casus, in quibus similis lætitia de bono proprio, vel tristitia de bono alterius pronuntiatur licita. Quæstio igitur remanet, ex qua Regula dignosci queat, licitum esse, de incommodo, ac damno alterius ob commodum, & emolumentum proprium exinde oriturum gaudere, vel è contrario tristari de bono, & commodo alterius ob malum sibi propterea graviter timendum?

74. Ante resolutionem Notandum I. quod aliud sit gaudere de incommodo, malo, ac damno alterius (V. G. de morte immatura Parentis) quatenus id alteri damnosum est, ita, ut ipsum damnum alteri obveniens sit motivum gaudendi; & aliud gaudere de malo &c. alterius, quatenus ex hoc ipsimetipsi obvenit aliquod emolumentum. Primum gaudium juxta omnes absolute non est licitum, quia foret odium inimicitiae, seu abominationis personæ, uti recte advertit Reiffenstuel *Tract. 4. Dist. 7. num. 7.* Dubium igitur solummodo restat quoad secundum, quando bonum, ac emolumentum exinde obveniens est motivum gaudendi; ubi Notandum II. quod emolumentum obveniens tanquam motivum gaudendi (puta in præsentia hæreditas paterna) possit *inprimis* ita influere *qua bonum reduplicative*, ut tamen de medio acquirendi illud (puta in præsentia de immatura morte parentis) prorsus præscindatur. *Secundo* taliter, ut per istud gaudium, ac complacentiam pariter ipsa E. G. mors immatura parentis immediate attingatur, non

non quidem tanquam finis ac motivum, sed tanquam medium acquirendi. Sic etiam in alio exemplo discurrendo de voluntate efficaci, si volo sumere medicinam, ut acquiram sanitatem, hac voluntate immediate, ac directe attingo non solum sanitatem, sed etiam medicinam, sanitatem quidem tanquam motivum, ac finem; medicinam vero tanquam medium acquirendi hunc finem. Porro præcedens gaudium præfivum à damno alterius in similibus non videtur illicitum, sicque nec comprehensum sub propositione damnata; cum depuret suum gaudium totaliter à malo alterius, uti cum Cardena hic *num. 4.* Kugler in dictas propositiones docet, atque inservit ad multos tollendos scrupulos, ac solvendos casus, præsertim in Primogenituris, Majoratibus, & Canonicatibus certum numerum Capitularium habentibus; ubi Secundo Geniti Familiæ, & Domicellares expectare debent, usque dum per mortem locus aliquis vacet. De altero vero gaudio, quando malum proximi directe etiam attingitur tanquam medium, adhuc remanet dubium, ad quod.

75. Respond. Ad dignoscendam liceitatem similium actuum debet quasi ponderatio ab intellectu per libram Charitatis instrui inter commodum, seu emolumentum ex una, & damnum ex altera parte. Si emolumentum proprium sit præponderans damno alterius, licet gaudere etiam immediate de damno tanquam de medio, per quod bonum acquiritur, dummodo citra peccatum

tum alteri hoc damnum acciderit: quoniam de ipso peccato nunquam licet formaliter gaudere. Item, si incommodum, ac damnum proprium eventurum sit valde grave, quasi præponderans emolumento alterius, licitum erit tibi de bono alterius tristari. Econtra vero si malum alterius multum præponderet bono proprio, non licebit tibi de damno alterius lætari: sicut neque licitum erit tristari de adepto alterius emolumento, si tibi exinde tantummodo exiguum comparative incommodum oriatur. Ratio utriusque partis est; quia instituendo ad invicem in libra Charitatis ponderationem inter bonum, & malum, prior modus gaudendi, & contristandi non videtur invertere ordinem dilectionis inter objecta, bene vero posterior, uti recte cum aliis notat Dominicus Viva *Part. I. Trutinæ Theologicæ Propositione 13. Innocentii XI.*

76. Exemplificatur pro majori claritate in sequentibus Casibus. Sic I. Filia à Patre, vel Uxor à Fratre sui mariti multum sollicitata ad peccatum Carnis potest gaudere de immatura morte Parentis, vel Fratris Mariti sui propter conservationem salutis spiritualis propriæ animæ: nam salus animæ est præponderans saluti corporis. II. Licitum est tristari, si homicidæ, alique malefactores passim tolerantur impune in non leve detrimentum Reipublicæ; nam bonum Reipublicæ moraliter est præponderans vitæ privatæ malefactorum. Econtra III. Est prohibitum ma-

matri gaudere de morte suæ Filia, eo quod à marito eadem subinde fuerit acerbioribus aliquo modo verbis increpata, & exinde apud Matrem querula, à qua Molestia Mater nunc est libera: nam modicæ hujus molestiæ liberatio non est bonum præponderans malo mortis filia. Ali-
ter foret sentiendum, si præcedentes ærumnæ suæ filia fuissent valde graves, & sic vita valde amara; etenim moraliter discurrendo *melior est mors, quam vita amara*: Ecclesiast. cap. 30. v. 17. IV. Pariter illicitum est de Victoria à Catholicis contra hæreticos reportata tristari ex eo, quia unus ex occisis hisce hæreticis erat tuus consanguineus, solitus singulis annis quasdam tibi conferre gratias, nunc per mortem ejus sublatas: nam bonum Reipublicæ Catholicæ est præponderans tuo damno privato, quod ex morte occisi nunc suffers.

77. Quæres: an, ubi permissum est de incommodo alterius ob emolumentum proprium ex postfacto gaudere, pariter ex hoc fine liceat, antecederet alteri hoc incommodum optare, seu ineffaciter desiderare? Ante Responsionem nota, quod desiderium inefficax non sit voluntas absoluta, quæ taliter vult objectum, ut simul inquirat media obtinendi illud: hoc enim non foret licitum. Quare desiderium inefficax est tantummodo voluntas conditionata, quæ exoptat, ut, si malum præponderans aliter tolli, vel bonum præponderans aliter acquiri haud posset, id fieret (absque tamen tua cooperatione) mor-
te

te illius, qui hoc malum causat. H. N. Respon-
det Vasquez apud dictum Dominicum Viva, id
fore licitum; nam hoc desiderium inefficax in
effectu non aliter influit, quam gaudendo de illo
objecto, uti apud eundem advertit D. Thomas.
Sic Filia à Patre blanditiis allecta sæpius ad pec-
catum carnis, etsi nequeat Patrem occidere, po-
test tamen ejusdem mortem naturalem ineffica-
citer desiderare. Insuper membrum Reipublicæ
potest optare, ut malefactores Reipublicæ noxii
è medio tollantur. Item, quando quis ducit
vitam valde amaram, etsi nequeat se vita pri-
vare per varia media, potest tamen sibi mor-
tem optare, prout taliter Elias, 3. Reg. cap. 19.
Petit animæ suæ, ut moreretur ad evadendas Je-
zabelis insidias. Simile petittum ad Dominum le-
gitur à Moyse factum Num. cap. 11.

PROPOSITIONES XVI. & XVII.

78. XVI. *Fides non censetur cadere sub præ-
ceptum speciale, & secundum se.*

XVII. *Satis est, actum fidei semel in vita
elicere.*

DECLARATIO.

De utraque hac propositione satis dictum jam
fuit in expositione primæ inter Theses confixas
ab Alexandro VII. quorsum Lectorem remittimus,
vel ad Reiffenstuel, *Tract. 4. Dist. 2. n. 13. & 28.*

P. Anasl. Reiffenst. *Theol. Supplem.* Hh PRO-

PROPOSITIO XVIII.

79. Si à Potestate publica quis interrogetur, fidem ingenue confiteri, ut DEO, & fidei gloriosum consulo, tacere, ut peccaminosum per se non damno.

DECLARATIO.

Quia Potestas publica sæcularis est ordinata tantum ad bonum politicum, non autem ad bonum spirituale, sicque jus interrogandi non habere videtur nisi in ordine ad bonum politicum, exinde intulerunt nonnulli, non esse peccaminosum ad ejusdem interrogationem circa fidem, maxime si interrogans fuerit Tyrannus, taceri vel cum aliqua æquivocatione eludere, sicuti fieri potest in aliis casibus, quando Reum illegitimus Judex interrogat. Sed contra est, quod dicta obligatio candide respondendi non descendat ex Jure, quod habet similis Potestas publica interrogans, quam ex mandato Divino affirmativo. Qui me erubuerit, & meos sermones (inquit Christus Luc. cap. 9. v. 26.) hunc Filius hominis erubescet, cum venerit in Majestate sua, &c. In quæ verba noster Tyrannus taliter glossat: Non solum credere est necessarium ad Salutem, sed etiam confiteri ore; secundum quod dicitur Rom. 10. v. 10. Corde enim creditur ad justitiam, ore autem confessio fit ad Salutem.

utem. Hæc autem confessio pertinet ad præceptum affirmativum &c. Videantur Dominicus Viva hic, & Reiffenstuel, Tract. 4. Dist. 2. n. 45.

PROPOSITIO XIX.

80. Voluntas non potest efficere, ut assensus fidei in se ipso sit magis firmus, quam mereatur pondus rationum ad assensum impellentium.

DECLARATIO.

Et si in isto Syllogismo: Quidquid DEUS revelavit, est infallibiliter verum; sed DEUS revelavit, se esse Unum in essentia, & Trinum in personis, ergo id est infallibiliter verum: Et si (inquam) in isto Syllogismo Major sit summa veritidine vera, cum DEUS nec fallere, nec falli possit; minor tamen, quod DEUS sit locutus, seu id revelaverit, nobis non constat immediate, sed tantum mediate ex motivis creditibilibus, quæ sunt rationes extrinsecæ prævie nos impellentes ad affirmandum, quod DEUS sit locutus; unde quia motiva illa extrinsecæ impellentia ad assensum fidei eliciendum, nos tantum moraliter certos reddunt de locutione DEI; exinde nonnulli intulerunt, voluntatem per piam affectionem non posse efficere, ut assensus fidei ab his motivis præviis aliquo modo dependens sit in se ipso magis firmus, quam mereatur pondus

H h 2

dus rationum, seu motivorum credibilitatis ad
 assensum fide impellentium. *Sed contra est*, quia
 ex hoc sequeretur, quod tantum moraliter cer-
 tum sit, DEum esse unum in essentia, & trinum
 in personis, sicque certius foret, quod *Petrus sit*
animal rationale, quam quod *detur Trinitas Per-*
sonarum; cum prima Propositio evidenter, ac
 Physice &c. sit certa; altera vero tantum in
 eorum principiis foret certa moraliter, utpote
 dependens à motivis credibilitatis, quæ nos tan-
 tum moraliter certificant, quod DDUS ita
 fuerit locutus: & sic simpliciter loquendo
 huc posset tali propositioni subesse falsum, quam
 sequelam nullus Catholicorum ausus est admit-
 tere; cum actui supernaturali nequeat subesse
 falsum. Unde in articulis fidei, qui non clare
 sed obscure proponuntur, potest voluntas me-
 diante pia aliqua affectione intellectui in obse-
 quium fidei imperare, ut se capriver, & firmius
 adhæreat, quam mereatur pondus rationum ex-
 trinsæce impellentium; maxime cum propter
 hæc ipsa motiva non habeat ullam rationem gra-
 vem prudenter dubitandi, utrum DEUS sic
 fuerit locutus, seu revelaverit, vel non? Inde
 talis debet esse paratus potius vitam, quam ri-
 dem supernaturalem de tali mysterio E. G. SS.
 Trinitatis perdere, exclamando cum Sancto Au-
 gustino Lib. 7. confess. cap. 10. *Facilius dubi-*
tarem me vivere, quam vera non esse, quæ audi-
vi in corde. Vid. Reiffenstuel *Tract. 4. Diss.*
n. 55. & seqq.

PROPOSITIO XX. & XXI.

81. XX. *Potest quis prudenter repudiare assensum, quem habebat supernaturalem.*

XXI. *Assensus fidei supernaturalis, & utilis ad salutem stat cum notitia solum probabili revelationis; imo cum formidine, qua quis formidet, ne non sit locutus Deus.*

DECLARATIO.

Si assensus fidei supernaturalis cum notitia solum probabili revelationis, & cum formidine fundata in gravi ratione de opposito stare possit, conspectaneum quoque foret, talem assensum posse prudenter repudiari. Falsum autem est antecedens; nam assensus fidei concurrente simul habitu fidei infuso, aut gratia actuali divina elicitus, est actus supernaturalis, cui non potest subesse falsum, uti inquit Concilium Trident. sess. 6. de *Justificat. cap. 9.* Itaque quantum elicitur fides actualis supernaturalis circa aliquem articulum fidei, V. G. de SS. Trinitate, taliter se res habet: *In primis* propositis motivis moraliter evidentibus excitatur intellectus per gratiam divinam ad formandum iudicium credibilitatis, quo affirmatur, esse evidenter cre-
revelasse tale mysterium. Deinde *secundo* Voluntas supernaturali lumine accensa per piam affectionem in obsequium fidei imperat intellectui,

H h 3 ut

ut huic Mysterio per assensum fidei firmissime adhæreat, actualiter credendo, E. G. Trinitatem Personarum ex eo motivo; quia Deus, qui revelavit, est summe verax in dicendo. Et de-
 mum *tertio* intellectus concurrente simul habitu fidei infuso, vel alia saltem supernaturali gratia talem in substantia, vel saltem quoad modum supernaturalem assensum fidei præstat, E. G. circa altissimum Mysterium SS. Trinitatis, paratus potius principia naturaliter evidentia, quam tale Sacratissimum Mysterium negare, & potius vitare, quam talem articulum deserere. Debet autem hic bene attendi, ne isti duo actus intellectus, *primus*, quo judico evidenter esse credibile DEUM revelasse, quod sit Trinus in Personis, & *alter*, quo propter summam Ejusdem veracitatem actualiter affirmo, quod sit Trinus in Personis, ad invicem confundantur: nam prior pertinet ad iudicium credibilitatis; posterior vero ad actus fidei supernaturalis.

82. Dices: Saltem fides adhuc imperfecta potest stare cum dubio, vel formidine gravi: ergo dicta in duabus propositionibus adhuc subsistunt saltem quoad fidem imperfectam. Anteced. probatur in *primis*, quia ipsemet Christus Matth. cap. 14. v. 31. taliter allocutus est Petrum *Mondice fidei, quare dubitasti?* En! fidem saltem modicam stantem cum dubio. *Secundo* Patet energumeni Marc. cap. 9. v. 23. dum JESUS eum excitavit ad fidem, exclamavit: *Credo Domine: adjuva NB. incredulitatem meam;* quam fidem

dem S. Chrysostomus in illum textum vocat introductivam, ac incipientem. *Tertio* fides rusticorum, simplicium, vel puerorum nititur dicto unius Parochi, vel Ludimagistri, quod utrique non est motivum convincens, & moraliter certificans Deum sic fuisse locutum: Responderi posset quoad omnia ista tria puncta in compendio distinguendo antecedens: fides imperfecta naturalis, & humana stare potest cum tali dubio, & formidine, Conced. supernaturalis Divina, Neg. Respondetur tamen adhuc aliter absolute negando antecedens; vocatur autem fides Petri, & Patris energumeni (supposito etiam, quod fuerit supernaturalis) adhuc imperfecta, incipiens, & introductoria, non quod actualis gravis formido, & incredulitas simul steterit cum fide, sed quia dicta fides nondum fuit ita radicata, quin facile iterum amitteretur succedente dubio, vel incredulitate. Paucis, fides Petri fuit modica, quia dubitavit, non componendo fidem cum dubitatione, sed amittendo illam per dubitationem. Quantum ad dictum unius Ludimagistri vel Parochi, etsi non sit motivum moraliter certificans absolute; est tamen relative, nimirum in ordine ad pueros, & simplices nullatenus dubitantes, quin ea, quæ sibi proponuntur, contineant veram doctrinam Ecclesiæ. Quod si graviter de hoc formidarent, & nihilominus crederent, hæc illorum fides non esset supernaturalis, & divina, sed mere humana, tenerenturque magis adhuc apud sapientiores indagare veritatem, vel in eorum absentia defectum DEUS supplebit col-

lustratione divini Luminis. Vide Dominicum
Viva hic.

PROPOSITIO XXII.

83. *Non nisi fides unius DEI necessaria vide-
tur necessitate medii, non autem explicita Remu-
neratoris.*

DECLARATIO.

Divus Paulus ad Hebræos cap. 11. v. 6. dum
ad justificationem requirit fidem tanquam necessa-
riam, æqualiter loquitur de DEO in se ipso, ac de
DEO tanquam Remuneratore: ergo, si requiritur
necessario necessitate medii fides explicita DEI
unius, etiam requiretur eodem modo fides expli-
cita, Remuneratoris. Unde præctice prudentissime
agunt illi Parochi, Missionarii, ac alii, qui postquam
ex pueris, vel simplicibus ad præviam interro-
gationem de Deo tulerunt responsum, quod unus
sit DEUS, & tres Personæ, illico alterum sub-
jungunt interrogatorium: Quorsum deveniant, si
mali sint, seu DEUM graviter offendant, &
quorsum, si boni, & legem observent? ubi be-
ne instructi respondebunt: Si bonus sum, veni-
am in cælum, si malus, in infernum: exinde er-
go similes jam agnoscunt DEUM etiam ut re-
muneratorem, & quidem in ordine ad Mune-
ra, & dona supernaturalia, sicque habent ea
quæ juxta DD. Catholicos defacto sunt cerbo
ne-

necessaria necessitate medii. Vide Reiffensuel
Tract. 4. Dist. 2. n. 16. & seqq.

PROPOSITIO XXIII.

84. *Fides late dicta ex testimonio creaturarum
 similive motivo ad justificationem sufficit.*

DECLARATIO.

Fides, quæ defacto, ac in moderna Provi-
 dentia disponit ad justificationem, debet inniti
 revelationi DEI, in dicendo summe veracis, uti
 nobis innotescit ex Concilio Trident. Sess. 6. de
 justificatione, cap. 6. sequentibus Verbis: Disponun-
 tur autem ad ipsam justitiam, dum excitati divi-
 na gratia, & adjuti, fidem ex auditu concipientes
 libere moventur in DEUM, NB. credentes vera
 esse, quæ divinitus revelata, & promissa sunt; ad-
 eoque fides late dicta non est sufficiens disposi-
 tio ad justificationem, utpote quæ non innitur
 testimonio ipsius DEI revelantis, sed creatura-
 rum, similive motivo. Et hinc etiam rusticus
 E. G. circa mysterium Sanctissimæ Trinitatis non
 habet pro motivo formali actus fidei ipsum te-
 stimonium Parochi, sed potius auctoritatem DEI
 revalantis summe veri; quamvis per judicium
 credibilitatis affirmet, DEUM sic revelasse, eo
 quod Parochus id attesteretur, de cujus fidelitate
 non dubitat. Vide Reiffensuel *Tract. 4. Dist. 2.*
n. 20. & 21.

PROPOSITIO XXIV.

85. *Vocare DEUM in testem mendacii levis, non est tanta irreverentia, propter quam velit, aut possit damnare hominem.*

DECLARATIO.

Ex eo, quod multi doctores apud Reiffenstuel *Tract. 6. Dist. 2. n. 32.* videndi, contra Lessium, Medinam, & Valentiam &c. probabilissime teneant, in juramento promissorio admittendam esse parvitatem materiæ à gravi peccato excusantem, nonnulli intulerunt, idem esse sentiendum in juramento assertorio, si DEUS vocetur in testem mendacii levis. Ast contra est, quod in violato juramento assertorio gravitas perjurii non desumatur ex re, circa quam juratur, sicuti fit in juramento promissorio, sed potius eruitur ex illa irreverentia, quæ irrogatur primæ Veritati, adducendo eandem in testem alicujus falsi, quæ malitia, & gravis irreverentia semper habetur, quantumcunque levis sit res, circa quam Deus falso adducitur in testem: Sic à pari gravitas peccati Simoniacæ non desumitur ex gravitate materiæ temporalis pro re spiritali datæ, sed ex rei spiritalis contemptu, qui censetur semper, imo magis intervenire, dum temporale etiam levissimum datur pro re ipsa spiritali, quasi nimium pretium temporale rem spirituales in æstimatione adæquare posset &c. Videatur Reiffen-

*fenstuel Tract. 6. Dist. 2. num. 29. § n. 31. § 32.
Item in additionibus post n. 40.*

**PROPOSITIONES XXV. XXVI. XXVII.
& XXVIII.**

86. XXV. *Cum causa licitum est jurare sine animo jurandi, sive res sit levis, sive gravis.*

XXVI. *Si quis vel solus, vel coram aliis sive interrogatus, sive propria sponte, sive recreationis causa, sive quocumque alio fine juret, se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revere non mentitur, nec est perjurus.*

XXVII. *Causa justa utendi his amphibologiis est, quoties id necessarium, aut utile est ad salutem corporis, honores, res familiares tuendas, vel ad quemlibet alium virtutis actum, ita, ut veritatis occultatio censeatur tunc expediens, & studiosa.*

XXVIII. *Qui mediante commendatione, vel munere ad Magistratum, vel officium publicum promotus est, poterit cum restrictione mentali prestare juramentum, quod de mandato Regis à similibus sollet exigi, non habito respectu ad intentionem exigentis, quia non tenetur fateri crimen occultum.*

DECLARATIO.

Propositiones istæ damnatæ fundantur potissime in restrictione pure mentali, quam ex cau-

PROPOSITIO XXIV.

85. *Vocare DEUM in testem mendacii levis, non est tanta irreverentia, propter quam velit, aut possit damnare hominem.*

DECLARATIO.

Ex eo, quod multi doctores apud Reiffenstuel *Tract. 6. Dist. 2. n. 32.* videndi, contra Lesium, Medinam, & Valentiam &c. probabilissime teneant, in juramento promissorio admittendam esse parvitatem materiæ à gravi peccato excusantem, nonnulli intulerunt, idem esse sentendum in juramento assertorio, si DEUS vocetur in testem mendacii levis. Ast contra est, quod in violato juramento assertorio gravitas perjurii non desumatur ex re, circa quam juratur, sicuti fit in juramento promissorio, sed potius eruat ex illa irreverentia, quæ irrogatur primæ Veritati, adducendo eandem in testem alicujus falsi, quæ malitia, & gravis irreverentia semper habetur, quantumcunque levis sit res, circa quam Deus falso adducitur in testem: Sic à pari gravitas peccati Simoniaci non desumitur ex gravitate materiæ temporalis pro re spiritali data, sed ex rei spiritalis contemptu, qui censetur semper, imo magis intervenire, dum temporale etiam levissimum datur pro re ipsa spiritali, quasi nimium pretium temporale rem spiritualem in æstimatione adæquare posset &c. Videatur Reiffen-

fenstuel *Tract. 6. Dist. 2. num. 29. § n. 31. § 32.*
Item in additionibus post n. 40.

PROPOSITIONES XXV. XXVI. XXVII.
& XXVIII.

86. XXV. Cum causa licitum est jurare sine
animo jurandi, sive res sit levis, sive gravis.

XXVI. Si quis vel solus, vel coram aliis sive
interrogatus, sive propria sponte, sive recreationis
causa, sive quocunque alio fine juret, se non fecisse
aliquid, quod revera fecit, intelligendo intra se ali-
quid aliud, quod non fecit, vel aliam viam ab ea,
in qua fecit, vel quodvis aliud additum verum, re-
vera non mentitur, nec est perjurus.

XXVII. Causa justa utendi his amphibologiis
est, quoties id necessarium, aut utile est ad salutem
corporis, honores, res familiares tuendas, vel ad
quemlibet alium virtutis actum, ita, ut veritatis oc-
cultatio censeatur tunc expediens, & studiosa.

XXVIII. Qui mediante commendatione, vel
munere ad Magistratum, vel officium publicum pro-
motus est, poterit cum restrictione mentali prestare
juramentum, quod de mandato Regis à similibus so-
let exigi, non habito respectu ad intentionem exi-
gentis, quia non tenetur fateri crimen occultum.

DECLARATIO.

Propositiones istæ damnatæ fundantur po-
tissime in restrictione pure mentali, quam ex
cau-

causa gravi plusquam quinquaginta Auctores apud Lumbier, *Tom. 3. Sum. n. 1825.* teste Patre Joanne Kugler in *sua Crisi Theologica* hic pronuntiarunt esse licitam. *Sed contra est*, quod talis utens restrictione pure mentali aliud exterius sentiat, sicque mentiatur; quoniam mentiri est contra mentem ire: atqui mendacium ex communi Theologorum est intrinsece malum, repugnans Societati humanae, sicque nunquam licitum, *ne pro vita quidem defendenda*, ut inquit Pontifex, cap. *Super eo, de usuris*: ergo. Aliiter subinde discurrendum venit in restrictione non pure mentali, de qua vide fusius Reiffenstuel *Tract. 6. Dist. 2. n. 38. 39. §. 40. cum sequentibus quinque additionibus*. Poteris etiam occurrente circa hanc materiam aliquo casu notabili occurrere inquirere apud Dominicum Viva hic, dum scribit in propositionem XXVIII. & num. III. in nonnullis contradicit opinioni Patris Cardenas. & Lumbier,

PROPOSITIO XXIX.

87. *Urgens metus gravis est causa iusta Sacramentorum administrationem simulandi.*

DECLARATIO.

Ratio huius damnationis est, quia simulare Sacramentorum administrationem ponendo externe omnes partes Sacramenti; interne autem

tem nullam habere intentionem administrandi Sacramentum, idem est, ac mentiri; non enim refert, utrum quis mentiatur verbo, vel facto, prout notat Divus Thomas 2. 2. *Quaest. III. Art. I.* atqui ob metum gravem mentiri non licet, ne quidem pro defendenda vita. *cap. super eo, de Usur.* ergo nec licebit simulare ex metu gravi Sacramentorum administrationem. *Confirmatur:* Non licet ob metum gravem sacrilege administrare Sacramentum; cum non liceat ob metum gravem peccare: ergo non licebit ob metum gravem fiste seu simulate administrare Sacramentum; quoniam majus peccatum est simulate administrare Sacramentum, quam sacrilege; juxta *cap. 7. de celebratione Missarum, juncto Summario*, hinc non licet formulam absolutariam: *Ego te absolvo à peccatis tuis*, proferre super aliquem scienter incapacem Sacramentalis absolutionis. Itaque quando absolute negando absolutionem foret periculum, ne Confessarius Sigillum Confessionis exinde frangat, deberet sub formatione crucis alia oratio E. G. *Misereatur &c.* tacite proferri, aut sub obscuro dici: *Ego te neutiquam absolvo à peccatis tuis*, ita ut adverbium *neutiquam* non perciperetur ab adstantibus, uti advertit Kugler in cit. proposito. Videatur fufius Cardenas, & Dominicus Viva, quando scribunt in dictam propositionem.

PROPOSITIONES XXX. XXXI. XXXII.
& XXXIII.

88. XXX. *Fas est viro honorato occidere in-
vasorem, qui nititur calumniam inferre, si aliter
hec ignominia vitari nequit; idem quoque dicen-
dum, si quis impingat alapam, vel fuste percutiat.
Et post impactam alapam, vel ictum fustis fugiat.*

XXXI. *Regulariter occidere possum furem
pro conservatione unius aurei.*

XXXII. *Non solum licitum est defendere de-
fensione occisiva, quæ actu possidemus, sed etiam
ad quæ jus inchoatum habemus, Et quæ nos pos-
sessuros speramus.*

XXXIII. *Licitum est tam heredi, quam Le-
gatario contra injuste impediētem, ne vel heredi-
tas adeatur, vel legata solvantur, se taliter de-
fendere, sicuti Et jus habenti in Cathedram, Et
prebendam contra eorum possessionem injuste impe-
diētem.*

DECLARATIO.

*Quoniam omnes istæ actiones excedunt mor-
deramen inculpatæ tutelæ, ideo merito prohi-
bentur, prout etiam jam ante Innocentium XI.
similem propositionem ordine 17. damnavit Ale-
xander VII. vide Reiffenstuel, Tr. 9. Dist. 3. Qu. 2.
per totum, junctis simul Additionibus.*

PRO-

PROPOSITIO XXXIV.

89. *Licet procurare abortum ante animationem fœtus, ne puella deprehensa gravida occidatur, aut infametur.*

DECLARATIO.

Nunquam licet ponere talem actionem quæ directe esset ordinata ad procurandum abortum fœtus animati, quia nunquam licet privatis directe occidere, nisi per modum inculpatæ tutelæ; unde etiam si talis puellæ gravidæ, abortum procurantis, motivum sumendi medicinam ex se ordinatam ad abortum promovendum neutiquam foret ipsa occisio prolis, sed potius conservatio vitæ, vel famæ propriæ, aut etiam totius familiæ; hoc tamen non obstante neutiquam liceret sumere medicinam ex se immediate ordinatam ad procurandum abortum; quamvis enim in tali casu puella non intenderet occisionem prolis tanquam finem, ac motivum, eandem tamen vellet directe tanquam medium, quo conservatur sua vita, aut fama propria, vel familiæ &c. Sicuti enim medicina talis ex natura sua ordinatur ad procurandum abortum, ita procuratio abortus ordinaretur ad conservandam vitam, vel famam, sicque utrumque assumeretur directe, non quidem quasi finis, sed tanquam medium, quod homini privato extra moderamen inculpatæ tutelæ nunquam licet, Exempli gratia,
fi

vus, & alias ratione privatus (multo magis nondum habens animam rationalem) occidi, si aliter periculum hoc grave declinari nequeat, præsertim si occidendus in bonis altioris ordinis, quam sit ipsa vita temporalis, exinde damnum non incurrat, prout certo non incurrit foetus, adhuc inanimatus, utpote necdum habens vitam spiritualem. Econtra vero, quando alicui periculum deperdendæ vitæ non per ipsum foetum, sed ab alio aliquo extrinseco imminet, talis foetus non censetur aggressor vitæ alterius; unde procurans ejusdem abortum excedit limites justæ defensionis per modum moderaminis inculpatæ tutelæ. Dixi notanter: *Transmisso antecedenti*; etenim nec illud adeo evidens apparet, ut non inveniantur nonnulli cum Navarro contrarii. Hoc certum omnino est, quod etiam stante periculo illo intrinseco illud extremum remedium licite applicari nequeat, si supersint alia, quibus periclitanti Matri succurri queat, puta per incisionem venæ, vel per medicinas non directe ad expulsionem foetus ordinatas &c. quamvis per eas subinde per accidens abortus contingat.

PROPOSITIO XXXV.

92. *Videtur probabile, omnem foetum, quamdiu in utero est, cavere anima rationali, & tunc primum incipere eandem habere, cum paritur; ac consequenter dicendum erit, in nullo abortu homicidium committi.*

DECLARATIO.

In primis probabile non est fœtum carere anima rationali, quamdiu in utero existit; quoniam procurans abortum talis fœtus, E. G. quatuor mensibus post conceptionem, verum committit homicidium, uti cum Julio Claro, Gomez, Covarruvia, & Juristis communiter sentit Stephanus V. Papa, *Can. consulisti 20. Causa 2. Quæst. 5.* prope finem; quidquid nonnulli, præsertim ex his, qui Sectam Stoicorum sequuntur, contradicant. Deinde dato etiam, quod hæc sententia speculative probabilis esset; contraria tamen foret longe communior, sicque ille, qui in tali dubio, & in conflictu duarum sententiarum adhiberet ultimis mensibus ante nativitatem quoddam pharmacum directe expulsum fœtus, consequenter se exponeret deliberate periculo, utrum non exinde occideret fœtum jam anima rationali informatum, adhuc coram DEI esset reus homicidii; sicuti à pari alius, qui in dumetis latitantem Globo trajiceret, dubius utrum hic sit homo, vel aliqua fera, ob tam manifestum periculum, cui se voluntarie exponeret, coram tribunali Divino à culpa homicidii non excusaretur. Unde allegata propositio dupliciter errat: *In primis*, quod defendat tanquam probabile, fœtum carere anima rationali, quamdiu in utero est. *Secundo*, quod ex Speculativa aliqua præjudiciosa tertio quoad praxin inferat, talem in nullo abortu esse reum homicidii; cum tamen

se manifesto exponat periculo occidendi foetum jam animatum.

93. Quæres ergo, quo die censeatur foetus in utero materno animari? Respond. de hoc jam factam esse mentionem apud Reiffenstuel, *Tract. 9. Dist. 3. num. 34. & seqq.* Diana *Part. 7. Tract. 5. Resol. 6.* apud Dominicum Viva hic pronuntiat tanquam moraliter certum, nullum foetum ante diem quadragesimum animari. Quinimo si foetus fuerit sexus foeminei, quod animatio non contingat juxta Viva ante diem octuagesimum. Quod si præmissa etiam diligenti inquisitione adhuc dubitetur, an foetus ille expulsus mas, vel foemella fuerit, teste eodem, juxta praxin Sacrae Pœnitentiariæ talis procurans abortum censeatur, effectu secuto, irregularis. Alii vero apud Sporer, *Tract. 4. Cap. 4. num. 751. & seqq.* mitius de hoc sentiunt, eo quod in tali casu dubitetur de ipso corpore delicti, utrum revera aliquis vivens fuerit occisus? Secus foret dicendum in aliis casibus, in quibus constat de corpore delicti, puta, quod aliquis fuerit interfectus; dubitetur autem, num per tuam, vel alterius actionem; tunc enim juxta clara jura *Cap. ad audientiam 12. & Cap. significasti 18. de Homicidio*, deberes te gerere tanquam irregularem. Vide Reiffenstuel, *Tract. 9. Dist. 3. n. 34. & seqq.* Item *Tract. 13. Dist. 3. Quæst. 2. Additione 6. & post quæst. 4. in Appendice Additione 5.*

PROPOSITIO XXXVI.

94. *Permissum est furari non solum in extrema necessitate, sed etiam in gravi.*

DECLARATIO.

Ex eo, quod divites constitutis in gravi necessitate teneantur dare eleemosynam de superfluis statui, nonnulli intulerunt, ea denegata posse talem pauperem uti occulta compensatione, nec divitem quoad hanc ablationem esse prudenter invitum, eo quod alias obligetur ad erogandum. Sed contra est, quod dives in simili casu non obligetur ex iustitia, sed tantum ex misericordia, seu charitate, & quidem non huic determinate, qui aufert, sed solummodo indeterminate illis, quos in ordine ad superflua status ipsemet consideratis considerandis elegerit; unde, qui privata auctoritate talia auferrent, peccarent contra iustitiam, foretque Dominus prudenter invitus circa hanc ablationem privata auctoritate factam. Vide Reiffenstuel, *Tract. 9. Dist. 5. num. 13.* & *Additione post num. 104.*

PROPOSITIO XXXVII.

95. *Famuli, & Famule domestice possunt occulte Heris surripere ad compensandum operam suam, quam maiorem judicant salario, quod recipiunt.*

DECLARATIO.

Non damnatur in præfenti illa sententia, quæ ait, posse famulos uti occulta compensatione, aliunde ex communi peritorum sensu aperte constet, salarium, famulis datum, omnibus consideratis considerandis, esse improporcionatum, acque injustum. Itaque solummodo reprobatur ea opinio, quæ dimensionem illam inter operas ex una, & mercedem ex altera parte committit iudicio ipsorum famulorum, quales amore proprio excæcati, nec conditiones alias, ad licentiam utendi occulta compensatione requisitas, respicientes, facile sibi persuadent, operas suas esse majores salario, &c. Ex quo amplissima famulis janua aperiretur defraudandi Heros suos. Vide Reiffenstuel, *Tract. 9. Dist. 5. num. 39.* & fortius in Jure Canonico, *Lib. 3. Decretal. Tit. 18.*

PROPOSITIO XXXVIII.

96. Non tenetur quis sub pœna peccati mortalis restituere, quod ablatum est per pauca furta quantumcunque sit magna summa totalis.

DECLARATIO.

In præfenti damnantur illi, qui docebant, non obligari sub gravi ad restitutionem eum, post præmissa plura levia furta adjungit ultimum de se quidem leve, in sensu tamen compositionis

cum prioribus notabilis quantitatis constitutum. Putarunt autem prædicti, ideo talem furem non obligari ad restitutionem sub gravi, quia singulis furtis peccavit tantum venialiter; videtur autem adesse impropertio inter culpam levem, & poenam gravem, seu inter peccatum veniale in damnificando commissum, & inter omnis damnum resarciendi sub peccato gravi: prout patet à pari in illo, qui ex aliqua incuria venialiter peccaminosa non extinxit candelam, si exinde fuerit exortum incendium, & combusta domus &c. Sed *contra est*, quod omnino falsum sit, per ultima furta minuta peccari tantum venialiter, si quis advertat, per conjunctionem horum cum præcedentibus deveniri ad summam notabilem. Deinde ponamus, quod talis in ultimis furtis fuisset immemor furtorum præcedentium, nec intendisset unquam per furta minuta ascendere ad summam gravem; in hoc quidem casu per talia furta minuta non peccaret graviter; hoc tamen non obstante, postquam reflectit se super ea, & quando res illæ leves sæpius ablatae apud ipsum adhuc in se, vel in æquivalenti existunt, tenetur non tam titulo *injustæ acceptionis*, quam titulo *rei acceptæ* sub mortali ad restitutionem; quia videt per similia furta minuta, ad invicem moralem unionem habentia, se ditari; proximum autem, vel Rempublicam graviter damnificari. Unde non est paritas inter hunc furem plura minuta successive auferentem, & inter alterum ex incuria venialiter peccaminosa incendientem domum; nam prior

tanquam factus exinde ditior tenetur restituere, titulo rei acceptae; alter vero, cum ex incensa domo nihil acceperit, obligaretur tantummodo titulo *injustae acceptionis*, seu damnificationis. Ubi quoad hoc ultimum (non quoad primum) videtur multis Theologis difficile, quod ante sententiam Judicis detur obligatio resarciendi sub gravi damnum illatum ex culpa Theologicae levius absque eo, quod damnificans exinde ullatenus auctus fuerit ditior. Vide Reiffenstuel *Tract. 9. Dist. 5. Quest. 2. cum Additionibus*.

PROPOSITIO XXXIX.

97. *Qui alium movet, vel inducit ad inferendum grave damnum tertio, non tenetur ad restitutionem illius damni illati.*

DECLARATIO.

Sicuti si quis alios per malum suum exemplum movet ad damnificandum, exinde talis non obligatur ad restitutionem damni illati, ita pariter nunnulli intulerunt, idem esse dicendum, si per verba, & consilia sic moveat, cum parum referre videatur, utrum quis verbo, vel exemplo alterum moveat, ut damnum inferat. Sed *contra est* quod prior dans malum exemplum non peccet contra justitiam, sed peccato Scandali contra Charitatem, cum non intendat possi-

sitive (uti supponitur) suum malum exemplum ordinarie ad inducendum alterum, ut similiter tertium damnificet, sicque nec censeatur causa moralis influens in damnum tertii; Econtra vero consilium dans, & inducens per verba, ut tertius damnificetur, eo ipso sua verba dirigit ad damnificandum tertium, sicque censeatur causa moraliter influens in simile damnum; & consequenter tenetur ad restitutionem, supposito, quod alterum per suum consilium actualiter moveat, & alter realiter tertio damnum inferat. Vide Reiffenstuel, *Tract. 9. Dist. 5. Quest. 3. & 4.*

PROPOSITIO XL.

98. *Contractus Mohatra licitus est, etiam respectu ejusdem personæ: cum contractu revenditionis prævie inito cum intentione lucri.*

DECLARATIO.

Mohatra, seu *Baratra* testibus Sabino Bononiensi, & Matthæuccio, est nomen Hispanicum. Apud quosdam Italos juxta eosdem vocatur *Stocco*. Porro contractus Mohatra à Patre Reiffenstuel *Tract. 8. Dist. 4. n. 26.* sic exemplificatur: Petit quis mutuos centum florenos à mercatore, & mercator non vult pecuniam mutuare, paratus tamen est illi vendere merces credito, sed summo pretio, V. G. centum quinque florenis, ex fine, ut eas iterum revendat numerata pecunia, prout

li s

etiam

etiam alter res sic emptas denuo offert mercatori, qui tamen hasce non aliter emit, seu potius redimit, quam pretio, ponamus, infimo, V. G. nonaginta quinque florenis. Talis contractus, si contingat venditio cum pacto revenditionis prævie inito, est illicitus, & consequenter merito prohibitus, utpote palliatam continens usuram; cum in effectu idem sit, & talis mercator totidem acquirat, & quidem vi pacti prævie inito; ac si in mutuo pro nonaginta quinque florenis mutuatis centum ac quinque accepisset, uti consideranti patet. Quod si pactum de revendendo non intercederet, præfatus contractus non contineretur sub præfata propositione prohibita, quamvis etiam tunc practice posset esse periculosus, cum simile pactum saltem implicitum illi sæpe reperiatur.

PROPOSITIO XII.

99. *Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultra sortem à mutuuario exigere, & eo titulo ab usura excusari.*

DECLARATIO.

Si non interveniat simul lucrum cessans, vel damnum emergens, neque sit ullum periculum sortis principalis amittendæ, nec ulla difficultas pre-

pretio æstimabilis in acquirendo illo capitali, quod alteri mutuatur &c. falsum est, quod ipsa pecunia numerata, utpote in se ipsa sterilis, sit pretiosior numeranda. Quod si dicas, per pecuniam numeratam, & præsentem potuisse mutuantem instituere negotiationem cum ingenti lucro, quo debet nunc carere, usquedum sibi iterum hoc capitale à mutuuario in futurum numeretur: seu restituatur. Respondeo, id esse extra statum quæstionis: supponitur enim hic, pecuniam præsentem alias mansuram in arcula prorsus otiosam absque interventu alicujus lucris cessantis. Nec opponas cum Caramuele contrarium: Chirographum, in quo mille floreni primum in futurum numerandi continentur, esse minoris pretii, quam mille florenos præsentem in numerata pecunia; Et hinc etiam juxta communem praxin talia Chirographa minoris emuntur: ergo pecunia numerata est pretiosior primum numeranda. Nam *contra est*, quod hic contractus non sit amplius contractus mutui; sed potius emptionis & venditionis, ubi Chirographa propterea minori pretio emuntur, vel quia ordinarie adest aliquod periculum, aut difficultas in acquirenda sorte principali in dictis Chirographis expressa, vel quia similia Chirographa sunt quasi merces ultro-neæ, seu ultro oblatae ad emendum: juxta Theologos autem ex utroque capite solent merces decrescere in pretio. Cæterum plura adhuc de Chirographis videre poteris apud Reiffenstuel *Tract. 8. Dist. 4. post n. 102. Additione 5. § 6.*

PROPOSITIO XLII.

100. *Usura non est, dum ultra sortem aliquid exigitur tanquam ex benevolentia, & gratitudine debitum sed solum si exigatur tanquam ex Iustitia debitum.*

DECLARATIO.

Quod præter onus restituendi iterum ipsum capitale Mutuarius simul aliquam naturalem obligationem antidoralem gratitudinis contrahat erga Mutuantem, in præsentem non negatur: ex hoc tamen nonnulli Theologi apud Dianam, *Part. 1. Tract. 8. Resol. 62. & Part. 11. Tract. 7. Resol. 23.* male inferunt, eam obligationem gratitudinis posse à mutuantem deduci in pactum, taliter, ut Mutuarius promittat, se daturum auctuarium in gratitudinem, non ex obligatione iustitiæ, sed veracitatis, & fidelitatis, ut proin possit deinde illud exigi tanquam debitum ratione promissionis. Nam *contra est*, quod etsi; dum Petrus Paulò in gravi necessitate constituto mutuatur mille florenos, Paulus præter onus restituendi cum tempore Capitale contrahat obligationem antidoralem ejusdem gratitudinis; hæc tamen obligatio antidoralis non determinate consistat in auctuario pecuniæ mutuatae, sed in aliquo indeterminato juxta arbitrium Mutuarii, qui potest huic obligationi antidorali satisfacere etiam orando pro Mu-

Mutuantem, vel eum apud alios laudando &c. si
cuti eodem modo discurretur in collatione, &
præsentatione ad Beneficia. Et plane alias, si Ad
versariorum doctrina subsisteret, Usuris, & Si-
moniiis immensum ostium pateret, uti conside-
ranti patet. Quare generaliter committitur usura
expressa, vel palliata, quodcumque extra lucrum
cessans, vel damnum emergens, aut similes reales
titulos præter sortem principalem quodpiam au-
ctuarium in pactum deducitur, & Auctoritate pri-
vata constituitur.

101. Dixi notanter: *Auctoritate privata*, per
quæ verba nolo impugnare in præsentem eorum
sententiam, quæ defendit, *Auctoritate publica* id
fieri posse taliter, quatenus nimirum vi domini
alti (uti proportionaliter discurretur in materia
de præscriptione) Potestas publica, maxime su-
prema, determinatum, atque moderatum in mu-
tuo constituit auctuarium ad tollendas lites, anxie-
tates, & dubia, alias sæpius eventura, utrum hic
& nunc, in isto vel illo mutuo vere interveniat
lucrum cessans, vel damnum emergens, & quan-
tum vi hujus prætendi queat &c. qua determi-
natione absoluta multi ad mutuandum aliis prom-
ptiores redduntur, ac lites diminuuntur, quoniam
ordinarie apud Judicem in illo determinato auctu-
ario susteretur, nisi evidenter constaret, lucrum
cessans, vel damnum emergens &c. id excedere.
Quod non leviter videretur promovere bonum
publicum. Plura de usuris vide apud Reiffen-
stuel

Ituel *Tract. 8. Dist. 4. Quest. 2. 3. & 4.* Item *fuit*
fius in Jure Canonico Lib. 5. Decret. Tit. 19.

PROPOSITIONES XLIII.
 & LXIV.

102. LXIII. *Quidni non nisi veniale sit, detrahentis auctoritatem magnam sibi noxiam falso crimine elidere?*

XLIV. *Probabile est, non peccare mortaliter, qui imponit falsum crimen alicui, ut suam justitiam, & honorem defendat. Et si hoc non sit probabile, vix ulla erit opinio probabilis in Theologia.*

DECLARATIO.

Mendacium juxta jam dicta est malum intrinsecum, quod dicitur leve, si fiat in materia levi; grave autem si contingat in materia gravi: quoniam autem juxta communem non sunt facienda mala, ut eveniant bona, consequenter neque per mendacium potest alicui imponi falsum crimen, ut evitetur nocumentum proprium, alias in bonis fortunæ, vel famæ incurrendum. Nec retorqueatur argumentum in Homicidio, quod pariter juxta Doctores est malum intrinsecum, & tamen licet per modum moderaminis inculpatæ tutelæ ad evitandum grave damnum in bonis fortunæ;
 ad-

adeoque idem dicendum esse cum proportionem quoad mendacium. Respondetur enim negando consequentiam, & paritatem. Disparitas est; quia mendacium ita est intrinsece malum, ut in nullis liceat circumstantiis, etiamsi per hoc Respublica liberaretur à gravissimis malis; econtra vero non est taliter intrinsece malum homicidium, utpote quod in aliquibus circumstantiis permittitur, puta Principibus jus gladii habentibus occidendo malefactores in vindictam publicam, vel privatis per modum moderaminis inculpatæ tutelæ. Accedit, quod læsio famæ alterius per calumniosum mendacium contingens ordinarie nec sit remedium efficax, nec unicum ad conservanda bona fortunæ, vel famæ propriæ; cum per calumnias, & mendacia ordinarie non obtineatur honor, ac bona fama, sed potius deperdatur, & alter, si resciat, tantummodo magis ad detrahendum exinde accendatur; ac insuper multa supersint alia media, dummodo amor proprius excæcans non aliter male suggereret, adeoque committens tale mendacium excedit limites moderaminis inculpatæ tutelæ, & consequenter non est præsumendum, quod natura, vel potius DEUS Auctor naturæ mendacium ordinaverit, ac permiserit adhiberi tanquam remedium pro conservatione famæ propriæ, vel bonorum fortunæ, sicque mendacium manet mendacium leve in materia levi, & grave in materia gravi. Vide Dominicum Viva hic, & Reiffenstuel, *Tract. 9. Dist. 6. n. 11. & 12.*

PROPOSITIONES XLV.
& XLVI.

103. XLV. *Dare temporale pro spirituali non est Simonia, quando temporale non datur tanquam pretium: sed duntaxat tanquam motivum conferendi, vel efficiendi spirituale, vel etiam, quando temporale sit solum gratuita compensatio pro spirituali, aut contra.*

XLVI. *Et id quoque locum habet etiamsi temporale sit principale motivum dandi spirituale; immo etiamsi sit finis ipsius rei spiritualis, sic, ut illud pluris aestimetur, quam res spiritualis.*

DECLARATIO.

Simonia est, si temporale principaliter detur pro spirituali, aut vice versa spirituale pro temporale interveniente simul aliquo pacto explicito, prout clare decisum reperitur in *cap. Tua Nos. 34. de Simonia*; idque in praesenti non controversitur: inquiritur tamen ulterius, utrum pariter Simoniacum censeatur, si temporale pro spirituali nec detur tanquam pretium, nec signo aliquo exteriori expresso in pactum deducatur, sed solummodo sit motivum propter quod obtinendum datur temporale?

104. Notandum ulterius, quod motivum illud obtinendi spirituale pro temporali possit habere tacite annexam adhuc intentionem obligandi alterum ad dandum spirituale desideratum, V. G. Beneficium; vel non possit habere annexam hanc intentionem obligandi alte-

alterum, V. G. aliquis Moderator instruens filium
 cuiusdam Nobilis, habentis jus præsentandi ad
 pingue Beneficium, potest per suam instructionem
 velle tacite obligare Nobilem, ut ipsum præsen-
 ter ad tale Beneficium, vel potest non habere
 hanc intentionem obligandi, etsi speret, se citius
 tempore Vacaturæ præsentendum, si nunc dili-
 gens fuerit quoad instructionem filii. In hoc se-
 cundo casu Simonia non intervenit; bene tamen
 in primo: & quidem si alter accipiens tempo-
 rale pro spirituali ex circumstantiis advertit, quod
 dans temporale intendat per hoc tacite obligare
 ipsum ad reddendum spirituale, atque nihilominus
 id recipiat, conferendo vicissim spirituale, vel
 saltem illud promittendo, erit Simonia mutua
 ex utraque parte. Quodsi vero non advertat,
 erit Simonia solummodo mentalis ex parte dan-
 tis non quidem pœnis Canonicis, uti Simonia
 realis, bene tamen districto DEI Iudicio sub-
 jecta. Totum hoc clare deducitur ex dispositione
 Juris Canonici *cit. cap. tua Nos 34. de Simonia*, ubi
 Innocentius III. circa Clericum quempiam Ecclesiæ
 conferentem bona sua, ut in Canonicum recipia-
 tur, talem notatu dignissimam ponit resolutionem:
Tua Nos duxit discretio consulendos &c. &c. De-
votioni tue taliter respondemus, quod, si quis Cle-
ricus cum conditione, vel pacto largiatur, aut of-
ferat bona sua, ut illa postmodum pro præbendâ
retineat, & in Canonicum admittatur, hujusmodi
oblato, vel receptio fieri non poterit sine vitio Si-
monia; cum in talibus omnis pactio, & conven-
ventio cessare debeat juxta Canonicas Sanctiones.
 P. AnacI. Reiffensuel Theol. Supplem. K k Si

Si vero pure, & sine pacto, vel conventionem qua-
libet offerat, rogans humiliter ut in Canonicum ad-
mittatur; & bona sua retineri sibi liceat pro pre-
benda, & Clerici ejusdem Ecclesie pure consen-
tiunt; hujusmodi receptio fieri poterit absque scrupu-
lo Simoniacæ pravitate; NB. licet haud taliter
duximus respondendum; quia nobis datum est de
manifestis tantummodo judicare: si tamen is, qui
talem donationem facit, ea intentione ducatur, ut
per temporalia bona, quæ offert, spiritualia valeat
adipisci, & Clerici, qui eum in fratrem admi-
tunt, non essent eum, nisi commoda temporalia
perciperent, admissuri; sine dubio tam ille, quam
isti apud districtum Judicem (qui scrutator est
cordium, & cognitor Secretorum) culpabiles ju-
dicantur. Ita Summus Pontifex; idque cum
proportionem applica, si vicissim detur spirituale
ut obtineatur temporale. Caterum ut utraque
propositio damnata adhuc magis intelligatur, se-
quentia formantur Quæsitæ.

105. Quæres I. Quando nam motivum pro-
xime explicatum censeatur tacite annexam habere
intentionem vicissim alterum obligandi? Ante
Resolutionem nota. Motivum per temporale
obtinendi spirituale, vel vice versa per spirituale
acquirendi temporale, posse esse vel intrinsicum,
ac primum, vel extrinsecum, & secundarium.
H. N. Respond. Si motivum fuerit intrinsicum,
ac primum, censeatur tacite contineri inten-
tione obligandi alterum, atque in hoc sensu cen-

censetur reprobata utraque propositio superius
 allegata; non vero, si fuerit motivum tantum-
 modo extrinsecum, aut secundarium, atque im-
 pulsivum, ut citius, promptius, vel in hoc, non
 in alio tempore spirituale fiat &c. Ita Domi-
 nicus Viva hic n. 5. & seqq. atque expresse sic
 tenet Divus Thom. in casu, quo pro actu spiri-
 tuali datur aliquod temporale, ubi exemplum
 adducit cujusdam Canonici euntis ad Ecclesiam,
 in qua accedentibus distribuuntur præsentiæ, uti
 vocantur; ubi *Quodlibet* 18. *Art.* 11. ita loqui-
 tur: Si hujusmodi distributionem recipiat quasi
 finem suæ operationis N. B. principaliter intentum,
 Simoniam committit; si autem principalem finem
 habet DEUM, ad hujusmodi distributiones vero
 respicit secundario, non tanquam in finem (supple
 uti superius principalem) sed sicut in id, quod est
 necessarium ad suam sustentationem, constat, quod
 non vendit actum spirituales, & ita Simoniam
 non committit, nec peccat: Sic enim acceptio di-
 strictionum non erit causa, quare ad Ecclesiam va-
 dat, sed proprie hujusmodi (supple frequentationis
 Ecclesiæ) determinatio; quare nunc vadat, &
 non alia vice. Pariformiter est discurrendum
 de Sacerdote aliquo, qui hodie V. G. Missam
 legit, quia se offert occasio acquirendi stipen-
 dium, alias forsan hodie non celebraturus. Ta-
 lis enim Sacerdotis hodie celebrantis finis prima-
 rius adhuc est cultus Divinus, uti supponitur,
 etsi secundario intendat stipendium titulo susten-
 tationis, ex quo etiam determinat hodie cele-
 brare primario ad promovendum cultum divi-
 num,

num, secundo vero ut stipendium titulo honestæ sustentationis acquirat. Viderint autem hic, quomodo coram DEO excusentur illi Canonici, & Sacerdotes, qui nunquam, aut vix unquam comparent, nisi adsint præsentia: valde pingues, vel rarissime legunt Missam, quando non offertur stipendium: videtur plane apud Hosce non raro ipsa utilitas temporalis fuisse primum motivum accedendi Ecclesiam, aut celebrandi Missam.

106. Quæres II. An honoraria data, vel promissa ante præsentationem Patronis habentibus jus præsentandi ad Beneficia &c. censeantur interpretative indicare ex parte dantis motivum primum obtinendi per hæc aliquod Beneficium: Item an talia honoraria possint à Patronis &c. recipi? Respondeo, utrum taliter donantes coram DEO, & in foro interno habeant pro motivo primo, & intrinseco per honoraria obtinere Beneficium, indifferenter examini conscientia ipsimet donantes dijudicare debeant. In foro autem externo id in dubio ex circumstantiis dijudicatur; ubi ad hæc tria maxime attenditur, nimirum ad personam dantis, & recipientis, ad quantitatem muneris, & ad tempus donantis. Illud autem Patronis, seu Collatoris Beneficiorum præcipue notandum venit, quod sicuti si Judicibus absque expressione mutua obligationis offeruntur tantummodo levia, puta esculenta, & poculenta, paucis diebus consumabilia illa

illa non præsumantur data cum intentione obligandi Judicem ad favorem sententiam, sicque juxta plurimos Theologos arg. *L. Plebiscito. ff. de officio Præsidis, & cap. statutum. §. Insuper. de Rescriptis in 6.* licite recipiantur, ita pariter admitti possint in casu quæstionis, quamvis haud dubie securius sit, si etiam similia ante præsentationem respuantur; econtra vero, quia ob periculum universale sententiæ venalis absolute prohibetur Judicibus recipere munera in considerabili quantitate, *L. 18. ff. de officio Præsidis, & cap. 11. §. 4. de Rescript. in 6.* quia nimirum dantes præsumuntur velle obligare Judicem ad pronuntiandum in favorem dantis; ita ob idem universale periculum inhibetur Patronis, & similibus ante præsentationem &c. recipere notabilia honoraria, vel promissa de dandis; hæc enim solent homines mirabiliter excæcare, & trahere ad favorem intentum largientis. Vide Viva hic num. 6.

107. Quæres III. An, si divites Religiosis, vel pauperibus largiantur pecunias, vel alia temporalia, ut pro ipsis certas preces persolvant, censeatur talis largitio Simoniaca? Ratio dubitandi est: quia videtur sic intervenire primum motivum accipiendi pro temporali aliquod spirituale, quod juxta dicta censeatur tacite continere pactum Simoniacum. Hoc tamen non obstante Respond. talis elargitio non est Simoniaca, quamvis etiam Religiosi, vel mendici sese obligarent ad persolutionem illarum precum. Ra-

tio est; quia similis Eleemosyna non datur ex motivo primario pro ipsis precibus quasi venalibus, sed potius per modum stipendii pro sustentatione, ita, ut exinde accipientes sese sustentare, sicque illas preces persolvere queant, eo ferme modo, quo Sacerdoti celebranti aliquot Missas tribuitur taxata pecunia. Et plane, si talis elargitio foret Simoniaca, deberent omnes fundationes piæ anniversariorum, aut similiarum bonorum operum ex eadem ratione censeri Simoniacæ. Item non possent licite Religiosi sese propterea obligare ad preces persolvendas, quæ tamen doctrina pridem fuit ab Ecclesia reprobata, dum eadem inter alios Wicleffi errores etiam sequentem propositionem ordine 25. damnavit: *Omnes sunt Simoniaci, qui se obligant orare pro aliis, eis in temporalibus subvenientibus.* Vide Reiffenstuel *Tract. 5. Dist. 3. n. 43. ac sequentibus*, & adhuc fusius in *Jure Canonico Lib. 5. Decret. tit. 3. præsertim. §§. V. VI. IX. & X.*

PROPOSITIO XLVII.

108. *Cum dixit Concilium Tridentinum eo alienis peccatis communicantes mortaliter peccare, qui nisi quos digniores, & Ecclesie magis utiles ipsi judicaverint, ad Ecclesias promoveant, Concilium vel primo videtur per digniores non aliud significare velle, nisi dignitatem eligendorum sumptu comparativo pro positivo; vel secundo locutione mi-*

minus propria ponit digniores, ut excludat indignos, non vero dignos; vel tandem loquitur tertio, quando sit concursus.

DECLARATIO.

Intendebat Concilium Tridentinum conceditis oviculis providere de Pastoribus dignioribus, id est, Ecclesiæ, consideratis considerandis, magis proficuis; inde absque restrictione ad concursum Sess. 24. de Reform. cap. 1. absolute præcipit, ut non nisi digniores, & Ecclesiæ utiliores ad similia officia promoveantur, quam summe sollicitam Supremi Pastoris cum universali Ecclesia vigilantiam nonnulli Theologi sine solido fundamento, & in non leve Ecclesiarum particularium præjudicium vel eluserunt impropriando sensum verborum, vel ad solum limitarunt concursum: hinc merito reprobati à summo Pontifice. Vid. Reiffenstuel Tract. II. Dist. 1. Quæst. 4.

PROPOSITIONES XLVIII. & XLIX.

109. XLVIII. *Tam clarum videtur, fornicationem secundum se nullam involvere malitiam, & solum esse malum, quia interdicta, ut contrarium omnino rationi dissonum videatur.*

XLIX. *Mollities jure naturæ prohibita non est: unde si DEUS eam non interdixisset, sape esset bona, & aliquando obligatoria sub mortali.*

DECLARATIO.

Concedunt quidem Adversarii ultro, tam for-
 nicationem, quam mollitiem prohiberi Jure Divino
 positivo: cum S. Paulus *1. Corinth. cap. 6. v. 9.* &
10. expresse dicat: *Neque fornicarii &c. Regnum
 DEI possidebunt.* Negant tamen cum Caramuele
Lib. 4. Theologiae intentionalis num. 1960. & 1961.
 hanc prohibitionem esse pariter juris naturalis.
 Ast contra est *primo*, quod S. Paulus æque lo-
 quatur de fornicariis, & mollibus, uti de Mascu-
 lorum concubitoribus, seu Sodomitis; atqui pec-
 catum Sodomiticum est utique contra lumen na-
 turæ; cum etiam bestia, alias instinctum natura
 sequentes, ordinarie abhorreant congressum intra
 eundem sexum: ergo. Contra est *secundo*, quod
 sicuti lex naturalis ad propagationem generis hu-
 mani intendit bonum proles, ita econtra censeatur
 prohibere omnia ea, quæ sunt impeditiva hujus
 boni, atqui tam mollities, quam fornicatio sunt
 impeditivæ hujus boni: ergo. Min. probatur, &
 quidem de Mollitie patet per se, cum semen ad
 propagationem generis humani à natura ordinatum
 per mollitiem effundatur extra vas debitum: &
 licet per fornicationem propagatio proles potius
 promoveri videatur; quia tamen, si jure naturæ
 &

& in lege naturali liceret indistinctim fornicatio, sicque etiam concubitus vagus, passim negligere-
tur cura vitæ, & bonæ educationis prolis; cum
nullus vellet ordinarie esse Pater ejusdem; adeoque
signum est, quod etiam per eandem in supposito,
quod foret licita, impediretur bonum prolis: ergo.
Contra est *tertio*, quod mollietates, & etiam for-
nicatio ordinarie non soleant, uti matrimonium,
ex fine prolis habendæ, sed potius ex vehementia
delectationis venereæ exerceri; unde contra ordi-
nem naturæ intellectus nimium quantum absor-
betur, & sensibus prorsus subjicitur, cum maximo
damno, & quidem eo magis, quia DEUS non
solet fornicariis, & mollibus tribuere illa spe-
cialia auxilia, quæ concedit conjugatis tam ut
Auctor gratiæ, quam naturæ: oportuit igitur jure
naturæ prohiberi, quod ordinarie fit contra ordi-
nem Juris naturæ, dum potentia superior (nempe
intellectus) adeo vehementer, & cum tanto damno
subjicitur potentiis inferioribus, nimirum sensiti-
vis. Contra est *quarto*, quod illa sit operatio
intrinsece mala, sicque jure naturali prohibita,
quæ ex se est principium cæcitatæ mentis, præci-
pitationis, & aliorum pessimorum effectuum;
sed talis operatio est mollietates & fornicatio, ut-
pote quæ teste D. Gregorio *Lib. 31. Moral.* pro-
ducit octo filias, quæ sunt cæcitas mentis, incon-
sideratio, præcipitatio, inconstantia, amor sui, tæ-
dium DEI, affectus præsentis sæculi, & horror, vel
desperatio futuri: ergo. Vide Reiffenstuel *Tract. 9.*
Dist. 4. n. 12. § 2. 45.

PROPOSITIO I.

110. *Copula cum conjugata consentiente marito non est adulterium, adeoque sufficit in Confessione dicere, se esse fornicatum.*

DECLARATIO.

Adulteram committere duplex peccatum, nimirum fornicationis, & injustitiæ, si viro invito admittat copulam cum altero, gratis concedunt ipsimet adversarii; quoniam tunc præter malitiam contra virtutem castitatis etiam lædit jus, quod habet vir in corpus uxoris suæ. Quia autem juxta Regulam 27. Juris in 6. *scienti, & consentienti non fit injuria*, putant nonnulli, peccatum injustitiæ tolli, si vir in talem Copulam cum alieno consensiat, sicque remanere solum peccatum fornicationis in Confessionali exprimendum, eo ferme modo, quo, si virgo vi, ac contra suam voluntatem fuerit violata, committitur à stupratore duplex peccatum, contra castitatem nempe & contra justiciam: ubi tamen alterum peccatum injustitiæ cessat, si Virgo in copulam sponte consentiat. *Sed contra est*, quod in Sacra Scriptura indefinite ad Roman. cap. 7. mulier vocetur *adultera*, quæ *vivente viro fuerit cum alio viro*. Unde jus Viri in corpus uxoris ex præcepto Divino non est remissibile, ac in alium transferibile; neque quod non tam bonum particulare conjugum, quam

bonum commune status conjugalis, ac prolis recte educandæ respicit. Itaque, sicuti ob hanc rationem adhuc facit injuriam statui Clericali, qui Clericum etiam consentientem percutit, ita pariter facit injuriam statui conjugali, qui etiam cum consensu utriusque conjugis copulam cum alterius uxore exercet. Nec est paritas inter hanc, & alteram copulam cum Virgine exercitam: etenim virgo habet jus in corpus suum transferibile in alium; alias enim nec posset matrimonium contrahere: & quamvis cæteroquin virgo jus illud extra conjugium illicite tradat alteri: id tamen adhuc fit valide; unde spontaneo virginis consensu in copulam tollitur injuria alias Virgini per stuprum inferenda. Vide Reiffenstuel *Tract. 9. Dist. 4. num. 18. & num. 22.* Item *Recentif. Tract. de Reg. Juris in Reg. XXVII. fol. apud me 75.*

PROPOSITIO II.

III. *Famulus, qui submissis humeris scienter adjuvat berum suum ascendere per fenestras ad stuprandam Virginem, & multoties eidem subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta, ne à domino male tractetur, ne torvis oculis aspiciatur, ne domo expellatur.*

DE-

DECLARATIO.

Quoad influxum in peccata aliena dantur certi quidam gradus, ita ut unus per actionem suam in eadem tantum remote, alter suo modo, & comparative loquendo propinque, ille adhuc propinquius, & demum iste omnino immediate, & intrinsece concurrere censetur, prout totum patebit consideranti exempla inferius ponenda. Porro immediate, & intrinsece influere in peccatum nunquam licet ex quacunque causa, cum non sint facienda mala, ut eveniant bona. Quod si autem influxus non sit immediatus, propinquus tamen, quo major est propinquitas concursus, eo gravior requiritur causa ponendi similem actionem. Hinc quia Herum ascendere volentem per fenestras ad constuprandam Virginem adjuvare *submittere humeros, vel deferre sculam* &c. quia (inquam) similes actiones sunt valde propinquæ (si non omnino intrinsece concurrentes ad peccatum constuprationis) hinc non licet famulis eandem exercere ex causa, *ne torvo vultu à suis Heris aspiciantur. suo modo male trahantur, vel etiam domo expellantur*; Quoniam ordinariis tales famuli iterum alios Dominos absque gravissima difficultate pro famulizio acquirere possunt, dummodo alias se bene gerant & cooperante præferim ad hoc singulariter Divina gratia, utpote cum ex amore erga DEUM, ne eundem offendant, talem famulatum derelinquant. Hæc itaque certa sunt; alii difficultas adhuc remanet, quidnam circa hanc propositionem

damna-

damnatam sentiendum sit, si famulus, negans has actiones, manifestum incurrat periculum, ne a Domino furioso occidatur, vel usque ad mortem verberetur, aut membrum amputetur: Item si domo expulsus non acquirat alium Dominum, exinde coactus subire mendicitatem gravissimam, morte ipsa amariorem &c.? Ad quod

112. Respondeo, non deesse Doctores, qui cum Lumbier, & Dominico Viva hic sentiunt, tales actiones neque imminentibus his gravissimis malis esse immunes à propositione damnata, & consequenter neque sic licere famulis; eo quod judicent, easdem esse intrinsece malas, atque immediate influere in constuprationem Virginis: Sicuti ergo (pergunt ulterius) juxta communem obpariformem influxum immediatum non est permissum Catholicis apud Mauros, vel Turcas captivis etiam ob periculum mortis admovere ignem tormentis bellicis ad occidendos Christianos, neque vocare concubinam expresse ad peccandum, ita pariformiter neque famulis licebunt superius allegata actiones; eo quod utrobique immediate, & intrinsece videantur influere in peccatum; inquam sententiam multum quoque inclinat P. Reiffenstuel *Tract. 4. Dist. 7. n. 23. & 24.* Si considerate legatur. Econtra non desunt quoque alii Theologi, qui cum Castropalao valde probabiliter tenent contrarium, existimantes illas actiones famulorum non æque immediate, & intrinsece influere in ipsum peccatum, sicuti tamen immediate in illud influit immediata admotio ignis ad tormentum.

menta &c. &c. versus præsentes Christianos. Etenim quamvis etiam priores actiones famulorum multum appropinquent peccato, non tamen sunt immediate perpetratiæ actus alicujus ex se peccaminosi; nam posset Herus his ipsis famulorum actionibus uti ad subveniendum virgini, si forsan constupraretur ab alio; sicque ad operandum laudabiliter &c. Profecto ex eadem ratione juxta Suárez, Sanchez, Lessium, & alios licitum est Christianis captivis in Triremibus Maurorum, vel Turcarum ob grave periculum mortis, aut alterius mali ipsa morte acerbioris remigare contra Christianos, Sarcinas, & arma necessaria convehere, propugnacula ædificare &c. quamvis enim hic & nunc ista omnia à Mauris vel Turcis ordinentur ad delendos Christianos; ex se tamen prædictæ actiones possunt ordinari pariter ad eosdem defendendos. Atque hanc sententiam quoque Cardenas apud Kugler hic judicat esse probabilem; optat tamen, desuper esse decisionem à Sede Romana.

113. Quæres, quænam sint Regulæ compendiosæ, pro praxi, ex quibus erui queat, utrum similes actiones, ex quibus alter occasionem peccandi sumit, poni queant? Respond. apud Dominicum Viva hic prudenter poni sequentes I. quod nunquam liceat ponere actionem talem, quæ immediate, & intrinsece influat in verum peccatum alterius; sic nunquam licet famulo, vel cubiculario citare concubinam expresse ad peccandum cum Hero, vel nomine ejus scribere litteras

in.

invitatorias ad peccandum, vel agere internuntium deferendo ad concubinam litteras, in quibus scit, expresse similem vocationem contineri. Ita Rebellus, Sanchez, & Viva hic. II. Si actio tua non sit de se mala, ulterius adverte, quomodo hæc, & in quo gradu propinquitatis ad peccatum alterius juxta prudens Judicium (hoc enim in similibus debet potissimum agere) concurrat; nam juxta jam dicta quo propinquior est concursus, eo gravior requiritur causa concurrenti; hinc teste Viva *loc. cit.* causa, quæ excusat locatorem à locanda domo certæ meretrici, non sufficit famulo ad aperiendum huic prostibulo observatum ostium, si veniat moraliter certo ad peccandum cum Hero suo: item quæ causa sufficit famulo ad comitandum Dominum pergentem ad Amasiam, est insufficientis ad deferendam scalam, seu submittendos humeros. III. Reflece ad quantitatem damni proprii, si hanc tuam actionem intermittas: nam quo majus est damnum proprium alias eventurum, eo citius excusatur tua actio ab influxu peccaminoso: sic conformiter dictis juxta Castropalao, & alios periculum mortis excusat à peccato famulum deferentem scalam Hero suo &c. non item torvus ejusdem vultus. IV. Attende ad ipsam pravitatem peccati occasione tuæ actionis ab altero perpetrandi: quo enim majus est istud eo major ex parte tua requiritur causa actionem tuam ponendi.

PROPOSITIO LII.

114. *Præceptum servandi festa non obligat sub mortali, seposito scandalo, si absit contemptus.*

DECLARATIO.

Quod possit Ecclesia similia præcipere sub mortali, in secundo capite contra Acatholicos diversis in locis ostensum jam fuit; quod autem actu sic intenderit præcipere, vel ex eo patet; quia alii Acatholici non ita murmurarent quoad similia contra summum Pontificem. Et plane communis sensus est fidelium, quinque præcepta Ecclesiæ obligare etiam in conscientia, & quidem sub gravi in materia notabili. Hinc denuo mirandum, quod Theologi quidam Catholici, postquam intellexerunt, quoad jejunium Ecclesiasticum similem doctrinam ab Alexandro VII. propositione ordinis 32. præcedenter jam fuisse damnatam, nihilominus eandem quoad observationem Festorum resuscitasse præsumpserint. Nescio sane, qualem similes intrinsecus erga Sedem Apostolicam habeant submersionem. Vide Reiffenstuel *Tr. 10. Dist. 1. n. 24.*

PROPOSITIO LIII.

115. *Satisfacit præcepto Ecclesiæ de audiendo sacro, qui duas ejus partes, imo quatuor simul à diversis celebrantibus audit.*

DECLARATIO.

Citantur à Diana, Part. 2. Tract. 17. Resolut.

& Part. 10. Tract. 15. Resol. 3. quamplures Auctores pro hac sententia; quoniam autem eadem nunc expresse à Summo Pontifice damnata fuit, exinde nobis clare constat de mente ejusdem mirum; quod, dum nobis præcipit diebus festivis auditionem Missæ, nolit, ut plures partes Sacerdotum simul celebrantium ad invicem combinentur. Ratio à priori esse potest; quia Missa combinatur ex partibus successivis: ergo non conflatur per unionem moralem aliqua Missa ex partibus simul existentibus. Sicuti enim ex hac ipsa ratione non censeretur unicum Missæ Sacrificium fieri si duo Sacerdotes simul & semel celebrarent, & quidem unus ab introitu usque ad consecrationem calicis; alter vero immediate à consecratione Calicis usque ad finem simul & semel cum priori inciperet: ita ob paritatem rationis non censeretur una Missa audiri, si partes hujus Entis successivi simul & semel existentes combinarentur. Vide Reiffenstuel, Tract. 10. Dict. 1. num. 40. & 41.

PROPOSITIO LIV.

116. Qui non potest recitare Matutinum, & Laudes, potest autem reliquas Horas, ad nihil tenetur, quia major pars trahit ad se minorem.

DECLARATIO.

Equidem sententia, quæ impotentem recitare Matutinum, & Laudes adhuc obligabat ad Horas. P. Anac. Reiffenstuel Theol. Supplem. L1 ras

ras minores, fuit jam ante Thesin hanc confixam inter Doctores communior; non tamen defuerunt, qui contrarium tenuerunt, eo quod major pars trahat ad se minorem. *Cap. I. de iis, quæ fiunt à majori parte Sc.* Contra tamen est, quod Officium Divinum unius Diei constetur ex talibus Horis, quarum singulæ continent integram aliquam orationem; ita ut etiam seorsim, seu ab invicem separatim recitari possint; sicuti ergo aliquis debitor in materia justitiæ non potens solvere centum, obligatur adhuc solvere decem, si potens sit, ita etiam in materia Religionis, qui nequit solvere pensum Canonicum quoad Matutinum & Laudes, obligatur tamen adhuc, si potest, quoad Horas minores: nam in similibus ab invicem etiam moraliter separabilibus procedit illud axioma commune; *Qui non potest solvere totum, quod debet, tenetur solvere totum, quod potest.*

117. Unde illa Regula: *Major pars trahit ad se minorem*, desumpta ex *cap. I. de iis, quæ fiunt à majori parte, &c.* procedit quidem in ferendis suffragiis; ubi regulariter loquendo V. G. in Electionibus proceditur secundum majoritatem votorum, non autem in aliis ab invicem divisibilibus, & unum morale totum in se ipsis constituere valentibus; Sic qui vovit DEO vaccam, & vitulum dare, supposito, quod Vacca interim interierit, obligatur adhuc offerre vitulum; & qui quatuor septimanis Quadragesimæ ex legitima causa nequivit jejunare, tenetur ad-

adhuc cessante hac causa legitima ad jejunium ultimis duabus Hebdomadis: nam quamvis jejunium quadragesimale V. G. sit unum integrum morale, conflatur tamen illud ex talibus partibus ad invicem separabilibus quæ ipsæmet in se ipsis iterum possunt constituere aliquod totum.

118. Dices: Qui non potest integro die jejunare ex communi Doctorum non obligatur jejunare usque ad prandium, quamvis commode possit: Item, qui non potest totam Missam audire, neque tenetur audire partem minorem Missæ: Similiter qui non potest recitare majorem partem unius Horæ Canonice, neque obligatur ad minorem ejusdem Horæ; ergo etiam à pari, qui nequit recitare Matutinum & Laudes, tanquam majorem partem Officii Divini neque adstringitur ad minorem, quoniam *major pars trahit ad se minorem*. Respondeo, jam superiori numero fuisse notatum, quod aliud sit unum integrum morale habens partes ab invicem moraliter separabiles &c. & aliud unum totum moraliter individuum, seu non habens tales partes juxta moralem prudentum æstimationem ab invicem separabiles. In secunda classe comprehenduntur tam jejunium ejusdem diei, quam partes unius Horæ Canonice; ubi consequenter multi Auctores non improbabiler admittunt, procedere allegatam Regulam de parte majori ad se trahente minorem. Totum autem officium Divinum in ordine ad partiales Horas Canonicas reponitur in prima classe. Quoad Missam sciendum, quod

ibidem principale, imo essenziale sit consecratio Corporis & Sanguinis Christi & saltem integrale ipsa sumptio; hinc puto cum Sanchez & Viva, eum, qui potest iis assistere, teneri, quamvis à reliquis cogatur abesse.

119. Quæres: An sententia illa, quæ tenet, excusatum quoad Matutinum & Laudes excusari quoque quoad alias Horas, sit etiam damnata quoad ægrotos? Ad hoc quæsitum in hanc ipsam propositionem num. I. Dominicus Viva respondet in formalibus: *Sententia illa Suarezii, tom. 2. de Relig. Lib. 4. cap. 28. n. 27. Sanchez, Palai, Lessii, quod nimirum ægrotus certo impotens majorem patem Officii recitare simpliciter deobligetur, ne redigatur ad angustias perplexitatis, non videtur carere solida probabilitate, præsertim quia firmata est consuetudine, quæ vim habet tacite dispensationis.* Ego tamen in similibus suaderem pro majori securitate petitionem dispensationis à Superiore, vel Confessario; nec debent hi in illa danda multum esse scrupulosi, præsertim si advertant periculum perplexitatis, alias ex parte ægroti eventuræ.

PROPOSITIO LV.

120. *Præcepto Communionis annuæ satisfit per sacrilegam Domini maducationem.*

DECLARATIO.

Substantiæ præcepti Ecclesiastici posse satisfieri aliquoties per actus, ad quos intervenit etiam

etiam grave peccatum exemplis patet: sic enim luxuriosus satisfacit præcepto audiendi Missam; quamvis sub ea impura foveat desideria erga præsentem amasiam, quæ ipsam non parum ad hanc traxit Ecclesiam: item avarus satisfacit præcepto jejunii Quadragesimalis, etsi eundem propria quoque ad id incitet avaritia, quatenus exinde, detrahendo suis quoque secundam refectionem, plures coacervet pecunias &c. Pari modo ante damnationem hujus propositionis intulerunt multi, per graviter peccaminosam manducationem Corporis Domini satisfieri præcepto Ecclesiastico annuæ Communionis, quoniam adhuc valide suscipitur Corpus Christi. Sed contra est, quod Ecclesia Can. *omnis utriusque sexus de Pœnitent. § remiss.* præcipiat, ut non solum valide, sed etiam NB. *reverenter* ad minus in Paschate suscipiatur Eucharistiæ Sacramentum: atqui reverenter non suscipit, qui illud sumit sacrilege; cum hæc sacrilega susceptio numeretur inter maximas irreverentias DEO exhibitas: ergo. Vide Reiffenstuel *Tract. 10. Dist. 3. n. 28. § 29.*

PROPOSITIO. LVI.

121. *Frequens Confessio, & Communio etiam in his, qui gentiliter vivunt, est nota Prædestinationis.*

DECLARATIO.

Judas apostata per suam indignam Eucharistiæ susceptionem certe non censetur habuisse no-

534 *Cap. IV. Declaratio Propositionum*

tam prædestinationis; imo potius post buccellam panis intravit in eum satanas, quomodo ergo in his, qui gentiliter vivunt, frequens Communio potest esse nota prædestinationis, cum SS. PP. etiam tepidorum frequentem Communionem improbant?

122. *Decretum II. Innocentii XI. circa quotidianam Communionem refertur in principio Tomi primi.*

PROPOSITIO LVII.

123. *Probabile est sufficere attritionem naturalem, modo honestam,*

DECLARATIO.

Juxta Concilium Tridentinum Sess. 14. de Sacramento Pœnitentiæ cap. 4. attritio, quæ ad DEI gratiam in Sacramento Pœnitentiæ disponit est donum DEI, & Spiritus Sancti impulsus: consequenter non sufficit attritio pure naturalis, utpote puris naturæ viribus elicta. E. G. si quis dolet de peccato ob infamiam, aut ob pœnas temporales à Potestate politica inferendas, talis attritio esset pure naturalis, quam etiam habere posset purus Philosophus naturalis, sicque non foret sufficiens; utpote ex toto improporcionata formæ introducendæ supernaturali, ist est, gratiæ justificativæ, seu sanctificanti. Eodem modo

do dicendum foret, si doleret de *turpitudine peccati*, quatenus hæc *turpitudine* importat *disconvenientiam cum natura rationali*: secus dicendum si similia referantur ad DEUM NB. *offensum*, & *Vindicem* hujus offensionis lumine fidei supernaturali cognitum &c. Vide Reiffenstuel *Tract. 14. List. 6. n. 42.* & Dominicum Viva hic.

PROPOSITIO LVIII.

24. *Non tenemur Confessario interroganti fateri peccati alicujus consuetudinem.*

DECLARATIO.

Confessarius Judex simul est, & Medicus, quæ *Judex* debet præsens vi sui officii non solum discernere iter speciem & numerum gravium peccatorum; verum etiam attendere, utrum Pœnitens suus habeat reliqua necessario requisita ad valorem Sacramenti Pœnitentiæ, inter quæ haud dubie comprantur verus dolor, & serium propositum Vitæ suæ emendandi. Quæ *Medicus* similiter vi officii sui obligatur invigilare in futurum spirituater, ac in anima agrotis, præscribendo salubria remedia præservativa, ne deinceps tam cito in priora relabantur peccata. Hinc si Confessarius Pœnitentem interrogat de consuetudine alicujus peccati, non debet interrogatus suo fidere juicio proprio, sic E. G. secum

discurrendo: Ego Confessus sum omnia mea gravia peccata quoad speciem, & numerum, una cum vero dolore, & firmo proposito; hinc male adhuc insuper me interrogat Confessarius de consuetudine, cui non teneor respondere. Absit similis discursus, quem amor proprius suggestit: nam talis interrogatus debet prælumere, quod Confessarius circumstantiis prudenter dubitet, vel de efficacia doloris vel de serio proposito; vel sibi persuadeat lapsus certo iterum subsequendum, nisi aliqua præscribantur præservativa, & consequenter tentur Confessario ad mentem suam respondere, eo quod ille tam qua *Judex*, quam qua *Medicus* iuste integet vi sui officii, sicque habeat jus interrogandi. Item à fortiori est sentiendum de eo, qui non solum est consuetudinarius, verum etiam in occasione proxima constitutus, si de eadem à Confessario interrogetur. Vide Reiffenstuel, *Tract. 14. Dist. 7. n. 53.*

125. Quæres: An possint dari casus, in quibus pœnitens etiam non interrogatus teneatur in Confessionali dicere, quod sit consuetudinarius? Resp. Posse similes casus omnino contingere, maxime, si ex una parte pœnitens non adhibuerit media deponendi hanc consuetudinem; ex altera vero Confessarius judicaret, peccata pœnitentis potius esse materialia, quam formalia, nisi addatur consuetudo. Ita sub his terminis communis. Ratio est; quia alias graiter deciperetur Confessarius, credens pœnitentem tantum materialiter, non formaliter, vel tantum venialiter, non mortaliter deliquisse. Casus pro-

ma-

majori claritate potest esse sequens: Titius solet ex præcipientia, & indeliberatione, vel tantummodo semi deliberatè intra diem decies, vel ultra blasphemare, nulla tamen adhibens remedia, hanc consuetudinem extirpandi. Exinde Titius non sufficienter se accusaret in Confessionali dicendo; *Ego ab ultima Confessione ante mensem peracta, quolibet die circiter decies blasphemavi indeliberatè tamen vel semideliberatè, sed deberet insuper, quamvis à Confessario non interrogatus addere: nec sum conatus per aliqua salubria remedia hanc blasphemandi consuetudinem deponere, quamvis meam cognoverim obligationem: supposito nimirum, quod eandem sciverit. Ratio est; quia exinde propter consuetudinem in his circumstantiis omnes blasphemix fiunt indirecte voluntariæ sicque graviter peccaminosæ, quod nesciret Confessarius, si circumstantia consuetudinis non adderetur. Cæteroquin generaliter loquendo in illa sententia, quæ cum Reiffenstuel tenet, circumstantias mere aggravantes non esse necessario in Confessione detegendas, omnino defendi potest, non esse obligationem manifestandi Confessario consuetudinem, per se loquendo, nisi peccitens à Confessario interrogetur; cum illa præter ipsum numerum peccatorum nil addat, quam circumstantiam aggravantem, dummodo cæteroquin habeatur efficax dolor cum serio Proposito.*

PROPOSITIO LIX.

126. *Licet Sacramentaliter absolvere dimidiate*

Ll 5

tan-

tantum confessos ratione magni concursus pœnitentium, qualis V. G. potest contingere in die magnæ alicujus festivitatis, aut indulgentiæ.

DECLARATIO.

Impotentiam physicam, vel moralem excusare ab integritate materiali Confessionis, communis est Theologorum sententia; ita quidem, ut licite pro hic & nunc ea peccata etiam gravia taceantur, respectu quorum talis impotentia intercedit, & nihilominus dari Absolutio Sacramentalis, E. G. si ex Confessione alicujus peccati merito timeatur grave damnum vel proprium, vel alienum, sive corporale, sive spirituale, illud licite reticetur, atque non obstante hac dimidiata Confessione licite datur Absolutio Sacramentalis; quoniam in simili casu censetur adhuc adesse impotentia moralis similia confitendi peccata, prout plura talia exempla adducit Sporer *Part. 3. Theol. Sacrament. cap. 3. Quest. 6. §. 2. Et duobus sequentibus.* Ex hoc, quia nimirum grave damnum alias incurrendum importat impotentiam moralem, nonnulli intulerunt, quod in magno confluxu populi liceat dimidiare Confessionem, & nihilominus accipere Absolutionem Sacramentalem; nam cum in simili concursu, præsertim simul famosæ sint Indulgentiæ, plerumque accedere soleant varii quoque graves peccatores, diutius

Confessionem protrahentes deberent vel hi, vel alii adstantes, plures absque Absolutione, & absque lucracione Indulgentiarum discedere, in simili casu licitum non foret Confessionem dimidiare: quod utique reputatur magnum damnum, nimirum thesauro isto indulgentiarum, & simul gratia Sacramentali, alias per absolutionem obtinenda, privari. Sicque consequenter intercedit impotentia moralis respectu Confessionis materialiter integræ. Ita ante propositionem damnatam succurrebant nonnulli, censuitque Gobat apud La Moix *Lib. 6. Part. 2. n. 1149.* eorum sententiam probabilem.

127. Sed contra est *primo*, quod falsum sit, si concursus Pœnitentium in aliqua festivitatem constituere (uti voluit Thesis confixa) aliam quam impotentiam moralem; cum sæpius tam graves peccatores, quam alii adstantes, licet cum aliquali longiori expectatione vel ab hoc, vel aliis Confessariis adhuc expediri queant; præsertim si Confessarius prudenter rem agrediat, & superflua intermittat interrogatoria. Et potest etiam, quod nonnulli ex Pœnitentibus absque Absolutione domum redire deberent, hæc necdum foret causa dimidiandi Confessionem obsequelas infra videndas. Contra est *secundo*: scilicet etiam quod aliquis gravissimus Peccator deberet absque Absolutione discedere, talis non tam grave damnum incurreret, quam carentiam gratiæ magnæ gratiæ alias acquirendæ, deberetque

que sibi imputare, quod hanc sarcinam peccatorum vel non præcedente die, vel adhuc antea deposuerit, poteritque id præstare alio commodiori tempore. Quod si supponas interea, si absque absolutione dimittantur, intervenire simul periculum proximum mortis, aut alterius valde gravis mali, vel adesse in bello imminentem jam cum hoste conflictum &c. &c. haud dubie poterit dimidiari Confessio, & nihilominus dari absolutio, cum vera, uti suppono, intercedat potentia moralis, in qua sufficit Confessio formaliter integra. Quæstio autem hic solummodo agitur, an præcise propter confluentem populi possint dimidiari Confessiones; Contra tertio, quod, si præcise propter concursum posset absolutio dari dimidiata confessis, aperiretur ostium pluribus laxitatibus, & inconvenientiis. E. G. tempore magnæ festivitatis posset in parochia Parochus, vel alius Confessarius, Officium Divinum, vel concionem peragere adstrictus, dimidiatas ferme semper audire Confessiones, cum ordinarie prævideat, multos alios sine absolutione discessuros. Idem poterit contingere ultimum die Paschatis, ubi non raro solent intervenire graves peccatores toto anno non confitentes. Item gravissimi peccatores ferme semper evenirent cum dimidiata Confessione, qui solent nisi in his magnis festivitibus, indulgentiis, vel peregrinationibus &c. suam deponere Confessionem. Et quomodo taliter Confessarius qua Medicus posset cognoscere statum sic Medico taliter ægroti, ac congruam præscribere

nam? Vid. Reiffenstuel *Tract. 14. Dist. 7. num.*
 & *seqq.*

128. Quæres; An, si in magno confluxu
 inter alios Pœnitentes accedat aliquis jam pluri-
 bus annis, vel omnino non, vel semper sacri
 confessus qui creditur non rediturus, nisi
 modo absolvatur, exinde possit à Confessario cum
 dimidiata Confessione absolvi? Ad hoc dubium re-
 spondet Lumbier etiam post propositionem damna-
 tam affirmative apud Cardenas *in 2. Crisi D. 38.*
 14. Econtra vero ipse Cardenas *loc. cit. num.*
 14. negative, eo quod talis posset redire, si vel-
 let, quod autem ex malitia non sit rediturus,
 non facit necessitatem physicam, vel moralem
 solvendi dimidiatè confessum. Ego vero, si
 derem apud talem peccatorem cor contritum,
 humilitatum, eundem non dimitterem sine
 solutione Sacramentali, si bona fide accessisset
 scilicet, se tantummodo obligatum detegendi
 peccata ex erubescencia intermissa; non autem
 si in Confessionibus sacrilegis jam detecta.
 Hoc forem anxius circa nimis exactam enume-
 rationem specierum & numeri forsan non sine
 magna pœnitentis perturbatione nova exquiren-
 tem, adderem tamen, ut pro majori quiete
 conscientie suæ alio tempore magis commodo
 hoc exactius se examinet, & vel mihi, vel
 alteri peccata gravia necdum directe remissa, quæ
 factæ memoriæ non occurrunt, de novo con-
 fiteatur; quoniam probabilissime ex oblivione
 talibus circumstantiis plura remanebunt. Et
 for-

fortassis in similibus circumstantiis nec Cardenas foret contrarius, videturque cum Lumbier sentire Dominicus *Viva hic num.*

PROPOSITIO LX.

129. *Pœnitenti habenti consuetudinem peccandi contra Legem DEI, naturæ, aut Ecclesiæ, etsi emendationis nulla spes appareat, nec est neganda, nec differenda absolutio, dummodo ore proferat, se dolere, & proponere emendationem.*

DECLARATIO.

In hoc sacro Tribunali juxta communem Theologorum pœnitens dicitur accusator simul reus, & testis; unde, quia Judex allegatis reo in sui favorem testibus fidem habere debet exinde Joannes Sanctius apud Arriaga *Disp. 3. de Pœnit. num. 29.* intulit, quod à fortiori Confessarius Pœnitenti habenti consuetudinem peccandi debeat credere, nimirum quod *vere dolere & serium habeat propositum* emendandi vitæ suam, si ille ita asserat, seu ore proferat: etenim juxta S. Thomam *Quod. Lib. 1. Art. 12.* in Pœnitentiæ creditur homini pro se, & contra se. Supposito ergo, quod Confessarius Pœnitenti teneatur sic credere, pariter obligatur

lem absolvere; cum omnis sufficienter dispositus jus habeat ad absolutionem. Ita in substantia Joannes Sanctius. Sed *contra est*, quod, etsi in hoc Sacro Tribunali Judex, seu Confessarius Reo loquenti pro se ipso, & agenti testem in causa propria, teneatur credere, si non adsint aliqua signa, quæ in hac materia valorem actus concernente, prudenter dubium reddunt Confessarium, utrum pœnitens nimirum habeat omnia ad valorem absolutionis requisita, nec ne? Secus tamen dicendum, si talia signa, ex una parte adsint, ex altera vero prudenter judicetur, per suspensionem absolutionis ad tempus magis solidari firmitatem propositi, deque eodem magis certificari Confessarium ex subsequenter effectibus. Accedit, quod Confessarius juxta Theologos non solum sit *Judex*, verum etiam *Medicus*, cujus officium est curare vulnera præsens, & impedire futura, id est, non solum invigilare, ut efficax habeatur detestatio peccatorum de præsenti, sed ut quoque in executione sequatur emendatio actualis in futurum, prout pariter juxta Concil. Trident. Sess. 14. de Pœnitent. cap. 8. in hunc ipsum finem injungitur satisfactio: nimirum ad castigationem præteritorum, & simul ad novam vitæ custodiam, & infirmitatis medicamentum. Vide Reiffenstuel, Tract. 14. Dist. 8. n. 48 & seqq.

130. Cæterum, ne aliqui Juvenes Confessarii, non recte dicta intelligentes, in errorem deducantur, passim consuetudinarios, etiam illos, qui

qui non habent conjunctam simul aliquam occasionem proximam extrinsecam, absque absolutione dimittentes, antequam aliquoties tentarint per præscripta remedia, utrum forsan non subsistat spes emendationis: ne (inquam) similes in errorem deducantur, sequens Doctrina aliquantulum fufius proponitur, bene notanda; nimirum, quod efficacia doloris, vel propositi neūtiqum consistat in aliquo iudicio de futura ipsius propositi continuatione, sed potius in seria voluntate actuali existente de præfenti, tempore nimirum confessionis; unde juxta communem Theologorum potest stare firmitas propositi cum credulitate relapsus, id est, E. G. Petrus de præfenti potest habere in confessionali voluntatem non peccandi graviter ita firmam, ut, si hic & nunc præfens foret prior tentatio, vel occasio, persistente adhuc hac voluntate per Divinam gratiam non peccaret graviter; quamvis cæteroquin tantumquam incertus, quamdiu in futurum hæc præfens voluntas efficax sit duratura, relapsum timere possit: Et licet in simili casu, ne fiat pusillanimis in resistendo temptationibus, vel omnino desperet, sit erigendus à Confessario in spem firmam adiutorii Divini, dummodo etiam sua addere velit; hoc tamen non obstante, si pœnitens respondeat, se habere quidem nunc firmam voluntatem assumendi remedia: considerata tamen sua fragilitate ex iam expertis adhuc non posse ex integro hunc suum repellere timorem, exinde præfatus timor de futuro non excludet firmitatem propositi de præfenti. Quod si ergo timor, vel credulitas de

relapsu non impedit firmitatem propositi, si se teneat ex parte pœnitentis, multo minus impedire censetur, si se teneat hic timor, aut credulitas de opposito ex parte Confessarii; & consequenter præcise per hoc, quod timeat Confessarius relapsu sui pœnitentis, non debet ipsi propterea illico denegare absolutionem, dummodo habeat peccator serium propositum in præsentis; ubi propositio damnata voluit juxta jam dicta, semper id à Confessario præsumi debere, quotiescumque pœnitens sic dicit: quæ tamen opinio fuit reprobata in iis circumstantiis, in quibus Confessarius ex aliis gravibus rationibus sive omnino credit contrarium etiam quoad efficaciam propositi de præsentis, aut saltem prudenter dubitat, utrum dicta pœnitentis in re ipsa ita subsistant, uti ait, vel potius amor proprius, & excæcatum exinde pœnitentis judicium taliter suggererint? Quibus stantibus tum *qua Judex* ut ex ipsis effectibus se magis certificet de firmitate propositi præsentis, tum *qua Medicus*, ut præcaveat ipsis de actualibus peccatis pro futuro, poterit ad tempus suspendere absolutionem, si spes sit futuræ emendationis, nec interea immineat periculum mortis.

131. Quæres I. Quænam sint illa signa, ob quæ Confessarius vel asserto Consuetudinarii non credere, vel saltem prudenter de efficaci dolore, & serio proposito ejusdem dubitare, sicque absolutionem ad tempus suspendere possit, quamvis ille ore proferat, se habere verum dolorem
P. Anac. Reiffenst. Theol. Suppl. M m cum

cum serio proposito? Respondeo, maxima hic opus esse Confessariis circumspectione, ne in nimium rigorem, vel in excessivam laxitatem declinent: in *rigorem* quidem, dum nimium sunt proni ad suspensionem absolutionis, sicque multos gratia Sacramentali, vel remissione peccatorum in indulgentiis alias obtinenda injuste privant, qui coram oculis Divinae Majestatis fuissent absolutionis omnino capaces. In *laxitatem* vero, dum omnes indiscriminatim absolvent, dummodo ore proferant, *se firmum habere propositum*: ubi, si subinde saltem apud aliquos suspenderent ad breve tempus absolutionem, mirum fructum emendationis actualis reportassent.

Quare sequentes regulæ singulariter præ oculis sunt habendæ. I. Frequens relapsus non semper est signum inefficacis doloris, aut propositi, alias enim vix habentibus ordinarie sola peccata venalia, in quæ sæpe post Confessionem relabuntur: verum quidem est, quod frequens relapsus semper sit signum inconstantis, & mutabilis voluntatis; non tamen semper inefficacis doloris vel propositi antecedentis. Vide de hoc La Croix *Lib. 6. Part. 2. num. 1731.* ubi etiam explicat nonnullos SS. PP. qui apparenter videntur contrarii. II. Tunc frequens relapsus est signum valde probabile inefficacis doloris & propositi, quando ab experientia habetur, quod talis consuetudinarius in re tam ardua vix ullam habeat curam præscripta exequendi remedia; hincque sæpe cum iisdem specie, & numero peccatis, quin etiam multiplicatis redeat.

deat. Nonnulli Practici apud Sporer *Part. 3. Theol. Sacrament. cap. 2. num. 332.* cum eadem specie, & cum eodem, imo majori numero ter, vel quater absque ullo conatu emendationis redeuntes dimiserunt ad tempus absque aliqua Sacramentali absolutione, nisi in ultima Confessione specialia, qualia antea nunquam ostenderunt, exhibuerint doloris &c. indicia: Pater Sporer autem *loc. cit.* id non practicavit, nisi post sex, vel octo Confessiones sine ulla emendatione peractas. III. Signa pro spe securæ emendationis enumerantur inter alia a Claudio La Croix *loc. cit. num. 1821.* sequentia: si poenitens à Confessione facta rarius, vel difficilius peccarit: si sæpius sibi vim fecerit contra tentationem: si adhibuerit remedia præscripta contra relapsum: si ex professo ad Confessarium accesserit, quem putat suggesturum efficaciora remedia: si offerat se sincere ad priora remedia serius, ac studiosius adhibenda &c. IV. Semper mitius agendum cum peccatore relapso propter habitus malos ante contractos, quos statim nequit deponere, quam cum alio habente occasionem proximam extrinsecam.

132. Quæres II. Quid agendum sit Confessario cum consuetudinariis in periculo mortis constitutis, vel aliis, nisi absolvantur, in barathrum desperationis sese præcipitantibus, eundo de vicio in vitium, ut vel sic abyssus abyssum invocet? Respond. I. Si talis poenitens sit constitutus in periculo mortis, tunc si ex gravibus rationibus

Confessarius prudenter dubitat de efficacia doloris, vel de firmitate propositi in praesenti, debet ipsum absolvere conditionate; quia dubitaretur de aliquo respiciente valorem actus, & ceteroquin in simili casu ob periculum mortis suspensio Absolutionis summum posset poenitenti afferre dampnum. Respond. II. Si talis consuetudinarius necdum morti proximus ex specialibus gravibus circumstantiis prudenter timeatur ex denegata absolutione deterior futurus; tunc vel Confessarius dubitat de ipsa firmitate, & efficacia propositi praesentis, vel praecise de continuatione propositi in futurum? Si primum: meo iudicio recte agat talis Confessarius, si eundem conditionate absolvat; quia utique melius est, eundem conditionate, & sic absque periculo irreverentiae exhibendae Sacramento, absolvere, quam per denegatam absolutionem in Barathrum desperationis cum multiplicatione peccatorum praecipitare? Si vero Confessarius praecise dubitet de continuatione propositi in futurum, tunc iterum imprudenter huius denegaret absolutionem: Nam quatenus est iudex, potius respicere debet ad propositum praesens, quod si videret absolute validum, absolute in praesenti casu absolvat? Si dubium, conditionate. Econtra vero qua Medicus imprudenter adhiberet pro praeservativo remedium illud, quod praevidet, hic & nunc potius obesse, quam pro futurum.

133. Quæres III. Quid sentiendum sit de Consuetudinariis illis, qui quidem ordinarie ad Con-

Confessionale mera afferunt peccata venialia? In quæ tamen frequenter iterum relabuntur. Resp. I. Si hi fuerint homines tepidi, qui, dummodo non relabantur in aperte mortalia, cæteroquin de venialibus vitandis nullam curam habent, soliti sæpe potius propter hanc vel illam festivitatem, quam ex fine emendandi confiteri, circa tales consuetudinarios Confessarii justam habent causam timendi de inefficacia doloris, ac propositi; quamvis in dicenda juxta formulam jam assuetam sua culpa similes pœnitentes ore proferant, se dolere de peccatis suis cum firmo proposito; ita ut facile contingere possit, quod tales consuetudinarii cum venialibus confessionale intrent, & cum mortali Sacrilegio exeant. Ratio est, quia ad valorem Sacramenti Pœnitentiæ absolute requiritur efficax dolor cum serio proposito saltem virtualiter in dolore efficaci incluso. Resp. II. Quoad alios consuetudinarios circa peccata venialia Confessario, ut se ab anxietate de invalida absolutione eximere valeat, sequentia pro praxi deservire possunt. *In primis*, quod, si firmitas propositi possit stare cum credulitate relapsus quoad mortalia, multo magis quoad venialia, utpote in quæ ob fragilitatem humanam quis citius, & facilius labitur, quam in mortalia. *Secundo*, quod in venialibus peccatis non requiratur ad valorem Sacramenti dolor, ac propositum efficax ex motivo universali, & de qualibet specie illorum, sed sufficiens sit particulare, & de hac specie &c. *tertio*, quod etiam intra unicam speciem peccati venialis sufficiat, si quis doleat præcise de tanto

numero, ac proinde proponat præcise ipsam frequentiam emendare; quamvis non quælibet individua intra eandem speciem. *Quarto*, quod prudentiores pro majori securitate efficaciarum doloris, & firmitatis sui propositi soleant in genere omnia sua peccata in aliis Confessionibus jam detecta includere, & ad ea quoque dolorem suum cum proposito extendere; item eundem adhuc firmitus ad peccata venialia; quæ contingunt ex malitia, quam quæ ex mera humana fragilitate; plus ad proximiora peccatis mortalibus, quam ad remotiora; magis ad delibenterata, quam semideliberata dirigere. Videantur *Sporer Part. 3. Theolog. Sacramentalis Cap. 2. Sect. 4. Qu. 2. §. 4. num. 334. ac seq. La Croix Lib. 6 Part. 2 num. 683. Item num. 902. usque ad num. 915. Bosco Tract. de Pœnitentia num. 245. & seqq. pluresque alii.*

134. *Corollarium:* Circa relapsos in peccata venialia, & nunc, dum infirmi morti sunt proximi, quoad firmitatem propositi anxios ponitur sequens notabilis Casus. Petrus Religiosus ex humana fragilitate sæpius in peccatis venialibus recidivus, nunc vero in periculo mortis constitutus optaret ante mortem adhuc lucrari perfecte, ac integre per confessionem suam E. G. tempore Portiunculæ indulgentias plenarias, ut absque pœnis purgatorii ad DEUM Salvatorem suum recta posset venire; at ex parte factus pusillanimis ita secum discurret: Scio ex una parte, quod indulgentiæ plenariæ non obtineantur;

tur, nisi quis præter efficacem dolorem sibi proponat omnia etiam levissima ac semideliberata peccata evitare; ex altera vero parte moraliter prorsus sum certus quod supervicturus iterum relabar; quoniam etiam justus septies in die cadit, & juxta Concil. Trident. Sess. 6. de justificat. Can. 23. nemo potest cavere omnia peccata sine extraordinario aliquo Privilegio DEI rarissime concessio, quodque nemo sibi spondere potest; quomodo ergo possum elicere vere efficacem, & serium propositum evitandi omnia peccata venialia, sique lucrari indulgentias plenarias? Respondeo in primis, tali suadendum esse, ut suum propositum vitandi omnia venialia principaliter dirigat ad quædam certa, & deliberata &c. uti dictum numero superiori. Secundo poterit ipsi à Confessario proponi doctrina Patris La Croix Lib. 6. Part. 2. num. 908. nimirum sufficere, quod suum propositum sit efficaciter *affectivum*, etsi non sit efficaciter *effectivum*, id est, quod de præsentibus hoc actualiter existens propositum sit incomponibile cum omni peccato, quamdiu illud durabit; quamvis jam prævideatur, quod, si supervivat, hæc seria voluntas non semper sit permanens. Et quis hunc actum similis Religiosi improbabit, si ita diceret: Domine DEUS, habeo voluntatem seriam omnia peccata etiam minima venialia evitandi, ita, ut si nunc occurreret occasio quodpiam perpetrandi, nollem: optime tamen nosco ex Concilio Tridentino, quod moraliter certo hæc mea seria voluntas non sit semper duratura, si supervixerò. Opto igitur citius mori, quam

*illud in vita superstes attingere momentum, quo prae-
vides me relapsurum fore, si adhuc viverem.*

PROPOSITIONES LXI. LXII.
& LXIII.

135. LXI. *Potest aliquando absolvi, qui in
proxima occasione peccandi versatur, quam potest.
& non vult omittere, quinimo directe, & ex pro-
posito querit, aut ei se ingerit.*

LXII. *Proxima occasio peccandi non est fru-
gienda, quando causa aliqua utilis & honesta non
fugiendi occurrit.*

LXIII. *Licetum est querere directe occasionem
proximam peccandi pro bono spirituali, vel tempo-
rali nostro, vel proximi.*

DECLARATIO.

Jam praecedenter agendo de Thesis ab Ale-
xandro VII. reprobatis haec materia propositione
ordine 41. examini subjecta, & ad trutinam Theor-
logicam appensa fuit; ubi ulterior explicatio in-
venietur, uti etiam apud Reiffenstuel, *Tract. 140
Dist. 8. Quest. 4.*

PRO-

PROPOSITIO LXIV.

136. Absolutionis capax est homo, quantumvis laboret ignorantia Mysteriorum fidei, & etiamsi per negligentiam culpabilem nesciat Mysterium Sanctissimæ Trinitatis, & Incarnationis Domini nostri Iesu Christi.

DECLARATIO.

Absolvendum non esse illum, qui vincibiliter vel etiam invincibiliter ignorat, quod *Deus sit*, & quod *accedentibus ad se remunerator sit*, nemini est dubium, cum hæc duo apud adultos rationis capaces sint necessario credenda necessitate Medii; econtra vero quoniam Mysteria SS. Trinitatis & Incarnationis juxta quamplures Doctores tantummodo sunt necessario credenda necessitate præcepti, videtur de his mitius sentiendum, ac tales absolute absolvendi, præsertim si ob copiam conscientium desit tempus memoratos ignorantes, & de sua inscitia dolentes ante absolutionem instruendi. Sed *contra est*, quod etsi valde probabile sit, allegata Mysteria esse tantum necessaria necessitate præcepti; attamen etiam sententia adstruens contrarium apud Reiffenstuel *Tract. 2. Dist. 2. n. 17.* pariter est valde probabilis, unde sic absolvens exponeret Sacramentum periculo invaliditatis quod juxta dicta propositione I. non licet.

137. Quares, quid ergo agendum sit Confessario, si in confessionali deprehendat pueros, vel alias rudes laborare ignorantia circa principalia Mysteria fidei SS. Trinitatis, & Incarnationis Dominicæ, qui tamen serio promittunt, quod velint ea proxime addiscere, sicque ignorantiam suam deponere? Ante responsionem suppono, quod tales absolvi non possent, si laborarent ignorantia vincibili, & nollent eam, quam possent, deponere; uti per se patet; cum tales forent in actuali voluntate peccatum suum continuandi; sicque incapaces absolutionis. Quod si autem serio adpromittant, se velle proxime hanc ignorantiam deponere, de qua nunc sincere dolent, quæstio adhuc remanet: Ad quam Respond. I. Extra articulum mortis neque tales esse absolvendos, antequam eosdem Confessarius breviter pro modulo & capacitate pœnitentium instruat de Mysterio SS. *Trinitatis & Incarnationis*. Ratio est; quia juxta dicta præcedentia saltem probabile est, hæc duo Mysteria esse necessario credenda necessitate medii; sicque absolvendo absque aliqua prævia instructione, Sacramentum Pœnitentiæ exponeretur periculo probabili invaliditatis. Respond. II. Si tales pœnitentes de suis peccatis omnibus, sicque virtualiter saltem etiam de hac ignorantia vincibili (supposito, quod fuerit talis) doleant; nec tamen ob periculum imminentis mortis amplius instrui queant, absolvi debent, non quidem absolute, ob probabilitatem sententiæ, fidem SS. Trinitatis, & Incarnationis defendentis necessariam necessitate medii: bene tamen adhuc conditionate, cum sic ex una parte

parte talis absolutio non obsit reverentiæ Sacramenti, ex altera vero eadem morti proximus summe videatur indigere. Ita cum Cardena P. Dominicus Viva hic n. 9. contra Matthæuccium in cautela Confessarii, qui ultimus, scribens in istam propositionem n. 10. nimis rigide pronuntiat, talem peccatorem ne quidem conditionate posse absolvi, addens, contrariam doctrinam sub propositione damnata comprehendi. Sed contra est, quod sententia, defendens notitiam Mysteriorum SS. Trinitatis & Incarnationis esse tantummodo necessariam necessitate præcepti, sit adhuc vere probabilis: si ergo in materia etiam tenuiter tantum probabiliter possum in summa necessitate conditionate baptizare, & dato signo tantum tenuiter probabiliter alicujus doloris sensibilis conditionate absolvere, cur non æque laboranti ignorantia dictorum Mysteriorum potero in tali mortis periculo impertiri absolutionem conditionate, si is doleat de suis peccatis cum proposito, & deficiat tempus in his punctis ipsum ulterius instruendi? Vide Reiffenst. *loc. cit.* n. 24. & Viva hic.

PROPOSITIO LXV.

138. *Sufficit illa Mysteria semel credidisse.*

DECLARATIO.

Obligationem sæpius in vita eliciendi actum fidei jam superius ostendimus, scribendo in pro-

po-

positionem inter damnatas ab Alexandro VII. ordine primam. Quoniam autem Sanctissima Myſteria SS. Trinitatis, & Incarnationis sunt principalia, per quæ à Judæis, & Mahometanis distincti agnoscamur, merito hæc fides principaliter ad ea sese debet extendere: nec puto in hoc præctice esse difficultatem: dum enim nos sapius signo crucis munimus, & imaginem Crucifixi in templis, vel alibi repræsentatam aspiciamus, quis credat, quod non subinde saltem exerceite circa Myſteria repræsentata aliquem actum fidei pro modulo capacitatis eliciamus?

§. VII.

139. Decretum I. Alexandri VIII. Circa duas Propositiones de Peccato Morali, legi potest in principio Tomi primi.

§. VIII.

Prædictæ due Propositiones explanantur.

PROPOSITIO I.

140. Bonitas objectiva consistit in convenientia objecti cum natura rationali: formalis vero in conformitate actus cum regula morum: ad hoc sufficit, ut actus moralis tendat in finem ultimum interpretative: HUNC homo non tenetur amare, neque in principio, neque in decursu vite sue moralis.

DECLARATIO.

Thesis ista ab Alexandro VIII. rejecta, jam fuit explicata superius, agendo de prima propositione damnata ab Alexandro VII. Ubi nota, istam propositionem esse propter ultima ejus verba propterea reprobata: quia tenuit, HUNC finem ultimum non debere necessario amari, nec in principio, nec in decursu vitæ, quæ propositio non solum ab Alexandro VII. sed etiam Innocentio XI. ordine 5. & 6. anathemate jam antea fuerat confixa, prout propterea Alexander VIII. lamentatur in præfatione, unam ex præfatis duabus propositionibus NB. resuscitari in majorem fidelium perniciem.

PROPOSITIO II.

141. Peccatum Philosophicum, seu morale est actus humanus disconveniens naturæ rationali, & rectæ rationi, Theologicum vero & mortale, est transgressio libera Divinæ Legis. Philosophicum quantumvis grave, in illo, qui DEUM vel ignorat, vel de DEO actu non cogitat, est grave peccatum, sed non est offensa DEI, neque peccatum mortale dissolvens amicitiam DEI, neque æterna pœna dignum.

DECLARATIO.

Hæc videri poterit vel apud Reiffenstuel, Tract. 3. Dist. 1. post num. 2. in Additione, vel apud Viva hic.

§. IX.

142. Decretum II. Alexandri VIII. damnans
31. Propositiones, maxime circa Sacramentum Pœnitentiae, legere est in principio Tomi primi.

§. X.

Predictæ 31. Propositiones declarantur.

PROPOSITIO I.

143. In statu naturæ lapsæ ad peccatum mortale; & ad demeritum sufficit illa libertas, qua voluntarium, ac liberum fuit in causa sua peccato originali, & voluntate Adami peccantis.

DECLARATIO.

Docuerunt Lutherus, & Calvinus, libertatem indifferentiæ, qua positis omnibus requisitis potest quis agere, vel non agere &c. post Adæ peccatum esse extinctam, & nihilominus actionem aliquam malam imputari ad peccatum; quia (inquirebant asseclæ priorum Michael Bajus conformiter propositionibus damnatis 65. 66. & 67. ac Jansenius juxta propositionem ex damnatis ordine tertiam) ad peccandum sufficit libertas à coactione, ita ut quis

quis aliunde per extraneos non cogatur, sed eligat malum per suam propriam potentiam volitivam: non autem exigatur libertas à necessitate, seu libertas indifferentiæ superius explicata, quæ excluderet necessitatem peccandi. Sententia ista tam à Concilio Trident. *Sess. 6. Can. 5. & 6.* quam à Summis Pontificibus Pio V. Gregorio XIII. Innocentio X. & Alexandro VII. fuit rejecta sub fulmine excommunicationis: Rationes rejiciendi fusius inveniuntur apud Controversistas. Ut autem hoc fulmen excommunicationis saltem apparenter in foro externo evadant, subintroierunt alii, concedentes quidem requiri ad merendum vel demerendum aliquam libertatem indifferentiæ, non tamen formalem, sed virtuales in sua causa, quam causam taliter declarant, ut pro eadem assignent peccatum originale, & libertatem Adami; sed plane hæc libertas indifferentiæ, prout ab his Auctoribus explicatur, non excludit necessitatem ex parte operantis; cum juxta hanc explicationem etiam motus indeliberati voluntatis provenientes ex concupiscentia, & actus cum ignorantia invincibili exerciti forent nihilominus peccaminosi, utpote procedentes ex potentia volitiva; cujus ignorantia, & concupiscentiæ non raro causa est ipsum peccatum originale, utpote per quod intellectus noster magis obæcatus fuit, & fomes peccati ortum traxit. Sicque hæc sententia tantum in Verbis differt à Doctrina Calvini, Baji, Jansenii, & hinc merito fuit pariter rejecta ab Alexandro VIII. Vide *Cap. II. & III.* ubi plura circa præsentem materiam invenies.

PROPOSITIO II.

144. *Tametsi detur ignorantia invicibilis juris nature, hæc in statu nature lapsæ operantem ex ipsa non excusat à peccato formali.*

DECLARATIO.

Cum nihil libere sit volitum, quin præcognitum, non poterit operatio censeri libera libertate indifferentiæ sicque imputabilis ad demeritum, quando invincibiliter, seu inculpabiliter ignoratur malitia actus; hincque merito Doctrina illa, quæ voluit, posse peccatum personale stare cum ignorantia invicibili, fuit rejecta, ex quo ipso fundamento fuit damnata propositio ordine 68. Michælis Baji, taliter sonans: *Infidelitas pure negatus in iis, quibus Christus non est predicatus, peccatum est.* Vide dicta præcedentia.

PROPOSITIO III.

145. *Non licet sequi opinionem vel inter probabiles probabilissimam.*

DECLARATIO.

Sinichius, & alii Tutorismi Sectatores errorem hunc ex principiis Jansenii desumpserunt,

runt, quo via ad salutem ob moralem impossibilitatem amplectendi semper tutissimum omnino intercluditur, uti recte advertit Viva hic. Et quid exinde sequitur? quærit Sabinus Bononien-
 sis in istam propositionem, sibiquemetipsi taliter respondet: *Experientia demonstrat, quod sequatur ruina, & perniciēs debiliū, qui nimio pressu onere onus ipsum excutiant, dicentes viam Mandatorum DEI, & Ecclesiæ esse impossibilem gressibus humanis, onus, & jugum Christi tali modo esse intolerabile, sicque desperantes se vitiis, & libertati omnimode committunt; ubi consequenter hos nimia severitas perdit, quos temperata lenitas servasset.* Ex communissimo Theologorum etiam rigidiorum consensu saltem in materia honestatis, qui juxta probabiliorem operantur, prudenter operantur. Quomodo ergo contra communissimam docentes contrarium, & exinde quamplures facientes perplexos possunt secure sibi met-
 ipsi persuadere, quod sic docendo, & aggravando suave jugum Christi quoad propriam conscientiam tutius agant? aliud est NB. *tutiora sequi, aliud, quod semper ad tutiora obligemur.* Et quomodo tali modo Thomistæ castra Angelici, & Scotistæ Doctoris subtilis, in multis Divo Thomæ contrarii, sequi possent? quomodo Milites, à fortiori Belliduces pugnare valerent? cum, etsi fundamenta pro suo Rege Ipsi appareant validiora, sapius tamen nec isti de justitia belli, nec illi de veritate suæ Sententiæ ita certi sint, ut fundamenta alterius partis ipsis ne-
P. Anac. Reiffenst. Theol. Supplem. Nn que

que amplius ullatenus probabilia appareant? Vid.
 Reiffenstuel *Tract. 1. Dist. 3. num. 50. &c.*

PROPOSITIO IV.

146. *Dedit semetipsum pro nobis oblationem
 DEO. non solis Electis, sed pro omnibus &c. so-
 lis fidelibus.*

DECLARATIO.

Non solum Calvinus, verum etiam Jansenius
 negarunt, Christum esse mortuum pro reprobis;
 cum hac tamen distinctione, quod prior etiam
 neget, quæcunque beneficia, ac dona supernatur-
 alia conferri reprobis ex meritis Christi. Econ-
 tra vero Jansenius ipsis multa beneficia superna-
 turalia ex meritis Christi concedit, sicque in hoc
 sensu Christum esse mortuum pro reprobis ade-
 mittit, non tamen pro æterna illorum Salute.
 Ambo rejeſti sunt à Summis Pontificibus; ut
 autem hanc damnationem eludant, sub introie-
 runt alii admittentes quidem, Christum etiam
 mortuum pro reprobis; ast pro solis fidelibus,
 non tamen pro infidelibus reprobis, hincque sub-
 junxerunt aliam sequentis tenoris.

PROPOSITIO V.

147. *Pagani, Judei, Hæretici, alique hujus
 generis nullum omnino accipiunt à JESU Christo
 influxum, adeoque hinc recte inferes, in illis esse
 vo-*

*voluntatem nudam, & inermem sine omni gratia
sufficienti.*

DECLARATIO.

Hæc propositio merito, uti & prior, in qua fundatur, rejecta fuit: DEUS enim illuminat omnem hominem venientem in hunc mundum. Joan. 1. qui & pro omnibus mortuus est 2. Corinth. cap. 5. & dedit redemptionem semetipsum pro omnibus. 1. ad Timoth. cap. 2. v. 6. Estque propitiatio pro peccatis nostris, non pro nostris autem tantum, sed etiam pro totius mundi. 1. Joan. cap. 2. Videantur dicta circa Calvinum, Cap. 11. & circa Jansenium Cap. 111.

PROPOSITIO VI.

148. Gratia sufficiens statui nostro non tam utilis, quam perniciosa est, sic, ut proinde merito possimus petere: à gratia sufficiente, libera nos Domine.

DECLARATIO.

Jansenius statim in prima ex suis quinque propositionibus damnatis non solum gratiam sufficientem in statu naturæ lapsæ negavit in ordine ad certa præcepta; sed & in subsequentibus docuit, gratiam interiorē quācūque per Christum Salvatorem datam, esse unicā, efficacem, seu illam, cui nunquam resistitur. Novatores

alii equidem sufficientem absolute non negant; dicunt tamen, illam perniciosam, eo quod conjungatur semper cum omissione culpabili actus præcepti. Ast merito exinde damnantur. Absit enim à Christiano asserere, quod Christus Dominus, qui illuminat omnem hominem venientem in hunc mundum, nobis per suam sanctissimam mortem, & sacratissima merita quidpiam perniciosum procuraverit. Quod autem homines huic gratiæ non cooperentur, nullatenus DEO, sed propriæ malitiæ ascribendum est. Certe etiam in ordine naturali est beneficium neutiquam perniciosum habere oculos: sibi autem imputet, qui claudendo palpebras noluerit iis uti ad videndum &c.

PROPOSITIO VII.

149. *Omnis humana actio deliberata est DE I dilectio, vel mundi; si Dei, Charitas Patris est: si mundi, Concupiscentia Carnis, hoc est, mala est.*

DECLARATIO.

Per dictam propositionem Joannis Sinichii, & Macarii Havermans, ac nonnullorum aliorum Lovaniensium resuscitatur error Michaëlis Baji à S. Pio V. & Gregorio XIII. reprobatus per damnationem propositionis trigessimæ octavæ, quæ sic sonabat: *Omnis caro creatura rationalis aut vitiosa est cupiditas, qua mundus diligitur &c. aut laudabilis illa Charitas, qua per Spiritum Sanctum*
in

in corde diffusa Deus amatur. Vide de hoc plura propositione sequenti, atque undecima. Et quis dicet, Ethnicos Principes, qui plura in Jure Civili statuerunt ex motivo, ut suum cuique tribuerent, exinde male fecisse?

PROPOSITIO VIII.

150. Necessè est infidelem in omni opere peccare.

DECLARATIO.

Denuo hæc doctrina videtur jam damnata antecedenter, quando propositio Michaëlis Baji ordine vigesima quinta proscripta fuit sequentis tenoris, *Omnia opera infidelium sunt peccata, & virtutes Philosophorum sunt vitia.* Quinimo etiam prius rejecta fuit per Concilium Trid. anathematizans Sess. 6. Can. 7. illum, *quid dixerit opera omnia, quæ ante justificationem sunt, quacunque ratione facta sint, vere esse peccata.* Et quis tenebit, esse peccatum, si infidelis misericordia motus pauperi dederit Eleemosynam, cum tamen ipsemet Nabuchodonosor *Danielis cap. 4.* fuerit admonitus, ut peccata sua Eleemosynis redimat?

PROPOSITIO IX.

151. Revera peccat, qui odio habet peccatum n. ere ob ejus turpitudinem, & disconven-

tiam cum natura, sine ullo ad DEUM offensum respectu.

DECLARATIO.

Turpitudine alicujus peccati dupliciter ab homine potest considerari; nimirum, vel prout ea idem est, ac disconvenientia cum creatura rationali; vel aliter, prout nimirum est difformitas ad Legem, quo modo consideratur, si quis in Sacramento Pœnitentiæ doleat de turpitudine peccati. Si stante prima cognitione, turpitudine illa adhuc committitur, vocatur *peccatum Philosophicum*; in secunda autem consideratione, si nihilominus perpetratur, *peccatum Theologicum*, quatenus nimirum cognitio difformitatis ad Legem eo ipso involvit simul saltem confusam aliquam cognitionem Ipsius Legislatoris per transgressionem Legis offensi. Et quamvis (uti eruitur ex dictis §. præcedenti) quoad peccata contra naturam, ac intrinsece mala istæ duæ cognitiones, ordinarie saltem, concurrant; demus tamen casum, quod aliquis in sylvis enutritus saltem ad aliquale tempus possit habere ignorantiam invincibilem DEI, etiam tunc quando, ex puro lumine naturæ cognoscit, E. G. occisionem innocentis esse disconvenientem alicui creaturæ rationali, data hac hypothese, si talis ex hoc motivo evitet occisionem innocentis, hic utique vitando non committit peccatum; non *Philosophicum*, quia non contra, sed conformiter dictamini luminis naturalis

lis operatur, neque *Theologicum*; quia, uti supponitur in hypothesis, habet ignorantiam, & quidem invincibilem supremi Legislatoris offensi. Credo, quod docentes hanc damnatam propositionem, eandem, uti priores, desumpserint ex principiis Michaëlis Baji, volentis, omne, quod non ex amore DEI procedit, malum esse, uti pariter tenuit apud Dominicum Viva hic Calvinus in Antidot. ad Sess. 6. C. 25. dicens: *DEI iudicio nihil est sincerum, nec probum, nisi quod ex perfecto ejus amore manat.*

PROPOSITIO X.

152. *Intentio, qua quis detestatur malum, & prosequitur bonum, mere ut cœlestem obtineat gloriam, non est recta, nec DEO placens.*

DECLARATIO.

Sane obstupescendum, quod homines, qui volunt esse Catholici, similia docere audeant; cum tamen Concil. Trident. Sess. 6. Can. 31. rejecerit tale assertum ut hæreticum his verbis: *Si quis dixerit, justificatum peccare, dum intuitu æternæ mercedis operatur; anathema sit.* Ac præterea Regius Psalter Ps. 118. expresse exclamat ad DEum: *Inclinavi cor meum ad faciendas justificationes tuas in æternum NB. propter retributionem.*

PROPOSITIO XI.

153. *Omne, quod non est ex fide Christiana supernaturali, quæ per dilectionem operatur, peccatum est.*

DECLARATIO.

Uti bene notat Dominic. Viva hic: ex deliramento Michaëlis Baji superius jam allegato, & refutato (quod scilicet inter charitatem & iniquitatem nihil mediet,) denuo descendit hæc Thesis confixa, quod videlicet peccaminosæ sint nostræ operationes, si non procedant ex fide supernaturali, quæ per dilectionem operatur. Vide dicta Proposit. VII. atque Proposit. VIII. & dicenda Proposit. XIII. ac seq.

PROPOSITIO XII.

154. *Quando in magnis peccatoribus deficit omnis amor, deficit etiam fides, etiamsi videantur credere, non est fides Divina, sed humana.*

DECLARATIO.

Assertum errorem jam proscripserat Concilium Trident. Sess. 6. cap. 15. ubi docet, fidem insulam non amitti per quodvis mortale (sicut tamen amittitur gratia,) sed per peccatum infidelitatis: tum Can. 28. in quo ponit sequentia: *Si quis dixerit, amissa per peccatum gratia simul & fidem semper*

per amitti &c. aut eum, qui NB. fidem sine charitate habet, non esse Christianum; anathema sit. Accedit Auctoritas Divi Pauli in peccatore fidem sine charitate subsistere posse agnoscentis, dum ait 1. Cor. c. 13. Si habuero NB. omnem fidem, Charitatem autem non habuero, nihil sum. Ubi utique agnoscit fidem sine Charitate posse dari.

PROPOSITIO XIII.

155. Quisquis etiam eterne mercedis intuitu DEO famulatur, Charitate si caruerit, vitio non caret, quoties intuitu solius beatitudinis operatur.

DECLARATIO.

Quam iuste hæc propositio fuerit damnata, equidem jam superius, num. 155. Propositione X. ostensum fuit quorsum etiam finaliter Lector remittitur; interim tamen pro majori claritate circa præsentem, & duas subsequentes propositiones adhuc sequentia occurrunt advertenda.

156. Primo notandum, quod vera virtus, quatenus ab altera distincta, habeat objectum formale aliud, ac prior: nam habitus ab actibus, & actus specificantur ab objectis, potestque in virtutibus in medio consistentibus peccari vel per excessum, vel per defectum contra eandem virtutem, E. G. contra virtutem liberalitatis per excessum peccatur prodigalitate, per defectum avaritia.

157. *Secundo* notandum, quod unica virtus possit habere ex unico, eodemque motivo formali distinctos actus: nimirum prosecutivos sui boni, & averfativos mali, quatenus oppositi huic bono: sic castitas prosequendo bonum elicit actus Castitatis, per aversionem autem detestatur actus impudicitiae: Sic etiam, ut proximius accedamus ad nostrum intentum, Charitas tanquam virtus suprema Theologica actibus amoris prosequitur DEum ut summum ac infinite bonum in se: & actibus averfativis detestatur peccatum, quatenus malum offensivum hujus summi Boni infiniti in se, qui actus detestativi etiam contritio perfecta vocari solent.

158. *Tertio* notandum, tam ex Concilio Trid. quam communi Catholicorum sensu, quod Fides, Spes, & Charitas sint tres verae virtutes Theologicae ad invicem inter se distinctae, & sic habentes distincta ab invicem objecta, seu motiva formalia: nam fidei motivum formale est *DEus summe verax in dicendo*; Virtutis Spei *DEus* supernaturaliter lumine praevio fidei cognitus, *quatenus nobis summe bonus*; Charitatis, *DEus quatenus infinite bonus in se*. Sicut autem juxta praecedens notatum quoad virtutem charitatis prosequor infinitum bonum in se, & detestor peccatum grave quatenus oppositum huic infinito bono in se, ita pariter quoad virtutem spei desidero possessionem DEI per visionem, & fruitionem beatificam mihi summe boni, & detestor peccatum grave, ac poenas gehennae exinde promeritas, quatenus sunt opposita, & impeditiva hujus summi boni alias possidendi.

159. Quarto notandum, quod cujuslibet virtutis qua talis motivum, formale, ac specificativum debeat esse bonum, & honestum in se; alias enim si objectum est indifferens, pariter actus circa objectum elicitus erit indifferens, nisi aliunde ex altiori fine extrinseco, V. G. ex amore DEI juxta Consilium Divi Pauli imperetur, atque sic eleve- tur: quod si ergo objectum aliquod fuerit bonum, ac honestum in se, etiam actus tendens in illud objectum erit bonus, & honestus in se, nisi circumstantiis extrinsecis per accidens vitietur. E. G. quia sublevare miseriam egeni est objectum honestum, & moraliter bonum in se, etiam elargitio elemosynæ facta ex dicto fine est actus bonus, & honestus in se: neque est necessarium ad contrahendum hanc bonitatem moralem, ut simul alia motiva extranea assumam, puta, ut dem elemosynam positive ex motivo charitatis, dummodo illa alia motiva positive non excludam.

160. Quinto notandum, exinde justissime fuisse damnatos Bajanistas, Jansenistas, & Quesnellianos, eo quod putaverint, nullum actum posse esse bonum, & honestum, nisi imperetur à suprema virtute Theologica nimirum charitate, quasi vero omnes alii actus forent vitiosi; cum tamen lumine fidei ex Sacra Scriptura cognoscatur, DEO alias quoque virtutes placere; cum etiam istæ habeant propria & ab invicem distincta objecta formalia moraliter bona.

161. His ergo prænotatis cum reliquarum virtutum actus sint in se ipsis boni, & honesti,

ac etiam suo modo meritorii, dummodo fuerint à gratia actuali, & lumine fidei directi, cur non æque poterit dici de virtute spei Theologicae? Et consequenter quo fundamento solido assertum, operari intuitu æternæ beatitudinis esse vitiosum? Volui hæc fusius proponere, quia meo iudicio ex istis prænotatis plurimum dependet recta intelligentia hujus, & sequentium duarum Thesium confixarum.

PROPOSITIO XIV.

162. *Timor gehennæ non est supernaturalis.*

DECLARATIO.

Illi, qui putarunt, timorem conceptum ex acerbitate poenarum esse vitiosum, eo ipso incurserunt, eundem non esse supernaturalem: ens enim supernaturale dicit aliquem ordinem, & respectum ad æternam gloriam, qualem utique nequit habere vitium. Quod autem timor gehennæ sit vitiosus, putarunt ex ea ratione, quia crediderunt, hunc timorem adhuc includere affectum ad peccatum, atque detestantem grave peccatum propter metum gehennæ taliter esse constitutum, ut adhuc peccatum continuaret, si gehenna non esset, sicut projiciens merces in mare ob periculum naufragii interne adhuc habet animum retinendi merces, si naufragium non foret, quo ultimo videatur Reiffenstuel, *Tract. 1. Theol. Moral. Dist. 1. num. 28. & seqq.* Sed contra est, quod

quod falsissimum dicatur, timorem gehennæ includere affectum adhuc peccandi, si gehenna non esset; cum enim lumine fidei bene cognoscatur, per affectum ad peccatum grave includi novum peccatum grave dignum de novo gehenna, talis salubriter detestans peccatum grave ex timore gehennæ alias subeundæ, ita est saltem interpretative, constitutus, ut ex timore gehennæ absolute nolit ultimum tale peccatum, quo gehennæ pœna incurritur. Contra vero projiciens merces in mare ad evitandum naufragium bene prævidet, internum affectum ad merces suo fini intento neutiquam obesse, modo in actu exercito merces projiciat in mare, ut navis suo pondere exoneretur, sicque censeretur ad merces affectum retinere. Quod si eodem modo ex circumstantiis specialibus pariter peccator retineret affectum ad peccandum, si gehenna non esset, haud dubie talis timor non esset honestus, & consequenter nec supernaturalis.

163. Ut hoc magis intelligatur, sciendum, quod in ordine ad propositum *duplex* sit timor, unus filialis, alter servilis. Filialis est, quo quis timet peccatum, quatenus est offensa DEI infinite boni in se, filiorum quippe est timere offensam Patris; atque hic timor ortum trahit à charitate. Timor servilis est, quo quis culpam fugit, ne peccatum subire cogatur: & hic est iterum duplex, nempe unus est servilis cum nulla inclusione affectus ad peccatum, seu, uti Dominicus Viva ait, materialiter servilis, alius vero formaliter talis, seu, uti alii loquuntur, serviliter servilis, id est, cum

cum inclusione affectus ad peccatum. Prius absolute, saltem virtualiter omne desiderium ad peccatum excludit, paratus interpretative aliter sibi aliud motivum detestandi peccatum, infernus non foret. Econtra vero posterior retinet adhuc desiderium saltem conditionatum ad peccatum. Hic ultimus timor, qui forsitan quoties intervenit apud consuetudinarios, & occasione proxima constitutos &c. reprobatur à sancto Augustino, & aliis SS. PP. non autem prius, qui potius originem habet à virtute spei, uti timor filialis à charitate, atque inculcatur, *Luc. cap. 12. v. 5.* ac alibi sæpius à Sacra Scriptura, nec non à Concilio Tridentino *Sess. 14. de Pœnitentia, cap. 3.* vocatur *donum DEI, & Spiritus Sancti impulsio*. Timere, ne quis mittatur in gehennam, est, & utilis est timor, inquit D. Augustinus in *Psal. 127.*

PROPOSITIO XV.

164. *Attritio, quæ gehennæ, & pœnarum metu concipitur, sine dilectione benevolentie DEI, proprie se non est bonus motus, ac supernaturalis.*

DECLARATIO.

Si timor gehennæ est bonus, & supernaturalis, eo ipso quoque dolor peccati ex eo timore gehennæ elicitus, erit pariter bonus, & supernaturalis; & hinc Carolus ab Assumptione

mine sc̃to *Philaleti* cum *Bajanis* & *Janfenistis* ut in suis absurditatibus consequenter loquatur, tam unum negavit, quam alterum, bene pr̃videns, si concesserit primum, debere quoque admitti secundum tanquam consecaneum. Quamplures autem ante damnationem hujus propositionis defenderunt, attritionem ex gehennæ, & pœnarum metu conceptam sine dilectione benevolentiã DEI propter se non esse bonam; quia vel crediderunt cum *Bajanistis* &c. nullam actum esse bonum absque *Charitate* DEI, vel quia putarunt, similem actum attritionis semper continere aliquem affectum ad peccatum, quod utrumque jam superius fuit reprobatum. Profecto capere satis nequeo, quomodo homines *Catholici*, qui summo Pontifici saltem cum Concilio generali, vel consensu universalis Ecclesiæ adscribunt infalibilitatem, talia propugnare audeant, cum Concilium Tridentinum, nempe *Sess. 14. de Pœnitent. cap. 4.* expresse doceat, quod attritio, quæ ex turpitudinis peccati consideratione, vel ex gehennæ, & pœnarum metu concipitur, non solum non faciat hominem magis hypocritam (uti voluit *Lutherus*) verum etiam ad DEI gratiam cum Sacramento disponat, sitque bonus motus, sine quo gratia in Sacramento non confertur. Quomodo autem malum potest disponere ad bonum? Item quomodo affectus ad peccatum est componibilis cum vero actu charitatis, ut conjunctim dissonant ad gratiam justificativam? Præterea quod fundamento ad excludendum in timore gehennæ affectum ad peccatum necessario requiritur actus cha-

charitatis? Quare non posset dictus affectus etiam excludi per actum spei, considerando, quod affectus ad peccatum sit impossibilis cum evitatione gehennæ, & consecutione beatitudinis æternæ?

165. Incidentaliter hic etiam ad illos Doctores Catholicos me converto, qui equidem tum propter satis claros textus Concilii Tridentini superius ex parte jam allegatos, tum propter has propositiones damnatas gratis admittunt, talem attritionem esse bonum motum, ac supernaturalem; addunt tamen eandem absque aliquo actu charitatis benevolentia ad Sacram. Pœnit. tantum disponere *remote*; ut autem disponat *proxime*, requiri simul aliquem actum amoris DEI benevoli, saltem in aliquo gradu remisso. Econtra vero extra Sacramentum Pœnitentia, ut talis amor Divinus, vel contritio perfecta proxime disponat ad remissionem peccatorum gravium, exigunt similem actum in gradu intenso. Ita illi. Hæc quidem sententia per propositionem præsentem necdum confixa reputatur; quin imo Alexander VII. in Decreto anno 1667. die 5. Maji edito, & Benedictus XIII. in Concilio Lateranensi anno 1725. celebrato in Appendice, Part. 3. *Instruct. Sacramenti ad Sacramental. Confess.* severissime prohibuerunt ne dicta sententia aliqua censura afficiatur. Interim tamen, etsi laudem omnino, quando dolor tali modo elicitur; adstruere tamen obligationem sic eliciendi, ita ut alias Sacramentum exponi censetur probabili periculo invaliditatis, non possum penetrare, quo solido fundamento hæc asser-

tio defacto nitatur: nam plures rationes ante Concilium Tridentinum in hujus favorem adductæ (puta, quod talis attritio sit inordinata, quod contineat affectum ad peccatum &c.) defacto cadunt; quia tam Concilium Tridentinum, quam summi Pontifices declararunt, illam attritionem etiam absque actu dilectionis esse honestam, & supernaturalem. Insuper Concilium Tridentinum *Sess. 14. de Pœnitentia cap. 3. & cap. 4.* dum sollicite enumerat partes Sacramenti Pœnitentiæ, atque ad ejusdem valorem exigit attritionem, vel *ex turpitudinis peccati consideratione*, vel *ex gehennæ*, & pœnarum metu conceptam, nullam facit mentionem de aliquo actu dilectionis DEI benevolæ, quasi simul ad attritionem requisito: ergo signum est, quod talis actus non requiratur, ne cogamur alias concedere, quod Concilium in re tam ardua, & adeo nobis necessaria doctrinam tradiderit mutilam, & valde maneam, qua possemus induci, &c.

166. Dices primo: Ex ipso Concilio Tridentino citata *Sess. 14. cap. 4.* sufficienter erui, quod præter timorem gehennæ vel aliquis actus profeutivus amoris DEI super omnia, vel aversativus offensæ propter DEUM summe dilectum super omnia debeat intervenire: nam Concil. loc. cit. ait: *Hoc timore utiliter concussi Niniivitæ &c. plenam terroribus pœnitentiam egerunt, & misericordiam à Domino impetrarunt:* subsumitur; sed misericordiam, seu veniam suorum peccatorum utique Ninitivæ non impetrassent, nisi intervenisset.

P. Anac. Reiffenstuel Theol. Supplem. O o set

set aliquis actus amoris DEI super omnia: utpote pro eo tempore, quo Sacramentum Pœnitentiæ necdum erat institutum summopere necessarius ad remissionem peccatorum; ergo. Sed *contra* est, quod argumentum hoc laboret malo supposito, quasi nimirum per Impetratam exinde à Ninivitis, Misericordiam intelligatur *remissio peccatorum*. Quis enim credat, quod omnes omnino Ninivitæ elicerint veram ibidem contritionem, sique omnes omnino à suis peccatis gravibus fuerint liberati? Quare per virtutem pœnitentiæ in cinere & cilicio peractæ potius omnes impetrarunt misericordissimam remissionem pœnæ temporalis, alias ipsis universaliter per Prophetam Joannam intentatæ; quæ remissio pœnæ temporalis fieri potuit absque aliquo actu amoris DEI, vel contritionis perfectæ. Et plane alias, si illa Ninivitarum pœnitentia fuisset necessaria, & ordinata ad immediatam remissionem ipsorum peccatorum exinde sequeretur; quod sicuti apud Ninivitas ad remissionem peccatorum requirebatur perfectæ contritio, & quidem in sententia Adversariorum, valde intensa, ita pariter talis exigatur in Sacramento pœnitentiæ; cum talem dolorem ad Sacramentum pœnitentiæ requirat Concilium Tridentinum, qualem habuerunt Ninivitæ in Cinere & Cilicio agentes pœnitentiam. Vides amice Lector; quomodo hoc adversariorum fundamentum sit potius pro nobis, quam contra nos, si hoc responsum attente consideres.

167. Dices *secundo*: Saltem ex aliquo alio prævio textu Concilii Tridentini deduci, quod cum

cum timore gehennæ debeat ad salutarem poenitentiam concurrere aliquis actus initialis amoris DEI: nam *Sess. 6. de justificat. cap. 6.* habetur; quod peccatores præparentur ad recipiendam gratiam justificativam tunc, quando Justitiæ Divinæ timore utiliter concussi DEUM tanquam *omnis justitiæ fontem diligere incipiunt.* Respond. Distinguen-
do anteced. peccatores præparantur ad justiti-
am, quando DEUM diligere incipiunt, vel
amore amicitiae, vel amore concupiscentiae, con-
ced. necessario, ac determinate amore amicitiae,
Nego. Amor concupiscentiae, qua DEUS amatur
ut nobis summe bonus, &c. pertinet ad virtutem
Spei; amor autem amicitiae ad virtutem Chari-
tatis Theologicæ. Si amamus fontem, quatenus
dulces pro nobis ex eo profluunt aquæ, amamus
illum ut nobis bonum. Legant Adversarii textum
id fonte, & agnoscent DEUM *Fontem omnis justitiæ*
non deservire ad suum intentum, præsertim, cum
insuper ibidem DEUS proponatur accedentibus
ad se tanquam *Remunerator*, quod motivum
denuo ad virtutem Spei Theologicæ reducitur.
Alias adhuc solutiones memorati textus invenies
apud Viva hic; ubi etiam reperies, quod non
omnes actus ibidem enumerati requirantur neces-
sario formaliter, & explicite tanquam *conditiones*
sine quibus non ad justificationem ponendi. Vide
etiam de tota ista *Quæstione Reiffenstuel, Tract. 14.*
Dist. 6. Quæst. 4. ac in Supplemento ibidem.

168. Cæterum omnia dicta præcedentia in
compendium redigendo erues ex his amice Lector

primo, quod detestatio dolorosa de peccato gravi vel ob amissam exinde æternam beatitudinem vel ob acerbicatem pœnarum propterea incurrendarum, ut sit salutaris, nunquam possit includere simul affectum ad peccatum. *Secundo*, quod talis detestatio dolorosa possit habere simul conjunctum aliquem actum dilectionis DEI benevolæ, cum Spes, & Charitas non sint virtutes ad invicem incomponibiles. *Tertio*, quod tamen talis conjunctio non sit necessaria ad hoc, ut memorata dolorosa detestatio sit moraliter bona & supernaturalis. *Quarto* demum, quod illa conjunctio cum actu dilectionis DEI super omnia neque requiratur ad valorem doloris in Sacramento Pœnitentiæ: nam dum Concilium Trident. *Sess. 14. cap. 4.* enumerans conditiones necessarias ad valorem hujus Sacramenti illam unionem non requisivit, neque nos debemus exigere.

Nec possum mihi persuadere, quod sententia illa communis, tenens, non requiri ad valorem Sacramentalem amorem benevolum DEI, fuisset à Summis Pontificibus Alexandro VII. & Benedicto XIII. tolerata, si in Sacramento tam necessario quoad praxin fuisset judicatum, subesse grave periculum invaliditatis Sacramenti pœnitentiæ; prout tamen revera subesset, si contraria opinio consideratis omnibus considerandis judicaretur adhuc practice niti solido & valde gravi fundamento. Quod si opponas, memoratos Summos Pontifices tolerasse quoque opinionem illam, quæ ad valorem dolorosæ Confessionis re-

requirit aliquem actum amoris amicitiae DEI: Respondeo, tolerantiam illam facilius capi posse ex ea ratione; quia, quamvis etiam non requiretur; attamen in praxi non noceret, nec valori Sacramenti obstar, si simul conjungatur in Confessione dolorosa actus amoris DEI benevoli, seu amicitiae, e contra vero plurimum obesset, ac maxime peccatores non pauci exponerentur gravi periculo invalidae absolutionis, si actus amoris DEI super omnia necessarius foret ad Sacramenti poenitentiae valorem, quem tamen actum multi poenitentes intermitterent, decepti ex doctrina communi, quae eundem amorem amicitiae etiam practice nullatenus requirit.

169. Quæres: An, dum rustici, vel pueri interrogati à Confessario, quare doleant de peccatis? reponunt: quia DEUM offendì, an (inquam) talis dolor reducendus sit ad virtutem Spei, vel Charitatis? Respondeo, id debere cognosci ex modo, quo DEUM offensum tales simplices apprehendunt: nam si apprehendunt DEUM offensum ut justum scelerum vindicem, ex his offensis ad infligendas poenas commotum, sicque, ne has poenas subire debeant, detestentur grave peccatum, quod esset inductivum harum poenarum, talis dolor pertinebit ad virtutem Spei; sicuti si contra sibi sistunt DEUM ut infinite bonum in se, tunc per peccata offensum, spectatit ad Charitatem. Ego sapius similia interrogatoria instituendo expertus sum, quod à potiori DEUM sibi repræsentent, quatenus Redemptorem pro nobis flagel-

lis cruentatum, spinis coronatum, & ignominiose cruci affixum, ubi vix efficacius, & intensius ad ferium dolorem commoveri poterunt, quam si ipsis hac occasione proponatur ingratitude egerant tantum Redemptorem, & Clementissimum diversarum gratiarum Collatorem, quem per gravia peccata ostentui habent, & de novo Crucii affigunt. Meo autem iudicio dictus dolor pertinet potius ad amorem concupiscentiæ, & ad virtutem Spei, quam ad Charitatem, cum DEUS repræsentetur *quatenus nobis bonus*; quamvis cæteroquin gratis admittatur, quod etiam similes actus sint quasi scintillæ, vel flammam Charitatis excitantes, vel jam excitatam ulterius foventes &c.

Dicere autem cum Joanne Pontas Ecclesiæ Cathedralis Parisiensis Pœnitentiaro in suo Dictionario V. *Contritio casu 3.* & cum Eusebio Amor ibidem, quod Charitas benevola feratur in DEUM etiam *prout est nostrum summum bonum*, ac insuper, quod amor ille initialis jam contineatur in proposito. *servandi præcepta* &c. seu (quod in re ipsa plane ibidem est) *in proposito non amplius graviter peccandi*: Hoc (inquam) dicere, est nobiscum in re ipsa loquendo quoad praxin convenire: cum etiam nos requiramus dolorem ferium ex motivo aliquo universali extensivo ad omnia peccata mortalia elicitum cum firmo proposito non amplius graviter peccandi, seu (quod in effectu idem est) nullum amplius transgrediendi præceptum graviter obligans. Sed tali modo loquendo amor concupiscentiæ, & amor amicitiae

item

item Spes & Charitas ad invicem confunduntur in ordine ad præsens tam quoad actus prosecutivos, quam quoad averfativos, de quibus supra n. 160. Item per dictam explicationem non attingitur mens Illustrissimi Episcopi Porphyriensis le Drou, & adhærentium, qui cum eodem tam in suis *Dissertationibus de Attritione & Contritione*, quam in *confutatione discussionis Theologicae* volunt, attritionem esse sincerum animi dolorem de peccatis propter DEUM, NB. habito respectu ad ipsum propter se *super omnia dilectum*; exinde addentes, quod attritio, & contritio, tantum distinguantur secundum magis, & minus, id est, secundum majorem, vel minorem intensiorem actus, & quod sæpius actus Charitatis, benevolentiae, seu amicitiae sit separabilis à gratia justificativa, quando nimirum ille à gravi peccatore extra Sacramentum poenitentiae elicitur in gradu valde remisso qualem actum solent vocare *Charitatem imperfectam*. Atque contra hos potissimum procedunt dicta præcedentia.

PROPOSITIONES XVI. & XVII.

170. XVI. *Ordinem præmittendi satisfactionem absolutioni induxit non politia aut institutio Ecclesiae, sed ipsa Christi Lex, & præscriptio, natura rei id ipsum quodammodo dictante.*

XVII. *Per illam praxin mox absolvendi ordo Poenitentiae est inversus.*

DECLARATIO.

A nostro Sixto IV. antea Ordinis Generali,

O o 4

dein-

deinde Summo Pontifice error iste, qui erat Petri de Osma, damnatus fuit, ubi testatur Cardinalis de Lugo *Disput. 12. de Pœnitentia num. 42.* Accedit ratio, quod hoc Sacramentum sit institutum ad formam iudicii proferentis sententiam, sed hæc solet proferri ante executionem pœnæ decretæ; ergo. Quando autem adducuntur Orosius Cardinalis, S. Cyprianus, & Abbo Archi-Episcopus Rheimensis, testantes in antiqua Ecclesia satisfactionem ordinariè præstitam ante absolutionem, Præfati, & alij Auctores, intelligendi sunt de Absolutione Canonica, qua olim delinquentes in foro Canonico absoluebantur à residuis pœnis Canonicis, & publicis, non autem de Absolutione Sacramentali à peccatis occultis, uti recte ex Francolino advertit Eusebius Amort *Parte 1. Historiæ indulgentiarum in Dissert. prælim. §. VI. num. 40.* ubi insuper *num. 41.* subiungit rationes, cur in foro quoque externo Canonico hic rigor pro nunc moderationem acceperit. Vide de his ipsis duabus Propositionibus *cap. III. num. 55.* Item P. Fontana *Parte 3. in Constit. Unigenitus Propos. 87.* & P. Francolinum *lib. 7. de pœnitentia, ac D. Eusebium Amort loc. cit.*

PROPOSITIO XVIII.

171. *Consuetudo moderna quoad administrationem Sacramenti Pœnitentiæ, etiamsi eam plurimorum hominum sustentet auctoritas, & multi temporis diuturnitas confirmet, nihilominus ab Ecclesia non habetur pro usu, sed abusu.*

DECLARATIO.

Gratis, & temerarie Novatores Rigoristæ finxerunt quod moderna praxis administrandi Sacramentum Pœnitentiæ habeatur pro abusu, cum nunquam ostendi queat, dictam praxin esse contra præceptum Divinum, vel Ecclesiasticum. Vide Dominicum Viva his *num. V.*

PROPOSITIO XIX.

172. Homo debet agere tota vita pœnitentiam pro peccato Originali.

DECLARATIO.

Contenderunt teste Viva hic *num. 2.* Lutherus, & Calvinus, Concupiscentiam, seu fomitem peccati esse ipsum peccatum originale; ex quo haud dubie sequeretur, sicuti apud nos etiam post baptismum remanet concupiscentia, ita & permanere ipsum peccatum originale; quod idem videntur occulte sentire rigidi hi Novatores, atque exinde inferre, quod homo debeat tota vita sua agere Pœnitentiam pro peccato originali, utpote quod in principiis Lutheri & Calvini adhuc remanet etiam post Baptismum; cum remaneat pro tunc fomes peccati, seu concupiscentia, in qua constituunt rationem peccati originalis. Alit falsum est, quod ipsa concupiscentia sit peccatum originale juxta clarum textum Concil. Trident. *Sess. 5. de peccato*

originali. *Can. Sev. num. 5.* Præterea (uti bene advertit Matthæuccius in sua cautela Confessarii *Lib. 3. cap. 3. n. 42.*) ista propositio enervat efficaciam Baptismi, per quem, etsi remaneat concupiscentia, nihilominus plene, & integre remittitur peccatum originale, & actualia ante Baptismum commissa juxta Tridentinum *Sess. 3. Can. 5. in Decreto de peccato Originali*, ac *Sess. 14. de Pœnitentia in Cap. 2.* Item remittitur omnis pœna *Can. per Baptismum de Consecrat. Dist. 4.* Propterea Baptizatus nulla pro peccatis Præteritis injungenda est satisfactio, sed morientes, si post susceptum Baptismum aliam culpam non committant, statim, ad Regnum Cœlorum, & DEI visionem pervenient, uti loquitur expresse Concilium Florentinum in *Decreto Eugenii*, ac Tridentinum *Sess. 6. de Justificat. c. 14.* definit in baptismo totam pœnam semper remitti. Ad quid ergo opus est agere tota vita pœnitentiam pro peccato originali?

PROPOSITIONES XX. & XXI.

173 XX. *Confessiones apud Religiosos factæ pleæque vel sacrilegæ sunt, vel invalidæ.*

XXI. *Parochianus potest suspicari de Mendicantibus, qui elemosynis communibus vivunt, de imponenda nimis levi, & in congrua pœnitentia, seu satisfactione ob questum seu lucrum subsidii temporalis.*

DECLARATIO.

Sunt Rigoristæ in Sacramento Pœnitentiæ erga alios nimis leveri, uti patet ex damnatis antecedentibus.

dentibus propositionibus; hic autem erga seipsum nimium laxi, dum publice sine scrupulo, & anxietate conscientiae talia absolute, & generaliter Regularibus mendicantibus de Religione Catholica, in cujus Gremium plures milliones animarum etiam in Indiis tanquam extremis orbis partibus adduxerunt, eximie meritis, falsissime impingere praesumunt, quae certe sine gravissima detractioe asseri nequeunt, imo nec sine nota temerarii iudicii cogitari. Videatur Dominicus Viva hic.

PROPOSITIO XXII.

174. *Sacrilegi sunt judicandi, qui jus ad Communionem percipiendam praetendunt, antequam condignam de delictis suis poenitentiam egerint.*

DECLARATIO.

Et si non negetur; aliquando consultum esse, ut Poenitentia persolvatur, antequam sacra Communionem percipiatur: attamen si id non fiat, Sacrilegium committi ex nullo textu Sacrae Scripturae aut Concilii Oecumenici probari potest. Scio quidem, quod Paulus Apostolus requirat, ut quis antequam ad has Epulas Divinas accedat, se ipsum probet, id tamen non ita intelligendum venit, quasi necessario praecedenter ante accessum ad S. Communionem praevia condigna satisfactio requireretur, sed potius de praevia confessione debet fieri interpretatio. Audiatur desuper Concilium Tridentinum Sess. 13. de Eucharistia Cap. 7. taliter loquens: *Ecclesiastica*
con-

consuetudo declarat, eam probationem necessariam esse, ut nullus sibi conscius mortalis peccati, quantumvis sibi contritus videatur, absque præmissa Sacramentali Confessione ad Sacram Eucharistiam accedere debeat. Item quomodo consuetum invenitur, ut V. G. consuetudinarius, cui singulis diebus per aliquot hebdomades brevis oratio tanquam pœnitentia medicinalis imponitur ut (inquam talis consuetudinarius à cibo hoc alias singulariter confortante abstineat, usquedum per hanc pœnitentiam condigne pro suis peccatis satisfaciatur.

PROPOSITIO XXIII.

175. Similiter arcendi sunt à Sacra Communionem, quibus nondum inest amor DEI purissimus, & omnis mixtionis expers.

DECLARATIO.

Datur etiam suo modo in absurdis aliqua coherentia, ita nimirum ut ex uno absurdo sequantur plura. Sic quia Bajani juxta jam dicta conformiter Propositioni 38. damnata Michaelis Baji docuerunt, omnem actionem humanam deliberatam, quæ non est Charitas Patris, esse dilectionem mundi, & concupiscentiam carnis, exinde occulti affectu Michaelis Baji, ac Novatores consequenter inferunt, præparationem illam, quæ juxta Apostolum Paulum homo seipsum probat, ut de pane illo edat &c. debere necessario procedere ex purissimo amore Divino, alias autem fore dilectionem mundi, peccati-

minosam, & consequenter tales à S. Communionē arcendos. Ast reprobantur partim ex jam dictis antecedentibus, partim ex Concilio Tridentino, quod *Sess. 12. cap. 7.* declarans illam preparationem ad sacram Communionem ab Apostolo Paulo desideratam non facit ullam mentionem Charitatis purissimæ quasi necessario prærequisitæ, sed potius Sacramentalis Confessionis, supposito, quod quis in peccato gravi existerit.

PROPOSITIO XXIV.

176. Oblatio in templo, quæ fiebat à B. Virgine MARIA in die Purificationis suæ per duos Pullos Columbarum, unum in holocaustum. & alterum pro peccatis, sufficienter testatur, quod indiguerit purificatione, & quod filius, qui offerebatur, etiam macula Matris maculatus esset secundum verba Legis.

DECLARATIO.

Equidem hæc Thesis confixa directe non spectat ad Theologiam moralem, uti consideranti patet; ut tamen nulla ex Propositionibus ab Alexandro VIII. rejectis absque aliquali saltem declaratione relinquatur, succincte explicatur. Prænotandum itaque ex Origine *Hom. 14. in Lucam*, à foeminis parturientibus post tempus purificationis, (id est trigenta diebus post partum duos Pullos Columbarum à pauperibus; à ditioribus autem unum agnum anniculum, & unum pullum columbæ in Lege ve-

teri

teri fuisse in templo oblatos, & quidem pullus columbæ semper offerebatur pro peccato, id est, pro immunditia contracta à genitrice, & ab infante, tum ob conceptionem impuram ex concupiscentia carnis ortum trahentem, tum ex vi nativitatis sordidæ: nam cum novem illis mensibus in utero Matris aliqua excrementa, & copia sanguinis congregentur, in enixu partus expelluntur; & quia tota hæc miseria NB. ex infectione peccati, ac concupiscentia tanquam fomite peccati oritur, idcirco Sacrificium illius pulli pro peccato offerri dicebatur, uti bene notat Dominicus Viva hic num. 3. Jam autem ter immaculata, ac purissima DEI Genitrix MARIA juxta Isaiam Cap. 7. tanquam Virgo peperit filium, & quidem conceptum de Spiritu Sancto; prout Symbolum Apostolorum nos docet, consequenter his immunditiis ex concupiscentia carnis, & concubitu cum viro evenientibus subiecta neutiquam fuit: *Nequaquam immunda judicatur, quæ Sancto Spiritu obumbrante totius munditiæ, & Sanctitatis auctorem genuisse probatur: n. 7. S. Eligius; & S. Augustinus, Lib. de Hæresib. Cap. 5. contra Manicheos ait: Stulte, unde sordes ex Virgine Matre, ubi non est concubitus cum homine Patre? nihil plane in hoc conceptu, nihil in partu impurum fuit, &c. &c. Vere ô Beata Virgo, vere non habes causam, nec tibi opus est purificatione: Concludit Sanctus Bernardus Serm. 1. de Circumcisione. Neque ex eo quod offerendo duos pullos columbarum antiquæ Legi purificationis sese subjecerit, sequitur, quod purificatione indigeret; alias pariter ex circumcisione Christi deberet inferri*

ferri in ipso macula originalis peccati, & ex dato tributo subiectio Christi ad Cæsarem colligeretur, uti recte norat Matthæuccius in *Cautel. Confess. Lib. 3. cap. 3. num. 56.*

PROPOSITIO XXV.

177. *DEI Patris sedentis simulacrum nefas est Christiano in templo collocare.*

DECLARATIO.

Videtur hæc propositio renovare errorem Iconoclastarum in VII. Synodo Generali ad annum 787. sub Adriano Papa damnatum quæ damnatio denuo renovata fuit à Concilio Trident. *Sess. 25. in Decreto de Invocat. Sanct.* contra Lutheranos, & Calvinistas statuentes imagines Christi, Deiparæ, & aliorum Sanctorum non solum in templis habendas, sed etiam eis debitum honorem, & venerationem impertiendam. Nec dicatur cum his Novatoribus, in isto aliisque Conciliis equidem fuisse definitam retentionem imaginum Christi, Deiparæ & Sanctorum; nihil autem esse decisum de imaginibus repræsentantibus ipsummet DEUM. Nam *contra est*, quod eadem videatur ratio, uti consideranti patet: Si enim DEUS Pater sub figura corporea apparuit Danieli, prout ipsemet testatur *Cap. 7. Ibi aspicebam, donec Throni positi sunt, & Antiquus dierum*

rum sedit; & Spiritus Sanctus sub specie columbæ *Matth. cap. 3.* cur non poterit DEUS etiam sub figura corporea representari; & in templo collocari; Nec obest, quod DEUS sit incorporeus: nam etiam Angeli sunt incorporei, & tamen constat ex DEI imperio, *Exodi cap. 25.* Angelos sculpta similitudine expressos fuisse; & in VII. Synodo definitum esse, imagines Angelorum posse depingi. Consule de hoc ulterius Theologiam Polemicam.

PROPOSITIO XXVI.

178. *Laus, quæ deferretur MARIE, ut Mariæ vana est.*

DECLARATIO.

Errorem hunc Leo Isauricus inter hæreticos post Gentiles, & Mahumetanos omnium primus jam docuit, quem resuscitaverunt Wiclephistæ teste Valdensi, *Tract. 3. cap. 118.* nullam aliam salutationem honorificam B. V. concedentes, quam civilem, qualis etiam Regibus & Magnatibus exhibetur. Errori huic repugnat perpetuus Ecclesiæ usus, & Traditio, ac novissime Concilium Trident. *Seff. 25.* superius citatum, præcipiens non solum laudem, sed etiam honorem ac cultum B. Virginis ac Sanctis exhiberi, qui quidem non sit cultus Mariæ, sed Hyperdulæ respectu Beatæ Virginis, & Dulæ respectu aliorum Sanctorum. Videantur dicta Patris Reiffenstuel, *Tract. 5. Dist. 1. Quest. 3.*

PROPOSITIO XXVII.

179. Valuit aliquando Baptismus sub hac forma collatus; In Nomine Patris &c. prætermisiss illis: Ego te baptizo.

DECLARATIO.

Cum ad valorem Baptismi requiratur, ut exprimitur actio Ministri, sicuti ad valorem Sacramenti Pœnitentiæ; hinc sicuti in Sacramento pœnitentiæ, si omitteretur: *Ego te absolvo*, nunquam reputatum legitur validum Sacramentum Pœnitentiæ, ita pariter discurrendum, si in Baptismo intermissum fuit: *Ego te baptizo*. Et hinc Alexander tertius (prout refertur cap. 1. de Baptismo) jam anno 1175. declaravit Baptismum tanquam invalidum, in quo sub expressione formæ non continentur hæc verba: *Ego te baptizo*. Vide Reiffenstuel *Tract. 14. Dist. 3. Quest. 3.*

PROPOSITIO XXVIII.

180. Valet Baptismus collatus à Ministro, quò omnem ritum externum, formamque baptizandi observat; intus vero in corde suo apud se revolvit: Non intendo facere, quod facit Ecclesia.

DECLARATIO.

Expresse Concilium Trident. Sess. 7. de Sacram.
in genere Can. 11. hæc posuit formalia: *Si quis dixerit, in Ministris dum Sacramenta conficiunt, & conferunt, non requiri intentionem saltem faciendi, quod facit Ecclesia; anathema sit.* Quod idem jam antecederet statuit Concil. Florent. in Decret. Unionis. Textum hunc torte explicarunt aliqui, ut suam adhuc opinionem aliquo modo manutene-
re valeant: dicendo nimirum, vi allegati textus requiri quidem intentionem materialiter faciendi, quod facit Ecclesia, non autem formaliter, id est, præcipi quidem intentionem ponendi ritus externos, prout ponit Ecclesia, non autem requiri intentionem internam, neque implicitam conficiendi Sacramentum Nomine Christi tanquam Principalis, prout facit Ecclesia; quinimo (inquiunt) interne poterit haberi expresse intentio contraria; nimirum nullum conficiendi Sacramentum dummodo hæc positiva contraria intentio non prodeat exterius. Ita illi. Videatur tamen torta hæc explicatio reprobata per confirmationem allegatæ 28. Propositionis ex ea ratione; quia Minister Sacramenti operatur nomine Christi tanquam principaliter operantis, adeoque saltem implicite debet se conformare intentioni ipsius Christi, quæ erat non solum ritus externos, sed ipsum Sacramentum conficiendi. Et hinc etiam in Sacramento Pœnitentiæ juxta Concilium Trident. Sess. 14. de Pœnitentia cap. 6. Sacerdos tanquam Minister & Judex constituitur à
Chri-

Christo debet in absolutione habere non solum intentionem ponendi verba absolutoria, seu actionem illam externam *animo serio*, & non præcise modo jocofo; verum etiam debet insuper habere voluntatem *vere absolvendi*, & consequenter nequit interne dicere, *non intendo absolvere*. Solutionem obiectionum invenies passim apud Theologos, notanter apud nostrum Henno *Tract. de Sacramentis Disp. 4. Quest. 2. Art. 2.* ubi ex professo refutat P. Juvenin, & nonnullos Recentiores Doctores Sorbonicos, & Lovanienſes.

PROPOSITIO XXIX.

181. *Futiles, & toties convulsa est assertio de Pontificis Romani supra Concilium Oecumenicum Auctoritate, atque in fidei quæstionibus decernendis infallibilitate.*

DECLARATIO.

Auctoritas Romani Pontificis supra Concilium Oecumenicum, seu Generale, & ejusdem infallibilitas in decernendis quæstionibus fidei desumitur ex illo Christi Domini ad Petrum Matthæi cap. 16. *Tu es Petrus, & super hanc Petram edificabo Ecclesiam meam, & portæ inferi non prævalebunt adversus eam.* Nam si Ecclesia fundatur supra Petrum, non autem Petrus supra Ecclesiam,

ipsemet Petrus erit fundamentum nostræ fidei; non autem Ecclesia, seu Concilium Oecumenicum, & consequenter Petro Major auctoritas deferenda. Deinde si contra Petrum, & successores prævalere nequeunt portæ inferi, consequenter Papa nequit falli in decernendis articulis fidei; alias multum prævalerent contra ipsum portæ inferi. Taceo alias graves, quas pro se habent, rationes hæc duo asserta de Pontificis in materia fidei infallibilitate, & ejusdem supra Concilium auctoritate; hinc merito Propositio 29. damnata fuit; quia hanc ipsam duplicem assertionem NB. futilem, & toties convulsam pronuntiare ausa erat. Vido dicta *questionibus prælegomenicis*, ac *Cap. III. n. 3. & seqq.*

PROPOSITIO XXX.

182. *Ubi quis invenerit doctrinam in Augustino clare fundatam, illam absolute potest tenere. & docere, non respiciendo ad ullam Pontificis Bullam.*

DECLARATIO.

Magna quidem est Auctoritas Divi Augustini non tamen irrefragabilis, nisi relata ad ea, quæ à Conciliis, & summis Pontificibus approbata sunt. Quare haud dubie pariter ad Bullas Pontificias respici debet; cum teste Sacra Scriptura quoad materiam fidei summus Pontifex loquens de Ca-

theda non autem Divus Augustinus inveniatur habere promissam infallibilem assistentiam Spiritus Sancti. Quinimo Divus Augustinus ipsemet aliqua retractavit, prout fatetur *Lib. de Dono perseverantiae cap. 21.* Interea confixa hæc Janenitarum propositio ortum trahit à Bajanis, qui ut facilius se subtrahere possent Bullis Pontificiis, suam doctrinam reprobantibus, contenderunt (licet falsissime) multas Michaelis Baji Propositiones indubitanter ab Augustino doceri, sicque easdem ob auctoritatem Divi Augustini tantis laudum Encomiis ab Ecclesia recommendati manuteneri posse, non respiciendo ad Bullas Pontificum, quibus eadem damnantur. Hoc ipsum suspicor occultum fuisse intentum Cornelii Jansenii toties libros Divi Augustini revolvantis; & opus suum, postea ab Ecclesia prohibitum juxta dicenda non aliter, quam sub nomine *Augustini* typo divulgantis. Idem erat finis Sectatorum doctrinæ hujus operis, qui etiam exinde seipsos *Augustinianos* appellare consueverunt; quem tamen gloriosum titulum præfatis genuini Clarissimi Hujus Africani Luminis Filii neutiquam concedent, nisi forsân eo modo *Augustiniani* vocari velint, quo Scipio cognominabatur *Africanus*; ideo sic dictus, quia totam Africam destruxit.

PROPOSITIO XXXI.

183. *Bulla Urbani VIII. in Eminenti, est subreptitia.*

DECLARATIO.

Sciendum est, quod Bulla isthæc Urbani VIII. confirmaverit constitutiones adversus 79. Propositiones Michaëlis Baji à S. Pio V. & Gregorio XIII. proscriptas, ac præterea prohibuerit aliquem Librum Jansenii *Augustinus Cornelii Jansenii* intitulum, utpote continentem nonnullas ex dictis 79. Propositionibus damnatis, & harum principis insistentem. Quare occulti Bajanorum, & Jansenistarum Fautores videntes se exinde confutos, ut omnem vim huic Bullæ adimant, ausi sunt eandem dicere subreptitiam, id est, dolo extortam per expositionem falsi. Sed contra est primo, quod Pontifex direxerit eam Bullam ad universalem Ecclesiam, damnando doctrinam Bajanam, & Jansenisticam tanquam hæreticam, scandalosam, & periculosam, & consequenter locutus sit de Cathedra, ubi nec errare, nec decipi potest in materia fidei. Contra est secundo, quod ipse semet Pontifex in ea Bulla fateatur NB. ex materia illius libri, cui titulus *Augustinus &c.* Iectione compertum esse, multos ibi errores Baji contineri.

Conclusio Finalis.

Et hic tandem benigne Lector exiguo meo
opusculo, præcipue in favorem juvenum Confessa-
riorum conscripto, finis imponitur, cujus singulas
periodos; imo & quælibet verba, syllabas, litte-
ras, & apices Sacræ Romanæ Ecclesiæ Judicio, atque
Censuræ humillime subjicio.

Omnia ad majorem DEI, Dei-
paræque Virginis immacula-
tæ Gloriam & Honorem.





INDEX

Rerum, & Verborum.

*Ubi Lit. C. Caput. &c. Lit. N. Numerum
denotant.*

A.

Abortum directe procurare nunquam licet
c. IV. n. 90. & 91.

An & quando indirecte, *ibidem*.

Absolutio est saltem pars essentialis Sacramenti po-
nitentiae, c. II. n. 42. & 45.

Per eam remittuntur peccata auctoritate dele-
gata à Christo, c. II. n. 46.

An & quomodo differenda, contra Quesnellium,
c. III. n. 56. 57.

A Casibus Bullæ Cœnæ, v. *Episcopi*, item Re-
gulares.

Ab-

Absolutio ignorantibus Myſteria Fidei an, quando,
& quomodo impertienda? c. IV. n. 136.

Absolutionem an debeat præcedere ſatisfactio, c.
IV. n. 170.

An eadem ordinarie debeat ſuſpendi? *ibid.*

Abſtinentia, v. *Jejunium*.

Abuſus, à Confeſſione Auguſtana Catholicis falſo
imputati, refutantur, c. II. *per tot. ſ. 7. n. 90.*

Pariter imputati à Calvino, c. II. n. 150.

Propter abuſus non eſt tollendus uſus, c. II.
n. 81.

Acatholici carent Judice Controverſiarum ſuarum,
prol. n. 2.

Sibi iſſis contradicunt, *ibidem.*

Acerbitas pœnarum, v. *Dolor*.

Actus conjugalis ob ſolam delectationem quale ſit
peccatum? c. IV. n. 70.

Actus humanus an debeat habere neceſſario con-
junctam charitatem, ut ſit moraliter bonus,
c. IV. n. 149.

Actus indifferentes non excludunt Imperfectionem,
ſed ſolum peccatum, c. IV. n. 69.

Actus Virtutum Theologicorum an vi præcepti
eliciendi? c. IV. n. 2. 68. § 78.

Adultera non excusatur consentiente Marito, c. IV.
n. 110.

Aërius hæreticus, c. II. n. 126. § 153.

Aëtius, hæreticus, damnatus An. 353. c. II. n. 22.
§ 81.

Albigensium secta, c. II. n. 181.

Alciatus, Jurisperitus, à Calvino frequentatur, c. II.
n. 148.

Alexandri VII. Constitutio, *Regiminis Apostolici*,
condemnatoria Propositionum Jansenii, c. III.
n. 13.

Item Decretum I, contra XXVIII. Propositiones
an. 1665. 24. Sept. damnatas, c. IV. n. 1.

Item Decretum II, c. IV. n. 40.

Alexandri VIII. Decretum, v. *Propositiones*.

S. Ambrosius à Lutheranis inique citatus, c. II. n. 25.

Quid doceat de Invocatione Sanctorum? *ibid.* n.
87. A Calvinistis acceptatur, *ibid.* n. 165.

Ambsdorffensis Lutherani, c. II. n. 195.

Amor Concupiscentiæ & amor Amicitiae quis? c. IV.
n. 167.

Inter divinum & humanum Amorem an aliquid
mediet? c. III. n. 44.

Amor DEI si deficiat; an necessario deficiat pa-
riter fides? c. IV. n. 154.

Anabaptistarum Errores circa Baptismum, cap. II.
n. 31. 32.

Etiā a Lutheranis damnati, *ibid.* n. 30. § 40.

Angeli recte invocantur, c. II. n. 86.

Anhaltinus Princeps, *Wolfgangus*, Lutheri fautor,
c. II. n. 6.

Animalis homo non percipit ea quæ sunt Spiritus:
quomodo intelligendum? c. II. n. 65. § 71.

Appellatio ad futurum Concilium generale est
commune effugium hæreticorum, c. III. n. 3.

A Catholicis nullatenus admittenda, *ibid.* n. 4.

Arausicanum Concilium, *proleg.* n. 6.

Arbitrium, liberum quomodo describatur in Con-
fessione Augustana? c. II. n. 65.

Quid de eo scripserit Lutherus & Calvinus?
ibidem & n. 150.

Quid moderni sectarii, *ibidem* & n. 66.

Quid Catholici? *ibid.* n. 68.

Habet quilibet rationis capax ad observanda mandata, c. II. n. 74.

Circa illud Bajanistæ, Jansenistæ, & Quesnelliani conveniunt cum Lutheranis, & præsertim cum Calvinistis, c. III. n. 63, v. etiam *Libertas voluntatis*.

Argumenta contra Hæreticos recentiores, c. III. n. 4. 5. 6. & 65.

Arianorum Errores, c. II. n. 14.

Etiam à Lutheranis damnati, *ibid.*

Armenus, hæreticus, c. II. n. 150.

Arnaldus, seu Arnaudus (Antonius) Jansenii sectator, c. III. n. 21.

Ejus Vita & libri, *ibid.*

Assuritanus qui fuerint? c. II. n. 26.

S. Athanasius etiam à Calvinistis recipitur, c. II. n. 165. & 184.

Attritio pure naturalis non sufficit, c. IV. n. 123.

Ex timore gehennæ an bona & supernaturalis *ibid.* n. 164.

An concessio etiam quod talis attritio sit bona, æque sufficiat ad Sacramentum Pœnitentiæ absque aliquo actu dilectionis DEI, *ibid.* n. 165. & seqq.

In Sacramento pœnitentiæ requisita, quomodo
ab adversariis explicetur, c. IV. n. 167.

Augusta Vindelicorum à Lutheranis capta, c. II.
n. 10.

Augustana Confessio, v. *Confessio Augustana*.

S. Augustinus quid sentiat de Invocatione Sancto-
rum; c. 2. n. 87.

Quomodo à Calvinistis & Jansenistis male ale-
getur, *ibid.* n. 176. & c. III. n. 66.

Ejus doctrina an sit infallibilis, c. IV. n. 182.

Augustinus, liber Jansenii, v. *Jansenii*.

B.

Badensis Princeps, *Jacobus*, ob discordias in Pro-
testantium Religione ad Catholicam Con-
versus, c. II. n. 13.

Baji (Michaelis) propria revocatio sententiarum
suarum à S. Sede damnatarum, c. III. n. 2.

Ejus vita. *ibid.* n. 8.

Bajanistæ quomodo convenient cum Lutheranis, &
maxime cum Calvinistis? *ibid.* n. 63. & *seqq.*

Banes & Serra quidnam docuerint quoad obliga-
tionem exercendi Virtutes Theologicas, c.
IV. n. 2.

Ba-

Baptismus, quid de illo tradat Confessio Augusta-
na? c. II. n. 30.

An ad eum requiratur actus fidei à baptizando
elicitus? *ibid.* n. 31. 32.

Non tegit peccata, sed tollit, *ibid.* n. 55.

Per Baptismum, dicimur mundati, sanctificati,
ibid. n. 160.

Nec parvuli salvantur absque baptismo, *ibid.*
n. 163.

An valeat baptismus absque expressione Verbo-
rum. *Ego te baptizo*, c. IV. n. 179.

An subsistat absque intentione faciendi quod fa-
cit Ecclesia; *ibid.* n. 180.

Baratra, seu Mohatra Contractus, v. *Mohatra*.

Beatitudo æterna an possit esse motivum opera-
tionis moraliter bonæ, c. IV. n. 155.

Bega, vel Bego institutor Beguinarum Catholicarum
in Belgio, v. *Beguina*.

Berguardi qui fuerunt? c. I. n. 10.

Eorum errores, *ibid.* n. 15.

Beguinae falso se Moniales mentientes, c. I. n. 12.

Non confundendæ cum illis in Belgio, à S. Bega
vel Bego institutis, honeste ac exemplariter
viventibus, *ibidem*.

Beguini quinam? c. I. n. 11.

Eorum errores, *ibid.* n. 15.

Beneficia Ecclesiastica quomodo gratis conferenda,
c. IV. n. 32.

Berengarius, primus publice & cum magno stre-
pitu negavit præsentiam Christi in Eucha-
ristia, c. II. n. 181.

Biblia sacra, an in Editione vulgari cuique indistincte
legenda? c. III. n. 53.

Bizoci, à Joanne XXI. damnati, c. I. n. 11.

Bogonatus, seu Bononatus, Auctor Beguardorum,
c. I. n. 10.

Brandenburgicus Elector, Georgius Lutheri fautor,
c. II. n. 6. Item Joachimus, n. 9. & Al-
bertus, n. 10.

Breviarium, v. *Horæ Canonice*.

Bucerus (Martinus) quis fuerit? c. II. n. 33.

Bullæ Cœnæ Domini Casus reservati, c. IV. n. 4.

Quando censeantur non amplius reservati?
ibid. n. 10.

Bulla Unigenitus, v. *Unigenitus*.

Bulla Urbani VIII. damnans Bajanos, & Jansenistas,
an sit subreptitia? c. IV. n. 183.

C.

C.

Cælestinus (Georgius) Auctor Lutheranus, c. II.
n. 12.

Cælibatus non est res impossibilis, sed bona, honesta
& melior Conjugio, c. II. n. 105. 106. § 140.

Cœna Domini, quid de ea sentiat Confessio Augu-
stana, c. II. n. 33. § seqq.

In ea Apostoli consecrati Sacerdotes, *ibid.* n. 98.
vid. *Communio.*

Calenus (Henricus) Jansenii doctrinæ propagator
c. III. n. 11.

Calvin. quid de libero Arbitrio dicat, c. II. n. 65.
§ 150.

Ejus Vita, mores, & mors, *ibid.* n. 148.

In quibus conveniat cum Confessione Augustana
ibid. n. 150.

Ejus propositiones Speciales, circa prædestina-
tionem Electorum ad vitam æternam, ab Ec-
clesia damnata, *ibid.* n. 156.

Item circa reprobationem seu præordinationem
reproborum, *ibid.* n. 164.

Item de gratia efficaci & libero arbitrio, *ibid.*
n. 173.

Calvinistæ tolerati primum vi pacis Westphalicæ,
c. II. n. 10.

Quo titulo nominent Confessionem Augustanam, *ibid.* n. 12.

Etiam SS. Patres & antiqua Concilia acceptant,
ibid. n. 165. § 184.

Calvinistarum variæ sectæ, nempe alii rigidi, alii molles. Geusii in Belgio. Hugonotæ in Gallia. Episcopales, & Presbyteriani in Anglia, c. 2. n. 149. Remonstratenses, & Contra-Remonstratenses, c. II. n. 195.

Capellania Collativa quid sit? c. IV. n. 31.

Carnis Delicta varia. Eorum Species in Confessione exprimendæ, c. IV. n. 34. 36. § 110.

Carolus V. exequitur Bullam damnationis contra Lutherum, c. II. n. 5.

Indicit Comitia Augustæ propter Lutherum,
ibid. n. 6.

Rejicit Confessionem Augustanam, *ibid.* n. 7.

Fœderatos Schmalcaldicos acie vincit, *ibid.* n. 8.

Præscribit illis formulam *Interim* servandam, quæ Curia Romanæ displicuit, *ibid.* n. 9.

Obruitur à Mauricio Electore Saxonæ, & aliis Lutheri defensoribus, *ibid.* n. 10.

Caros quid? c. I. n. 3. § 4.

Castitatis votum non est impossibile, v. *Calibatus*.

P. Anact. Reiffenstuel Theol. Supplem. Q9 Ca-

Cataleptis quid sit? c. I. n. 3.

Censuræ non statim cessant cessante contumacia rei
c. IV. n. 57.

Charitatis Actus quomodo eliciendi? c. I. n. 20. 21.

Quando & quoties in vita eliciendus actus Charitatis erga DEum, c. IV. n. 2. & 68.

Charitas an requiratur ad omnem actum moraliter bonum? c. IV. n. 149.

An sit principium actuum non solum amoris verum etiam perfectæ contritionis? *ibid.* n. 157. & 158.

Charitas proximi non solum actibus externis, sed & internis exercenda, *ibid.* n. 71.

Christi præsentia Realis in S. Eucharistia probatur c. II. n. 34. & 182.

Illius merita quomodo sint infiniti valoris, *ibid.* n. 49.

Christus quomodo dicatur *unus Mediator*, cap. II. n. 88.

In ultima Cœna consecravit Apostolos Sacerdotes, *ibid.* n. 93. & 98.

An sit mortuus pro solis fidelibus? c. IV. n. 146.

Ciborum discrimen, v. *Jejunium*.

Clemens XI. rejicit effugia Jansenistarum per Bullam, *Vineam Domini Sabaoth*. c. III. n. 13.

Ejus Bulla, *Unigenitus*, v. *Unigenitus*.

Coloniensch, Cardinalis, de Confessione Augustana Judicium, c. II. n. 12.

Coma quid sit? aliud vigil, aliud somnolentum,
c. I. n. 3.

Comodere, bibere, ob solam voluptatem, an &
quale sit peccatum? c. IV. n. 69.

Communio sub utraque Specie cur laicis fuerit in-
terdicta, c. II. n. 92.

Totus Christus est sub una tantum specie, *ibid.*

Nullum est assignabile Mandatum divinum sub
utraque specie illam præcipiens, *ibid.* n. 93.

Ipsi Apostoli sub una tantum specie eam porrexe-
runt, *ibid.* n. 94.

Etiā in primitiva Eccl. ac primis 4. sæculis, sub
una tantum specie tradebatur, *ibid.* n. 95.

Potuit Ecclesia communionem sub utraque spe-
cie prohibere, *ibid.* n. 96.

A Concilio Constantiensi & Tridentino recte
prohibita, ex pluribus motivis adductis, *ibid.*
n. 96.

An laicis præcipiatur Communio ex mandato di-
vino, vel solum Ecclesiastico, *ibid.* n. 98.

A quibus hæreticis sub utraque specie prætensa,
ibid. n. 102.

Communions Annuæ præcepto non satisfacit per
Communione sacrilegam, c. IV. n. 120.

Communio frequens quomodo sit Nota prædesti-
nationis, c. IV. n. 121.

Decretum Innocentii XI. de Communionem quo-
tidiana, *ibid.* n. 122.

An Communioni necessario præmittenda sit po
solutio poenitentiae, c. IV. n. 174.

An Communio sit concedenda hominibus,
quibus necdum est amor DEI purissimus
c. IV. n. 175.

Concilia antiqua etiam à Calvinistis admittuntur
c. II. n. 165.

Concilium Tridentinum an ad dolorem Sacramen
ti poenitentiae requisierit aliquem actum
lectionis, c. IV. n. 166.

Concilium an sit supra Papam, *ibid.* n. 181.

Concordiae liber, v. *liber*.

Concubinarius tenetur rejicere concubinam, c. IV.
n. 54.

Concupiscentia quomodo vocetur peccatum, c. II.
n. 15. 16. & 150.

Concursus poenitentium an excuset ab integritate
Materiali confessionis? c. IV. n. 126.

Confessio Augustana à Philippo Melanchthon com
posita, c. II. n. 6.

A Cæsare Carolo V. & plurimis Imperii Princ
pibus rejecta, *ibid.* n. 7.

Lutheranis tandem permessa, *ibid.* n. 10.

Ejus Originale non habent Protestantes, *ibid.*
n. 11.

Ejus Copiae quantum inter se, & ab Originale
discrepent, *ibid.* n. 12.

Ab aliquibus Protestantibus vilipenditur, *ibid.*

Ejus

Ejus XXI. Articuli proponuntur, & refutantur,
c. II. §. 6. *per tot.*

Ejus abusus, Catholicis afficti, refutantur, *ibid.*
§. 7. *per tot.*

Quomodo à Calvinistis nominetur? *ibid.* n. 12.

Confessio, quid de ea doceant Augustanæ Confes-
sionis auctores? c. II. n. 37. § 122.

Quid Calvinus? *ibid.* n. 150.

Quænam ad eam requirantur à Catholicis? *ibid.*
n. 38. *cum seqq.* § n. 123.
v. etiam *Pœnitentia.*

Confessarius ab Episcopo, etiam injuste reprobatus
non poterit absolvere, c. IV. n. 23.

Quomodo debeat esse approbatus? *ibid.* n. 26.

v. etiam, *Director animarum.*

Conjugium Sacerdotum, v. *Sacerdotum.*

Consensus Mariti non excusat ab Adulterio, c. IV.
n. 110.

Consuetudinarii an debeant se manifestare Confes-
sario? c. IV. n. 124.

Etiam non interrogati, *ibid.* n. 125.

Quomodo absolvendi, si promittant emenda-
tionem, *ibid.* n. 129. 130.

Ex quibus Signis dubitari potest de vero eorum
proposito, n. 131.

Quid agendum cum constitutis in articulo mor-
tis? *ibid.* 132. § 134.

Quid cum illis qui ordinarie afferunt eadem pec-
cata Venialia? *ibid.* n. 133.

Contritio quomodo describatur ab A catholicis & Catholicis, c. II. n. 42. & 43.

Correctio fraterna non semper est de præcepto divino, præsertim in Denuntiatione delictorum communitati valde noxiorum, c. IV. n. 17.

Culpa remissa, sæpe restat adhuc pœna temporalis c. II. n. 48.

Cultus B. V. Mariæ qualis deferendus? c. IV. n. 178.

Cultus Sanctorum, v. *Sanctorum*, &c.

S. Cyrillus etiam à Calvinistis admittitur, cap. II. n. 165. & 184.

Cyrillus Lyparus, Schismaticus Patriarcha, ad hæreticos declinans, à suo successore damnatus c. II. n. 58.

D.

Delicta Carnis, v. *Carnis delicta*.

Denuntiatio hæreticorum, a & quando facienda? c. IV. n. 11. & seqq.

Sollicitantis in Confessionali, *ibid.* n. 15. & seqq.

Detestatio peccati ex timore gehennæ an pertineat ad virtutem Spei? c. IV. n. 158. &c.

DEus. De unitate Essentiæ quid teneat Confessio Augustana? c. II. n. 14.

Digniores quinam ad Ecclesias promovendi? c. IV. n. 108.

Dilectio DEI an requiratur ad omnem actum moraliter bonum? *ibid.* n. 149.

An

- An sit necessario requisita ad valorem Sacramenti
pœnitentiæ? c. IV. n. 165.
- S. Dionysius Areopagita quid suadeat de invoca-
tione Sanctorum? c. II. n. 87.
- Director Spiritualis Animarum ad quæ debeat at-
tendere? c. I. n. 2. 3. 4. & 5.
- Dispensare à lege seipso quanta temeritate præsu-
mant Janenistæ & Quesnellius? c. II. n. 51.
- Disputatio cum Protestantibus an & quomodo li-
ceat, & expediat? c. II. n. 189. c. III. n. 85.
- Dolor de peccato propter turpitudinem naturalem,
an sit peccaminosus? c. IV. n. 151.
- Ut acquiratur æterna Beatitudo, an sit bonus?
ibid. n. 152.
- Elicitus ex timore gehennæ an bonus & super-
naturalis, *ibid.* n. 164.
- Donatistarum error, etiam à Lutheranis rejectus,
c. II. n. 29.
- Duellum à Viro equestri an acceptandum? c. II. n. 3.
- Duguius (Antonius) Calvinii Discipulus, c. II. n. 148.
- Dulia, v. *Sanctorum cultus.*

E.

- Ebionistæ, hæretici, quando damnati? *Prol.* n. 9.
- Ecclesia est columna & Firmamentum verita-
tis, *Proleg.* n. 1.
- In ea est necessarius Supremus Judex Controver-
siarum, *ibid.* & c. II. n. 191.

- Ejus firmitas dependet à *Petra*, ut ædificii à fundamento, non fundamenti ab ædificio, *Prol. n. 6.*
- Quomodo definiatur in Confessione Augustana? *c. II. n. 26.*
- Ubinam fuerit ante Lutherum? *ibid. n. 27.*
- Catholicam fuisse veram; saltem in primis IV. sæculis ipsi Acatholici fatentur, *ibid. n. 28.*
- Ecclesiastica potestas ab Acatholicis impugnata, *c. II. n. 142.*
- Defenditur à Catholicis, *ibid. n. 143.*
- Quam sit necessaria? *ibid. n. 146.*
- Notæ Veræ Ecclesiæ quæ sint? *ibid. n. 193.*
- In quo sensu dicatur *Tota pulchra &c. sine macula*, *ibid. n. 159.*
- Ejus potestas ferendi leges, obligantes in conscientia? *ibid. n. 62. & 150.*
- Non consistit Ecclesia tantum in prædestinatis, *c. II. n. 159. & c. III. n. 52.*
- Ecclesia visibilis aut invisibilis quæ? *c. II. n. 159.*
- Ehrenberga, Civitas in Tyrolî à Lutheranis Captâ, *c. II. n. 10.*
- Episcopi quomodo possint absolvere à Casibus Bullæ Cœnæ? *c. IV. n. 5.*
- Equites S. Jacobi quomodo jurent se non recusaturos duellum, *c. IV. n. 3.*
- Equites Teutonici habent sua Vota, *c. II. n. 140.*
- Eucharistia non solum habet rationem Sacramenti, sed etiam Sacrificii incruenti, *c. II. n. 98.*

Quo-

Quomodo in ea separetur Corpus à Sanguine
Christi? *ibid.* v. etiam *Cœna & Communio.*

Eudoxius hæreticus, c. II. n. 150.

Eunomiani, Hæretici, ab ipsis Lutheranis damnati,
c. II. n. 14. & 150.

Eorum error de bonis Operibus, *ibid.* n. 81.

Excommunicatio, quid de ea scribat Quæsnellius
cum Jansenistis, c. III. n. 59. 60.

Extasis, quænam circa eam observanda? c. I. n. 3.

Quid sit? *ibidem.*

Alia Naturalis, alia Dæmoniaca, & Supernatura-
lis, *ibid.*

F.

Farnellus (Guilielmus) Calvinii promotor, c. II.
n. 148.

Faustus Manichæus, hæreticus, c. II. n. 195.

Fenelon (Franciscus) de Salignac; Archiepiscopus
Cameracensis, ejus errores, damnati ab Inno-
centio XII. c. I. n. 17. & *seqq.*

Cui damnationi se obedienter submitit, & ipse
eandem in sua Diocesi publicavit, *ibid.* n. 17.

Ferdinandus Rex Rom. Transactionem Passavien-
sem coactus admisit, c. II. n. 10.

Festa servandi præceptum obligat, c. IV. n. 114.

Fidei soli vim justificandi adscribunt A catholici,
c. II. n. 18.

Fides non sufficit, *ibidem* n. 25.

- De Fide Doctrina Quesnellii, c. III. n. 48. 49.
- Fides justificativa, v. *gratia Sanctificans*.
- Fidei actus, v. *actus virtutum Theologicarum*.
- Fides profitenda etiam coram Iudice alias incompetente, c. IV. n. 79.
- Fidei assensus supernaturalis & moraliter bonus, c. IV. n. 80. 81. 82.
- Fides an possit stare cum dubio, c. IV. n. 82.
- Fides Unius DEI, & Remuneratoris requiritur necessitate medii, *ibid.* n. 83.
- Fidei necessitas circa Myſteria SS. Trinitatis & Incarnationis, *ibid.* n. 136.
- Fides supernaturalis an debeat semper mediante Dilectione operari, *ibid.* n. 153.
- Fides an habeat necessariam dependentiam à Charitate, *ibid.* n. 154.
- Fomes peccati, v. *Concupiscentia*.
- Formula abjurandi propositiones Jansenii damnatas, c. III. n. 13.
- Fornicatio &c. prohibita, jure Naturæ, c. IV. n. 109.
- Fratricelli, fratres de paupere vita, falso se de Ordine S. Francisci jactabant, c. I. n. 11.
- A Joanne XXII. damnati, & à Franciscanis excirpati, *ibid.*
- Fromondus (Libertus) Doctor Lovaniensis, Jansenii Doctrinæ propagator, c. III. n. 11.
- Furtum in necessitate quando licitum? c. IV. n. 94.
- Et quando per occultam compensationem, *ibid.* n. 95.

Plura levia furta an faciant grave peccatum?

c. IV. n. 96.

G.

Gaudium de malo proximi, v. *Proximus*.

Gehennæ timor, v. *Timor gehennæ*.

Gratia Sacramentalis est vera qualitas positiva &c.

c. II. n. 55.

Gratia Sanctificans semel à prædestinatis acquisita potest iterum deperdi, c. II. n. 160.

Eam non solum prædestinati, sed etiam reprobi potuerunt aliquando habuisse, *ibid.*

De gratia efficaci Doctrina Calvini, c. II. n. 173.

Et simonis Magi, *ibid.* n. 195.

Et Jansenii ac Quesnellii, c. III. n. 46.

Gratia Christi an irresistibilis? c. III. n. 46.

Item in quo sensu gratia efficax dicatur à SS. PP. gratia *vitrix*, *ibid.* n. 47.

Gratia sufficiens an detur infidelibus, c. IV. n. 147.

An sit utilis? *ibid.* n. 148.

Geusii, v. *Calvinistæ*.

H.

Hæresis occulta; qualem habeant Episcopi facultatem eam absolvendi; c. IV. n. 4.

Hæretici, v. *Propositiones Damnatae* &c.

Hassia Landgravius *Philippus* Lutheri defensor,
c. II. n. 6.

Hermannus Pongiluppus, auctor Beguinarum hæ-
reticorum, c. I. n. 11.

Hieremias, Patriarcha Græcus, Schismaticus, à Lu-
theranis frustra tentatus, c. II. n. 56.

Hieronymus Pragensis, hæreticus, c. II. n. 102.

S. Hilarius etiam à Calvinistis receptus, c. II. n. 165.
S. 184.

Holocaustum quid? v. *Sacrificium*.

Horæ Canonicae: Beneficiatus eas omittens tenetur
ad restitutionem &c. c. IV. n. 30.

Non possunt recitari per alium, *ibid.* n. 31.

Nec aliud Officium pro alio, *ibid.* n. 46.

Nec unico Officio satisfieri pro die præsentis &
crastino, *ibid.* n. 47.

Nec ille, qui non potest recitare Matutinum, &c.
excusatur à reliquis horis, *ibid.* n. 116.

Hostia, pro peccato, & hostia pacifica quid? v.
Sacrificium.

Hugonotæ, v. *Calvinistæ*.

Hufs. (Joannes) hæresiarcha, c. II. n. 102.

Hyperdulia, v. *Sanctorum cultus*.

I.
Jacobellus Missensis, hæreticus, Auctor opinionis de
communione sub utraque specie, c. II. n. 102.
S. J.

S. Jacobus de Marchia contra fraticellos prædica-
vit, c. I. n. 11.

Janſenius. (Cornelius) ſubjicit ſe cenſuræ Eccleſiæ,
c. III. n. 2.

Hiſtoria de ejus vita, *ibid.* n. 11.

Eſt diſtinguendus ab alio ejusdem nominis, *ibid.*

Ejus propoſitiones ab Innocentio X. damnatæ,
ibid. n. 12. & ab Alexandro VII. *ibid.* n. 13.

Item à Clemente XI. *ibid.* n. 13.

Janſeniſtarum effugia rejiciuntur, *ibid.*

Ejus liber *Auguſtinus*, *ibid.*

Ejus quinque Propoſitiones damnatæ declaran-
tur, *ibid.* n. 14.

Quomodo ejus errores fuerint, eo mortuo, pro-
pagati per ſectatores? *ibid.* n. 21.

Quomodo Janſeniſtæ convenient cum Lutherana-
nis, & maxime cum Calviniſtis? *ib.* n. 62. &c.

Janſeniſtæ moderni quomodo impugnandi? *ib.*
v. *Argumenta*.

Quo jure ſe nominent Auguſtinianos? c. IV.
n. 182.

Jejunium, quid de eo Lutherani? Quoad ciborum
diſcrimen, & obligationem, ac meritum, c. II.
n. 124.

Catholicorum rationes pro illo, *ibid.* n. 125. &c.

Abſtinentia eſt res honeſta, *ibid.*

Non novus modus, ſed jam in primitiva Eccle-
ſia rigide obſervatus, *ibid.* n. 126.

Jejunia sunt meritoria, & satisfactoria, *ibid.*

Quomodo ipsi Acatholici dies poenitentiae, & precationis cum Jejunio instituunt? *ibid.*

Lutheri circa hoc sententia, *ibid.*

Cibi carnales quando & quomodo coinquinant hominem, *ibid.* n. 127.

Jejunii præceptum non est divinum, sed ab Ecclesia recte institutum, *ibid.*

Variae objectiones solvuntur, *ibid.* n. seqq.

Præceptum graviter obligat, c. IV. n. 33.

Jejunium quomodo frangatur per plures comestiones modicas? *ibid.* n. 42.

A Jejunio quando excusentur corporaliter laborantes, itinerantes, & quid de Lacticiniis, *ibid.* n. 42. 43. & 44.

Ignorans vincibiliter, vel invincibiliter, quod Deus sit, non potest absolvi, c. IV. n. 136.

Quid de ignorantibus alia principalia Mysteriorum fidei? *ibid.* n. 138.

Ignorantia invincibilis an in statu naturæ lapsæ excuset à peccato? *ibid.* n. 144.

Illuminati, certi hæretici, c. I. n. 14.

Eorum dogmata, *ibid.* n. 16.

Imago Patris cœlestis an sit in templo ponenda? c. IV. n. 177.

Imolatio, v. *Sacrificium.*

Imperfectio, v. *Actus indifferentes.*

Indifferentes, v. *Actus.*

- Incarnatio Verbi divini: quid de ea tradat confessio
Augustana, c. II. n. 17.
- Indulgentiæ quomodo probentur, contra Luthera-
nos & Calvinistas? c. II. n. 154. 155.
- Quid de revocatis à Paulo V. c. IV. n. 48. 49.
- De Indulgentiis Rosarii Franciscani? *ibid.*
- Item stationis SS. Sacramenti? *ibid.*
- Infallibilitas, v. *Papa*, item *S. Augustinus*.
- Infideles an fuerint redempti à Christo? cap. IV.
n. 146.
- An habeant gratiam sufficientem? *ibid.* n. 148.
- An peccent in omni opere? *ibid.* n. 150.
- Innocentes, an, & cur DEUS affligat? c. III. n. 50.
- Innocentii X. Constitutio, *cum occasione*, damnan-
tis Propositiones Jansenii, c. III. n. 12.
- Innocentii XI. Propositiones ab eodem damnatae,
c. IV. n. 59.
- Ejus Decretum de Communionem quotidiana,
c. IV. n. 122.
- Intentio ex parte Ministri Sacramenti requisita, qua-
lis? c. IV. n. 180.
- Invocatio SS. v. *Sanctorum cultus*.
- Interim*, Certa Formula Religionis, c. II. n. 9.
- S. Joannes Capistranus persecutor Fraticellorum,
c. I. n. 11.
- Joannes Scotus Erigena, alius à Joanne Duns Scoto,
c. II. n. 181.
- Quo tempore vixerit, *ibid.* n. 183.

Joviniani Hæresis, c. III. n. 4.

S. Irenæus B. V. Mariam vocat Advocatam, c. II. n. 87.

Judex in controversiis fidei necessarius, *Proleg.* n. 1.

Judex an possit accipere pecuniam pro sententia in causa utrinque probabili, c. IV. n. 37.

An possit sequi opinionem minus probabilem
ibid. n. 64.

Juramentum: In Juramento assertorio non admittitur parvitas materiæ, c. IV. n. 85.

Justificatio hominum: quænam circa eam sit opinio Confessionis Augustanæ? c. II. n. 18.

Et Calvini, *ibid.* n. 150.

Et Simonis Magi, *ibid.* n. 165.

L.

Laodicense Concilium quomodo intelligendum
c. II. n. 86.

Latria, v. *Sanctorum cultus.*

Laus B. V. Mariæ, v. *Cultus.*

Legatum annuum, pro anima relictum, non durat ultra 10. annos, est propositio falsa, c. IV. n. 10.

Lex, an ad ejus validitatem requiratur acceptio populi? *ibid.* n. 39.

Libamen quid sit? v. *Sacrificium.*

Liber, seu Auctor probabilis quis dicatur? c. IV. n. 38.

Liber Concordiæ; quo Auctore compositus? c. IV. n. 13.

List-

- Libertas Evangelica in quo consistat? c. II. n. 143.
 Libertas indifferentiæ, seu à necessitate, c. II. n. 173.
 c. III. n. 63.
 Libertas voluntatis alia à coactione, alia à necessitate, c. II. n. 69.
 Libertas indifferentiæ & rectitudinis, *ibid.*
 Libertas à coactione an sufficiat ad peccatum in statu Naturæ lapsæ? c. IV. n. 143.
 Utrum sit sufficiens libertas Adami, nobis propter peccatum originale imputata? *ibid.*
 Libri prohibiti, donec expurgentur, an possint retineri? c. IV. n. 58.
 Liturgiæ S. Petri & S. Jacobi, c. II. n. 87.
 Liturgia Græcis est idem ac Missa, *ibid.* n. 108.
 Lucas Osiander putatur ab aliquibus Auctor libri Concordiæ, c. II. n. 13.
 Luneburgensis Dux, Ernestus Lutheri affecula, c. II. n. 6.
 Lutherus (Martinus) quisnam fuerit? Ejus ortus & Religionis ingressus, c. 2. n. 1.
 Ejus superbia & occasio contradicendi Ecclesiæ, *ibid.* n. 2.
 Ejus Doctrina à Leone V. damnata, *ibid.* n. 3.
 Propositiones ejusdem in compendio relatæ, c. II. n. 4.
 Ejus Damnationis publicatio per Carolum V. Imper. *ibid.* n. 5.
 Ejus Apostasis, *ibid.*
 P. Anasl. Reiffenst. Theol. Supplem. R r Qua

Quales Principes Germaniæ in suas partes traxerit? *ibid.* n. 6.

Ejus sententia de Eucharistia iterum mutata, c. II. n. 33.

De fide scandalosa dicta, *ibid.* n. 25. in fin.

Ejus doctrina de libero arbitrio, *ibid.* n. 65.

Ejus sensualitatis descriptio juxta Epistolam S. Judæ, *ibid.* n. 71.

Ejus sententia de bonis Operibus, *ibid.* n. 22. 80. § 126.

Ejus effugia per varias Appellationes &c. c. 3. n. 3.

Ejus mors, c. II. n. 7.

Lutherani, v. *Schmalchaldicum fœdus.*

M.

Machabæorum libri an sint Canonici? *cap. II. n. 114.*

Machometistæ à Lutheranis damnati, c. II. n. 14.

Magistratibus obediendum, *ibid.* n. 63.

Mandata divina gravia non sunt, *ibid.* n. 74.

Contrarium volunt Lutherani, *ibid.* n. 75.

Calvinus, *ibid.* n. 150. 173.

Manichæi quando damnati? *Prol. n. 6. p. 2.*

Etiā à Lutheranis, c. 2. n. 14.

Vinum abhorrent tanquam à Diabolo creatum *ibid.* n. 103.

Eorum error in duplici anima seu principio *ibid.* n. 176.

- Margarita Porreta, Institutrix sectæ Beguniarum
damnatarum, c.I. n. 12.
- B. Maria an indiguerit purificatione? c. 4. n. 176.
- Melanchton (Philippus) Compositor *Confessionis*
Augustanæ, c. II. n. 6.
- Mendacium æque fit, factis ac Verbis, c. IV. n. 87.
- Nunquam licet, *ibid.* n. 103.
- Mendicantes an possint absolvere à Casibus Episcopo
reservatis, sine licentia, c. IV. n. 22. v. *Regulares*.
- Merita Christi, v. *Christus*.
- Millevitanum Concilium, *Prol.* n. 6. p. 271.
- Ministerium Evangelii: Doctrina circa illud Con-
fessionis *Augustanæ*, c. II. n. 21.
- Missæ, quid contra eam calumentur Acatholici,
c. II. n. 107.
- Etiā ipsi celebrant in lingua germanica, *ibid.*
- Missas privatas non admittunt, sed tantum publi-
cas, & quomodo? *ibid.*
- Negant triplicem ejus fructum, propitiatorium,
impetratorium, & satisfactorium, *ibid.*
- Negant quoque in ea contineri verum sacrifi-
cium, *ibid.*
- Varios in ea nobis affingunt abusus, *ibid.*
- Missæ quid sit apud Catholicos? c. II. n. 108.
- Et verum Sacrificium, *ibid.* n. 111.
- Propitiatorium, impetratorium, & satisfacto-
rium ex opere operato, *ibid.* n. 113.
- Prodest defunctis quoad fructum satisfactorium,
ibid. n. 114.
- Quid de Missis publicis, seu communibus in
quibus nempe populus communicat, & de
privatis? *ibid.* n. 115.

Quo sensu Missam privatam Lutherani accipiant?
ibid. n. 116.

Cur ea legenda in lingua latina & non in vul-
gari? *ibid.* n. 117. & c. III. n. 54.

Calumniæ contra Missam circa quæstum, & alie
refutantur, c. II. n. 118.

An in Missa simul possit esse Sacramentum & sa-
crificium? *ibid.* n. 19.

Stipendium pro una Missa duplicatum non potest
esse accipi, applicando fructum specialissimum
c. IV. n. 18.

Nec stipendium minus alteri dari, retenta
parte stipendii, *ibid.* n. 19.

Nec una Missa offerri pro pluribus, & accepta
singulis ordinario stipendio, *ibid.* n. 20.

Sacrificium Missæ quomodo sit infiniti valoris
ibidem.

Missam audiendi præcepto non satisfacit per parvam
simul celebrantium, *ibid.* n. 115.

Moderaminis inculpatæ tutelæ excessus quomodo
damnatus? *ibid.* n. 88.

Mohatra, Contractus, quid sit? & quomodo
hibitus? *ibid.* n. 98.

Molinos (Michaël) quis fuerit? c. I. n. 6.

Ejus errores in Theologia Mystica, *ibid.* n. 7.

Ejus Propositiones damnatæ, *ibid.* §. III. p. 1.

A quibus hæreticis suos errores desump-
sit, *ibid.* n. 9.

Monachi eorum vota à Lutheranis ut impossi-
bilia &c. declamata, c. II. n. 133.

A Catholici defensa, *ibidem.*

Suadentur à S. Scriptura & Evangelico.

Sunt possible & laudabilia, *ibid.*
 Ab iis, qui voverunt, servanda, *ibid.*
 Falsum est dictum Lutheranorum, quod post
 Professionem Votorum solemnem libere olim
 potuerint exire, *ibid.*
 Item quod eorum vota sint contra præceptum
 divinum, *ibid.*
 Item quod sint impossibilia, *ibid.* n. 140.
 Item quod contineant cultum impium, *ib.* n. 141.
 In quo sensu Professio Religiosa dicatur alter
 Baptismus? *ibid.*

N.

Nicænum Concilium, *Proleg.* n. 6.
 Ninivitæ qualem egerint poenitentiam? *cap.*
 IV. n. 166.
 Norimbergensis civitas Luthero adhærens, c. II.
 n. 6.
 Novatianorum hæresis, *Proleg.* n. 6.
 Etiam à Lutheranis damnata, c. II. n. 40. & c.
 III. n. 4.
 Nuptias quomodo licitas esse declarent Confessio-
 nistæ Augustani? c. II. n. 63.

O.

Objectum virtutis, v. *virtus.*
 Occidere Calumniatorem nec laico licet, mul-
 to minus Clerico, c. IV. n. 27.
 Nec falsum accusatorem &c. *ibid.* n. 28.

- Nec Marito Uxorem in adulterio deprehensam
ibid. n. 29.
- Officium divinum, v. *Hore Canonice.*
- Opera bona: quæ circa ea tradat Confessio Augu-
 stana? c. II. n. 18. 22. & 79. & Calvinus
 n. 159.
- Lutherus ea damnat ut peccaminosa, c. II. n.
 23. & 80.
- Vocantur à Confessione Augustana opera puer-
 lia, *ibid.* n. 79.
- Sunt meritoria, & satisfactoria, *ibid.* n. 61. 62.
 & 144.
- Quam diverse de illis sentiant ipsi Lutherani,
ibid. n. 146.
- Operari intuitu æternæ Beatitudinis an DEO pla-
 ceat? c. IV. n. 152. & 155.
- Opinio probabilis, v. *Sententia.*
- Ordinationes civiles legitimæ sunt opera DEI,
 c. II. n. 63.
- Ordo Ecclesiasticus: quid de eodem tradat Con-
 fessio Augustana? *ibid.* n. 59.
- Origenes quid scribat de invocatione Sanctorum,
ibid. n. 87.
- Originale peccatum, v. *Peccatum.*
- Osculum quando & quale sit peccatum? c. IV. n. 152.
- Osiander, v. *Lucas.*
- Osmus (Petrus) hæreticus à Sixto IV. dam-
 nus, c. 3. n. 56.

P.

Pœnitentia, sensus A catholicorum de ea, n. 40.

- Non tegit peccata, sed tollit, *ibid.* n. 55.
 Nullatenus differenda, contra Quenellium, c. III.
 n. 57.
 Non satisfacit præcepto qui facit Confessionem
 voluntarie nullam, c. IV. n. 24.
 Pœnitens non potest sibi substituere alium qui loco
 ipsius pœnitentiam adimpleat, *ibid.* n. 25.
 Dimidiate tantum confessus an possit absolvi ob
 magnum concursus, *ibid.* n. 126. & 127.
 Palatinus Elector *Fridericus* Lutheri fautor, c. II. n. 9.
 Papa est supremus Judex Controversiarum in Ma-
 teria fidei & morum, *Prol.* n. 3.
 Et infallibilis, si loquatur ex cathedra, *Prol.* n. 4.
 Cum vel sine Concilio generali, *ibid.* n. 6. & c. III.
 n. 4.
 Quando dicatur loqui ex cathedra? *Prol.* n. 5.
 Etiam extra Concilium hæreticas Propositiones
 jam a primis sæculis damnavit, *Prol.* n. 6. &
 c. III. n. 4.
 Quomodo sit infallibilis non solum in quæstione
 juris, sed etiam facti, c. III. n. 6.
 An sit infallibilis extra Concilium generale in
 Materia fidei & morum? c. IV. n. 181.
 Papinottus, Albertus, Calvinus Discipulus, c. II. n. 148.
 Parvuli, an recte Baptizentur? c. II. n. 31.
 Passaviensis Transactio, *ibid.* n. 10.
 Pastores A catholicis non habent potestatem do-
 cendi, absolvendi, &c. *ibid.* n. 21. & 59.
 Patris Cælestis imago an sit collocanda in templo,
 c. IV. n. 177.
 Pax Westphalica, Osnabrugensis, & Monasteriensis,
 c. II. n. 10.

Peccator, quomodo dicendus mortuus, & servus peccati? c. II. n. 73.

Peccatum originale an sit materia pœnitentia, c. IV. n. 172.

Quid de eo docuerit Confessio Augustana, c. II. n. 15. & Calvinus, *ibid.* n. 150.

Peccati causa ab eadem Conf. Aug. assignata, *ib.* n. 74. Definitionem peccati etiam ipsi admittunt, *ibid.* n. 76.

Veniale aliter interpretantur, *ibid.* n. 77.

Peccata quomodo dicantur testâ? *ibid.* n. 55.

Obliqua an & quando in Confessione exprimenda? c. IV. n. 21.

Quomodo quis in aliena influere dicatur, *ib.* n. 111. Peccata venialia quomodo possit quis formare efficax propositum ea vitandi? *ibid.* n. 134.

Peccatum philosophicum, an etiam in illo, qui Deum ignorat, sit mortale? *ibid.* n. 141.

Philosophicum & Theologicum quid, *ib.* n. 151.

Peccatum sub ratione turpitudinis consideratum quid? *ibid.*

Ut contrahatur qualem requirat libertatem, *ibid.* n. 143.

Pelagiani etiam a Lutheranis damnati, c. II. n. 18. & c. III. n. 4.

Peregrinationes à Calvino exploduntur, c. II. n. 150.

Petrus Dresdensis, hæreticus, propugnator Communionis sub utraque specie, c. II. n. 102.

Pii V. Constitutio, ex omnibus damnans propositiones Michaelis Baji, c. III. n. 9.

Pongiluppus (Hermannus) Auctor Beguinorum, c. I. n. 11.

- Pontifex, vide *Papa*.
 Potestas Ecclesiastica, v. *Ecclesia*.
 Prædestinati qui apud Calvinistas? c. II. n. 77. &
 157. vide *Calvinus*.
 Sensus Catholicorum, *ibid.* n. 158.
 Præmii (Mercedis) intuitu operans non peccat,
 c. III. n. 45.
 Presbyteriani, vide *Calvinista*.
 Priscilliani, hæretici, c. III. n. 4.
 Privilegia, quibusnam, à Tridentino revocatis Re-
 gulares nec in foro conscientiæ uti possint?
 c. IV. n. 48.
 Probabilis sententia in Sacramentis conferendis non
 potest praticari relicta tutiore, *ibid.* n. 61.
 An hoc sit dicendum, si sententia minus tuta
 sit probabilior? *ibidem*.
 Probabilitas tenuis quæ, & an tenenda? *ibid.* n. 66.
 Professio Religiosa, vide *Monachi*.
 Promulgatio Decretorum damnantium non requi-
 ritur in Episcopatibus; sed sufficit Roma facta,
Prol. n. 14.
 Idque est verum non obstante quod in ordine
 ad alias leges, seu Constitutiones sententia
 contraria sit probabilis, *ibid.*
 Propositionum damnatarum variæ species, *Proleg.*
 n. 7.
 Propositio quando dicatur hæretica, vel suspecta,
 male sonans? *ibid.* n. 8.
 Quid si damnetur prout jacet? *ibid.* n. 9. &
 c. III. n. 6.
 Si contineat plures partes, *Prol.* n. 10.
 Peccat graviter eam defendens, *ibid.* n. 11.

Etiā disputandi gratia, nisi simul fundamenta
apparentia solvat, *ibid.* n. 12.

An & quando peccet, qui eam in praxin deducit, *ibid.* n. 13.

Propositiones hæreticæ damnatæ à Pontifice extra
Concilium, *ibid.* n. 6.

Publicatio Bullæ damnationis ejusmodi qualis
requiratur, *ibid.* n. 14.

Propositiones damnatæ ab Alexandro VIII. c. IV.
§. VII. n. 142.

Propositum, v. *Consuetud. navi*, propositum circa
Venialia, v. *peccata Venialia*.

Proximus: de bono vel malo proximi, an & quo
modo liceat gaudere vel tristari? c. IV. n. 73.

74. *§. seqq.*
Purgatorium. Quid de illo dicat Confessio Augu-
stana? c. II. n. 151.

Quid moderni Lutherani & Calvinistæ, *ibid.*

Quomodo probetur existentia Purgatorii, *ibid.*
n. 152. *§. 153.*

Quomodo anima non detineatur ultra 10. annos
in Purgatorio est opinio falsa, c. IV. n. 56.

Purificatione an indiguerit B. V. Maria? *ibid.* n. 176.

Quenellii, seu, ut vulgo scribitur, Quesnellii
(Paschalii) professio fidei ante mortem emis-
sa, c. III. n. 1.

Mansit tamen in sua Appellatione contra Bullam
Unigenitus usque ad mortem, *ibid.* n. 21.

Argumenta contra Quesnellianos, *ibid.* n. 4.

Ejus

- Ejus societas cum Antonio Arnaldo, & resuscitatio errorum Jansenii, *ibid.* n. 21.
 Ejus liber *Reflexiones morales in Novum Testamentum*, *ibid.*
 Ejus Mors, *ibid.*
 Propositiones ejus à Clemente XI. damnatæ explicantur, *ibid.* n. 22.
 In pluribus reassumit hæreses Lutheri, Calvini, Baji, & aliorum, ab Ecclesia reprobatorum, *ibid.* n. 42. 45. 52. 63.
 Ecclesiæ quam injuriosus? *ibid.* n. 53. § 61.
 Quæsnelliani quomodo convenient cum Lutheranis, & maxime cum Calvinistis? *ibid.* n. 63.
 Queneri quales hæretici, c. I. n. 14.

R.

- R**egulares Prælati an possint absolvere à casibus Bullæ Cœnæ sæculares &c. c. IV. n. 8. & 9.
 Regulares Medicantes an recte excipiant sæcularium Confessiones? *ibid.* n. 173.
 An de ipsis sine peccato possit formari suspicio quod disproportionatas imponant pœnitentias propter Eleemosynam? *ibidem.*
 Reitlinga, Civitas, Lutherum sequens, c. II. n. 6.
 Renati, & renovati, quid apud Lutheranos, & qualis inter eos differentia? *ibid.* n. 75. & 77.
 Reprobatio, seu præordinatio ad mortem æternam, juxta Calvinum qualis? v. *Calvinus.*
 Reprobatio positiva & negativa quid? c. II. n. 70.
 Res civiles quomodo intelligantur in Confessione Augustana, *ibidem* n. 63.

Re-

Restitutio non fit per Eleemosynam; quæ obligationem præcedit, c. IV. n. 45.

An ad eam teneatur movens aliquem ad inferendum damnum, *ibid.* n. 97.

Restrictio pure Mentalis damnata, *ibidem* n. 86.

Revelationes aliæ divinæ, diabolicæ, & imaginariæ, c. I. n. 5.

Quanam circa eas observanda, per 4. genera Causarum, *ibid.*

Ritus Ecclesiastici, quid de iis scribant Augustanæ Confessionis Auctores? c. II. n. 60.

Et quid Catholici, *ibid.* n. 61.

Obligant in conscientia, *ibid.* n. 62.

S.

Sabellianorum hæresis, *Prol.* n. 6. & c. III. n. 4.

Sacerdotes creati sunt Apostoli in ultima Cœna, c. II. n. 93. & 98.

De eorum conjugio motiva Acatholicorum, c. II. n. 104.

Rationes Catholicorum pro contraria sententia, *ibid.* n. 105.

Sacerdos ex necessitate in peccato mortali celebrans, tenetur quamprimum confiteri, c. IV. n. 51.

§ 52.

Sacramenta, de eorum administratione, quomodo sentiant, convenienter cum Catholicis, Acatholici? c. II. n. 29.

Per malos collata non perdunt efficaciam quam habent ex Opere operato, *ibid.* n. 29. & 54.

Quomodo in Confessione Augustana describantur? *ibid.* n. 50.

Ec

Et quomodo à Catholicis? *ibid.* n. 52.

Quid de iis Calvinus? *ibid.* n. 150.

Quot admittant Lutherani? *ibid.* n. 50.

Et Calvinus, *ibid.* n. 150.

Sunt septem, *ibid.* n. 56.

Etiā ab Ecclesia Græca tot admittuntur, *ibid.*

Etiā ex S. Scriptura probantur, *ibid.* n. 57.

Sacramenta conficiens qualem debeat habere intentionem? c. IV. n. 180.

Sacramentarium hæresis, c. II. n. 181. & 183.

Sacramentum (Venerabile,) v. *Cæna Domini*.

Sacrificium quid sit? c. II. n. 109.

Dividitur in Victimam, immolationem, & libamen, *ibid.* n. 110.

In propitiatorium & Impetratorium, *ibid.*

In Holocaustum, Hostiam pro peccato; & Hostiam pacificam, seu sacrificium Laudis, *ibid.*

Salignac, v. *Fenelon*.

Samosateni, hæretici, etiā à Lutheranis damnati, c. II. n. 14.

Sanctorum cultus, quomodo à Lutheranis explicetur? *ibid.* n. 82.

Quid de eorum invocatione Catholici teneant? *ibid.* n. 83. 84. & n. 150.

Cultus alius civilis, seu politicus, alius Religiosus, *ibid.* n. 84.

Cultus Patriæ, Hyperdulæ, & Dulæ, *ibidem*.

Cultus alius absolutus, alius respectivus, c. II. n. 150.

Invocatio Sanctorum alio modo fit quam DEI, *ibid.* n. 85.

Licite eos invocari ex S. Scriptura deductive probatur, *ibid.* n. 86.

Item

- Item ex Traditione antiquissima SS. PP. *ib. n. 87.*
 Quomodo Sancti videant & audiant nostras preces & miseras, *ibid. n. 89.*
 Quid de cultu & invocatione SS. tradat Calvinus? *ibid. n. 150.*
 Uti & de eorum Reliquiis & imaginibus, *ibid.*
 Quid docuerint Faustus Manichæus, & Vigilantius, hæretici, c. II. n. 195.
 Sancti PP. antiqui etiam à Calvinistis acceptantur, *ibid. n. 165.*
 Satisfactio an debeat præcedere absolutionem? c. IV. n. 170.
 Item an S. Communionem? *ibid. n. 174.*
 Saxoniæ Elector Joannes Lutheri protector, c. II. n. 6.
 Item Mauritius, n. 10.
 Schmalcaldicum fœdus, c. II. n. 8. & 10.
 Schwenfordii, in Franconia, Lutheranorum Congressus, *ibid. n. 7.*
 Scorus, v. Joannes.
 Scriptura Sacra non omnibus clara, *Prol. n. 3.*
 Quomodo probeatur quod sit Verbum DEI? c. II. n. 191.
 Scripturæ libri Canonici quomodo probentur, *ibid.*
 Sententiam inter probabiles probabilissimam an sequi possimus, relicta tutiore? c. IV. n. 145.
 Serra, v. Bannez.
 Servus peccati & justitiæ quis? c. II. n. 73.
 Simon Magus, ejus hæresis, *ibid. n. 195.*
 Simonia, de variis modis eam committendi, c. IV. n. 103. usque 108.
 Smidelinus, Tubingenſis Cancellarius, putatur, Auditor libri Concordiæ, c. II. n. 13.

Sollicitationis in Confessionali crimen quomodo denuntiandum? c. IV. n. 15. & seqq.

Spei actus quomodo eliciendi? c. I. n. 19. 20. & 21.

Spei Theologica actus diversi, persecutivi & aver-
sativi, c. IV. n. 157. & 158.

An possint esse moraliter boni & meritorii; abs-
que aliquo actu Dilectionis DEI super omnia?
ibid. n. 161.

Stipendium Missæ, v. *Missæ*.

Stocco seu Mohatra, v. *Mohatra*.

Suffocatio uteri quid sit? c. I. n. 3.

Superfluum statui quomodo accipiendum? c. IV.
n. 72.

T.

Theologia Mystica quid sit? c. I. n. 1.

Polemica, c. II. in princ.

Speculativa, c. III. in princ.

Moralis, c. IV.

Timor filialis quis? c. IV. n. 163.

Gehennæ, an bonus & supernaturalis? *ib.* n. 162.

Servilis quis & quotuplex? *ibidem*.

Traditiones quomodo accipiendæ? c. II. n. 26. & 56.

Transactio Passaviensis? c. II. n. 10.

Turpitudine peccati quid importet? c. IV. n. 151.

Tutiora an semper teneamur sequi? *ibid.* n. 146.

V.

Valentiniani, hæretici, à Lutheranis damnati,
c. II. n. 14.

Vergerius (Joannes) Jansenii Collega, c. III. n.
11. & 21.

Vernovius (Joannes) Calvini Discipulus, c. II. n. 148.

Ve-

Verosius (Philippus) Calvini Discipulus, c. II.
n. 148.

Victima quid sit? v. *Sacrificium*.

Vigilantius hæreticus, c. II. n. 195. & c. III. n. 4.

Virtus quomodo specificetur ab objecto? cap. IV.
n. 156.

Virtutis objectum qualiter debeat esse honestum
ibid. n. 159.

Quomodo eadem virtus habeat alios actus pro
secutivos objecti, & alios averſativos? *ibid.* n. 157.

Virtutes Theologicæ quale habeant objectum? *ibid.*
n. 158.

Visiones aliæ Corporales, Imaginatoriæ, & Intel-
lectuales, c. I. n. 4.

Unigenitus: Bulla ab universali Ecclesia recepta
non obstante contradictione paucorum in
Gallia, *Prolog.* n. 15. c. III. n. 4. & 21.

Volmarus, Lutheranus, Calvini Magister, c. II. n. 148.

Vota Religiosa, v. *Monachi*.

Urbanus, v. *Bulla Urbani VIII.*

Usura, plura de Usuris, c. IV. n. 99. 100. 101.

W.

Wiclef hæreticus, c. II. n. 102.

Ejus Sectatores, *ibid.* n. 181.

Z.

Zwingliani, c. II. n. 181.

FINIS.



c. II.

n. 4.
ap. IV.

estum

as pro

n. 157

n. 2 ibid.

& Intel

cepta

um in

n. 148.

ol.

ol.

ol.

ol.

ol.

ol.

ol.

ol.

ol.

ol.

ol.

ol.

ol.

ol.



Biblioteka Jagiellońska



stdr0025084

